





*chi l'a pi 'd fil farà pi 'd teila*

*Ex libris*

LUIGI FIRPO

26. 5. 22.



FIRPO

2767


BIBLIOTECA NAZIONALE  
TORINO













LIBRERIA  
FILIOSO  
de  
CIVILE

LIBRERIA  
FILIOSO

LIBRERIA

LIBRERIA

EXCELLENTISSIMO  
VIRO,  
GUILIELMO,  
COMITI  
DEVONIÆ,  
DOMINO MEO,  
Colendissimo.

**P**Opuli Romani, memoriâ  
Tarquiniorum, & civitatis  
instituto, Regibus iniqui,  
vox erat (*Excellent. Domine*)  
prolata ore *Marci Catonis Censoris*, Re-  
ges omnes de genere esse bestiarum  
rapacium. Ipse autem Populus Roma-  
nus, qui per *Africanos, Asiaticos, Mace-*  
*donicos, Achaicos*, cæterosque à spoliatis  
gentibus cognominatos cives, totum  
ferè orbem terrarum diripuerat, qua-  
lis bellua erat? Non minus ergò quam  
*Cato*, sapienter dixit *Pontius Telefinus*. Is  
prælio ad *Portam Collinam* contra *Syl-*  
*lam* circumvolans ordines exercitus  
sui; vociferatusque, eruendam delen-  
damque ipsam Romam, adiciebat,

## E P I S T O L A

nunquam defuturos Raptores Itali-  
 cæ libertatis *Lupos*, nisi Sylva, in quam  
 refugere solerent, esset excisa. Profe-  
 cto utrumque verè dictum est, *Homo*  
*homini Deus*, & *Homo homini Lupus*. Il-  
 lud, si concives inter se; Hoc, si civi-  
 tates comparemus. Illic justitia, &  
 caritate, virtutibus pacis, ad simili-  
 tudinem Dei acceditur; Hîc propter  
 malorum pravitatem, recurrendum  
 etiam bonis est, si se tueri volunt, ad  
 virtutes Bellicas vim & dolum, id  
 est, ad ferinam rapacitatem. Quam  
 etsi homines pro convitio invicem  
 objiciant, more innato, facta sua in  
 personis aliorum, tanquam in specu-  
 lo, sinistra dextra; dextra sinistra exi-  
 stimantes; vitium tamen esse non si-  
 nit profectum à necessitate conser-  
 vationis propriæ jus naturale. Quod  
 autem *Catoni*, viro sapientiæ celebra-  
 tissimæ, Odium pro Judicio, Affe-  
 ctus pro Ratione imponere in tan-  
 tum potuit, ut quod æquum in po-  
 pulo suo, idem Reges facere ini-  
 quum



## D E D I C A T O R I A.

quum censeret, mirari fortasse alii poterunt, ego sanè in ea opinione jam diu sum, neque egregiam sententiam unquam fuisse quæ placuit populo, neque sapientiam vulgari majorem vulgo agnosci posse; quippe quam vel non intelligunt, vel intelligentes æquant. Græcorum Romanorumque facta & dicta celebria, non Ratio, sed magnitudo, & sæpe illud ipsum lupinum, quod mutuo exprobrant Historiæ, commendavit, quæ unà cum publicis actionibus actores per cursum seculorum devolvit qualescunque. Sapientia vera nihil aliud est quam in omni materia veritatis scientia. Ea vero cum à memoria rerum per appellationes certas & definitas excitata derivetur, non animi acris & repentini impetus, sed Rationis rectæ, id est, Philosophiæ opus est. Per hanc enim à rerum singularum contemplatione ad præcepta universalia via aperitur. Quot autem genera rerum sunt, in

## E P I S T O L A

quibus Ratio humana locum habet, in tot ramos se diffundit Philosophia, diversè tamen pro diversitate subjectæ materiæ nominata. Nam quæ de figuris tractans, GEOMETRIA; de motu, PHYSICA; de jure naturali, MORALIS dicitur, tota PHILOSOPHIA est: quemadmodum mare, quod hîc Britannicum, illic Atlanticum, aliàs Indicum, à singulis litoribus appellatum, totum tamen est Oceanus. Et Geometræ quidem provinciam suam egregiè administraverunt. Quicquid enim humanæ vitæ auxilii contingit à fiderum observatione, à terrarum descriptione, à temporum notatione, à longinquis navigationibus; quicquid in ædificiis pulchrum, in propugnaculis validum, in machinis mirabile est; quicquid denique hodiernum tempus à prisca barbarie distinguit, totum ferè beneficium est *Geometriæ*. Nam quod *Physica* debemus, id debet *Physica* eidem *Geometriæ*.

# DEDICATORIA.

*tria.* Si Philosophi morales munere suo pari felicitate functi essent, non video, ad felicitatem suam in hac vita quid amplius contribuere humana industria posset. Cognita enim, pari certitudine, ratione actionum humanarum, qua cognoscitur ratio magnitudinum in figuris, ambitio & avaritia, quarum potentia falsis vulgi circa *jus & injuriam* opinionibus innititur, inermes essent, fruereturque gens humana pace adeò constante, ut non videatur (nisi de loco, crescente scilicet hominum multitudine) unquam pugnandum esse. Nunc quod bellum gladiis vel calamis perpetuum est: quod non sit juris & legum naturalium major scientia hodiè quam olim: quod sententiis Philosophorum utraque pars suum jus tueatur: quod alii laudent, alii vituperent eandem actionem: quod idem nunc probet, quæ alio tempore damnat, & sua facta in aliis aliter æstimet: signa manifestissima sunt, nihil profuisse ad

## E P I S T O L A

scientiam veritatis quæ hæctenus scripta sunt à Philosophis moralibus; placuisse verò, non illuminando animum, sed venusta & secunda affectibus oratione, opiniones temerè receptas confirmando. Huic ergo Philosophiæ parti idem contigit quod viis publicis, quibus omnes ingrediuntur, euntque prorsum & retrorsum, alii animi causa inambulant, alii rixantur, sed nihil feritur. Cujus rei unica hæc videtur esse ratio, quod nemo eorum qui materiam hanc tractarunt, commodo usus sit docendi principio. Non enim, ut in circulo, initium scientiæ arbitrio nostro sumi potest. Incipit in ipsis dubitandi tenebris filum quoddam rationis, cujus ductu evaditur in lucem clarissimam; ibi principium docendi est; inde ad solvenda dubia converso itinere lux referenda est. Quoties ergo scriptor filum illud, vel inscitiam deserit, vel cupiditatibus abrumpit, non scientiæ, sed errationum suarum vestigia



# DEDICATORIA.

stigia literis describit. Quapropter, cum cogitationes meas ad inquisitionem justitiæ naturalis convertissem, admonitus sum ab ipsa justitiæ appellatione, qua constans voluntas unicuique *jus suum* tribuendi significatur, quærendum prius esse, unde esset quod quis rem aliquam *suam* potius quam *alienam* esse diceret. Quod cum non à natura, sed à consensu hominum profectum constaret; (nam quæ natura in medium protulit, homines postea distribuerunt;) ducebar inde ad quæstionem aliam, nimirum, cui bono, & qua necessitate coacti, cum omnia essent omnium, voluerint potius sua cuique esse propria. Videbam autem, ex communitate rerum bellum, atque inde omne genus calamitatis, hominibus de earum usu per vim certantibus, necessariò sequuturum esse; id quod omnes natura fugiunt. Nactus ergo duo certissima naturæ humanæ postulata, unum cupiditatis natura-

# E P I S T O L A

lis, qua quisque rerum communium  
 usum postulat sibi proprium; alte-  
 rum rationis naturalis, qua quisque  
 mortem violentam tanquam sum-  
 mum naturæ malum studet evitare.  
 Ab his principiis pactorum & fidei  
 conservandæ necessitatem, atque in-  
 de virtutis moralis officiorumque ci-  
 vilium Elementa, in hac opella, evi-  
 dentissima connexionem videor mihi  
 demonstrasse. Quod adjectum est  
 de Regno Dei, eo consilio factum  
 est, ne quid inter dictata Dei per  
 naturam, & legem Dei traditam in  
 Scripturis, repugnantia esse videretur.  
 Operam etiam diligentem per  
 totum cursum orationis meæ dedi,  
 ne quid de legibus cujuscunque na-  
 tionis civilibus dicerem, id est, ne ad  
 litora accederem, tum scopulis, tum  
 præsentibus procellis periculosa.  
 Quantum laboris diligentiaque in  
 veritate investiganda adhibitum sit,  
 scio. Quid effecerim, nescio. nam in-  
 venta nostra omnes præ amore mi-  
 nus

# DEDICATORIA.

nus rectè æstimamus. Itaque libellum hunc censuræ tuæ quàm favori prius offero, ut apud quem certissimis experimentis exploratum habeam, opiniones neque celebritate autorum, neque novitate sua, neque specie orationis, sed firmitudine rationum favorabiles fieri. Si arrideat, id est, si nervosus, si utilis, si non vulgaris sit, tum demum eum tibi (*Excellentissime Domine, præsidium & decus meum*) humillimè dico dedicoque; sin erraverim, testem tamen habes gratitudinis meæ, quòd otium, beneficio tuo concessum, ad gratiam tuam promerendam uti voluerim. Te Deus Opt. Max. in statione hac mortali civem optimum protegat, eâque peractâ, sed longissimâ, civitatis cœlestis gloriâ coronet.

Parisis, Nov. 1.  
1646.

Excellentiæ tuæ servus  
humillimus.

THOMAS HOBBIUS.


\* 6.

PRÆ-

# P R Æ F A T I O

ad

## L E C T O R E S.

 *V*a res attentam Lectionem promissa efficere maximè posse videntur, Rei tractandæ Dignitas, & Viilitas, tractandirecta Methodus, causa & consilium inscribendo probum, scribentis denique Moderatio, eas, Lectores, vobis promitto, atque oculis aliquatenus ex hoc loco prospiciendas exhibeo. Describuntur hoc libello hominum officia, primò ut hominum, deinde ut civium, postremò ut Christianorum. Quibus officiis cum Iuris naturalis gentiumque elementa, justitiæque origo & vis, tum etiam Religionis Christianæ (quantum patitur instituti modus) essentia continetur.

*Q*uod quidem doctrinæ genus (excepto quod spectat ad Religionem Christianam) sapientum antiquissimi non nisi carminibus decoratum, vel Allegoriis adumbratum,



## AD LECTORES.

rum, quasi imperii mysterium quoddam pulcherrimum & sacrosanctum, ne privatorum hominum disputationibus contaminaretur, posteris tradendum esse censuere. Philosophi interea alii cum generis humani commodo rerum figuras & motus, alii sine incommodo rerum naturas & causas contemplantur. Temporibus autem quæ insequuta sunt, scientiam hanc civilem, etsi non penitus perspectam, aliqua tamen ex parte in Republicæ regimine, tanquam per nubem pelluentem, primus adamasse dicitur Socrates, itaque coluisse, ut despectâ desertâque omni aliâ Philosophiæ parte, solam hanc ingenio suo dignam judicaret. Post eum Plato, Aristoteles, Cicero, ceterique Philosophi Græci, Latini, denique omnes omnium gentium non modo Philosophi, sed etiam otiosi, quasi facilem, nullo studio ambiendam, cujuslibet ingenio naturali expositam & prostitutam attrectaverunt attrectantque. Quodque ad dignitatem ejus præcipuè facit, illi qui eam se habere putant, vel eo loco sunt, ut habere debeant,

## P R Æ F A T I O

*beant, adeò sibi in ejus specie vehementer  
 placent, ut reliquarum scientiarum stu-  
 diosos haberi & vocari ingeniosos, doctos  
 eruditos, quidlibet præter Prudentes, æquo  
 animo ferant. Nam nomen hoc propter  
 excellentiam peritia civilis sibi solis deberi  
 arbitrantur. Sive igitur scientiarum di-  
 gnitas ex dignitate eorum ad quos perti-  
 nent, sive ex numero eorum qui de ipsis  
 scripserunt, sive ex judicio sapientissimo-  
 rum hominum æstimanda est, dignissima  
 certe scientiarum hæc ipsa est, quæ ad  
 Principes pertinet, hominesque in regen-  
 do genere humano occupatos; cujus etiam  
 falsa specie omnes ferè homines delectan-  
 tur; & in qua Philosophorum excellen-  
 tissima ingenia maximè versata sunt.  
 Ejusdem Utilitatem, sed rectè tradita, id  
 est, ex veris principiis evidenti nexu de-  
 rivata, sic optime perspicimus, si, quæ  
 falsam ejus & loquacem speciem humano  
 generi consequuntur, damna considerave-  
 rimus. Nam in iis rebus quas ingenii exer-  
 cendi causa speculamur, si quis error ir-  
 repserit, innoxius est, neque sit jactura  
 nisi*

## A D L E C T O R E S.

nisi temporis tantum. In iis verò quæ quisque vivendi causa meditari debet, non modò ab errore, sed etiam ab ignorantia, offensiones, rixas, cædes oriri necesse est. Quanta ergo hæc damna sunt, tanta est ab officiorum doctrina bene tradita Utilitas. Quot Reges, eosdemque viros bonos, error unus, posse Regem Tyrannum à subdito suo jure occidi, occidi fecit Error hic, posse Principem summum certis de causis à certis hominibus regno spoliari, quantum hominum jugulavit? Quantum hominum interfecit doctrina hæc erronea, Reges summos multitudine superiores non esse, sed ministros ejus? Denique illa quot Rebellionum causa fuit, qua docetur, Imperata Regum utrum justa an injusta sint, cognitionem ad privatos homines pertinere, & priusquam fiant, disputari non modo jure posse, sed etiam oportere; Præterea in communiter recepta Philosophia morali alia sunt multa non minus his periculosa, quæ recitari non est opus. Puto, hæc prospexisse veteres illos, qui Institutiæ scientiam fabulis contextam, quam

dispu-



# P R Æ F A T I O

*disputationibus expositam esse maluerunt. Antequam enim quaestiones illiusmodi agitari cœperunt, Principes potestatem summam non postulabant, sed exercebant. Imperium suum non argumentis, sed hominum sceleratorum quidem pœna, proborum verò defensione tuebantur. Vicissim cives Iustitiam non sermonibus hominum privatorum, sed legibus civitatis metiebantur: nec disputationibus, sed vi Imperii in Pace continebantur. Imò potestatem summam sive in uno homine, sive in uno Consilio ea resideret, tanquam divinitatem quandam visibilem venerabantur. Itaque ambitiosis perditisque hominibus ad evertendum civitatis statum minimè, ut nunc, se adjuungebant. Nam, ut eam rem, per quam conservabantur ipsi conservatam esse nollent, in animum inducere non poterant. Scilicet illorum temporum simplicitas tam doctam stultitiam non capiebat. Itaque pax erat & seculum aureum, quod non antè finem habuit, quam Saturno expulso contra reges arma ferri posse doceri cœperat. Hac, inquam, veteres non modo*

## AD LECTORES.

*modo vidisse, sed in una suarum fabularum aptissime videntur significasse. Dicunt enim, Ixionem, cum esset à Iove adhibitus in convivium, adamasse, atque sollicitasse ipsam Iunonem. Illi pro Dea, nubem in ejus speciem formatam oblatam esse. Inde genitos esse Centauros, natura partim humane, partim equine, genus pugnax & inquietum. Id quod mutatis nominibus idem est ac si dixissent, Homines privatos, ad Concilia de summa Reipublica vocatos, Iustitiam, Imperii summi sororem & conjugem subycere suæ ipsorum cognitioni cupere, ceterum falsam & inanem ejus speciem quasi nubem amplexantes, dogmata illa Philosophorum moralium biformia, partim recta & speciosa, partim bruta & ferina, rixarum omnium & cedium causas, genuisse. Cum tales igitur opiniones quotidie oriantur, si quis discussisset nubes illas, rationibusque firmissimis ostenderit, Doctrinas de justo & injusto, bono & malo, præter leges in unaquaque civitate constitutas, autenticas esse nullas, & utrum aliqua actio justa, vel injusta, bona vel*

## P R Æ F A T I O

*vel mala futura sit, à nemine inquirendum esse, præterquam ab iis ad quos legum suarum interpretationem demandaverit, is certè non modo pacis viam regiam, sed etiam seditiõnis opacas & tenebrosas semitas commonstrabit. qua re utilius nihil excogitari potest.*

*Quod attinet ad Methodum, non orationis ordinem, quamquam conspicuus illè sit, solum sufficere, sed à civitatis materia incipiendum, deinde ad generationem & formam ejus, & justitiæ originem primam, progrediendum esse existimavi. Nam ex quibus rebus quæque res constituitur, ex iisdem etiam optimè cognoscitur. Sicut enim in Horologio automato aliave machina paulo implicatiore, quod sit cujusque partis roteque officium, nisi dissolvatur, partiumque materia, figura, motus, seorsim inspiciatur, sciri non potest: Ita in jure civitatis, civiumque officiis investigandis opus est, non quidem ut dissolvatur civitas, sed tamen ut tanquam dissoluta consideretur, id est, ut, qualis sit natura humana, quibus rebus ad civitatem*

*tem*



## AD LECTORES.

*tem compaginandam apta vel inepta sit, & quomodo homines inter se componi debeant qui coalescere volunt, recte intelligatur. Talem ergo Methodum secutus; Pono primo loco pro Principio omnibus per experientiam noto, quodque nemo est qui non confiteatur, nimirum, Ingenia hominum ejusmodi esse à natura, ut, nisi metu potentiae alicujus communis coercantur, fore ut sibi invicem diffidant & sese mutuo metuant, & ut propriis viribus singuli sibi cavere cum jure possint, tum necessario velint. Objicietis fortasse, nonnullos hoc negare. Ita verò est: permulti enim negant. Numnam igitur, qui eosdem idem & fateri & negare dico, mecum ipse pugno? Minimè quidem ego, sed illi qui, quod actionibus confitentur, id ipsum oratione negant. Videmus, civitates omnes, etiamsi cum vicinis pacem habeant, fines tamen suos praesidiis militum, urbes mœnibus, portis, vigiliis tueri. Quorsum hac, si à vicinis nihil metuerent; Videmus etiam ipsis civitatibus, ubi leges sunt & pœnae in malos constituta,*

# P R Æ F A T I O

ta, cives tamen singulares neque in itinere esse sine telo sui defendendi causa, neque dormitum ire nisi obseratis non modo foribus contra concives, sed etiam arcis capsulisque contra domesticos. Possintne homines, sibi met invicem omnesque omnibus diffidere sese, apertius significare; Quoniam autem omnes sic faciunt, tam civitates quam homines metum suum & diffidentiam mutuam confitentur. Inter disputandum autem negant, hoc est, studio contradicendi aliis, contradicunt sibi met ipsis. Objectum porro à nonnullis est, quod admissio hoc principio, continuo sequatur, Homines omnes non modò malos, (quod forte etsi durum, concedendum tamen est, cùm id clarè dictum videatur in Scripturis sacris) sed etiam (quod concedi sine impietate non potest) naturâ malos esse. Illud verò, homines naturâ malos esse, ex hoc Principio non sequitur. Nam etsi pauciores essent mali quàm boni, quoniam tamen bonos à malis internoscere non possumus, necessitas diffidendi, cavendi, anticipandi, subjugandi, quoquo modo se defendendi,

## AD LECTORES.

dendi, incumbit perpetuo etiam bonis & modestis. Minus verò sequitur, eos ipsos qui mali sunt, ita factos esse à natura. Quamquam enim à natura, hoc est, ab ipsa nativitate, ex eo quod nascantur, animalia hoc habeant, ut statim omnia quæ sibi placeant, cupiant faciantque quantum possunt, ut quæ impendent mala, aut metu fugiant, aut ira repellant, non tamen ob eam causam mali censeri solent: nam affectus animi qui à natura animali proficiuntur, mali non sunt ipsi, sed actiones inde provenientes, malæ aliquando sunt; nimirum quando & noxiæ sunt, & contra officium. Infantes nisi omnia quæ cupiunt, dederis, plorant atque irascuntur, etiam parentes ipsos verberant, habentque à natura, ut ita faciant; attamen culpâ vacant, neque mali sunt, primò quia nocere non possunt, deinde quia rationis usu carentes officiorum omnium immunes sunt. Idem si adulta ætate, acquisitis viribus quibus nocere possunt, eadem facere pergant, tum verò mali & esse & appellari incipiunt. Ita ut vir malus idem ferè sit, quod

## P R Æ F A T I O

quod puer robustus, vel vir animo puerili,  
 & malitia, idem quod defectus rationis ea  
 atate, qua per naturam, disciplinâ atque  
 damnorum experientiâ gubernatam, ac-  
 cidere hominibus solet. Nisi ergo homines  
 ideo à natura factos, malos esse dixerimus,  
 quod disciplinam & usum rationis à na-  
 tura non habent, confitendum est, posse  
 homines à natura cupiditatem, metum,  
 iram, ceterosque affectus habere anima-  
 les, ut tamen mali facti à natura non sint.  
 Immoto igitur quod jeci fundamento, of-  
 tendo primo, conditionem hominum extra  
 societatem civilem (quam conditionem  
 appellare liceat statum naturæ) aliam non  
 esse quam bellum omnium contra omnes;  
 atque in eo bello jus esse omnibus in omnia.  
 Deinde homines omnes ex eo statu misero  
 & odioso, necessitate naturæ suæ, simul at-  
 que miseriam illam intellexerint, exire  
 velle. Id autem, nisi initis pactis à jure suo  
 in omnia decedant, fieri non posse. Porro  
 quæ sit pactorum natura, quo modo jura  
 ab alio in alium, ut pacta valida fiant,  
 transferri debeant; item quæ jura & qui-  
 bus,

## AD LECTORES.

*bus, ad stabiliendam pacem necessario concedenda sunt, id est, quæ sint rationis dictamina ea quæ leges naturales appellari propriè possunt, explico & confirmo. Atque hæc sunt in ea parte libri quæ inscribitur Libertas.*

*His constitutis ostendo, quid & quotuplex sit, & quo modo fiat civitas, summumque civitatis Imperium; quæque à singulis hominibus civitatem constituturis jura in summum imperantem, sive is unus homo sit, sive unus hominum cœtus, ita necessario transferenda sint, ut nisi sint translata, civitas nulla fiat, & jus omnium in omnia, id est, jus belli maneat. Deinde civitatum diversas species, Monarchiam, Aristocratiam, Democratiam, Dominium paternum, & Despoticum, destinguo; quomodo constituantur, doceo, & commoda incommodaque singulorum inter se comparo. Præterea quæ res civitatem destruant, & quæ sint summum imperium administrantis officia, expono. Postremo legis & peccati naturas explico, & legem à consilio, à pacto, à jure distin-*

# P R Æ F A T I O.

*distinguo; quæ omnia sub titulo Imperii continentur.*

*In parte ultima cui inscribitur Religio, ne jus illud quod in precedentibus summos Imperantes in cives habere rationibus confirmaveram, Scripturis sacris repugnare videretur; Ostendo primo loco, non repugnare illud juri Divino, quatenus imperantibus imperat Deus per naturam, id est, per dictamina rationis naturalis. Secundo, idem non repugnare juri Divino, quatenus imperium habuit Deus in Judæos peculiare per pactum antiquum circumcisionis. Tertio, idem non repugnare jure Divino, quatenus Deus imperat in Christianos per pactum baptismale, adeoque jus illud summorum Imperantium, sive jus civitas, cum Religione omnino non pugnare. Postremo, ostendo quæ officia ad introitum in Regnum cælorum requiruntur necessario; atque ex illis, Obedientiam quam à civibus singulis Christianis Principi suo Christiano deberi affirmaveram, Religioni Christianæ repugnare non posse,*



## AD LECORES.

posse, ex Scripturæ sacrae testimoniis, secundum receptam ab omnibus interpretationem, evidentissime demonstro & concludo. Methodum vidistis; causam jam & consilium scribendi accipitote. Dabam operam Philosophiæ animi causâ, ejusque in omni genere Elementa prima congerebam, & in tres Sectiones digesta paulatim conscribebam, - ita ut in prima, de corpore, proprietatibusque ejus generalibus; in secunda, de Homine & facultatibus affectibusque ejus speciatim; in tertia, de Civitate, civiumque officiis ageretur. Itaque Sectio prima, Philosophiam primam, & Physicæ elementa aliquot continet. in ea Temporis, Loci, Causæ, Potentiæ, Relationis, Proportionis, Quantitatis, Figuræ, Motus, rationes computantur. Secunda circa imaginationem, memoriam, intellectum, ratiocinationem, appetitum, voluntatem, Bonum, Malum, Honestum, & Turpe, aliaque ejus generis occupatur. Tertia hæc quid agat, jam ante dictum est. Hæc dum compleo, ordine, lentè morosèque conscribo (non enim

\* \*

dissero,

## P R A E F A T I O

*dissero, sed computo) accidit interea, patriam meam, ante annos aliquot quam bellum civile exardesceret, questionibus de jure Imperii, & debitâ civium obedientiâ, belli propinqui præcursoribus, fervere. Id quod partis hujus tertia, cæteris dilatis, maturanda absolvendaque causa fuit. Itaque factum est, ut quæ ordine ultima esset, tempore tamen prior prodierit; præsertim cum eam, principiis propriis, experientia cognitis, innixam, præcedentibus indigere non viderem.*

*Feci tamen non eo consilio ut laudarer, (quamquam si fecissem, excusatione hac uti possem, nisi qui laudem amant, paucos esse qui laudabilia faciunt) sed vestri causa, Lectores, qui cum doctrinam quam affero, cognitam & perspectam haberetis, sperabam fore, ut aliqua incommoda in re familiari, quoniam res humane sine incommodo esse non possunt, æquo animo ferre, quàm Reipublicæ statum conturbari malletis. Ut Injustitiam earum rerum quas facere cogitatis, non sermone vel consilio privatorum, sed legibus civitatis mētientes, non*  
*amplius*

## AD LECTORES.

*amplius sanguine vestro ad suam potentiam  
ambitiosos homines abuti pateremini. Ut  
statu presenti, etsi non optimo vos ipsos  
frui, quam bello excitato, vobis inter-  
fectis, vel etate consumtis, alios homines  
alio seculo statum habere reformatiorem,  
satius duceretis. Præterea qui Magistratui  
civili subditos sese esse nolunt, onerumque  
publicorum immunes esse volunt, in civi-  
tate tamen esse, atque ab ea protegi à vi  
& injuriis postulant, ne illos, cives, sed ho-  
stes exploratoresque, esse putaretis, neque  
omnia, quæ illi pro Verbo Dei vobis vel pa-  
lam vel secreto proponunt, temerè recipe-  
retis. Apertius dicam. Si quis Conciona-  
tor, vel Confessor, vel Casuista, doctri-  
nam hanc, summum Imperantem, imò  
quemlibet hominem, injussu summi Impe-  
rantis, jure à cive interfici, aut rebellio-  
nem, conjurationem, fœdusve quodlibet  
civium contra civitatem jure iniri posse,  
verbo Dei consentaneam esse dixerit, illi ne  
crederetis, sed nomen ejus denunciaretis.  
Hæc qui probat, is meum quoque in scri-  
bendo consilium probum esse existimabit.*

## P R Æ F A T I O

*Postremò per totam orationem meam modum talem conservandum mihi proposui, primò ne de Iustitia singularium actionum quicquam determinarem, sed legibus determinandum relinquerem. Deinde, ne quicquam differerem de cujuscunq; civitatis legibus speciatim, id est, ne quæ sint, sed quid sint leges, dicerem. Tertio, ne civitati Aristocratica, vel Democratica, minorem à civibus obedientiam deberi quam Monarchica existimare viderer. Licet enim Monarchiam cæteris Civitatis speciebus Capite decimo commodiorem esse, argumentis aliquot suadere conatus sim; (quam rem unam in hoc libro non demonstratam, sed probabiliter positam esse confiteor) omni tamen civitati potestatem summam & æqualem tribuendam esse, passim & expresse dico. Quartò, de doctrinis Theologorum, præterquam de illis quæ civium obedientiam tollunt, & civitatis statum labefactant, ne quid in ullam partem disputarem. Postremò, ne quid per imprudentiam ederem, quod edito opus non esset, id quod conscripseram, publici juris esse illico*

## AD LECTORES.

*illico nolui : itaque exemplaria pauca privatim impressa, amicis distribuenda curavi, ut sententiis aliorum exploratis, si quæ erronea, dura, obscurave esse viderentur, ea emendarem, mollirem atque explicarem.*

*Acerrimè vero reprehensa hac reperi, quod potentiam civilem immodicam fecerim, sed Ecclesiasticis; quod libertatem conscientiae abstulerim, sed à Sectariis; quod summos Imperantes legibus civilibus exsolverim, sed à Legistis. Horum itaque reprehensionibus, ut qui rem suam agunt, nisi ut eos nodos fortius adstringerem, non magnopere commovebar. Ceterum eorum causa qui circa ipsa principia hæserunt, nempe naturam hominum, jus naturæ, naturam pactorum, & generationem civitatis, quoniam non affectus, sed sensus suos genuinos in reprehendendo sequuti sunt, annotationes quibusdam in locis adjeci, quales dissentientibus satisfacere posse judicavi. Denique, ne quemquam offenderem præter eos, quorum inceptis hæc repugnant, eosque, quorum animi*



## PRÆF. AD LECTORES.

*omni opinionum dissensione offendi solent, operam ubique diligenter dedi.*

*Quapropter, si aliqua inveneritis aut minus certa, aut magis quam necesse erat, acriter dicta, cum non Partium, sed Pacis studio, & ab eo dicta sint, cujus, propter patriæ præsentem calamitatem, dolori justo aliquid condonari æquum est, ea ut æquo animo ferre dignemini, Lectores, oro postuloque.*



SAMVELI SORBERIO,

PETRVS GASSENDVS S.



Vod epistolium ad me Cal-  
to vela mox facturum dedi-  
sti, accepi. Nihil opus fuit  
excusare, quod vale coram  
non dixeris; nam præclarus  
noster Martellus sat declaravit, quàm im-  
provisa discedendi occasio fuerit, & quàm  
requisieris me tamen, utcumque non ad-  
fuerim domi. Quod addis autem, potuisse  
te ante discessum extorquere ab Eximio il-  
lo H O B B I O id exemplum libri de C I-  
V E, cui ipse manu propria marginaleis  
notas apposuit, ut cum isthuc, ubi te vo-  
veo incolumem, perveneris, edi iteratò  
procures. id summopere delectavit. Vide-  
licet tam pauca fuere excusa libri exem-  
plaria, ut illa sui sitim potius fecerint,  
quàm expleverint; siquidem innumeros  
video, qui librum ardentè, sed frustra re-  
quirant. Et liber certè est non vulgaris,  
dignusque, qui omnium, qui altiora sa-  
piunt, manibus teratur; neque (si illa se-  
posuero, quæ Religionem, in qua sumus  
ἰσπρόδοχοι, adtinent) scriptorem agnosco,

qui argumentum scrutetur,quàm ille, profundius. Vtinam verò cætera etiam, quæ ille versavit, perinde extorsisses! Quippe & ex ipsis in lucem prolatis, summè beasses nationem totam philosophantium solidè; cùm ego quidem neminem norim, qui sit inter philosophandum magis à præjudiciis liber, quique penitus quicquid rerum edisseruerit, introspeciat. Enimvero tu virum satis nosti; frustra foret, si quid præterea in commendationem ejus adderetur. Vale, & amicos optimos saluta, imprimisque Curcellium, Heereboordium, Bornium, & alios. Parisiis, iv Kalend. Mai.  
Qlō Iōc XLVI.

*Ern-*

*Eruditissimo Viro*

D. SAMVELI SORBERIO

Doctori Medico S. D.

MARINVS MERSENNVS M.

**E**N audio, doctissime Sorberi, tecum illud egregium opus de C I V E, incomparabilis viri D. H O B B I I, te Hagam Comitis, hoc est, ingentem thesaurum literarium tulisse, novis auctum cogitationibus, quæ singulis difficultatibus satisficientes, planum iter exhibeant. Vide igitur, ut quis egregius Typographus librum illum aureum, gemmis auctum & ornatum, in lucem edat, neque diutius patiaris eum à nobis desiderari. Sed & autorem pro viribus urgeas, ne totum corpus philosophicum, quod mente premit, & calamo explicat, deinceps arcâ, (nobis fatali) concludat, ne tandem nos ad auctoritatem regiam provocare cogat, quâ ipsius arcam invidam effringamus. Quantâ autem voluptate à nobis afficeris, quando videris nobilem illam Philosophiam, non minus quàm Euclidis Elementa demonstrari! quàm libenter illi tuæ Epochæ, & Scepticis næniis renunciaturus es, cùm  
dogma-

dogmaticam firmissimis innixam fulcris  
fateri cogêris! Vale. Vbi verò D. Rive-  
tum; ubi Hugenum mirabilem virum vi-  
deris, millies eos meo nomine salutes velim,  
meque tui credas memorem. & obsequen-  
tem. Aureliæ, xxv April. c 1 5 1 0 c x l v i.





INDEX  
CAPITVM.

Sub titulo  
LIBERTATIS.

CAP. I.

DE Hominum statu extra societatem. pag. 1

II. De Lege Naturæ circa contractus. 17

III. De Legibus naturæ reliquis 34

IV. Quod Lex naturalis, est lex divina. 60

Sub titulo  
IMPERII.

CAP. V.

DE causis & generatione Civitatū. 73

VI. De Iure ejus sive Concilii, sive Homi-  
nis unius, qui in Civitate cum summa  
potestate est. 84

VII. De tribus Civitatum speciebus, Demo-  
cratia, Aristocratia, Monarchia. 111

VIII. De Iure Dominorum in servos. 131

IX. De Iure parentum in liberos, & de Reg-  
no Patrimoniali 138

X. Spe-

- X. Specierum trium Civitatis quoad incōm.  
moda singularum comparatio. 152
- XI. Loca & Exempla Scripturæ sacrae de Iu-  
re Regni quæ secunda videntur antedi-  
ctis. 174
- XII. De causis internis Civitatem dissol-  
ventibus. 182
- XIII. De officiis eorum qui summum Im-  
perium administrant. 199
- XIV. De legibus & peccatū. 218

### Sub titulo

## RELIGIONIS.

### C A P. XV.

- D**E Regno Dei per Naturam. 2
- XVI. De Regno Dei per Pactum ve-  
tus. 272
- XVII. De Regno Dei per Pactum novum. 300
- XVIII. De Necessariis ad introitum in  
Regnum Cælorum. 378

ELE-


ELEMENTA  
PHILOSOPHICA,  
De Cive.

LIBERTAS.

CAPUT I.

*De statu hominum extra Societatem  
civilem.*

- I. *Introductio.* II. *Societatis civilis initium esse à mutuo metu.* III. *Homines naturâ e-  
quales inter se esse.* IV. *Vnde nascitur mutuo  
se lædendi voluntas.* V. *Discordia à compara-  
tione ingeniorum.* VI. *Ab appetitu plurimum  
ad eandem rem.* VII. *Definitio juris.* VIII. *Ius  
ad finem, dat ius ad media necessaria.* IX. *Iure  
naturali, unumquemque iudicem esse medio-  
rum ad sui conservationem.* X. *Iure naturali  
omnia esse omnium.* XI. *Ius omnium ad omnia  
inutile esse.* XII. *Statum hominum extra Socie-  
tatem bellum esse. Belli & Pacis definitiones.*  
XIII. *Bellum conservationi hominum adver-  
sum esse.* XIV. *Iure naturali licere cuique,  
alium in sua potestate existentem cogere ad  
cautionem præstandam futuræ obedientiæ.* XV.  
*Naturam dictare, quærendam esse pacem.*

- I.  *Aturæ humanæ facultates* *Intro-*  
*ad quatuor genera reduci ductio.*  
*possunt, Vim corpoream,*  
*Experientiam, Rationem,*  
*Affectum. Ab his sequentis doctrinæ ini-*  
*A tium*

tium capientes dicemus primo loco, quid animi habeant homines illis facultatibus præditi, alteri adversus alteros: & an, & qua facultate, apti nati sint ad societatem, & ad conservandum se adversus mutuam vim: deinde progredientes, quid consilii in eam rem necessario capiendum fuit, & quæ sint societatis sive Pacis humanæ conditiones, hoc est, mutato tantum nomine, quæ sint *naturæ leges* fundamentales, ostendemus.

*Societatis civilis initium esse à mutuo metu.*

II. Eorum qui de Rebus publicis aliquid conscripserunt, maxima pars vel supponunt, vel petunt, vel postulant, Hominem esse animal (\*) aptum natum ad Societatem, Græci dicunt Ζῷον πολιτικόν, eoque fundamento ita superædificant doctrinam civilem, tanquam ad conservationem pacis, & totius generis humani regimen, nihil aliud opus esset, quam ut homines in pacta & conditiones quædam, quas ipsi jam tum leges appellant, consentirent. Quod Axioma, quamquam à plurimis receptum, falsum tamen; errorque à nimis levi naturæ humanæ contemplatione profectus est. Causas enim, quibus homines congregantur, & societate mutuâ gaudent, penitus inspectantibus, facile constabit, non ideo id fieri, quod aliter fieri naturâ non possit, sed ex accidente. Nam si homo hominem amaret naturaliter, id est,

ut

ut hominem; nulla ratio reddi posset, quare unusquisque unumquemque non æque amaret, ut æquè hominem; aut cur eos frequentaret potius, in quorum societate ipsi potiùs quàm aliis defertur honor & utilitas. Non socios igitur, sed ab illis honore vel commodo affici, naturâ quærimus; hæc primariò, illos secundariò appetimus. Quo autem consilio homines congregentur, ex iis cognoscitur quæ faciunt congregati. Si coeant enim commercii causâ, unusquisque non socium, sed rem suam colit. Si officii causâ, nascitur forensis quædam amicitia, plus habens mutui metûs quam amoris; unde factio aliquando nascitur, sed benevolentia nunquam. Si animi & hilaritatis causâ; solet maximè perplacere sibi unusquisque iis rebus, quæ risum excitant, unde possit, (prout est natura ridiculi) comparatione turpitudinis vel infirmitatis alienæ, ipse sibimet commendatior evadere. Etiam si autem hoc innocuum aliquando & sine offensâ fit; manifestum tamen est, delectari eos non priùs societate quam gloriâ suâ. Cæterum plerumque in huiusmodi congressibus læduntur absentes, eorum tota vita, dicta, facta, examinantur, judicantur, condemnantur, & dièteris traduntur; neque parcitur ipsismet confabulantibus, quin idem patiantur simul



atque è confessu exierint; adeò ut non absurdum fuerit consilium ejus, qui à scena confabulantium exire novissimus solebat. Atque hæ veræ sunt deliciæ societatis, ad quas naturâ, id est, ab affectibus omni animanti insitis ferimur, donec nocumentis vel præceptis fiat (quod in multis nunquam fit) ut appetitus præsentium memoriâ præteritorum retundatur: sine quibus plurimorum hominum in materiâ hac facundissimorum, frigida & jejuna est oratio. Quodsi accidat confidentes historiolas narrare, unus autem eorum de se aliquam proferat, unusquisque cæterorum cupidissimè quoque de se loquitur: si unus mirabile aliquod narret, cæteri miracula, si habent, referunt; si non habent, fingunt. Denique ut loquar de iis qui profitentur præ cæteris sapere, si Philosophiæ gratia coëatur, quot homines, tot sunt qui cæteros docent, nempe tot volunt Magistri haberi; alioqui socios non modo, ut alii, non se amant mutuò, sed odio prosequuntur, Clarum adeò est experienciâ omnibus, qui res humanas paulo attentius considerant, quod congressus omnis spontaneus vel egestate mutuâ conciliatur, vel captandâ gloriâ: unde referre student congregientes vel commodum aliquod, vel illud *εὐδοκίᾳ*, existimationem & honorem apud socios. Idem quoque

que ratione colligitur ex ipsis definitionibus *Voluntatis*, *Boni*, *Honoris*, *Utilis*. Cùm enim societas voluntario contrahatur, in omni societate quæritur voluntatis Objectum, hoc est, id quod videtur unicuique congreredientium Bonum sibi. Quicquid autem videtur Bonum, jucundum est, pertinetque ad organa, vel ad animum. Animi autem voluptas omnis, vel gloria est, (sive bene opinari de se ipso) vel ad gloriam ultimò refertur; cætera sensualia sunt, vel ad sensuale conducentia, quæ omnia commodorum nomine comprehendendi possunt. Omnis igitur societas vel commodi causa, vel gloriæ, hoc est, sui, non sociorum amore contrahitur. Gloriæ autem studio nulla iniri neque multorum hominum, neque multi temporis, societas potest; propterea quod gloriatio, sicut & honor, si omnibus adsit, nulli adest; quippe quæ comparatione & præcellentiâ constant: neque ut quis causam gloriandi in se habeat, adjumentum ullum accedit ex aliorum societate. Tanti enim quisque est, quantum sine aliorum ope ipse potest. Quamquam autem commodà hujus vitæ augeri mutuâ ope possunt, cum tamen id fieri multo magis dominio possit quàm societate aliorum, nemini dubium esse debet, quin avidius ferentur homines natura sua, si metus

abesset, ad dominationem, quàm ad societatem. Statuendum igitur est, originem magnarum & diuturnarum societatum non à mutua hominum beneyolentia, sed à mutuo (\*) metu exstitisse.

*Annotatio.*

Aptum natum] Cum Societatem inter homines actu jam constitutam; cum extra Societatem vivere neminem; cum appetere congressum & colloquia mutua omnes videamus; mira quædam videri potest stupiditas in ipso doctrinæ civilis limine, huiusmodi offendiculum legentibus opponere: Hominem ad Societatem aptum natum non esse. Itaque explicatius dicendum est: Verum quidem esse, homini per naturam, sive quatenus est homo, id est, statim atque est natus, solitudinem perpetuam molestam esse. Nam infantes ad vivendum, adulti ad bene vivendum aliorum opè indigent. Itaque homines alterum alterius congressum natura cogente appetere non nego. Societates autem civiles non sunt meri congressus, sed Fœdera, quibus faciendus fides & pacta necessaria sunt. Horum, ab infantibus quidem & indoctis, Vis; ab iis autem qui damnorum à defectu Societatis inexperti sunt, Utilitas ignoratur: unde fit ut illi, quia quid sit Societas non intelligunt, eam iniire non possint; hi quia nesciunt quid prodest, non curent. Manifestum ergo est, omnes

omnes homines (cum sint nati infantes) ad societatem ineptos natos esse: permultos etiam (fortasse plurimos) vel morbo animi, vel defectu disciplinæ, per omnem vitam ineptos manere. Habent tamen illi tam infantes quàm adulti naturam humanam. Ad Societatem ergo homo aptus, non naturâ, sed disciplinâ factus est. Porro tametsi ea conditione natus esset homo ut societatem appeteret, non sequitur eundem ita natum esse ut societati ineundæ sit idoneus. Alia res est appetere, alia capacem esse. Appetunt enim illi, qui tamen conditiones æquas, sine quibus societas esse non potest, accipere per superbiam non dignantur.

A mutuo metu] Objectum est, Tantum abesse, ut homines in societatem civilem coalescere propter metum possent, ut si mutuo se metuissent, ne conspectum quidem mutuum ferre potuissent. Sentiunt, opinor, nihil aliud esse metuere, præterquam perterreri. Ego ea voce futuri mali prospectum quemlibet comprehendo. Neque solam fugam, sed etiam diffidere, suspicari, cavere, ne metuant providere, metuentium esse judico. Qui dormitum eunt, fores claudunt; qui iter facit, cum tælo est, quia metuunt latrones. Civitates fines suos præsidis, urbes mœnibus, tueri solent, metu vicinarum civitatum, etiam fortissimi exercitus, comparatique

ad pugnam, de pace tamen colloquia habent aliquando, metuentes vim mutuam, & ne vincantur. Per metum est quod homines sibi carvent: fugâ quidem & latebris, si caveri aliter posse non putant: sæpissime verò armis atque instrumentis defensionis, quo fit, ut prodire audentes, alter alterius cognoscere ingenium possit. Tunc autem, siue pugnant, ex victoriâ: siue consentiunt, ex consensione civitas nasci solet.

*Homines  
natura æ-  
quales es-  
se inter  
se.*

III. Causa metûs mutui consistit, partim in naturali hominum æqualitate, partim in mutua lædendi voluntate. Ex quo fit, ut neque ab aliis expectare, neque nobismet ipsis securitatem præstare valeamus. Si spectemus enim maturos homines, atque animadvertamus, quàm fragilis sit compages humani corporis: (quo ruente, corrui omnis ejus vis, robur, & sapientia) quamque facile sit infirmissimo cuiq; robustiorem occidere, non est quod quis viribus fidens superiorem se aliis factum putet à natura. Æquales sunt, qui æqualia contra se invicem possunt. At qui maxima possunt, nimirum occidere, æqualia possunt. Sunt igitur omnes homines naturâ inter se æquales. Inæqualitas quæ nunc est, à lege civili introducta est.

*Vnde  
nascitur*

IV. Voluntas lædendi omnibus quidem inest in statu naturæ, sed non ab eadem



eadem causa, neque æquè culpanda. *Alius enim secundum æqualitatem naturalem permittit cæteris eadem omnia, quæ sibi: (quod modesti hominis est, & vires suas rectè æstimantis.) Alius superiorem se aliis existimans, omnia licere sibi soli vult, & præ cæteris honorem sibi arrogat; (quod ingenii ferocis est.) Huic igitur voluntas lædendi est ab inani gloria & falsa virium æstimatione; Illi ex necessitate res suas & libertatem contra hunc defendendi.*

V. Præterea cum maximum sit certamen ingeniorum, necesse est oriri ex ea contentione maximas discordias. Etenim non modo contrà contendere, sed etiam hoc ipsum non consentire, odiosum est. Nam non consentire alicui in re aliqua, est eum erroris in ea re tacitè accusare, sicut in valde multis dissentire, idem est, atque pro stulto eum habere; quod ex eo apparere potest, quòd nulla acriùs gerantur bella quàm inter ejusdem religionis sectas, & ejusdem rei publicæ factiones, ubi certamen est vel de doctrinis, vel de prudentia politica. Cumque omnis animi voluptas omnisque alacritas in eo sita sit, quod quis habeat, quibuscum conferens se possit magnificè sentire de se ipso; impossibile est quin odium & contemptum mutuum ostendant aliquando vel risu, vel verbis.

vel gestu, vel aliquo signo; qua quidem nulla major animi est molestia, neque ex qua lædendi libido major oriri solet.

*Ab appetitu plurimum ad eandem rem.*

VI. Frequentissima autem causa, quare homines se mutuò lædere cupiunt, ex eo nascitur, quod multi simul eandem rem appetant, quâ tamen sæpissime neque frui communiter, nec eam dividere possunt; unde sequitur, fortiori dandam esse: quis autem fortior sit, pugnâ judicandum est.

*Definitio Iuris & Iure facti.*

VII. Inter tot pericula igitur, quæ quotidie à cupiditate hominum naturali unicuique eorum intenduntur, cavere sibi adeo vituperandum non est, ut aliter velle facere non possimus. Fertur enim unusquisque ad appetitionem ejus quod sibi bonum, & ad fugam ejus quod sibi malum est, maximè autem maximi malorum naturalium, quæ est mors; idque necessitate quadam naturæ non minore, quam quâ fertur lapis deorsum. Non igitur absurdum neque reprehendendum, neque contra rectam rationem est, si quis omnem operam det, ut à morte & doloribus proprium corpus & membra defendat conservetque. Quod autem contra rectam rationem non est, id justè & *Iure* factum omnes dicunt. Neque enim *Iuris* nomine aliud significatur quam libertas, quam quisque habet facultatibus naturalibus

se.

secundum rectam rationem utendi. Itaque *Iuris* naturalis fundamentum primum est, ut quisque vitam & membra sua quantum potest tueatur.

VIII. Quoniam autem *jus* ad finem frustra habet cui *jus* ad media necessaria denegatur, consequens est, cum unus quisque se conservandi *jus* habeat, ut unusquisque *jus* etiam habeat utendi omnibus mediis, & agendi omnem actionem, sine qua conservare se non potest.

IX. Utrum autem media quibus usus quispiam est, & actio quam acturus est, ad conservationem vitæ vel membrorum suorum necessaria sint nec ne, ipse jure naturali *judex* est. Si enim contra rectam rationem sit, ut de proprio periculo ipse *judicem*, *judicet* alius. Quoniam ergo alius *judicat* de iis rebus quæ ad me spectant, eadem ratione, quia æquales naturæ sumus, *judicabo* ego de iis rebus quæ ad ipsum spectant. Itaque rectæ rationis, hoc est, *juris* naturalis est, ut ego de illius *judicem* sententiâ, scilicet an ad conservationem meam conducat, nec ne.

X. Natura dedit unicuique *jus* in omnia. (Hoc est, in statu (\*) merè naturali, sive antequam homines ullis patitis sese invicem obstrinxissent, unicuique licebat facere quæcunque & in quoscunque libebat, & possidere, uti,

frui omnibus quæ volebat & poterat,) Quoniam enim, quæcunque quis voluerit, idèd bona sibi videntur quia ea vult, possuntque vel conducere ad sui conservationem, vel saltem conducere videri: (judicem autem an verè conducant necne, præcedente articulo ipsum constituimus, ita ut habenda sint pro necessariis, quæ ipse talia judicat: ) & per articulum 7 *jure naturæ* fiunt & habentur, quæ necessariò conducunt ad tuitionem propriæ vitæ & membrorum: sequitur, omnia habere & facere in statu naturæ omnibus licere. Et hoc est quod vulgo dicitur, *Natura dedit omnia omnibus*. Ex quo etiam intelligitur, in statu naturæ Mensuram juris esse Utilitatem.

*Annotationes.*

In statu merè naturali, &c.] Hoc ita intelligendum est, quod quis fecerit in statu merè naturali, id injurium homini quidem nemini esse. Non quod in tali statu peccare in Deum, aut Leges Naturales violare impossibile sit. Nam injustitia erga homines supponit Leges Humanas, quales in statu naturali nullæ sunt. Propositionis autem sic intellectæ veritas ex articulis immediatè præcedentibus Lectori memori satis demonstrata est. Sed quia in quibusdam casibus conclusionis duritiæ, præmissarum memoriam expellit, contrahere argumentum volo, unoque in-



*intuitu oculis conspiciendum subjicere. Vnicuique jus est se conservandi, per Art. 7. Eidem ergo jus est omnibus uti mediis ad eum finem necessariis, per Art. 8. Media autem necessaria sunt, quæ ipse talia esse judicabit, per Art. 9. Eidem ergo jus est omnia facere & possidere, quæ ipse ad sui conservationem necessaria esse judicabit. Ipsius ergo facientis judicio id quod fit, jure fit, vel injuria. itaque jure fit. Verum ergo est in statu merè naturali, &c. Quod si quis ad sui conservationem pertinere prætendit, quod ne ipse quidem pertinere putat, peccare potest contra Leges Naturales; ut capite tertio fusè explicatum est. Objeçtum est à quibusdam: Si filius patrem interfecerit, utrum patri injuriam non fecerit. Respondi; Filium in statu naturali, intelligi non posse, ut qui simul atque natus est, in potestate & sub imperio est ejus cui debet conservationem sui: scilicet, Matris, vel Patris, vel ejus qui præbet ipsi alimenta; ut capite nono demonstratum est.*

XI. Minime autem utile hominibus fuit, quod hujusmodi habuerint *Jus omni-  
in omnia omnium  
jus commune.* Nam effectus ejus juris ad omnia idem penè est, ac si nullum omnino jus inutile exstiterit. Quamquam enim quis de re esse. omni poterat dicere, *hoc meum est*; frui tamen eâ non poterat propter vicinum, qui æquali jure & æquali vi prætendebat idem esse suum.



*Statum  
hominum  
extra so-  
cietatem  
bellum  
esse.*

XII. Ad naturalem hominum proclivitatem ad se mutuo lacescendum, quam ab effectibus, præsertim vero ab inani sui æstimatione derivant, si addas jam jus omnium in omnia, quo alter *jure* invadit, alter *jure* resistit, atque ex quo oriuntur omnium adversus omnes perpetuæ suspiciones & studium, & quam difficile sit præcavere hostes parvo numero & apparatu, cum animo nos prævertendi opprimendique invadentes, negari non potest, quin status hominum naturalis antequam in societatem coiretur, Bellum fuerit; neque hoc simpliciter, sed bellum omnium in omnes. *BELLUM* enim quid est, præter tempus illud in quo voluntas certandi per vim verbis factisve satis declaratur? Tempus reliquum *PAX* vocatur.

*Belli &  
Pacis de-  
finitiones.*

*Bellum  
conserva-  
tioni ho-  
minum  
adversum  
esse.*

XIII. Sempiternum autem *Bellum* quam parum idonea res sit ad conservationem vel humani generis, vel uniuscujusque hominis, facile judicatur. At suâ naturâ sempiternum est, quod præcertantium æqualitate victoriâ nullâ potest finiri; in eo enim ipsis victoribus periculum semper ad eò imminet, ut pro miraculo haberi debeat, si quis, quamquam fortissimus, annis & senectute conficiendus sit. Exemplum huic rei sæculum præsens Americanos exhibet; sæcula antiqua cæteras gentes, nunc quidem

dem civiles florentesque, tunc verò paucos, feros, brevis ævi, pauperes, fœdos, omni eo vitæ solatio atque ornatu carentes, quem *pax* & societas ministrare solent. Quicumque igitur manendum in eo statu censuerit, in quo omnia liceant omnibus, contradicit sibi met ipsi. Nam unusquisque naturali necessitate bonum sibi appetit, neque est quisquam qui *bellum* istud omnium contra omnes, quod tali statui naturaliter adhæret, sibi existimat esse bonum. Atque ita evenit, ut mutuo metu, è tali statu exeundum & quærendos socios putemus; ut si *bellum* habendum sit, non sit tamen contra omnes, nec sine auxiliis.

XIV. Quærantur focii vel vi, vel consensu: vi, quando pugnâ victor victum servire sibi cogit metu mortis, vel vinculis inditis; consensu, quando societas initur mutux opus causa, consentiente utraq; parte sine vi. Potest autem victor victum, vel fortior debiliorem (ut sanus & robustus infirmum, vel maturus infantem) ad præstandam cautionem futuræ obedientiæ, ni velit potius mori, *jure* cogere. Cum enim *jus* protegendî nosmet ipsos nostro arbitrio à periculo nostro, atque periculum ab æqualitate profectum sit, magis rationi consentaneum est, certiusque ad conservationem nostram, utendo præ-

*Jure naturali, licere cuique aliura in sua potestate existenter cogere ad cautionem præstandam futuræ obedientiæ.*

senti commodò comparare nobis ipsis securitatem quæsitam, accepta cautione, quam cum adoleverint, convalescant, & è nostra potestate se receperint, eandem dubio certamine postea repetere conari. Contráque, absurdus cogitari nihil potest, quàm ut quem debilem in potestate tenes, eum amittendo, fortem simul & hostem facias. Ex quo intelligitur etiam, tanquam corollarium, in statu hominum naturali, *potentiam certam & irresistibilem, jus conferre regendi, imperandique in eos, qui resistere non possunt*; adeo ut omnipotentix, ab eâ causâ, omnium rerum agendarum jus essentialiter & immediatè adhæreat.

*Naturam* XV. Propter tamen æqualitatem illam virium, cæterarumque facultatum *dictare,* humanarum hominibus in statu naturæ, *quærendam esse* hoc est, in statu belli constitutis, conservatio sui diuturna exspectari non potest. *pacem.* Quare quærendam esse pacem, quatenus habendæ ejus spes aliqua affulserit: ubi haberi ea non potest, quærenda esse belli auxilia, rectæ rationis dictamen est; hoc est, *lex Naturæ,* ut proximè ostendetur.

## CAPVT II.

*De lege Naturæ circa contractus.*

- I. Legem naturalem non esse consensum hominum, sed dictamen rationis. II. Legem naturæ fundamentalem esse; Quærendam esse Pacem, si haberi potest; si haberi non potest, defensionem. III. Lex naturæ specialis prima, Jus in omnia non esse retinendum. IV. Quid sit jus relinquere, quid transferre. V. Ad translationem Juris necessariam esse voluntatem acceptantis. VI. Verba non transferunt Jus, nisi de presenti. VII. Verba de futuro, si alia signa voluntatis adsint, valere ad Jus transferendum. VIII. In libera donatione, Verbis de futuro Jus non transit. IX. Definitio Contractus & Pacti. X. In Pactis transit Jus per verba de futuro. XI. Pacta mutua fidei, in statu naturæ frustra & invalida sunt; in civitate non item. XII. Pacisci cum bellis neminem posse; neque cum Deo, sine revelatione. XIII. Neque Deo vovete. XIV. Pacta ultra summum conatans non obligant. XV. Quibus modis Pactis liberemur. XVI. Promissa metu mortis extorta in statu naturæ valida esse. XVII. Pactum posterius priori contradictorium, invalidum est. XVIII. Pactum de non resistendo inferenti damnum corporis, invalidum est. XIX. Pactum de se accusando invalidum est. XX. Juris-jurandi definitio. XXI. Jus-jurandum concipiendum esse ea formula, qua utitur is qui accipit. XXII. Jus-jurandum nihil superaddit obligationi, quæ est ex Pacto. XXIII. Juramentum non
- ex-

*exigendum. nisi ubi pactorum violatio vel latere potest, vel non potest puniri nisi à Deo.*

*Legem Naturalem non esse consensum hominum, sed dictamen rationis.*

I. **D**E definitione *legis Naturalis* non consentiunt autores; qui eâ voce frequentissimè tamen in scriptis suis usi sunt. Methodus scilicet qua incipitur à definitionibus & exclusione æquivoci, propria eorum est qui locum contra disputandi non relinquunt. Cæterorum si quis quid factum dicat contra legem naturalem, ex eo probat alius, quòd contra consensum factum sit omnium, vel sapientissimum, vel eruditissimum gentium. Quis autem de sapientiâ, eruditione, & moribus omnium gentium judicabit, id minime docet. Alius, quod factum sit contra consensum totius generis humani. Quæ definitio nullo modo recipienda est; alioquin enim impossibile esset cuiquam, exceptis infantibus, & mente captis, contra talem legem peccare. Nam voce illa *genus Humanum* comprehendunt certè omnes homines ratione actu utentes. Illi igitur contra eam vel non faciunt, vel faciunt non consentientes, ideóque excusandi sunt. Naturæ autem leges ab eorum consensu recipere, qui eas violant sapiùs quàm observant, sane iniquum est. Præterea homines eadem in aliis damnant, in se ipsis probant; contra



trà publicè laudant, quod secretò spernunt, & consuetudine audiendi, non propria speculatione sententiam ferunt, consentiuntque odio, metu, spe, amore, vel aliqua alia animi perturbatione magis, quàm ratione. Ideoque non raro accidit totos populos summo consensu & contentione ea agere, quæ scriptores illi contra *legem esse naturalem* libentissimè confitentur. Sed cum concedant omnes, *jure* fieri, quod non sit contra rectam Rationem, *injuriâ* factum censere debemus, quod rectæ rationi repugnat, (hoc est, quod contradicit alicui veritati à veris principiis rectè ratiocinando collectæ) Quod autem *injuria* factum est, contra *legem* aliquam fieri dicimus. Est igitur *lex* quædam *recta Ratio*, quæ (cum non minùs sit pars naturæ humanæ, quàm quælibet alia facultas vel affectus animi) naturalis quoque dicitur. Est igitur *lex naturalis*, ut eam definiam, Dictamen rectæ (\*) rationis circa ea, quæ agenda vel omittenda sunt ad vitæ membrorumque conservationem, quantum fieri potest, diuturnam.

Rectæ rationis ] Per Rectam rationem in statu hominum naturali, intelligo, non ut multi Facultatem infallibilem, sed ratiocinandi actum, id est, Ratiocinationem.

Annotatio.

nem uniuscujusque propriam, & veram circa actiones suas, quæ in utilitatem, vel damnum cæterorum hominum redundare possint. Propriam dico, quia quamquam in Civitate, ipsius Civitatis ratio (hoc est, Lex civilis) à singulis civibus pro recta habenda sit; tamen extra Civitatem, ubi rectam rationem a falsa dignoscere nisi comparatione factâ cum sua nemo potest, suæ cuiusque ratio non modo pro actionum propriarum, quæ suo periculo fiunt, regulâ, sed etiam in suis rebus pro rationis alienæ mensurâ censenda est. Veram dico, id est, ex veris principiis rectè compositis concludentem. Propterea quod in ratiocinatione falsâ, sive in stultitia hominum officia sua erga cæteros homines ad conservationem propriam necessaria non videntium, omnis consistit Legum Naturalium violatio. Principia autem rectæ Ratiocinationis circa ejusmodi officia, ea sunt quæ Capitis primi articulis 2, 3, 4, 5, 6, & 7. explicata sunt.

Legem  
naturæ  
funda-  
menta-  
lem, esse,  
Querenda  
esse  
pacem, si  
haberi po-  
est: si ha-

II. Prima autem & fundamentalis lex naturæ est, quærendam esse pacem, ubi haberi potest; ubi non potest, quærendam esse belli auxilia, Ostendimus enim articulo ultimo præcedentis capitis, præceptum hoc dictamen esse rectæ rationis. Esse autem dictamina rectæ rationis leges naturales, id proximè supra definitum est.

est. Prima autem est, quia cæteræ sunt ab hac derivatæ, præcipiuntque vias vel pacis vel defensionis acquirendæ.

*beri non-  
potest, de-  
fensionem.*

III. *Legum autem Naturalium à fun-* Lex natu-  
damentali illâ derivatarum una est, *ra specia-*  
*Jus omnium in omnia retinendum non es-* lis prima:  
*se, sed jura quædam transferenda, vel re-* Jus in o-  
*linquenda esse.* Nam si retineret unus- *mnia non*  
quisque suum *jus in omnia*, necesse est *esse reti-*  
sequi ut *jure alii invaderent*, alii defen- *nendum.*  
derent. (quisque enim & corpus suum,  
& ea quæ corpori tuendo necessaria sunt,  
necessitate naturæ conatur defendere.)  
Bellum ergo sequeretur. Facit itaque  
contra rationes pacis, hoc est, contra  
*legem naturæ*, si quis de *jure suo in omnia*  
non decedat.

IV. *Decedere autem de jure suo di-* Quid se  
citur, qui juri suo vel simpliciter renun- *decedere*  
ciat, vel in alium transfert. *Simpliciter de jure*  
*renunciat*, qui signo vel signis idoneis *suo: quid,*  
declarat, velle se non licitum sibi am- *illud*  
plius fore certum aliquid facere, quod *transfer-*  
*jure* antea fecisse poterat. *Transferre.* *re.*  
autem in alterum, qui signo vel signis ido-  
neis illi alteri, id *juris* volenti ab eo acci-  
pere, declarat velle se, non licitum sibi  
amplius fore ipsi resistere certum ali-  
quid agenti, prout ei resistere *jure* an-  
tea poterat. *Juris autem translationem*  
in solâ non resistantia consistere, ex eo  
intelligitur, quod ante *juris translatio-*  
*nem,*

*nem*, is in quem transfertur, jus habebat jam tum in omnia; unde novum *jus* dare non potuit, sed *jus* transferentis resistentia, propter quam *jure* suo alter frui non potuit, extinguitur. Quicumque igitur *jus* acquirit in statu hominum naturali, id agit tantum ut securè & sine justâ molestiâ *jure* suo *primævo* frui possit. Exempli causâ, si quis fundum suum alteri vel venum vel dono dederit, sibi soli *jus* in eum fundum, non aliis item, adimit.

*Ad translationem juris necessariam esse voluntatem acceptantis.*

V. Requiritur autem ad *juris translationem* voluntas non modo transferentis, sed etiam acceptantis. Si utravis absit, *jus* manet. Non enim si quod meum est accipere recusanti dare voluerim, propterea simpliciter juri meo renunciavi, sive ad quemlibet id transtuli. Nam causa propter quam uni dare volui, in eo uno est, in cæteris non item:

*Verba non transferunt nisi de præsententi.*

VI. Voluntatis autem in jure vel relinquendo, vel transferendo, si signa nulla alia exstiterint præter verba, verba ea *de præsententi* vel *præterito* esse oportet. Nam si *de futuro* sint, nihil transferunt. Qui enim, exempli causâ, de futuro sic dicit, *cras dabo*, apertè significat se non dedisse. Toto itaque hodie *jus* inmotum est, manetque etiam crastino die, nisi interea actu dederit. Quod enim meum est, meum manet, nisi post dederim. Quod si

*de*



de presenti loquar, puta hoc modo, *do*, vel *dedi*, habendum cras, illis verbis significatur, me *dedisse*, & jus habendi *cras*, transtulisse *hodie*.

VII. Veruntamen, quoniam verba *Verba de sola ad voluntatis declarationem signa futuro, si* sufficientia non sunt verba de futuro, si *alia signa* alia adsint signa voluntatis, valere possunt, *voluntatis* tanquam dicta essent de presenti. *adsint*, Siquidem enim, propter alia signa *con-* valere ad stiterit, ipsum de futuro loquentem velle *jus trans-* valere verba sua ad perfectam *juris sui ferendum translationem*, valere debent. Dependet enim *juris translatio*, non à verbis; sed ut dictum est articulo 4. hujus capitis, à declaratione voluntatis.

VIII. Si quis jus aliquod suum ad *In libera* alterum transferat, neque id faciat pro- *donatio-* pter bonum mutuo acceptum, vel pro- *ne, verbis* pter pactum; ejusmodi translatio *Do-* de futuro *NUM* vocatur, sive *Donatio libera*. In *jus non* donatione autem liberâ, obligant ea ver- *transit*. ba sola, quæ de presenti sunt, vel de præterito. Nam si de futuro sint, non obligant ut verba, propter rationem articulo proximè superiore adductam. Oportet igitur ut ab aliis signis voluntatis nascatur obligatio. Quoniam autem quicquid fit *voluntario*, propter bonum aliquod fit *volentis*; nullum signum voluntatis dandi assignari potest, præter aliquod bonum tali donatione acquisitum, vel ac-



quirendum. Supponitur autem, nullum tale *bonum* acquisitum esse, neq; pactum exsistere; quia sic non esset *donatio libera*. Restat igitur ut *bonum mutuum* sine pacto exspectandum sit. Signum autem nullum dari potest, quare is qui verbis de futuro usus est, adversus eum qui ad mutuum beneficium non teneretur, sic vellet verba ejus intelligi, ut obligaretur ipse. Neque rationis est, ut qui aliis facile bene volunt, omni promisso præsentem affectum testante obligentur. Et propterea promissor talis deliberare intelligendus est, & mutare affectum posse. quemadmodum & is cui promittitur, mutare meritum potest. Qui deliberat autem, eâ tenus liber est; neque donasse dicitur. Quodsi promittat sæpe, donet autem raro, levitatis condemnari debet, nec vocari Donans, sed *Dofon*.

*Definitio* I X. Duorum autem, vel plurium *jura*  
*contractus* sua mutuò *transferentium* actio vocatur  
*& pacti*. C O N T R A C T U S. In omni autem contractu, vel uterque statim præstat id de quo contractum est, ita ut alter alteri nihil concredat; vel alter præstat, alteri creditur; vel neuter præstat. Ubi uterque statim præstat, ibi *contractus* simul ac præstitum est, finitur. Ubi verò vel alteri vel utrique creditur, ibi is cui creditur, promittit se præstaturum postea, appellaturque hujusmodi promissum P A C T U M.

X. Pa-

X. *Pactum* autem quod fit ab eo, cui *In pactis* creditur, cum eo qui jam præstitit, e- *transit ius* tiam si promissio facta sit verbis de futu- *per verba* ro, non minus futuri temporis *jus trans-* fert, quam si facta esset verbis de præsen- *de futuro.* ti vel præterito. Præstatio enim signum manifestissimum est, cum qui præstitit, ita intellexisse orationem alterius cui credebatur, tanquam volentis præstare condicto tempore; eoque signo cognovit is, sic se intelligi; quod quia non correxit, voluit fieri. *Promissa* igitur quæ fiunt propter *bonum* acceptum (quæ & pacta sunt) signa sunt voluntatis, hoc est, ultimi actûs deliberandi, quo libertas non præstandi tollitur, & per consequens sunt obligatoria. Ubi enim libertas definit, ibi incipit obligatio.

XI. Pacta autem quæ fiunt in con- *Pacta* tractu ubi fides mutua est, neutro quic- *mutua fi-* quam statim præstante, in statu natu- *dei, in sta-* ræ, si justus ex utraque parte metus (\*) *tu natu-* oriatur, sunt invalida. Nam qui prior *ra, frustra* præstat, propter pravum ingenium ma- *et inva-* ximæ partis hominum, commodum suo *lida sunt,* jure & injuriâ juxta studentium, cupi- *in civita-* dini se prodit illius quicum contrahit. *te non i-* *tem.* Rationis enim non est, ut aliquis præstet prior, si verisimile non sit, alterum esse præstiturum potest. Quod utrum verisimile sit necne, is qui metuit, judicabit: ut ostensum est capite præceden-

B



dente, articulo 9. Hæc, inquam, ita se habent, in statu naturali. Cæterum in statu civili. ubi est qui utrumque cogere potest, is qui per contractum prior est ad præstandum, prior præstare debet; quoniam cum alter cogi potest, cessat ratio, propter quam, ne non præstaret, metuebat.

*Annotatio.*

Oriatur, &c.] *Nam nisi causa metus nova existat, ex facto, vel alio signo voluntatis non præstandi à parte alterâ, metus justus censi non potest. Causa enim quæ impedire non poterat, quin pacisceretur, impedire non debet, quin pactum præster.*

*Pacisci* XII. Ex eo autem, quod in omni  
*cum bel-* donatione, & pactis omnibus; requiri-  
*luis nemi-* tur acceptatio juris quod transfertur,  
*nem posse:* sequitur *pacisci* neminem posse cum eo,  
*neque cum* qui acceptationem illam non significat.  
*Deo, sine* Neque igitur pacisci cum belluis, ne-  
*revelatio-* que jus ullum illis tribuere aut auferre  
*ne.* possumus, propter defectum sermonis  
 & intellectus. Neque *pacta* inire quis-  
 quam cum divinâ maiestate potest, neque  
 illi *voto* obligari, nisi quatenus visum illi  
 est per scripturas sacras substituere sibi a-  
 liquos homines, qui auctoritatem ha-  
 beant, *vota & pacta* ejusmodi expenden-  
 di & acceptandi, tanquam illius vicem  
 gerentes.

XIII. Qui



XIII. Qui igitur in statu naturæ constituti sunt, ubi nullâ tenentur lege civili, (nisi illis certissima revelatione voluntas Dei, *votum* vel *pactum* suum accipientis, cognita sit,) frustra vovent. Si quidem enim id quod *vovent*, contra legem naturæ sit, non tenentur *voto*; quia illicitum præstare tenetur nemini; si verò id quod vovent, lege aliquâ naturæ præceptum sit, *non voto*, sed ipsa tenentur *lege*; si liberum ante *votum* sit, facere vel non facere, libertas manet; propterea quod, ut obligemur *voto*, requiritur voluntas obligantis apertè significata, quæ in casu proposito supponitur non haberi. *Obligantem* autem voco illum, cui aliquis tenetur vel obligatur: *obligatum* verò cum, qui tenetur.

XIV. Pacta fiunt de actionibus illis solis, quæ cadunt sub deliberationem. *Pacta utilis solis*, quæ cadunt sub deliberationem. *tra sum-*  
*Pactio* enim non fit sine voluntate paciscentis. Voluntas autem ultimus actus naturæ est deliberantis. *Sunt ergo de possibilibus non obli-*  
*tantum, & futuris.* Nemo igitur *pactio gant.*  
 suo obligat se ad impossibile. Quoniam autem paciscimur sæpissimè eas res, quæ possibiles tum videntur cum promittimus, quas tamen post constare esse impossibiles, non ideo omni obligatione liberamur. Ratio cujus rei ea est, quod is qui futurum incertum promittit, beneficium præsens ea lege accipit

cipit ut mutuum reddat. Voluntas enim ejus qui præsens beneficium præstat, pro objecto simpliciter habet *bonum sibi*, quanti erat res promissa; ipsam autem rem non simpliciter, sed si fieri potest. Verum si accadat neque id possibile esse, præstandum est quantum præstari potest. Obligant igitur *pacta* non ad ipsam rem pactam, sed ad summum cognatum: hoc enim solùm; non res ipsæ, in nostra potestate sunt.

*Quibus modis pactis liberemur.* XV. *Pactis* liberamur duabus rebus, vel si præstitum, vel si condonatum sit. Si præstitum; quia ultra id nos non obligavimus. Si condonatum; quia is cui obligamur, condonando intelligitur facere, ut *jus* à nobis in eum translatum, ad nos denuo redeat. est enim condonatio, *donatio*, hoc est, per articulum 4. capitis hujus, juris translatio ad eum cui donatio facta est.

*Promissa metu mortis extorta, in statu naturæ valida non esse.* XVI. Quæri solet, An *pacta* ea quæ metu extorquentur, obligatoria sint necne. Exempli causa, si ad vitam à latrone redimendam, *pactus* ei fuero; traditurum me illi mille aureos postero die, neque facturum quicquam quo comprehensus in jus duci possit, utrum teneam necne. Quamquam autem aliquando *pactum* ejusmodi invalidum censeri debeat, non tamen eo nomine invalidum crit, quod à metu processerit; propter-



ea quod inde sequeretur, *pacta* ea, quibus in vitam civilem homines congregantur, & leges condunt, invalida esse: (procedit enim à metu mutux cædis, quòd alter alterius regimini se submittat: ) neque cum ratione eum facere, qui captivo *paciscenti* pretium redemptionis suæ fidem adhibet. Universaliter verum est, obligare pacta, quando acceptum est bonum, & promittere, & id quod promittitur, licitum est. Licitum autem est & ad redimendam vitam promittere, & de meo dare quicquid voluerit cuiquam, etiam latroni, Obligamur ergo pactis, à metu profectis, nisi lex civilis aliqua prohibeat, per quam id quod promittitur, fiat illicitum.

XVII. Qui uni facturum se vel omissurum aliquid pactus ante fuerit, & postea alteri paciscitur contrarium, facit, ut pactum non prius, sed posterius illicitum sit. Nam qui prioribus pactis *ius* suum in alterum transtulerat, faciendi vel non faciendi *ius* non amplius habet. Quare posterioribus pactis *ius* nullum transfert; & quod promissum est, sine jure promissum est. Tenetur igitur prioribus tantum pactis; quæ violare est illicitum.

XVIII. Mortem, vel vulnera, vel aliud damnum corporis inferenti nemo pactis suis quibuscunque obligatur non

*inferenti  
damnum  
corporis,  
invalidum est.*

resistere. Est enim in unoquoque gradus quidam timiditatis summus, per quem, malum quod inferitur, apprehendit ut maximum, ideoque necessitate naturali quantum potest, fugit, intelligiturque aliter facere non posse. Ad talem gradum metûs cûm per ventum fuerit, non est exspectandum, quin vel fugât, vel pugnâ sibi consulat. Cum igitur nemo teneatur ad impossibile, illi quibus mors (quod maximum naturæ malum est,) vel quibus vulnera, aut alia corporis damna inferuntur, nec ad ea ferenda constantes satis sunt, ea ferre non obligantur. Præterea, ei qui pacto tenetur, creditur: (pactorum enim vinculum sola fides est:) qui verò ad supplicium ducuntur, sive capitale, sive capitali mitius, constringuntur vinculis, vel satellitibus custodiuntur. Quod signum certissimum est, non videri illos pactis ad non resistendum satis obligatos esse. Aliud est, si sic paciscor: Nisi fecero constituta die, interfice. Aliud, si sic, Nisi fecero, interficienti non resistam. Primo modo, paciscuntur omnes; si opus est; opus autem est aliquando: secundo modo nemo, nec unquam opus est. Nam in statu merè naturali, si occidere cupis, jus habes ex ipso statu; ita ut opus non sit prius credere, ut fallentem post interficias. In statu vero civili, ubi  
jus

jus vitæ & necis, omnisque pœnæ corporalis penes civitatem est, illud ipsum jus interficiendi privato concedi non potest. Neque ipsi civitati opus est, ut aliquem puniat, postulare pacto, ut patientiam præstet, sed tantum, ne quisquam defendat alios. Si in statu naturæ, velut inter duas civitates, fieret pactum de interficiendo ni fecerit, intelligitur præcessisse aliud pactum de non interficiendo ante præstitutum diem. Itaque eo die si præstitum non sit, redit jus belli, hoc est, status hostilis, in quo omnia licent, ideoque etiam resistere. Postremo, pacto non resistendi obligamur; duorum malorum præsentium eligere illud quod majus videbitur. Nam mors certa majus malum est, quàm pugna. Sed duorum malorum impossibile est non eligere minus. Tali ergo pacto teneremur ad impossibile, quod naturæ pactorum repugnat.

XIX. Similiter neque tenetur quisquam pactis ullis ad se accusandum, vel alium *Pactum de se accusando invalidum est.* cujus damnatione vita sibi acerba futura est. Itaque neq; pater in filium, neque conjux in conjugem, neque filius in patrem, neque quisquam in eum sine quo alii non potest, testimonium dicere obligatur: frustra enim est testimonium, quod à natura corrumpi præsumitur. Quamvis autem pacto ad se accusandum

dum aliquis non teneatur, in quæstione tamen publica ad respondendum cruciatu cogi potest. Responsiones autem illæ facti testimonium non sunt, sed investigandi veritatis adjumenta. Ita ut siue verum siue falsum cruciatus respondeat, siue non omnino respondeat, jure faciat.

*Juris jurandi definitio.*

XX. *Jusjurandum* oratio est promissioni adjecta, qua significat promissor, nisi præstiterit, renunciare sese misericordiae divinæ. Quæ definitio ex ipsis colligitur verbis, quibus essentia *jurisjurandi* continetur, nimirum, *Ita me adjuvet Deus*, vel aliis æquipollentibus, ut apud Romanos: *Tu Jupiter macta eum qui sefellerit, ut ego hanc macta porcam.* Neque obstat, quod *Jusjurandum* non solum promissorium, sed aliquando affirmatorium dici possit: nam qui affirmationem *juramento* confirmat, promittit se vera respondere. Quamquam autem quibusdam in locis moris erat subditis, per Reges suos jurare, id ex eo natum est quòd Reges illi divinos sibi honores haberi volebant. Nam *Jusjurandum* ideò introductum est, ut major metus violandæ fidei, quàm is quo homines (quos tacta nostra latere possunt) timemus, divinæ potentiæ consideratione atque religione incuteretur.

XXI. Ex

XXI. Ex quo sequitur, *Jus-jurandum* concipi debere ea formula, qua utitur is qui accipit. Frustra enim adigitur aliquis ad *jus-jurandum* per Deum quem non credit, ideoque neque metuit. Et si enim lumine naturali sciri possit Deum esse, nemo tamen per illum se jurare arbitratur alia formula, vel alio nomine, quam quod suæ ipsius, hoc est (ut existimat is qui jurat) veræ religionis præceptis continetur.

XXII. Ex allata *Juris-jurandi* definitione intelligi potest, *pactum* nudum non minus obligare, quam in quod juravimus. *Pactum* enim est, quo adstringimur; *juramentum* ad punitionem divinam attinet, quam provocare ineptum esset, si pacti violatio non esset per se illicita. Illicita autem non esset, nisi *pactum* esset obligatorium. Præterea qui renunciat misericordiæ divinæ, non obligat se ad poenam: quia semper licitum est, poenam utcumque provocatam deprecari, atque divina, si concedatur, frui indulgentia. Effectus ergo *juramenti* is solus est, ut hominibus natura pronis ad violationem datæ fidei major Juratis causa sit metuendi.

XXIII. *Juramentum* exigere, ubi neque violatio pactorum, si qua fiat, latere potest, neque ei cui fit sponsio, deest potestas poenas exigendi, est facere



nisi ubi  
pactorum  
violatio  
vel latere  
potest, vel  
non potest  
puniri ni-  
si à Deo.

amplius aliquid quàm ad sui defensionem sit necesse; significatque animum cupiendi non tam ut sibi bene, quàm ut illi male sit. *Furamentum* enim ex formula jurandi, pertinet ad iram Dei provocandam, hoc est, *omnipotentis* in eos qui fidem ideo violant, quia potentia sua poenam humanam effugere se posse sentiunt, & *omniscii* in eos qui fidem violare ideo solent, quia oculos hominum latere se posse sperant.

### C A P U T III.

#### *De legibus Naturæ reliquis.*

- I. *Lex naturæ secunda. Pactis standum.* II. *Fides cum omnibus servanda sine exceptione.* III. *Injuria quid.* IV. *Injuria ei soli fieri potest, quicum contrahimus.* V. *Justitiæ distinctio in justitiam hominum & actionum.* VI. *Distinctio justitiæ in commutativam & distributivam examinata.* VII. *Volenti non fit injuria.* VIII. *Lex naturæ tertia, de ingratitudine.* IX. *Lex naturæ quarta, ut quisque se præstet commodum.* X. *Lex naturæ quinta, de misericordia.* XI. *Lex naturæ sexta, quod poenæ futurum tantum spectant.* XII. *Lex naturæ septima, contra contumeliam.* XIII. *Lex naturæ octava, contra Superbiam.* XIV. *Lex naturæ nona, de modestia.* XV. *Lex naturæ decima, de Æquitate, sive contra acceptionem personarum.* XVI. *Lex naturæ undecima, de habendis in com-*

communi. xvii. *Lex naturæ duodecima*, de sorte dividendis. xviii. *Lex naturæ decima tertia*, de primogenita & prima occupatione. xix. *Lex naturæ decima quarta*, de incolumitate mediatorum pacis. xx. *Lex naturæ decima quinta*, de constituendo arbitro. xxi. *Lex naturæ decima sexta*, neminem esse arbitrum causæ suæ. xxii. *Lex naturæ decima septima*, Arbitros debere esse sine spe præmii ab iis referendi quorum causa judicatur. xxiii. *Lex naturæ decima octava*, de testibus. xxiv. *Lex naturæ decima nona*, nullum cum arbitro pactum fieri. xxv. *Lex naturæ vigesima*, contra crapulam, & ea quæ rationis usum impediunt. xxvi. *Regula per quam statim cognosci potest, an, quod facturi sumus, sit contra legem naturæ, nec ne.* xxvii. *Leges naturæ obligant in foro interno tantum.* xxviii. *Violantur leges naturæ quandoque, facto legibus consentaneo.* xxix. *Leges naturæ sunt immutabiles.* xxx. *Qui leges naturæ conatur implere, justus est.* xxxi. *Lex naturalis eadem cum morali.* xxxii. *Unde fiat, quod quæ dicta sunt de lege naturali, non sint eadem quæ traduntur à Philosophis circa virtutes.* xxxiii. *Lex naturalis non est, propriè loquendo, lex, nisi quatenus traditur in scriptura sacra.*

**I** Legum naturalium derivatarum altera est, *Pactis standum esse, sive si- Lex natura se-*  
dem observandam. Ostensum enim est *cunda,*  
capite præcedente, Legem naturæ præ- *Pactis*  
cipere tanquam rem conciliandæ paci *standum*

necessariam, unumquemque *jura* quædam sua mutuo transferre, atque hoc vocari *pactum*, quoties futurum sit quod transfertur. Hoc autem ad pacem conciliandam conducibile est, quatenus quæ paciscimur facienda vel omittenda, ea re ipsa facimus vel omittimus; frustra-que essent pacta, nisi illis staretur. Quoniam ergo *Pactus stare*, sive *fidem servare*, necessarium est ad pacem conciliandam, erit per articulum 2. cap. 2. præceptum *legis naturalis*,

*Fides  
cum om-  
nibus ser-  
vanda si-  
ne exce-  
ptione.*

II. Neque personarum quibuscum paciscimur ulla datur hac in re exceptio, puta, si illi fidem cum aliis nec servant, nec servandam putent, aut aliud quodlibet habeant vitium. Nam qui paciscitur, eo quod paciscitur, frustraneam eam esse actionem negat. Et contra rationem est, scientem frustra facere. Idem si præstandum pactum non putet, eo quod sic putat, pactiorem eandem frustraneam esse affirmat. Qui ergo paciscitur cum eo, quicum fidem servare se teneri non putat, simul *pactionem* esse rem frustraneam, & non frustraneam, quod est absurdum. Cum omni igitur homine: vel servanda est fides, vel non paciscendum, hoc est, vel declaratum bellum, vel certa & fida habenda est Pax.

III. Pa-

III. *Pacti* violatio, sicut & dati repetitio, (quæ semper sita est in aliqua actione, vel omissione) vocatur *INJURIA*. Actio autem illa vel omissio, *injuria* dicitur; ut idem significant *injuria*, & actio vel omissio *iniusta*, atque utraque idem quod *pacti* vel *fidei* violatio. Videturque *injuriæ* nomen inde actioni vel omissioni tribui, quia *sine jure* est, utpote quod ab eo qui agit vel omittit translatum antea in alium fuerat. Et est similitudo quædam inter id, quod in vita communi vocatur *injuria*; & id, quod in scholis solet appellari *Absurdum*. Quemadmodum enim is qui argumentis cogitur ad negationem assertionis quam prius sustinuerat, dicitur redigi ad *absurdum*; eodem modo is qui præ animi impotentia facit vel omittit id, quod se non facturum, vel non omitturum *pacto suo* antè promiserat, *injuriam* facit: neque minùs in contradictionem incidit, quam qui in scholis reducitur ad absurdum. Nam futuram actionem paciscendo, vult fieri; non faciendo, vult non fieri: quod est velle fieri & non fieri idem eodem tempore; quæ contradictio est. Est itaque *injuria*, *absurditas* quædam in conversatione. Sicut *absurditas injuria* quædam est in disputatione.

*Injuria*  
*quid.*

*Injuria  
ei soli fe-  
ri potest,  
quicum  
contrahi-  
tur.*

IV. Ex his sequitur, injuriam (\*) ne-  
mini fieri posse, nisi ei quicum inter pa-  
ri potest, *etiam*, sive cui aliquid dono datum est,  
vel cui pacto aliquid est promissum. Id-  
coque *damnum* & *injuria* sæpissime dis-  
junguntur. Nam si dominus servo, qui  
obedientiam sibi *pactus* est, imperet, ut  
pecuniam tertio numeret, vel benefi-  
cium conferat; is si non faciat, *damnum*  
quidem tertio, *injuriam* autem domino  
soli facit. Sic quoque in civitate, si quis  
alicui noceat, quicum nihil *pactus* est,  
*damnum* ei infert cui malum; *injuriam*  
soli illi, qui totius civitatis potestatem  
habet. Etenim si is *damnum* recipit, in-  
juriam expostularet, is qui fecit, sic di-  
ceret, quid tu mihi? quare facerem ego  
tuo potius quàm meo libitu, siquidem.  
quin tu tuo, non meo arbitrato facias,  
non impedio? in qua oratione, ubi nul-  
la intercesserunt *pacta*, non video, quid  
sit quod possit reprehendi.

*Annota-  
tio.*

Injuriam nemini, &c.] *Injustitiæ* no-  
men significat relative ad legem; *Injuria*  
tum ad legem; tum ad Personam certam.  
Nam *injustum*, omnibus *injustum* est; *In-*  
*juria* vero potest esse, nec tamen mihi vel  
illi, sed alii; & quandoque nemini priva-  
to, sed civitati tantum; etiam nec homi-  
ni cuiquam nec civitati, sed soli Deo. Nam  
pacto, & juris translatione, fit, ut inju-  
ria in hunc vel illum fieri dicatur. Hinc est,  
(quod



(quod in omni civitate fieri videmus) quæ privati homines inter se verbo vel scripto contrahunt, exigere vel remitti arbitrio obligantis. Damna verò quæ inferuntur contra leges civitatis, ut furtum, homicidium & similia, non ad voluntatem ejus cui damnum est illatum, sed arbitrio civitatis, id est, juxta leges constitutas vindicari. Itaque injuria in hunc, nisi post juris in hunc translationem existere non potest.

V. Nomina hæc, *Justum*, & *Injustum*, sicut & *Justitia* & *Injustitia*, *Justitia* distinctio æquivoca sunt: aliud enim significant in *justitia* cum Personis, aliud cum Actionibus *tiam hominum, & actionum.* tribuuntur. Cum actionibus tribuuntur, idem significat *Justum*, quod jure factum; & *Injustum*, quod *Injuria*. Ille autem qui fecit *Justum* aliquid, ideo *Insons*, non *Justus* dicitur: eum autem qui fecit aliquid *Injustum*, non ideo *injustum*, sed *fontem* dicimus. Quando vero de personis usurpantur, *esse justum* significat idem quod justè faciendo delectari, justitiæ studere, vel conari facere in omni re id quod justum est. Et *esse injustum*, est negligere justitiam, vel eam non pacto suo, sed præsentis commodi modo mensurandam existimare. Ita ut alia sit animi, instituti, sive hominis, alia unius actionis vel omissionis *justitia* & *injustitia*; possintque hominis *justitia* & *injustitia* actionum.

actiones innumeræ *injustæ*, & *injusti justæ* esse. *Iustus* autem homo dicendus est, qui iusta facit propter præceptum Legis; *injusta* non nisi per infirmitatem; *Injustus* qui iusta facit propter poenam legi adjunctam; *injusta* per animi iniquitatem.

Distin-  
ctio justitiae in  
commutativam  
& distributivam  
examina-  
tur.

VI. Justitia actionum distingui vulgò solet in duas species, *commutativam* & *distributivam*; quarum priorem sitam esse ajunt in proportionem Arithmetica, posteriorem in Geometrica. Illamque versari in permutatione, venditione, emtione, mutatione, mutui redditione, locatione, conductione, cæterisque, si qui sunt, actibus inter se contrahentium; ubi si æquale pro æquali reddatur, nasci inquiunt *justitiam commutativam*. Hanc verò circa dignitatem, & merita hominum, ita ut si cuique tribuatur *ὡς ἑκάστου ἀξίας*, majus ei qui dignior, minus ei qui minus dignus, idque proportionatè, oriatur *justitia distributiva*. Agnosco hic distinctionem quandam æqualitatis: nempe ut una sit æqualitas simpliciter, veluti quando comparantur inter se duæ res æqualis pretii, ut libra argenti, cum 12 unciis ejusdem argenti: altera æqualitas secundum quid, ut cum centum hominibus distribuendæ sint mille libræ, sexcentæ dentur sexaginta hominibus,

nibus, & quadringentæ quadringenta; ubi non est æqualitas inter 600 & 400; sed cùm eandem contingit æqualitatem esse inter numerum eorum quibus distribuuntur, unusquisque eorum æqualem partem auferet; unde dicitur æqualitas eadem res est cum proportionem Geometrica. Sed quid hæc ad justitiam? nam neque si res nostras vendamus quanti possumus, injuria ulla fit emtori qui id voluit, & petiit; neque si de meo distribuero plus merenti minus, modo id dederò quod pactus sum, neutri fit injuria. Id quod testatur ipse Servator noster Christus Deus in Evangelio. Non igitur est ea justitiæ distinctio, sed æqualitatis. Negari tamen fortè non potest quin justitia sit æqualitas aliqua; nimirum quæ in eo tantum sita sit, ut cum æquales naturâ omnes simus, alter non arroget sibi plus *juris*, quàm alteri concedat, nisi id *juris* sibi pactis acquisitum sit. Atque hæc contra distinctionem illam *justitiæ*, quamquam ab omnibus penè receptam, dicta sint: ne quis *injuriam* aliud esse putet, quàm fidei; sive pactorum violationem; prout supra definitum est.

VII. Vetus est, *volenti non fit injuria*. Veritatem tamen dicti liceat ex principiis nostris derivare. Factum enim sit id, quod quis injurium sibi putet volenti non fit injuria.

lenti: ergo, volente eo, fit id quod per pactum non licuit. Sed volente eo fieri, id quod pacto non licebat, pactum ipsum (per articulum 15. capituli præcedentis) fit irritum; *jus* ergo faciendi redit; fit igitur *jure*; quare *injuria* non est.

*Lex natura-  
ræ ter-  
tia, de  
ingrati-  
tudine.*

VIII. *Legis naturalis præceptum tertium est, Ne eum qui fiducia tui tibi prior benefecerit, eam ob rem, deteriore conditione esse patiaris, sive ne accipiat quisquam beneficium, nisi animo nitendi ne dantem dati meritò pœniteat.* Nam absque hoc, contra rationem fecerit, si quis quod perituum videt beneficium, prior contulerit; atque eo modo omnis sublata erit inter homines beneficentia & fiducia, unaqueque omnis benevolentia; neque esset inter eos quidquam mutuae opis, nec ullum gratiæ conciliandæ initium. Ex quo status belli necessario mansurus est, contra *Legem naturæ fundamentalem*. Quoniam verò *Legis* hujus violatio, non est fidei sive pactorum violatio: (supponitur enim nulla inter eos intercessisse pacta:) ideo neque *injuria* nominari solet; sed, quia respiciunt se mutuo *beneficium* & *gratia* INGRATITUDO appellatur.

*Lex natura-  
ræ quarta,  
ut quisque  
se præstet  
commo-  
dum.*

IX. Quartum præceptum naturæ est, *ut unusquisque se cæteris commodum præstet.* Quod ut rectè intelligatur, animadvertere oportet, esse in hominibus ad so-

societatem ineundam diversitatem ingeniorum ortam à diversitate affectuum, haud dissimilem illi quæ reperitur in lapidibus ad ædificandum comportatis à diversitate materiæ & figuræ. Nam ut lapis qui præ figura aspera & angulosa, plus loci cæteris aufert quàm ipse implet, neque præ materiæ duritie comprimi vel secari facillè potest, nec compaginari ædificium finit, tanquam *incommodus* abjicitur: ita homo qui præ ingenii asperitate, retentis superfluis sibi, necessaria aliis adimit, neque præ affectuum contumacia corrigi potest, cæteris *incommodus* molestusque dici solet. Quoniam jam unusquisque non *jure* modo, sed etiam *necessitate naturali* totis viribus in id incumbere supponitur, ut necessaria ad sui conservationem consequatur; si quis velit pro superfluis contrà contendere, illius culpa oriatur bellum: propterea quòd illi soli nulla certandi incumberebat necessitas. Facit ergo contra *legem naturæ fundamentalem*. Unde sequitur, (quod ostendendum erat) præceptum naturæ esse, ut unusquisque se cæteris præstet commodum. Qui verò *Legem* hanc violat, *incommodus* & molestus dici potest. Cicero tamen *commodo* opponit *inhumanum*, tanquam ad hanc ipsam legem adspectans.



*Lex natura  
quin-  
ta, de mi-  
sericor-  
dia.*

X. *Legis naturæ quintum præceptum est, oportere alterum alteri, sumta cautio-  
ne futuri temporis, præteriti veniam, pe-  
tenti & pœnitenti, concedere. Venia (præ-  
teriti) sive remissio offensæ, nihil aliud est quàm illi, qui cùm laceret ad bellum, facti pœnitens pacem orat, pax concessa. Pax autem concessa non pœnitenti, hoc est, animum hostilem retinenti, vel futuri temporis cautionem non danti, hoc est, non pacem sed opportunitatem captanti, non est pax, sed metus: neque igitur à natura præcipitur. Cæterum qui pœnitenti & de futuro cautionem adhibenti, nolit ignoscere, ei pax ipsa non placet; quod est contra legem naturalem.*

*Lex natura  
sexta,  
quid pœ-  
næ futu-  
rum tan-  
tum spe-  
ctant.*

XI. *Sextum Legis naturalis præceptum est, In ultione, sive Pœnis, spectandum esse, non malum præteritum, sed bonum futurum: Hoc est, infligere pœnam nullo alio fine licitum esse, nisi ut ipse qui peccavit, corrigatur, vel alii supplicio ejus moniti fiant meliores. Hoc autem ex eo primùm confirmatur, quod unusquisque lege naturali teneatur alteri ignoscere; modo cautum prius sit de futuro tempore, ut articulo præcedente ostensum est. Præterea, quia ultia, quatenus solum præteritum consideratur, nihil aliud est præter triumphum, & gloriam animi, quæ ad nullum*

lum finem dirigitur; (nam præteritum tantum contemplatur, finis autem futura res est:) quodque ad nullum finem dirigitur, *Vanum* est: Ultio, ut quæ futurum non spectat, à vana gloria proficiscitur, ideoque præter rationem est. At lædere alium præter rationem, introducit bellum, & est contra *legem naturæ fundamentalem*. Est igitur *legis naturæ* præceptum, In ultione non esse respiciendum, sed prospiciendum. Violatio autem Legis hujus, CRUELITAS solet appellari.

XII. Quoniam autem signa omnia *Lex naturalis* odii & contemtionis, ad rixam & pugnam maxime omnium provocant, adeo ut plerique vitam, nedum pacem amittere, quàm contumeliam pati malint; sequitur septimo loco, *lege naturali* præscriptum esse, *nequis vel factis, vel verbis, vel vultu, vel risu, alteri ostendat se illum vel odisse, vel contemnere*. Cujus legis violatio CONTUMELIA nominatur. Quamquam autem nihil frequentius sit, quàm potentiam erga minus potentes, & nominatim judicum adversus reos scommata atque opprobria, quæ neque ad rei crimen, neque ad judicis pertinent officium; hujusmodi tamen homines contra *legem naturalem*, & pro *contumeliosis* habendi sunt.

XIII. Quæ-

*Lex natu-  
ra octa-  
va, contra  
super-  
biam.*

XIII. Quæstio uter duorum hominum dignior sit, non ad statum naturæ, sed ad statum civilem pertinet. Ostensum enim antea est, Cap. 1. articulo 3. naturâ omnes homines æquales inter se esse, ideoque inæqualitatem quæ nunc est, puta à divitiis, à potentia, à nobilitate generis, profectam esse à lege civili. Scio, *Aristotelem* libro primo Politicorum, tanquam fundamentum totius scientiæ politicæ affirmare, hominum alios à natura factos esse dignos qui imperent, alios qui serviant, tanquam Dominus & servus non consensu hominum, sed aptitudine, hoc est, scientia vel inscitia naturali distinguerentur. Quod fundamentum non modo contra rationem (ut ostensum est supra) sed etiam contra experientiam est. Nam neque penè quisquam ingenio ita stupido est, ut non rectius arbitretur sibi met se, quam aliis regendum tradere. Neque si contendant inter se sapientiores, & robustiores, sunt illi his semper aut sæpe superiores. Sive igitur natura homines æquales inter se sint, agnoscenda est æqualitas; sive inæquales, quia certaturi sunt de imperio, necessarium est ad pacem consequendum, ut pro æqualibus habeantur, & propterea legis naturalis octavo loco præceptum est, *Ut unusquisque naturâ*

*uni-*

*unicuique equalis habeatur.* Cui legi contraria est SUPERBIA,

XIV. Sicut necessarium erat ad uniuscujusque conservationem, ut de quibusdam *juribus* suis cederet; ita non minus necessarium est ad eandem conservationem, ut *jura* quædam retineat, nimirum *jus* corporis tuendi, *jus* fruendi aëre libero, aqua, & cæteris omnibus vitæ necessariis. Cum igitur à *pacem* incuntibus multa *jura* retineantur communia, multa etiam acquirantur propria; dictamen *legis naturalis* nonum oritur, nempe ut *quæcumque jura unusquisque* sibi *met ipse* postulat, eadem etiam *unicuique* concedat cæterorum. Alioquin æqualitatem præcedente articulo agnitam frustraneam facit. Quid enim aliud est æqualitatem personarum agnoscere in societate incunda, quàm æqualia ipsis tribuere, quos alioqui societatem inire ratio nulla exigit? *Æqualia* autem *equalibus*, idem est quod *proportionalia* *proportionalibus* tribuere. Vocatur observatio hujus legis *Modestia*; violatio autem *πλεονεξία*: violantes latinis *immodici* & *immodesti* nuncupantur.

XV. Decimo loco; imperatur lege *Lex naturali*, Ut *unusquisque* in *jure* aliis *distribuendo* utrique parti *equalē* se præbeat. Lege præcedente prohibitum est, ne nobis plus juris per naturam arrogemus, quàm



tra acce-  
ptionem  
persona-  
rum.

quàm cæteris concedimus. Possumus minus, si volumus; etenim id ali- quando molestiæ est. Sed si quando *Fus-* aliis distribuendum à nobis sit, prohibemur hac lege, ne uni plus vel miuus indulgeamus quàm alteri. Nam qui uni præ altero indulgendo naturalem æqualitatem non observat, facit in eum qui posthabitus est *contumeliam*. Est autem supra ostensum, *contumeliam* esse contra *leges naturales*. Præcepti hujus observatio *ÆQUITAS*, violatio *acceptio personarum*, Græcis uno vocabulo *αἰσχρολογία* appellatur.

Lex natu-  
ræ undeci-  
ma, de  
habendis  
in commu-  
ni.

XVI. Ex lege præcedente colligitur undecima, Quæ dividi non possunt communiter (si fieri potest) utenda esse, idque (si quantitas rei permittat) quantum quisque velit. Sin quantitas rei non permittat, tum præfinito, & proportionate ad numerum utentium. Aliter enim nullo modo servari potest æqualitas illa, quam præcedente articulo à lege naturali imperatam esse demonstravimus.

Lex natu-  
ræ duodeci-  
ma, de sorte  
dividen-  
dis.

XVII. Item; si neque dividi, neque communiter haberi potest, lege naturali institutum est (quod sit præceptum duodecimum) ut ejus rei usus vel alternus sit, vel uni tantum sorte adjudicandus, utque in alterno usu sorte quoque, quis ad utendum prior sit, judicetur. Nam hic quoque æqualitas spectanda est,



est, alia autem inveniri præter sortem non potest.

XVIII. Sors autem duplex est: vel *Lex natura decima tertia, de* *Primogenitura,* *et Prima occupatio.* *ne.* *arbitraria, vel naturalis.* Arbitraria illa est, quæ fit consensu contendentium. Et sita est in casu mero, & fortè, quod adjungunt, fortunâ. Naturalis est, *Primogenitura,* (Græcè *κληρονομία*, quasi sorte tributum) & *Prima occupatio.* Itaque quæ neque dividi, neque communiter haberi possunt, cedunt Primo occupanti; item Primogenito, ea quæ patris fuerunt, nisi pater ipse *Fus* illud transtulerit prius. Sit igitur ea *lex naturæ decima tertia.*

XIX. Legis naturalis decimum quartum præceptum est, *Lex natura decima quarta, de Incolumitate.* *Pacis Mediatoribus præstandam esse Incolumitatem.* Ratio enim quæ jubet finem, jubet etiam media necessaria. Primum autem rationis dictamen, *Pax* est, cætera sunt ad *Pacem* media, sine quibus *Pax* esse non potest, sed nec sine *Meditatione Pax*, nec sine *Incolumitate* meditatio haberi potest; Est ergo dictamen rationis, hoc est, *lex naturæ, Pacis mediatoribus præstandam esse incolumitatem.*

XX. Porro, quoniam, etsi homines *Lex natura decima quinta, de constituendo Arbitrio.* in omnes has, &, si quæ aliæ sunt, *natura* leges consentirent, easque stude-  
rent observare, dubia tamen, & controversiæ quotidie orientur, de legum ha-

harum ad facta applicatione: nimirum an quod *factum* sit, sit contra *legem* necne, quæ quæstio juris dicitur:) ex quibus sequetur pugna inter partes, utrimque se læsos esse existimantes. Ad *Pacis* igitur conservationem (quia aliud in hoc casu remedium æquum excogitari non potest) necessarium est, ut ambo dissidentes in tertium aliquem consentiant, cujus sententiæ de re controversa staturos esse, *pactis mutuis* se obligent. Atque is in quem sic consensum est, *Arbiter* vocatur. Est igitur *legis naturalis* præceptum decimum quintum, Oportere utrumque, de jure inter se disceptantium, submittere se alicujus tertii arbitrio.

*Lex natura decima sexta, Neminem esse arbitrum causa sua.*

XXI. Ex eo autem quòd *Arbiter* sive *Judex* à disceptantibus electus sit ad determinandum controversiam, colligitur, oportere Arbitrum non esse unum ex ipsis disceptantibus. Nam unusquisque præsumitur, *bonum* sibi naturaliter, *justum* propter pacem tantum, & per accidens quærere; ideòque non posse æqualitatem illam, à *lege naturali* præceptam, tam accuratè observare quàm faceret tertius. Continetur itaque in *lege naturæ* decimo sexto loco, *neminem judicem vel Arbitrum esse debere suæ ipsius causæ.*

*Lex natura decima septima.*

XXII. Ex eodem sequitur decimo septimo loco, *Neminem arbitrum esse*  
opor-

*oportere, cui commodi vel gloriæ spes aliqua apparet major ex victoriâ unius partis, quàm alterius. Par enim ratio militat hic, atque in lege præcedente.*

XXIII. Quando verò de ipso facto controversia oritur, nempe an factum sit necne, quod factum esse dicitur, legis naturalis est (per articulum 15.) ut Arbiter æquè utrique, id est (quia contradictoria affirmant) neutri credat. Tercio igitur, vel tertio & quarto, vel pluribus credere oportet; ut de facto, quoties aliis signis sciri non potest, sententiam ferat. Lex igitur decima octava naturalis, arbitris & iudicibus facti iungit, ut ubi signa certa facti non apparent, ibi secundum testes, qui utrique parti videntur æqui, sententiam regant.

XXIV. Ex supra adducta arbitri definitione intelligi porrò potest, nullum pactum vel promissum intercedere, inter ipsum & partes quorum arbiter constitutus est, cujus vi teneatur in gratiam alterutrius partis pronunciare; neque cujus vi teneatur, ad id. pronunciandum, quod æquum est, vel æquum esse censeat. Obligatur quidem arbiter sententiam illam ferre, quam censet esse æquam per legem naturæ, quæ recensetur articulo 15. Cujus legis obligationi nihil est quod addi possit ex pacto. Frustra igitur esset pactum tale. Præterea si sen-



tentiam iniquam ferens, æquam eam esse contenderet, nisi pactum tale invalidum sit, maneret controversia post sententiam latam; quod est contra *Arbitri constitutionem*, qui ab eis ita electus est, ut invicem obligaverint se, pro ratâ habere sententiam, quam ille pronuntiaverit. *Arbitrium* ergo *lex naturæ* liberum jubet esse id, quod sit secundum præceptum ejus decimum nonum.

*Lex naturæ vigesima contra crapulam, & ea quæ rationis usum impediunt.*

XXV. Porro quandoquidem *leges naturæ* nihil aliud sunt, præter dictata rectæ rationis, ita ut nisi quis rectè ratiocinandi facultatem conservare conetur, *Leges naturæ* observare non possit, manifestum est eum qui volens sciensque ea fecerit, quibus facultas rationalis destruat vel labefactetur, volentem scientemque *Legem naturæ* violare. Nihil enim interest, utrum præter officium faciat quis, an id faciat volens, quo minus officium implere possit. Ratiocinandi autem facultatem destruant vel labefactant homines qui faciunt ea, quibus mens de statu suo naturali deturbatur, id quod manifestissime contingit *Ebriis & crapulâ gravatis*. Peccatur ergo vicesimo loco contra *legem naturalem Ebrietate*.

*Regula, per quam*

XXVI. Dicet fortasse aliquis, qui viderit præcedentia præcepta naturalia artificio

tificio quodam ab unico rationis, nos <sup>statim</sup>  
 ad nostri conservationem & incolumi- <sup>cognosci</sup>  
 tatem hortantis, dictamine derivata, <sup>poteſt, an</sup>  
 adeo difficilem eſſe deductionem ha- <sup>quod fa-</sup>  
 rum legum, ut exſpectandum non ſit, <sup>cturi ſu-</sup>  
 eas vulgo cognitæ fore; neque ideo <sup>mus, ſit</sup>  
 obligare. Etenim leges niſi cognitæ, <sup>contra le-</sup>  
 non obligant, immò non ſunt leges. <sup>gem natu-</sup>  
 Huic reſpondeo, verum eſſe, <sup>ra, necne.</sup> *ſpem,*  
*metum, iram, ambitionem, avaritiam,*  
*gloriam inanem, & cæteras perturbatio-*  
*nes animi impedire, ne quis leges na-*  
*turæ pro eo tempore quo paſſiones iſtæ*  
*prævalent, cognoscere poſſit. Cæte-*  
*rum nemo eſt, qui non aliquando ſe-*  
*dato animo eſt. Eo igitur tempore ni-*  
*hil illi quamquam indocto & rudi, ſcitu*  
*eſt facilius; unicâ ſcilicet hæc regulâ,*  
*ut cùm dubitet, id quod facturæ in*  
*alterum ſit, jure facturæ ſit naturali,*  
*necne, putet ſe eſſe in illius alterius*  
*loco. Ibi ſtatim perturbationes illæ,*  
*quæ inſtigabant ad faciendum, tanquam*  
*translatæ in alteram trutinæ lancem, à*  
*faciendo dehortabuntur. Atque hæc re-*  
*gula non modo facilis, ſed etiam du-*  
*dum celebrata his verbis eſt, Quod tibi*  
*ſieri non vis, alteri ne feceris.*

XXVII. Quoniam autem plerique <sup>Leges na-</sup>  
 homines, præ iniquo præſentis com- <sup>tura obli-</sup>  
 modi appetitu, prædictas leges quan- <sup>gant in</sup>  
 tumvis agnitas obſervare minimè apti <sup>foro in-</sup>  
 ſunt; <sup>te: notan-</sup> tam.



sunt; si forte aliqui, cæteris modestiores, illam æquitatem commoditatemque, quam ratio dictat, exercerent, cæteris non idem facientibus, nihil minùs quàm rationem sectarentur. Neque enim pacem, sed certum & maturius exitium sibi compararent, cederentque observantes non observantibus in prædam. Non est igitur existimandum; natura, hoc est, ratione obligari homines ad exercitium (\*) earum omnium, in eo statu hominum, in quo non exercentur ab aliis. Interea tamen obligamur ad animum eas observandi, quandocunque ad finem ad quem ordinantur, earum observatio conducere videbitur. Ideoque concludendum est, legem naturæ semper & ubique obligare in *Foro interno*, sive *conscientia*, non semper in *foro externo*: sed tum solummodo, cum securè id fieri possit.

*Annotatione.*

Exercitium earum omnium, &c. ] Imò inter has Leges aliqua sunt, quorum in statu naturali ommissio, (modo id Pacis, vel sui conservandi causâ fiat.) Legis naturalis adimpletio potius videtur, quàm violatio. Nam qui omnia facit contra omnia facientes, eripitque rapientibus, æquum facit. Contra autem, id facere quod in pace modus est & modesti hominis, in bello ignavia est, & sui proditio. Sunt autem leges aliquæ naturales, quarum ne in bello qui-

quidem exercitium desinit. Nam quid ebrietas, quidve crudelitas (id est, vindicta quæ futurum bonum non respicit) ad pacem vel conservationem cujusquam hominis conferre possit, non intelligo. Breviter, in statu naturæ, Justum & Injustum non ex actionibus, sed ex consilio & conscientia agentium æstimandum est. Quod necessario, quod studio pacis, quod sui conservandi causâ fit, rectè fit. Alioquin omne damnum homini illatum, Legis naturalis violatio atque in Deum injuria est.

XXVIII. Quæ verò leges conscientiam obligant, violari possunt factò, *Violantur leges* non solum iis contrario, sed & consensu: siquidem qui facit, contrarium *naturæ* quando putet. Quamquam enim actio ipsa secundum leges sit, conscientia tamen *que, factò legibus con-* contra est. *sentant.*

XXIX. *Leges naturæ immutabiles & æternæ* sunt, quod vetant, nunquam licitum esse potest: quod jubent, nunquam illicitum. Numquam enim *Leges naturæ sunt immutabiles.*

*perbia, ingratitude, pactorum violatio,* (sive injuria) inhumanitas, contumelia licitæ, nec contrariæ his virtutes illicitæ erunt, quatenus pro animi dispositionibus intelliguntur, hoc est, quatenus *in foro conscientie* spectantur, ubi solum obligant, & sunt leges. Actiones tamen ita diversificari possunt circumstantiis, & lege civili, ut quæ uno

tempore æquæ, alio iniquæ; & quæ uno tempore cum ratione, alio contra rationem sint. Ratio tamen eadem neque finem mutat, quæ est *pax & defensio*, neque media; nempe animi virtutes eas, quas supra declaravimus, quæque nullâ vel consuetudine vel lege civili abrogari possunt.

*Qui leges  
naturæ  
conatur  
implere,  
justus est.*

XXX. Patet ex hæcenus dictis, quàm faciles observatu sint *naturæ leges*, quippe quæ conatum solum (sed verum & constantem) requirunt, quem qui præstiterit, eum rectè possumus *JUSTUM* appellare. Nam qui toto conatu ad id tendit, ut omnes actiones suæ sint secundum *præcepta naturæ*, clarè ostendit, animum se habere leges eas omnes adimplendi, quod est omne id ad quod obligamur à natura rationali. Qui verò totum id præstitit, ad quod obligatus erat, *justus est*.

*Lex naturalis eadem cum morali.*

XXXI. *Legem naturalem* eandem esse cum *lege morali*, consentiunt omnes scriptores. Id quare sit verum, videamus. Sciendum igitur est, *bonum & malum* nomina esse rebus imposita ad significandum appetitum, vel aversionem eorum à quibus sic nominantur. Appetitus autem hominum pro diversis eorum temperamentis, consuetudinibus, opinionibusque, diversi sunt; ut videre est in iis rebus quas sensu percipimus,



mus, puta gustu, tactu, olfactu: sed multo magis in iis rebus quæ pertinent ad actiones vitæ communes, ubi quod hic *laudat*, id est, appellat *bonum*, alter *vituperat* ut *malum*; immò sæpissime idem homo diversis temporibus idem & *laudat* & *culpat*. Hæc dum faciunt, necesse est oriri discordiam & pugnas. Sunt igitur tamdiu in statu belli, quàm *bonum* & *malum* præ appetituum præsentium diversitate, diversis mensuris metiuntur. Hunc statum facile omnes, dum in eo sunt, agnoscunt esse malum; & per consequens, *pacem* esse *bonam*. Qui igitur de bono præsentī convenire non poterant, conveniunt de futuro; quod quidem opus rationis est, nam *præsentia* sensibus, *futura* non nisi Ratione percipiuntur. Præcipiente ratione pacem esse bonam, sequitur eadem ratione, omnia media ad pacem necessaria bona esse, idèdque *modestiam*, *equitatem*, *fidem*, *humanitatem*, *misericordiam*, (quas demonstravimus ad pacem esse necessarias) *bonos* esse *mores*, sive habitus, hoc est, *virtutes*. Lex ergo eo ipso, quod præcipis media ad pacem, præcipit *bonos mores*, sive *virtutes*. Vocatur ergo *moralis*.

XXXII. Quia verò homines exuere *Unde*  
non possunt appetitum illum irratio- *fiat*,  
nalem, quo bona præsentia (quibus, *quid qua*

que di-  
ta sunt  
de lege  
naturali  
non sunt  
eadem  
que tra-  
duntur à  
Philoso-  
phis cir-  
ca virtu-  
tes.

arctâ consequentiâ, multa adhærent improvise mala) præ futuris appetuunt, factum est, ut quanquam consentiant omnes in laude dictarum virtutum, tamen dissentiant adhuc de earum naturâ, in quo nempe unaquæque earum consistat. Quoties enim cuiquam displicet aliena bona actio, ei actioni imponitur nomen alicujus vitii vicini; similiter nequitia quæ placent, ad virtutem aliquam referuntur. Unde evenit, eandem actionem ab his laudari & virtutem appellari, ab illis culpari & vitio verti. Neque huic rei remedii quicquam à Philosophis hætenus inventum est. Cùm enim non observarent, bonitatem actionum in eo sitam esse, quod in ordine ad pacem; malitiam in eo, quod in ordine ad discordiam essent: *moralem Philosophiam* condiderunt, à *moralis lege* alienam, & sibi non constantem. Voluerunt enim, naturam *virtutum* in *mediocritate* quadam inter duo *extrema* sitam esse, vitia verò in ipsis *extremis*: quod est apertè falsum, nam audere, laudatur, & nomine *fortitudinis* pro virtute habetur, quamquam extremum sit, si causa approbatur. Quantitas item rei quæ dono datur, siue magna, siue parva, siue media sit, non facit *liberalitatem*, sed donandi causa. Neque *injustitia* est, si cui de  
meo.



meo plus dederò quàm debitum est. Sunt igitur *leges naturales* summa Philosophiæ *moralis*: cujus præcepta hoc loco ea tantum tradidi, quæ pertinent ad conservationem nostram, contra pericula quæ à discordiâ oriuntur. Sunt autem alia præcepta naturæ rationalis, ex quibus aliæ nascuntur virtutes, nam & *Temperantia* præceptum rationis est, quia intemperantia tendit ad morbos & interitum. Item fortitudo, hoc est, facultas valde resistendi in periculis præsentibus, quæque difficilior declinantur quàm superantur; quia medium est ad conservationem illius qui resistit.

XXXIII. *Naturæ* autem quas vocamus *leges*, cùm nihil aliud sint, quàm conclusiones quædam ratione intellectæ, de agendis & omittendis; *lex* autem, propriè atque accuratè loquendo, sit oratio ejus qui aliquid fieri vel non fieri aliis jure imperat: non sunt illæ propriè loquendo *leges*, quatenus à naturâ procedunt. Quatenus tamen eadem à Deo in scripturis sacris latæ sunt, ut videbimus capite sequente, Legum nomine propriissimè appellantur. Est enim *scriptura sacra* in omnia maximo jure imperantis Dei oratio.

*Lex naturalis non est propriè loquendo lex, nisi quatenus traditur in Scriptura sacra.*

## CAPUT IV.

*Quod lex naturalis, est lex divina.*

*Lex naturalis & moralis, est lex divina.* I. **Q**UÆ *Naturalis, & Moralis, eadem & Divina lex* appellari solet. Nec immeritò tum quia *ratio*, quæ est ipsa *lex naturæ*, immediatè à Deo unicuique pro suarum actionum Regula tributa est, tum quia vivendi præcepta quæ inde derivantur, eadem sunt quæ à divina Majestate, pro *legibus Regni cælestis*, per Dominum nostrum *Jesum Christum*, & per sanctos *Prophetas*, & *Apostolos* promulgata sunt. Quæ igitur de *lege naturali* ratiocinando suprà intellecta sunt, ea hoc capite ex scriptura sacrâ confirmare conabimur.

*Id quod generatim confirmatur ex scriptura.* II. In primis autem ea loca indicabimus, in quibus legem divinam in recta ratione sitam esse declaratur. Psalm 36. 30, 31. *Os justi meditabitur sapientiam, & lingua ejus loquetur justitiam. Lex Dei in corde ipsius.* Jerem. 31. 33. *Dabo legem meam in visceribus eorum, & in corde eorum scribam eam.* Psalm 18. 8. *Lex Domini immaculata, convertens animam.* vers. 9. *Præceptum Domini lucidum, illuminans oculos.* Deut. 30. 11. *Mandatum hoc, quod ego præcipio tibi hodie, non supra te est, neque procul positum, &c.* Vers.

Vers. 14. *Sed juxta te est sermo valde, in ore tuo, & in corde tuo.* Psalm 118. v. 34. *Da mihi intellectum, & scrutabor legem tuam.* Vers. 105. *Lucerna pedibus meis tuum Verbum, & lumen semitis meis.* Prov. 9. 20. *Scientia sanctorum, prudentia.* Joan. 1. 1. ipse Legis promulgator Christus appellatur λόγος. Vers. 9. vocatur idem Christus lux vera, illuminans omnem hominem venientem in hunc mundum. Quæ omnia, descriptiones sunt rectæ rationis, cujus dictamina leges esse naturales, antè ostensum est.

III. Quod autem ea, quam posuimus pro naturæ lege fundamentalis, nempe quærendam esse pacem, sit etiam summa legis divinæ, ex his locis manifestum erit Rom. 3. 17. *Justitia* (quæ est summa legis,) vocatur *via ad pacem*. Psal 84. vers 11. *Justitia & Pax osculatæ sunt.* Matth. 5. 9. *Beati Pacifici, quia filii Dei da pace, vocabuntur.* Et postquam sanctus Paulus ad Hebr. Cap. 6. versu ultimo, Christum (legis de qua agitur, legislatores) dixerat esse, secundum ordinem Melchisedec Pontificem in æternum, addit Capite sequenti, versu primo, *Hic Melchisedec erat Rex Salem, Sacerdos Dei summi, &c.* Vers. 2. *Primum quidem qui interpretatur Rex justitiæ; deinde autem & Rex Salem, quod est Rex pacis.* Ex quo constat, Christum Regem in regno suo

Specia-  
tim, re-  
spectu  
legis na-  
turæ fun-  
damenta-  
lis, de

quæren-



*justitiam cum pace colligare. Psalm 33. 15. Diverte à malo, & fac bonum; inquire Pacem, & persequere eam. Isaia 9 6. 7. Parvulus enim est natus nobis, & filius datus est nobis; & factus est principatus super humerum ejus, & vocabitur nomen ejus, Admirabilis, Consiliarius, Deus fortis, Pater futuri seculi, Princeps Pacis. Isa. 52. 7. Quam pulchri super montes pedes prædicantis & annunciantis pacem, annunciantis bonum, prædicantis salutem, dicentis Sion, Regnabit Deus tuus. Luc. 2. 14. in nativitate Christi vox laudantium Deum & dicentium, gloria Deo in altissimis, & in terrâ Pax hominibus bonæ voluntatis. Et Isa. 53. 6. vocatur Euangelium, disciplina pacis. Isa. 59. 8. vocatur justitia, via pacis: Viam pacis nescierunt, & non est iudicium in gressibus eorum. Michæas 5. 5. loquens de Messia, sic ait, Stabit & pascet in fortitudine Domini, &c. quia magnificabitur usque ad terminos terræ, & erit iste Pax. Prov. 3 1. Fili mi, ne obliviscaris legis meæ; & præcepta mea cor tuum custodiat; longitudinem enim dierum, & annos vitæ, & pacem apponent tibi.*

*Item  
primæ  
legis na-  
turalis,  
de com-  
munitate*

IV. Quod attinet ad legem primam, de communitate omnium rerum abolendâ, sive de introductione Mei & Tui, habemus primum, quam adversa sit paci communitas illa, ex verbis Abrahami  
ad

ad Lotum, Gen. 13. 8. *Ne quaeso sit iur-<sup>omnium</sup>  
gium inter me & te, & inter pastores meos rerum  
& pastores tuos. Ecce universa terra est abolen-  
coram te, recede à me obsecro Et legem dà.  
de distinctione Nostri & Alieni, confir-  
mant omnia illa Scripturæ sacræ loca,  
quibus invasio in alienum prohibetur,  
ut, Non occides, non furaberis, non mæ-  
chaberis. Supponunt enim, Jus omnium  
in omnia sublatum esse.*

V. Eadem præcepta stabiliunt legem *Item se-  
naturalem secundam de servanda fide. cunda  
Quid enim aliud est, Non invades in legis na-  
alienum, quàm, non invades in id, quod turalis,  
pacto tuo tuum esse desiit? Expresse autem, de ser-  
Psalm 14. vers. 5. quærenti, Domine, vandâ  
quis habitabit in tabernaculo tuo? respon- fide.  
sum est, qui jurat proximo suo, & non  
decipit. Et Proverb. 6. 1. Fili mi, si spo-  
ponderis pro amico tuo, laqueatus es verbis  
oris tui.*

VI. Tertiam legem, de gratitudine, *Item ter-  
asserunt hæc loca. Deut. 25. 4 Non ob- tia legis  
turabis os bovis trituantis Id quod san- naturalis,  
ctus Paulus. 1 Cor. 9. 9. de hominibus de grati-  
dictum interpretatur, non de bubus tudine.  
tantum. Prov. 17. 13. Qui reddit mala  
pro bonis, non recedet malum à domo ejus.  
Et Deut 20. 10. 11. Si quando accesseris  
ad expugnandam civitatem, offeras ei pri-  
mum pacem: si receperit, & aperuerit tibi  
portas, cunctus populus qui in ea est, sal-  
vabi-*



vabitur, & serviet tibi sub tributo. Prov. 3. 29. *Ne moliaris amico tuo malum, cum ille in te habeat fiduciam.*

Item  
quartæ  
legis na-  
turalis,  
de exhi-  
bendo se  
commodo.

VII. Quartæ de exhibendo se commo-  
do, conformia sunt divina præcepta  
hæc. Exod. 23. 4. 5. *Si occurreris bovi  
inimici tui aut asino erranti, reduc ad eum.  
Si videris asinum adientis te jacere sub one-  
re, non pertransibis, sed sublevabis cum  
eo.* vers. 9. *Peregrino molestias non eris.*  
Prov. 3. 30. *Ne contendas adversus homi-  
nem frustra, cum ipse tibi nihil mali fece-  
rit.* Prov. 12. 26. *Qui negligit damnum  
propter amicum, fustus est.* 15. 18. *Vir  
iracundus provocat rixas. qui patiens est,  
mitigat suscitatas.* Proverb 18. 24. *Vir  
amabilis ad societatem, magis amicus erit  
quàm frater.* Idem confirmatur Luc. 10.  
Parabolâ Samaritani, qui Judæi à la-  
tronibus vulnerati misertus est. Et præ-  
cepto Christi, Matth. 5. 39. *Ego autem  
dico vobis, non resistere malo: sed si quis  
te percusserit in dextram maxillam tuam,  
præbe illi & alteram, &c.*

Item  
quintæ  
legis na-  
turalis,  
de mise-  
ricordia.

VIII. Quæ legem quintam probant,  
inter infinita alia loca hæc sunt. Matth.  
9. 15. *Si enim dimiseritis hominibus pec-  
cata eorum, dimittet & vobis Pater vester  
cælestis peccata vestra: si autem non dimi-  
seritis hominibus: nec Pater dimittet vo-  
bis peccata vestra, &c.* Matth. 18. 21.  
*Domine, quoties peccabit in me frater  
meus,*

*meus, & dimittam ei? usque septies? Dicit illi Jesus: Non dico tibi usque septies, sed usque septuagies septies; hoc est, toties quoties.*

IX. Ad sextam legem confirman- *Item*  
dam pertinent omnia ea loca, quæ ju- *sixta le-*  
bent fieri *misericordiam*. Qualia sunt: *gis natu-*  
Matth. 5. 7. *Beati misericordes: quoniam* *ralis,*  
*ipsi misericordiam consequentur.* Levit. 19. *quod pœ-*  
v. 18. *Non quæras ultionem, neque me-* *na futu-*  
*mor eris injuriæ civium tuorum.* Sunt au- *rum tan-*  
tem, qui hanc legem non modo non *tum spe-*  
confirmatam, sed & infirmatam scri- *lent.*  
pturis putant, ex eo quod impiis post  
mortem, ubi nullus emendationi, ne-  
que exemplo locus est, pœna tamen  
maneat æterna. Solvunt objectionem  
hanc aliqui, dicendo, Deum nullâ ob-  
strictum lege omnia referre ad gloriam  
suam, sed homini non licere idem face-  
re. Quasi Deus gloriam quæreret, hoc  
est, placeret sibi, in morte peccatoris!  
Rectius respondetur, institutionem pœ-  
næ æternæ fuisse ante peccatum, & re-  
spexisse hoc tantum, ut metuerent ho-  
mines peccare in futurum.

X. Septimam comprobant verba *Item*  
Christi, Matth. 5. 22. *Ego autem dico* *septimæ*  
*vobis, quia omnis qui irascitur fratri suo,* *legis na-*  
*reus erit judicio; qui autem dixerit, Fa-* *turalis,*  
*tue, reus erit Gehennæ ignis.* Prov. 10. *contra*  
vers 18. *Qui profert contumeliam, insi-* *contume-*  
*piens* *liam.*

*piens est. Proverb. 14. 21. Qui despicit proximum suum, peccat. 15. 1. Sermo durus suscitatur furorem. 12. 10. Ejice derisorem; & exhibet cum eo jurgium, cessabuntque causæ, & contumeliæ.*

*Idem octava legis naturalis, contra superbiam.*

XI. Legem octavam de agnoscenda æqualitate naturæ, hoc est, de humilitate, stabiliunt hæc loca. Matth. 5. 3. *Beati pauperes spiritu, quoniam ipsorum est regnum cælorum. Proverb. 6. 16. 19. Sex sunt quæ odit Dominus, & septimum detestatur anima ejus: Oculos sublimes, &c. Proverb. 16. 5. Abominatio Domini est omnis arrogans: etiamsi manus ad manum fuerit, non est innocens. Prov. 11. vers 2. Ubi fuerit superbia, ibi erit & contumelia; ubi autem est humilitas, ibi & sapientia. Item Isai 40. 1. (Ubi adventus Messiae annunciatur, pro præparatione ad regnum ejus) vox claman- tis in deserto; hæc est: Parate viam Domini, rectas facite in solitudine semitæ Dei nostri. Omnis vallis exaltabitur, & omnis mons & collis humiliabitur. Quod absque dubio non ad montes, sed ad homines refertur.*

*Item nonæ legis naturalis de modestia.*

XII. *Æquitas* autem, quam posuimus nono loco, est *legem naturæ*, quâ unicuique præcipitur cæteris eadem jura permittere, quæ sibi permitti cupit, quæque cæteras omnes leges in se complectitur, eadem est quam & Moses ponit.

nit. Levit. 19. 18. *Diliges amicum tuum sicut te ipsum. & Servator noster, summam ait esse Legis moralis, Matth. 22. v. 36. Magister, quod est mandatum magnum in lege? Ait illi Jesus: Diliges Dominum Deum tuum, &c. hoc est maximum & primum mandatum; secundum autem simile est huic, Diliges proximum, tuum, sicut te ipsum: in his duobus mandatis universa lex pendet, & Prophetæ. Diligere autem proximum sicut se ipsum, nihil aliud est, quàm ei omnia permittere quæ nobismet ipsis permit-tenda esse postulamus.*

XIII. Lege decima vetatur *acceptio personarum*; quemadmodum etiam lo-cis sequentibus. Matth. 5. 45. *Ut sitis naturalis, filii Patris vestri, qui facit Solem suum contra ac-oriri super justos & injustos. Coloss. 3. 11. ceptionem* Non est Gentilis & Judæus, Barbarus & persona-Schytha, servus & liber; sed omnia, & *rum.* in omnibus Christus. Actor. 10. 34. *In veritate comperi, quia non est personarum acceptor Deus. 2 Paralip 19 7. Non est apud Dominum nostrum iniquitas, neque acceptio personarum. Ecclesiastic. 35 16. Dominus judex est, non apud illum gloria personæ Rom 2. 11. Non enim acceptio personarum apud Deum est.*

XIV. Undecima lex, quæ jubet com-muniter habenda esse quæ dividi non pos-sunt, nescio an expressè habeatur in *Item undecima legis na-*  
la.

*turalis*, sacris scripturis, necne; praxis autem  
*de haben-* passim occurrit in communi usu puteo-  
*dis com-* rum, viarum, fluminum, rerum sacra-  
*muniter*, rum, &c. aliter enim fieri non poterat,  
*quæ divi-* ut homines viverent.

*di non*  
*possunt.*

*Item*  
*duodeci-*  
*ma legis*  
*naturalis,*  
*de sorte*  
*dividen-*  
*dis.*

XV. Loco duodecimo *legem naturæ* esse diximus, ea quæ neque dividi, neque communiter possideri possunt, sorte tribuenda esse; id quod cum exemplo *Mosis* confirmatur, qui ex præcepto Dei, Num. 34. partes terræ promissionis tribubus sorte possidendas dedit: tum Actor. 1. exemplo *Apostolorum*, qui in numerum suum, (sic præfati, *Tu Domine ostende, quem elegeris, &c.*) *Matthiam* præ *Iusto*, sorte ascripserunt. Idem colligitur ex Prov. 16. 33. *Sortes mittuntur*. Et, quæ decima tertia est lex, successio debebatur *Esauo*, scilicet Primo-genito *Isaaci*, ne ipse eam (Genes. 25. 43.) vendidisset, vel pater aliter statueret.

*Item*  
*decima*  
*quinta*  
*legis na-*  
*turalis,*  
*de consti-*  
*tuendo*  
*arbitro.*

XVI. Sanctus Paulus, scribens ad Corinthios, Epist. 1. Cap. 6. corripit illius civitatis Christianos, quod judiciis forensibus apud iudices infideles (suos hostes) inter se contenderent. Delictum esse inquit, quod non malint injuriam accipere & fraudem pati. Est enim illud contra legem illam, qua jubemur *mutuo commodi esse*. Sed si accidat controversiam esse de rebus necessariis, quid facien-



ciendum est? Itaque Apostolus vers. 5. sic loquitur: *Ad verecundiam vestram dico. Sic non est inter vos sapiens quisquam, qui potest judicare inter fratres suos?* Confirmat igitur illis verbis legem naturæ, quam numeravimus decimam quintam, nimirum ubi controversiæ vitari non possunt, constituendum esse ex consensu partium aliquem arbitrum, eumque tertium, ita ut (quæ est lex decima sexta) neuter litigantium judex sit in causâ propriâ.

XVII. Quod autem judex five *Arbitrator* præmium pro sententiâ accipere non debeat, (quæ lex decima septima prima est) constat. Exod. 23. 8. *Nec accipies munera, quæ etiam excæcant prudentes, & subvertunt verba justorum.* Et Ecclesiastic. 20. 31. *Xenia & dona excæcant oculos judicum.* Ex quo sequitur, neque obligari eum parti uni magis, quam alteri; quæ est lex decima nona: confirmaturque etiam Deuter. 1. 17. *Nulla erit distantia personarum; ita parvum audietis ut magnum; & omnibus eis locis, quæ addicta sunt contra personarum acceptionem.*

XVIII. Quod in judicio *Facti*, testes adhibendi sint, quæ est lex decima octava) non modò confirmat scriptura; sed requirit plures. Deuter. 17. 6. *In ore duorum aut trium testium peribit.*

*Item de cima octava le-  
gis natu-  
ralis, de  
Testibus.*

*Item vi-* qui interficietur. Idem repetitur Deu-  
*gesima le-* ter. 19. 15.

*gis natu-* XIX. Ebrietas, quam idè inter vio-  
*ralis, con-* lationes *Legis naturalis* ultimo loco nu-  
*bra Ebrie-* meravimus, quia rectæ rationis usum  
*batem.* impedit; prohibetur in scripturis sacris  
 etiam propter eandem. Proverb. 20. 1.

*Luxuriosa res vinum, & tumultuosa Ebrie-*  
*tas. quicumque his delectatur, non erit sa-*  
*piens. & Cap. 31. vers. 4. & 5. Noli re-*  
*gibus dare vinum, ne fortè bibant, &*  
*obliviscantur judiciorum, & mutent cau-*  
*sam filiorum pauperis. Ut autem sciamus*  
*malitiam hujus vitii consistere forma-*  
*liter, non in quantitate vini quod bi-*  
*bitur, sed in eo quod iudicium & ra-*  
*tionem labefactet, sequitur proximo*  
*versu, Date siceram merentibus, & vi-*  
*num his qui amaro sunt animo. Bibant &*  
*obliviscantur egestatis suæ, & doloris sui*  
*non recordentur amplius. Eadem ratione*  
*in prohibenda Ebrietate utitur Christus,*  
*Lucæ Cap. 21. vers. 34. Attendite autem*  
*vobis, ne fortè graventur corda vestra in*  
*crapula & ebrietate.*

*Item re-* XX. Quod diximus superiore capi-  
*pectu* te, *legem naturæ esse æternam*, probatur  
*eius quod* ex Matth. 5. 18. *Amen dico vobis, donec*  
*dictum* transeat cælum & terra, jota unum, aut  
*est, le-* apex unus, non præteribit, à lege. Psal.  
*gem na-* 118. 160. *in æternum omnia judicia justi-*  
*turæ esse* *tiae tue.*  
*æternam.*

XXI. Di-

XXI. Diximus quoque, *natura Le-* Item, Le-  
*ges* pertinere ad *conscientiam*; hoc est, *ges natu-*  
*justum esse* qui omni conatu eas imple- *ra perti-*  
 re nititur. Et quamquam quis omnes *nere ad*  
 actiones fecerit tales (quod attinet ad *conscien-*  
 externam obedientiam) quales lex ju- *tiam*  
 bet, sed non ob legem ipsam, sed pro-  
 pter poenam adjunctam, vel gloriæ cau-  
 sâ; tamen eum *injustum* esse. Utrum-  
 que confirmatur scripturis sacris. Pri-  
 mum. Isai. 55. 7. *Derelinquat impius*  
*viam suam, & vir iniquus cogitationes*  
*suas, & revertatur ad Dominum, & mi-*  
*serebitur ejus.* Ezech. 18. 31. *Projicite à*  
*vobis omnes pravaricationes vestras, in*  
*quibus pravaricati estis, & facite vobis*  
*cor novum, & quare moriemini, domus*  
*Israël?* Ex quibus, & similibus locis,  
 satis intelligi potest, non puniturum  
 Deum facta eorum, quorum cor re-  
 ctum est. Secundum, ex Isaïæ cap. 29.  
 versu 13. *Et dixit Dominus, eò quod ap-*  
*propinquat populus iste ore suo, & labiis*  
*glorificat me, cor autem ejus longe est à*  
*me, ideo ecce addam, &c.* Matth 5. 20.  
*Dico enim vobis, nisi abundaverit justitia*  
*vestra plus quam Scribarum & Phariseo-*  
*rum, non intrabitis in regnum cælorum.*  
 Et in sequentibus explicat Servator no-  
 ster, mandata Dei violari, non factis  
 modo, sed etiam voluntate. Scribæ e-  
 nim & Pharisei externis factis observa-  
 bant

bant legem quàm maximè; sed gloriæ tantum causâ, alter eandem violaturi. Occurrunt præterea innumera passim scripturæ sacræ loca, quibus manifestissimè dicitur, Deum voluntatem accipere pro factò; idque tam in bonis, quàm in malis actionibus.

Item Le-  
ges natu-  
ræ faciles  
esse obser-  
vatu.

XXII. Quod lex naturæ facilis observatu sit, declarat *Christus*, Matth. 11. v. 28, 29, 30. *Venite ad me omnes qui laboratis, &c. Tollite jugum meum super vos, & discite à me, quia mitis sum & humilis corde; & invenietis requiem animabus vestris. Jugum enim meum suave est, & onus meum leve.*

Denique  
respectu  
regule per  
quam sta-  
tim co-  
gnosci po-  
test, an  
aliquid  
sit contra  
legem na-  
turæ nec-  
ne.  
*Christi*  
lex, est  
naturæ  
lex.

XXIII. Regula denique illa, quâ dignoscere unumquemque posse dixi, utrum id quod facturum sit, contra legem naturæ sit, necne, nempe, *Quod tibi fieri non vis, alteri ne feceris*, totidem penè verbis enunciatur à nostro Servatore, Matth. 6. 12. *Omnia ergo, quæcunque vultis ut faciant vobis homines, & vos facite illis.*

XXIV. Sicut lex naturæ omnis divina est; ita lex *Christi* è converso (quæ tota explicatur Matthæi capitibus 5, 6, 7.) tota quoque (excepto uno mandato de non ducendâ eâ quæ pro fornicationem est dimissa quod pro divinæ legis positivæ explicatione adduxit *Christus*, contra Judæos, qui legem

Mo-



*Mosaicam* non rectè interpretabantur :) naturæ doctrina est. Tota, dixi, lex Christi in dictis capitibus explicatur, non tota Christi doctrina. Nam doctrinæ Christianæ pars est *Fides*, quæ sub *Legis* nomine non comprehenditur. Leges enim feruntur de *actionibus* quæ voluntatem sequuntur nostram, non de *opinionibus*, neque de *fide*; quæ extra potestatem nostram existentes, voluntatem nostram non sequuntur.

# CAPUT V.

## De causis & generatione Civitatis.

- I. Leges naturales non sufficere ad Pacis conservationem. II. Leges naturæ, in statu naturæ filere. III. Securitatem vivendi secundum leges naturæ consistere in concordia multorum. IV. Concordiam multorum non esse satis constantem ad Pacem diuturnam. V. Cui brutorum quorundam animantium regimen solâ stet concordia; hominum non item. VI. Requisi ad Pacem hominum, non modo consensionem, sed etiam unionem. VII. Quid sit unio. VIII. In unione, Jus omnium in unum transfertur. IX. Quid sit civitas. X. Quid sit persona civilis. XI. Quid sit summum habere imperium, & quid subditus. XII. Duo genera civitatum, naturale & institutum.

I. **M**anifestum est per se, actiones hominum à voluntate, voluntatem à spe & metu proficisci, Leges naturales non suffi-  
D adeo

ere, ad adeo ut quoties *Bonum majus*, vel *Malum*  
 acis minus videtur à violatione Legum sibi  
 conserva- proventurum, quàm ab observazione,  
 tionem. volentes violent. Spes igitur unicuique  
 securitatis conservationisque suæ in eo  
 sita est, ut viribus artibusque propriis,  
 proximum suum, vel palàm, vel ex  
 insidiis præoccupare possit. Ex quo in-  
 telligitur, *leges naturales* non statim, ut  
 cognitæ sunt, securitatem cuiquam præ-  
 stare ipsas observandi: & proinde, quam-  
 diu cautio ab invasione aliorum non  
 habeatur, cavendi sibi quibuscunque  
 modis voluerit, unicuique manere *Jus*  
*primævum*, hoc est, *jus in omnia*, sive  
*Jus belli*; sufficitque ad impletionem  
*legis naturalis*, ut quis paratus animo  
 sit ad pacem habendam, ubi haberi  
 potest.

Leges na- II. Tritum est, *inter arma silere le-*  
 turæ in ges; & verum est, non modo de legi-  
 statu na- bus civilibus, sed etiam de lege natura-  
 turæ file- li, si non ad animum, sed ad actiones  
 re. referatur, per Cap. 3. Artic. 27. & bel-  
 lum tale intelligatur, ut sit omnium  
 contra omnes; qualis est *status natu-*  
*rae merae*, quamquam in bello nationis  
 contra nationem modus quidam custo-  
 diri solebat. Ideoque priscis tempori-  
 bus vitæ institutum, & quasi œcono-  
 mia quædam erat, quam vocabant *λῆ-  
 ξεῖναι*, *Rapto vivere*; quæ neque con-  
 tra

tra legem naturæ erat, rebus sic stantibus, neque sine gloriâ illis qui eam fortiter, nec crudeliter exercebant. Mos erat illis, cætera rapientibus, & vitæ parcere, & à bubus aratoribus, omni-que instrumento agriculturæ abstinere. Quod tamen non ita est accipiendum, tanquam ad id adstringerentur lege naturæ, sed quod gloriæ suæ consulere, & ne nimiam crudelitatem, metus arguerentur.

III. Cum ergo ad pacem conservandam necessarium sit *legis naturalis* exercitium; & ad *legis naturalis* exercitium necessaria sit *securitas*, considerandum est quid sit quod talem securitatem præstare possit. Ad hanc rem excogitari aliud non potest, præterquam ut unusquisque auxilia idonea sibi comparet, quibus invasio alterius in alterum adeo periculosa reddatur, ut satius sibi esse uterque putet, manus cohibere quam conferere. Primum autem manifestum est, quod duorum vel trium consensio securitatem talem minimè præstare possit; propterea quod additio ex altera parte unius, vel paucorum hominum, sufficit ad certam & indubitatam victoriam, datque animum adversario ad aggrediendum. Necessarium itaque est ad securitatem quam quærimus obtinendam, ut numerus eorum qui in

*Securitatem vivendi secundum leges naturæ, consistere in concordia multorum.*

mutuam opem conspirant, tantus sit, ut paucorum hominum ad hostes accessio non sit ipsis conspicui momenti ad victoriam.

*Concordiam multorum non esse satis constantem ad pacem diuturnam.*

I V. Deinde, quantumcumque sit numerus eorum qui ad se defendendum cœunt, si tamen non consentiant inter se optimâ ratione quâ id fieri debeat, sed unusquisque suo modo suis viribus utatur, nihil efficietur; propterea quod distracti sententiis, impedimento invicem erunt; aut si in unam actionem spe victoriæ, vel prædæ, vel vindictæ, satis consentiant, postea tamen diversitate ingeniorum consiliorumque, vel simulatione & invidiâ, quibus naturaliter homines inter se contendunt, ita divellentur, ut neque mutuam opem conferre, neque pacem inter se habere velint, nisi communi aliquo metu coërceantur. Ex quo sequitur, *consensionem* plurium, (quæ consistit in eo tantum, quod actiones suas, omnes ad eundem finem, & *bonum commune* dirigant) hoc est, societatem mutui tantum auxilii, non præstare consentientibus, sive sociis, securitatem quam quærimus, exercendi inter se ipsos *leges naturæ* supra dictas; sed oportere amplius quiddam fieri, ut qui semel ad pacem, & mutuum auxilium, causâ *communis boni* consenserint, ne postea,



ea, cum *bonum* suum aliquod *privatum* à *communi* discrepaverit, iterum dissentiant, metu prohibeantur.

V. Numerat Aristoteles inter animalia, quæ Politica appellat, non modo *Hominem*, sed etiam multa alia, ut *Formicam*, *Apem*, &c. quæ, quanquam ratione destituantur, per quam pacta facere, & submittere se regimini possint, nihilominus, consentiendo, id est, eadem cupiendo, & eadem fugiendo, ita actiones suas dirigunt ad finem communem, ut cœtus eorum nullis seditionibus sint obnoxii. Non sunt tamen cœtus eorum *civitates*, neque ideo ipsa animalia *politica* dicenda sunt; quippe quorum regimen consensio tantum est; si ve multæ voluntates ad unum objectum; non (ut in civitate opus est) una voluntas. Verum est, in creaturis illis solo sensu & appetitu viventibus *consensionem* animorum ita esse durabilem, ut nullâ aliâ re opus sit ad eam, & (ex consequenti) ad pacem inter se conservandam, præterquam naturali eorum appetitu. In hominibus autem aliter res se habet. Nam primò inter homines certamen est honoris & dignitatis: inter bestias non est: unde *odium* & *invidia*, ex quibus nascitur seditio & bellum, inter homines est, inter illas non est. Secundò, appetitus naturalis apum &

*Cur brutorum  
quorumdam  
animantium  
regimen  
sola sit  
concordia;  
hominum  
non item.*

similium creaturarum conformes sunt, & feruntur ad bonum commune, quod inter illas non differt à privato. homini autem nihil penè pro bono habetur, in quo non sit possessori aliquid præcipui & eximii præ eo quod possident cæteri. Tertio, animantia quæ rationem non habent, nullum defectum vident, vel videre se putant, in administratione suarum rerum publicarum. sed in multitudine hominum plurimi sunt qui præ cæteris sapere existimantes. conantur res novare; & diversi novatores, innovant diversis modis: id quod est distractio, & bellum civile. Quartò, animantia bruta, utcumque possint vocis suæ usum aliquem habere, ad significandum inter se affectus suos; carent tamen illâ verborum arte, quæ necessariò requiritur ad perturbationes animi concitandas, nimirum, qua Bonum, melius; Malum, pejus repræsentatur animo, quàm revera est: hominis autem lingua tuba quædam belli est & seditionis; diciturque *Pericles* suis quondam orationibus, tonuisse, fulgurâsse, & confudisse totam *Græciam*. Quintò, non distinguunt illa injuriam à damno. Inde accidit, ut dum bene ipsis sit, socios non culpent. Homines autem maximè rei publicæ molesti sunt, quibus maximè licet esse otiosis. non enim antè certare  
de

de dignitate publica solent, quam in certamine contra famem & frigus victoriam reportaverint. Postremò, consensio creaturarum illarum brutarum naturalis est; hominum pactitia tantum, hoc est, artificiosa est, non igitur mirandum est, si hominibus ad vivendum in pace aliquid amplius opus sit. *Consensio* itaque, sive *societas* contracta sine potestate aliquâ communi, per quam metu pœnæ singuli regantur, non sufficit ad securitatem, quæ requiritur ad exercitium *justitiæ naturalis*.

VI. Quoniam igitur *conspiratio* plurium voluntatum ad eundem finem non sufficit ad conservationem pacis, & defensionem stabilem, requiritur ut circa ea quæ ad pacem & defensionem sunt necessaria, *una* omnium sit *voluntas*. Hoc autem fieri non potest, nisi unusquisque *voluntatem* suam, alterius *unius*, nimirum *unius Hominis*, vel *unius Concilii voluntati* ita subjiciat, ut pro *voluntate* omnium & singulorum habendum sit, quicquid de iis rebus quæ necessariae sunt ad pacem communem ille *voluerit*. *CONCILIUM* autem voco, cœtum plurium hominum deliberantium de eo quod agendum, vel non agendum est; ad commune omnium bonum.

*Requiri ad pacem hominum non modò consensionem, sed etiam unionem.*

*Quid sit  
unio.*

VIII. *Voluntatem* hæc *submissio* omnium illorum, *unius hominis voluntati*, vel *unius Concilii*, tunc fit, quando unusquisque eorum unicuique cæterorum se pacto obligat ad non resistendum *voluntati illius hominis*, vel *illius Concilii* cui se submiserit, id est, ne usum opum & virium suarum (quoniam jus se ipsum contra vim defendendi retinere intelligitur) contra alios quoscumque illi deneget. Vocaturque UNIO. *Voluntas* autem *Concilii*, ea intelligitur esse, quæ est *voluntas majoris partis* eorum hominum, ex quibus Concilium consistit.

*In unione, jus omnium in unum transferitur.*

VIII. Quamquam autem *voluntas* non sit ipsa voluntaria, sed tantum actionum voluntarium principium, (non enim volumus velle, sed *facere*) ideoque minimè cadat sub deliberationem & pacta; tamen qui subjicit *voluntatem* suam alterius voluntati, transfert in illum alterum *Jus virium & facultatum* suarum: ut cum cæteri idem fecerint, habeat is cui submittitur, tantas vires, ut terrore earum, singulorum voluntates ad unitatem & concordiam possit confirmare.

*Quid sit  
civitas.*

IX. Unio autem sic facta, appellatur *civitas*, sive *societas civilis*, atque etiam *persona civilis*. nam cum una sit omnium *voluntas*, pro *unâ personâ* habenda



da est; & nomine *uno* ab omnibus hominibus particularibus distinguenda & dignoscenda, habens jura sua, & res sibi proprias. Ita ut neque civis aliquis, neque omnes simul, ( si excipiamus eum cujus voluntas sit pro voluntate omnium ) pro *civitate censenda* sit. **CIVITAS** ergo ( ut eam definiamus ) est *persona una*, cujus *voluntas*, ex pactis plurium hominum, pro *voluntate* habenda est ipsorum omnium; ut singulorum viribus & facultatibus uti possit, ad pacem & defensionem communem.

X. Quanquam autem *civitas* omnis *persona civilis* sit; non tamen, è *con-*<sup>Quid sit  
persona  
civilis.</sup>verso, omnis *persona civilis* est *civitas*. fieri enim potest ut cives plures, permittente civitate suâ, coeant in *unam personam*, certamen rerum agendarum causâ. Hæ jam *personæ civiles* erunt, ut sodalitates mercatorum, & conventus alii quamplurimi, *civitates* tamen non sunt, quia non subjecerunt se voluntati conventus simpliciter, & in omnibus, sed in certis rebus à civitate determinatis; atque ita ut cuilibet eorum contra ipsum *Corpus sodalitatis*, contendere judicio licitum sit apud alios; quod *civi* contra *civitatem* licitum non est. Hujusmodi igitur *societates* sunt *personæ civiles*, *civitati* subordinatæ.

*Quid sit  
summum  
habere  
impe-  
rium, &  
quid sub-  
ditus.*

XI. In omni civitate, *Homo* ille, vel *Concilium* illud, cujus voluntati singuli voluntatem suam (ita ut dictum est) subjecerunt, SUMMAM POTESTATEM, sive SUMMUM IMPERIUM, sive DOMINIUM habere dicitur. Quæ Potestas & Jus imperandi in eo consistit, quod unusquisque civium omnem suam vim & potentiam, in illum hominem, vel Concilium transtulit. Quod fecisse, (quia vim suam in alium transferre naturali modo nemo potest) nihil aliud est, quàm de jure suo resistendi decessisse. Civium unusquisque, sicut etiam omnis persona civilis subordinata, ejus qui Summum imperium habet, SUBDITUS appellatur.

*Duo ge-  
nera ci-  
vitatum,  
naturale  
& insti-  
tutum.*

XII. Ex ante dictis satis ostensum est, quo modo, & quibus gradibus multe personæ naturales in unam personam civilem, quam civitatem appellavimus, studio sese conservandi, mutuo metu coaluere. Cæterùm qui se subjiciunt alteri propter metum, vel ipsi quem metuunt se subjiciunt, vel alicui alii, cui confidunt, ut ab eo protegantur. Priore modo faciunt bello victi, ne occidantur; posteriore, nondum victi, ne vincantur. Prior modus initium habet à potentiâ naturali, & dici potest civitatis origo naturalis; posterior à consilio.

*filio & constitutione coëuntium, quæ origo ex instituto est. Hinc est quod duo sint genera civitatum: alterum naturale, quale est Paternum & Despoticum; alterum institutivum, quod & politicum dici potest. In primo Dominus acquirit sibi cives sua voluntate; in altero cives arbitrio suo imponitur sibimet ipsis Dominium, sive is sit unus homo, sive unus cætus hominum, cum summo imperio. Dicemus autem primo loco de civitate institutiva, deinde de naturali.*

## CAPUT VI.

*De jure ejus, sive Concilii, sive Hominis unius, qui in civitate cum summa potestate est.*

- I. Multitudini extra civitatem non potest attribui Jus aliquod, neque actio aliqua, in quam non sigillatim consenserunt.
- II. Initium civitatis est Jus majoris numeri consentientis.
- III. Unumquemque Jus retinere protegendæ se arbitrio proprio, quamdiu securitatis suæ non sit prospectum.
- IV. Potestatem coactivam necessariam esse ad securitatem.
- V. Quid sit Gladius Justitiæ.
- VI. Gladium Justitiæ penes eum esse qui habet summum imperium.
- VII. Gladium belli penes eundem esse.
- VIII. Judicia penes eundem esse.
- IX. Legislationem penes eundem esse.
- X. Magistratum & Ministrorum civitatis nominationem penes eundem esse.
- XI. Doctrinarum examina.

minationem penes eundem esse. xii. Quicquid is fecerit, impune esse. xiii. Eisdem à civibus imperium absolutum concessum esse: quantaque ei debeatur obedientia. iv. Eundem legibus civitatis non teneri. xv. Nemini proprium esse quicquam contra illum qui habet summum imperium. xvi. Quid sit furtum, homicidium, adulterium & injuria, cognosci ex legibus civilibus. xvii. Opinio eorum qui civitatem constituerent vellent, ubi non esset quisquam cum potentiâ absolutâ. xviii. Nota Imperii summi. xix. Si conferatur civitas cum homine, is qui habet summum Imperium, est ad civitatem in ea ratione, in qua est anima humana ad ipsum hominem. xx. Summum Imperium non posse jure dissolvi consensu eorum, quorum pactis est constitutum.

Multitudo I.  
dini ex-  
tra civi-  
tatem  
non potest  
attribui  
jus ali-  
quod, ne-  
que actio  
aliqua, in  
quam non  
consense-  
runt.

**C**onsideranda inprimis est ipsa hominum (coëuntium in unam civitatem suo ipsorum arbitrio) *Multitudo* (\*) quid sit; nimirum quòd non sit *unum* aliquid, sed plures homines, quorum unusquisque suam habet sibi voluntatem, & suum circa omnia proponenda judicium. Et siquidem per contractus particularcs singuli suum sibi quam non habeant *Jus & proprietatem*, ut alter sigillatim hoc, alter illud dicat esse suum, nihil erit de quo tota multitudo, ut *persona* à singulo quoniam distincta, possit rectè dicere, hoc *meum* est, magis quam *alienum*. Neque est actio ulla, quæ multi-  
tudi-



tudini attribui debet, ut *sua*; sed ( si omnes vel plures consenserint ) actio non erit, sed tot actiones, quot homines. Quamquam enim in magnâ aliquâ seditione vulgo dici solet *populum* illius civitatis cepisse arma; verum tamen est de illis solis qui in armis sunt, vel qui iis consentiunt. *Civitas* enim, quæ *una persona* est, capere arma in se ipsam non potest. Quicquid igitur à multitudine factum est, intelligendum est factum esse ab unoquoque eorum ex quibus illa conflatur. Atque is qui in multitudine illa existens, tamen iis quæ facta sunt non consenserit, neque opem tulerit, non fuisse censendus est. Præterea in multitudine nondum in unam personam, eo modo quo dictum est, coalitâ, manet ille *naturæ status*, in quo *omnia omnium sunt*; neque locum habet illud *meum & tuum*; quod vocatur *dominium*, & *proprietas*: propterea quod nondum existat securitas illa, quam suprà ad exercitium *legum naturalium* requiri ostendimus.

Multitudo, &c. ] *Doctrina de Civit. Annotata* in cives potestate, tota ferè dependet à cognitione differentie, quæ est inter multitudinem hominum quæ regit; & eam quæ regitur. Ea enim civitatis naturæ est, ut civium multitudo sive aggregatum, non

modo imperet, sed etiam imperanti subji-  
ciatur; sed alio atque alio sensu. Quam  
differentiam in primo hoc Articulo satis  
explicatam esse credideram. Verum, ex  
multorum contra ea quæ sequuntur obje-  
ctionibus, aliter esse sentio. Itaque ube-  
rioris explicationis causa pauca hæc adji-  
cere visum est.

Multitudo, quia vox collectiva est, si-  
gnificare intelligitur res plures, ut hominum  
multitudo idem sit quod multi homines. Vox  
eadem quia numeri est singularis, unam  
rem significat, nempe unam multitudinem.  
At neutro modo intelligitur multitudo ha-  
bere unam voluntatem à natura datam, sed  
alius aliam. Neque ergo attribuenda illi est  
una actio, quæcunque ea sit. Itaque pro-  
mittere, pacisci, jus acquirere, jus trans-  
ferre, facere, habere, possidere, & simi-  
lia, multitudo non potest, nisi sigillatim si-  
ve viritim, ut sint promissa, pacta, jura,  
actiones, tot quot sunt homines. Quapropter  
multitudo, persona naturalis non est. Cete-  
rùm eadem multitudo, si viritim paciscan-  
tur, fore ut unius alicujus hominis volun-  
tas, vel majoris partis ipsorum voluntates  
consentaneæ, pro voluntate omnium ha-  
beantur, tunc persona una fit: voluntate  
enim prædita est, ideoque actiones facere  
potest voluntarias, quales sunt, impera-  
re, leges condere, jus acquirere & trans-  
ferre, & cætera; & populus sæpius quam  
mul-

*multitudo dicitur. Distinguendum itaque sic est; Per Populum vel multitudinem, quoties ipsam aliquid velle, imperare, vel facere dicimus, intelligitur civitas quæ imperat, vult & agit per voluntatem unius hominis, vel per voluntates plurimum hominum consentaneas: quod nisi in conventu fieri nequit. Quoties autem à multitudine hominum, sive magna sive parva, aliquid fieri dicitur sine voluntate illius hominis vel conventus; id factum esse à populo subdito, id est, à multis simul civibus singularibus, neque ex una voluntate, sed ex pluribus provenire plurimum hominum; qui cives sunt, & subditi, civitas non sunt.*

II. Considerandum deinde est, unumquemque ex multitudine (quo constituendæ civitatis principium fiat) *Initium civitatis. est jus majoris numeri consentientis.* debere consentire cum cæteris, ut in iis rebus quæ à quopiam in cœtu proponuntur, pro voluntate omnium habeatur id, quod voluerit eorum major pars. Alio enim modo multitudinis hominum, quorum ingenia & vota inter se tam variè differunt, nulla omnino erit voluntas. Quod si quis nolit consentire, cæteri sine eo civitatem nihilo minus inter se constituent. Ex quo fiet ut civitas in dissentientem Jus suum primævum retineat, hoc est, *jus belli*, ut in hostem.

III. Quo-

Unum-  
quemque  
jus reti-  
neri pro-  
tegendis  
se arbitrio  
proprio,  
quamdiu  
securitati  
eius non  
est prospe-  
ctum.

III. Quoniam autem capite præcedente, articulo 6, requiri ad securitatem hominum diximus, non modo consensionem, sed etiam subjectionem voluntatum, circa eas res quæ ad Pacem & Defensionem sunt necessariae; & in ea *unione*, sive *subjectione*, consistere naturam *civitatis*; videndum hoc loco est, ex iis rebus quæ in coetu hominum (quorum voluntates omnes in majoris partis voluptate continentur) proponi, discuti, & statui possunt, quænam res ad Pacem, & defensionem communem sint necessariae. Inprimis autem *paci necessarium* est, ut unusquisque in tantum protegatur contra cæterorum violentiam, ut possit securè vivere, hoc est, ne habeat causam justam metuendi à cæteris, quamdiu ipse alios injuriâ nullâ affecerit. Tutos quidem reddere homines à mutuis damnis, ita ut lædi, vel occidi injuriâ non possint, impossibile est; neque ergo cedit in deliberationem. Sed ne sit metuendi causa justa, prospici potest. Securitas enim Finis est, propter quem homines se subjiciunt aliis: quæ si non habeatur, nemo intelligitur se aliis subjecisse, sicut jus se arbitrio suo defendendi amisisse. Neque antè intelligendus est quisquam se obstrinxisse ad quicquam, vel jus suum in omnia.



nia reliquisse, quàm securitati ejus sit prospectum.

IV. Ad securitatem hanc non sufficit, ut unusquisque eorum qui in civitatem coalituri sunt, cum cæteris paciscatur, vel verbis, vel scripto, de *non* *occidendo*, *non furando*, & similibus Legibus observandis. Manifesta enim omnibus est ingenii humani pravitas, & experientiâ nimis cognitum, quàm parùm, amotâ pœnâ, conscientîâ promissorum homines in officio contineantur. Securitati itaque, non *pactis*, sed *pœnis* providendum est. Tunc autem satis provisum est, cùm pœnæ tantæ in singulas injurias constituuntur, ut apertè majus malum sit fecisse, quàm non fecisse. Omnes enim homines necessitate naturæ id eligunt, quod *sibi*met *ipsis* apparenter bonum est.

*Potestatem coactivam necessariam esse ad securitatem.*

V. Jus autem pœnas sumendi tunc intelligitur datum esse alicui, quando unusquisque paciscitur, se non auxiliaturum esse ei qui pœnas daturus est. Vocabo autem *Jus* hoc *Gladium justitiæ*. Hujusmodi autem pacta satis plerumque observant homines, nisi ubi ipsi vel illorum proximi puniendi sunt.

*Quid sit Gladius justitiæ.*

VI. Quoniam ergo ad securitatem singulorum, atque adeò ad pacem communem *necessarium* est, ut *Jus* utendi *penes* *glâ-*

*Gladius justitiæ penes glâ-*

*qui habet imperium summum.* gladio ad pœnas, in aliquem hominem vel concilium, transferatur; is homo, vel illud concilium, necessario intelligitur summum in civitate imperium jure habere. Qui enim pœnas suo arbitrio jure sumit, jure omnes cogit ad omnia, quæ ipse vult; quo imperium majus excogitari nullum potest.

*Gladium belli penes eundem esse.*

VII. Frustra autem pacem inter se colunt, qui se contra externos tueri non possunt; neque possibile est iis se tutari contra externos, quorum vires unitæ non sint: ideoque necessarium est ad singulorum conservationem, ut sit Concilium aliquod unum, vel homo unus qui jus habeat armandi, congregandi, & uniendi tot cives in omni periculo, vel occasione, quot pro incerto numero & viribus hostium ad communem defensionem opus erit; rursusque cum hostibus quoties expediet pacem faciendi. Intelligendum ergo est, singulos cives, in unum vel hominem vel concilium, totum hoc Jus belli & pacis transulisse: Atque jus hoc (quod Gladium belli appellare possumus) esse ejusdem hominis vel concilii, cujus est Gladius justitiæ. Nemo enim ad arma & ad belli sumtus cives potest jure cogere, nisi qui jure punire cum potest qui non obediit. Summo itaque Imperio uterque Gladius, tam belli quam justitiæ,

ex ipsa civitatis constitutione & essentialiter adhæret.

VIII. Quoniam autem *jus gladii* *Judi-* nihil aliud est, quam jure posse, suo *cia penes* arbitrio, gladio uti; sequitur, *Arbi-* *eundem* *trium* sive *judicium* de recto ejus usu ad *esse.* eundem pertinere. Si enim *potestas judi-* *candi* penes unum esset, & potestas exsequendi penes alterum, nihil efficeretur: frustra enim judicaret, qui mandata exsequi non posset; aut si exsequatur per jus alterius, non ipse *jus gladii* habere dicitur, sed alter, cujus ille minister tantum est. Omne igitur *judicium* in *ci-vitate* est illius qui *Gladios* habet, hoc est, ejus cujus est *imperium summum.*

IX. Porro, cum non minus, imò *Legisla-* multò magis ad pacem conducatur, præ- *tionem* venire ne rixæ oriantur, quam ortas *penes* compescere: controversiæ autem om- *eundem* nes nascantur ex eo, quod differunt in- *esse.* ter se opiniones hominum de *meo & tuo,* *justo & injusto,* *utili & inutili,* *bono & malo,* *honesto & inhonesto,* & similibus, quæ quisque proprio æstimat judicio: ejusdem *Summi imperii* est, communes omnibus exhibere regulas, sive mensuras, & publicè eas declarare, quibus unusquisque sciat quid *sum,* quid *alienum,* quid *justum,* quid *injustum,* quid *honestum,* quid *inhonestum,* quid *bonum,* quid

quid *malum*, appellandum sit: hoc est summam, quid *agendum* & quid *fulgiendum* sit in vita communi. Regulæ autem, siue mensuræ illæ, vocari solent *leges civiles* siue *leges civitatis*, ut quæ ejus qui *summum* in civitate imperium obtinet, sunt *mandata*. Et LEGES CIVILES (ut eas definiamus) nihil aliud sunt, quam qui in civitate *summâ potestate* præditus est, de civium futuris actionibus mandata.

Magi-  
stratum  
& mini-  
strorum  
civitatis  
nomina-  
tionem  
penes  
eundem  
esse.

X Præterea cum, civitatis negotia, belli, & pacis, ab uno homine, vel concilio uno, absque ministris & magistratibus subordinatis omnia administrari, impossibile sit; pertineatque ad pacem & defensionem, ut quibus de controversiis justè judicare, vicinorum consilia pervidere, bella prudenter gerere, utilitati civitatis undiquaque prospicere incumbit, rectè suis officiis fungantur, rationi consentaneum est, ut ab eo dependeant, & eligantur, qui habet *summum imperium* tam in bello, quàm in Pace.

Doctri-  
narum  
exami-  
nationem  
penes  
eundem  
esse.

XI. Manifestum quoque est, actiones omnes voluntarias initium habere & necessariò dependere à voluntate; voluntatem autem faciendi vel non faciendi dependere ab opinione *boni* vel *mali*, *premi* vel *pæna*, quam sibi quisque conceperit ex facto vel omisso sequuturam esse; ita ut actiones omnium à suis cu-

jus-



jusque opinionibus regantur. Quare illatione necessaria & evidenti intelligitur, pacis communis interesse plurimum, ut nullæ opiniones vel doctrinæ civibus proponantur, quibus putent, vel se jure non posse *legibus* civitatis, hoc est, mandatis illius *hominis*, vel *concilii*, cui *summum* civitatis *imperium* commissum est, obtemperare; vel licitum sibi esse ei resistere; vel majorem pœnam manere sibi neganti, quàm præstanti obsequium. Si enim unus imperet aliquid facere sub pœna mortis naturalis, alius vetet sub pœnâ mortis æternæ, uterque jure; sequetur, non tantùm cives, etsi innocentes, puniri jure posse, sed penitus dissolvi civitatem. Neque enim servire quisquam duobus dominis potest, neque is cui obediendum esse credimus metu damnationis, minùs dominus est, quàm is cui obeditur metu mortis temporalis, sed potius magis: Sequitur ergo, illum *unum* sive *hominem*, sive *curiam*, cui commissum est à civitate *summum imperium*, hoc quoque habere juris, ut (\*) & judicet quæ opiniones & doctrinæ paci inimicæ sunt, & vetet ne doceantur.

Et judicet quæ opiniones, &c.] Do- *Annosæ*  
*gma* fere nullum est, neque circa cultum *ti*,  
 Dei,

Dei, neque circa scientias humanas, unde dissensiones, deinde discordiæ, convitia, & paulatim bellum oriri non possit. Neque accidit hoc propter Dogmatis falsitatem, sed propter ingenium hominum, qui sapientes sibi visi, idem videri volunt omnibus. Verum hujusmodi dissensiones quamquam impediri non possunt, ne oriantur, attamen ne impediant pacem publicam, Imperii summi exercitio coërceri possunt. De opinionibus itaque istiusmodi loquutus hoc loco non sum. Sunt doctrinæ quædam, quibus imbuti cives obedientiam civitati negari, & contra Principes summos summasque potestates pugnari, idque jure posse, imò oportere, arbitrantur. Quales sunt quæ siue directe & aperte, siue obscurius per consequentiam, hominibus aliis præter eos quibus imperium summum traditum est, obedientiam postulant. Spectare hoc ad potestatem, quam in aliena civitate Ecclesiæ Romanæ Principi multi attribuunt, & ad potestatem etiam quam alicubi extra Ecclesiam Romanam Episcopi in civitate sua sibi postulant; denique ad libertatem quam prætextu Religionis sumunt sibi etiam cives infimi, non dissimulo. Nam quod bellum civile in orbe Christiano unquam existit, quod ab hac radice ortum aut alitum non fuerit? Doctrinarum igitur judicium, utrum obedientiæ civili repugnent necne, & siquidem repugnent, potestatem prohibendi

ne

ne doceantur, imperio civili hic attribuo. Non cum nemo sit, qui earum rerum quæ ad pacem & defensionem civitatis pertinent, judicium civitati non concedat, & manifestum sit, opiniones quales jam recitari, pertinere ad pacem civitatis, sequitur necessario, opinionum examen, an tales sint nec ne, ad civitatem, id est, ad eum penes quem est summum Civitatis imperium, referri oportere.

XII. Postremò, ex eo quod civium <sup>Quic-</sup> unusquisque voluntatem suam volun- <sup>quid is</sup> tati ejus subjecit, qui summum in civi- <sup>fecerit,</sup> tate imperium habet, ita ut viribus pro- <sup>impune</sup> priis contra eum uti non possit; sequi- <sup>esse.</sup> tur manifestè, impunè debere esse, quicquid ab eo factum erit. Nam ut punire naturaliter eum nemo potest, qui satis virium non habet; ita neque jure punire, qui satis virium non habet.

XIII. Ex his quæ dicta jam sunt, Eidem à manifestissimum est, in omni civitate <sup>civibus</sup> perfectâ (hoc est, ubi nulli civium <sup>Jus imperium</sup> est, viribus suis ad propriam conserva- <sup>absolu-</sup> tionem suo arbitrio utendi, sive ubi gla- <sup>tum con-</sup> dii privati jus excluditur) esse summum <sup>cessum es-</sup> in aliquo Imperium, quo majus ab ho- <sup>se quan-</sup> minibus jure conferri non potest, sive <sup>taque eo</sup> quo majus nemo mortalium habere po- <sup>debeatur</sup> test in se ipsum, Imperium autem quo <sup>obedien-</sup> <sup>tia.</sup> majus



maius ab hominibus in hominem transferri non potest, vocamus (\*) *ABSOLUTUM*. Quicumque enim voluntatem suam ita voluntati civitatis subiecit, ut quidlibet possit *impune facere*, *leges condere*, *lites judicare*, *pœnas sumere*, *viribus & opibus* omnium suo arbitrio uti, atque hæc omnia jure; sanè imperium ei maximum quod concedi potest, concessit. Idem experienciâ per omnes civitates quæ sunt, vel fuerunt unquam, confirmari potest. Quamquam enim quandoque dubitetur, *quis homo*, vel *quod concilium*, *summum* in civitate *imperium* habeat, existit tamen semper & exercetur tale imperium, nisi tempore seditionis & belli civilis, & tunc duo fiunt *summa imperia* ex uno. Seditiosi verò qui contra absolutam potentiam disserere solent, non tam tollere eam, quàm in alios transferre fatagunt. Sublatâ enim hac potentiâ, unâ tollitur civitas, & redit confusio omnium rerum. Cum jure absoluto summi Imperantis, tanta connectitur civium obedientia, quanta ad civitatis regimen necessario requiritur, id est, tanta ut jus illud frustra non sit concussum. Hujusmodi autem obedientiam, licet ea aliquibus de causis aliquando negari jure possit, quia tamen præstari major non potest, *SIMPLICEM* vocabi-



cabimus. Nascitur autem ad eam præstandam obligatio non immediatè ex co pacto, in quo jus nostrum omne ad civitatem transtulimus; sed mediatè, nempe ex eo quod sine obedientia jus Imperii frustra esset, & per consequens omnino constituta civitas non fuisset. Aliud enim est, si dico, Jus tibi do quilibet imperandi; aliud, si dico, Faciam quicquid imperabis. Potestque tale esse mandatum, ut interfici malim quàm facere. Siquidem ergo teneri nemo potest, ut velit interfici, multo minus tenetur ad id quod morte est gravius. Si jubear ergo interficere me ipsum, non teneor. Nam etsi negavero, nec jus imperii frustra est, cum alii haberi possint qui id facere jussi non recusabunt, neque id recusando quod facere pactus sum. Similiter si is qui summum habet Imperium, se ipsum, imperantem dico, interficere alicui imperet, non tenetur: quia intelligi non potest, ut id pactus fuerit. Neque parentem, sive is innocens, sive nocens sit, & jure condemnatus; cùm & alii sint qui id facere jussi volunt, & filius mori quàm vivere infamis atque exosus malit. Multi alii casus sunt, in quibus, cùm mandata aliis quidem factu inhonesta sunt, aliis autem non sunt, obedientia ab his præstari, ab illis negari jurè potest: atque

E

id

id salvo jure, quod Imperanti concessum est absolutum. Nam illi in nullo casu, eos qui obedientiam negabunt, interficiendi jus adimitur. Cæterum qui sic interficiunt, etsi jure concessio ab eo qui habet, tamen eo jure aliter atque recta ratio postulat utentes, peccant contra leges naturales, id est, contra Deum.

*Annotation.*

A B S O L U T U M. ] *Imperium absolutum status popularis apertè sibi postulat : nec repugnant cives. Nam in conventu multorum hominum civitatis faciem agnoscunt, & consilio res geri intelligunt etiam imperiti. Civitas tamen non minus est Monarchia, quam Democratia, habentque Reges absoluti Consiliarios suos, à quibus moneri & imperia sua in rebus omnibus majoris momenti expendi quidem, etsi non revocari, volunt. Sed civitatem in persona Regis contineri, minus manifestum est plerisque. Itaque contra imperium absolutum obijciunt primò, quod si quisquam tali jure esset, civium conditio misera esset. Sic enim cogitant, rapiet, spoliabit, occidet. Et tantum non jam spoliatum & occisum se quisque putat. Quare autem faceret ? non quia potest ; nam nisi vult, non faciet. An in unius vel paucorum gratiam cæteros omnes spoliare vult ? Primò etsi jure, id est, sine injuria sibi illatâ, non tamen juste, id est, sine*

sine violatione legum naturalium & injuriâ in Deum faciet. Itaque à jure-jurando Principum securitas subditis oritur nonnulla. Deindè si justè id facere posset, vel si jus-jurandum nihili penderet, ratio quare spoliare cives suos vellet, cùm id sibi bonum non sit, nulla apparet. Quin princeps aliquando inique faciendi animum habere possit, negandum non est. Sed fac te dedisse ei imperium non absolutum, sed quantum ad te ipsum ab injuriis aliorum defendendum satis sit, quod ut des si salvus esse vis, necesse est; nonne eadem omnia sunt timenda? Nam qui satis habet virium ad omnes protegendos, satis quoque habet ad omnes opprimendos. Nihil ergo hic duri est, præterquam quod res humane sine incommodo aliquo esse non possunt. Atque hoc ipsum incommodum à civibus, non ab imperio est. Nam si homines propriis singulorum imperiis regere se possent, hoc est, vivere secundum leges naturales, opus omnino civitate non esset, neque communi imperio coërceri.

Objiciunt secundo, imperium in orbe Christiano absolutum nullum esse. Quod certè non est verum. Nam omnes Monarchiæ, omnesque alii status civitatum tales sunt. Quamquam enim illi qui summum imperium habent, non omnia faciunt quæ velent, & quæ civitati utilia esse sciunt, causa ejus rei non est defectus juris, sed

*consideratio civium , qui privatae rei at-  
tenti, & earum rerum, quæ ad publicum  
spectant , ignari , ad officium quandoque  
sine periculo civitatis cogi non possunt. Ita-  
que Principes ab exercitio juris sui absti-  
nent aliquando , prudenterque de re aliquid,  
de jure autem nihil remittunt.*

*Eundem  
legibus  
civitatis  
non tene-  
ri.*

XIV. Neque sibi dare aliquid quis-  
quam potest , quia jam habere suppo-  
nitur quod dare sibi potest ; neque sibi  
obligari. Nam cùm idem esset *obliga-  
tus* , & *obligans* , obligans autem obli-  
gatum possit liberare , frustra esset sibi  
obligari , quia liberare se ipsum potest  
arbitratu suo ; & qui hoc potest , jam  
actu liber est. Ex quo constat , *legibus  
civilibus* non teneri ipsam civitatem.  
Nam leges civiles sunt leges civitatis ;  
quibus si obligaretur , ipsa obligaretur  
sibi. Neque obligari potest civitas civi.  
Quoniam enim hic illam , si voluerit ,  
potest obligatione liberare , & vult quo-  
ties ipsa vult , ( quia civis cujusque vo-  
luntas in omnibus rebus , comprehen-  
ditur in voluntate civitatis ) libera est  
civitas quando vult , hoc est , actu jam  
libera est. *Concilii* autem , sive *hominis*  
cui *summum imperium* commissum est ,  
voluntas , est voluntas civitatis. Com-  
plectitur ergo voluntates singulorum  
civium. neque igitur tenetur is , cui  
*sum-*



*summum imperium commissum est, legibus civilibus; hoc enim est obligari sibi, neque cuiquam civium.*

XV. Quoniam autem, ut supra ostensum est, ante constitutionem civitatis omnia omnium sunt, neque est quod quis ita *sum* esse dicat, quod non alius quilibet idem eodem jure vendicet pro suo, (ubi enim omnia communia sunt, nihil cuiquam proprium esse potest) sequitur, proprietatem initium sumpsisse (\*) cum ipsis civitatibus, atque esse id cuique proprium, quod sibi retinere potest per leges, & potentiam totius civitatis, hoc est, per eum cui *summum* ejus *imperium* delatum est. Ex quo intelligitur, singulos cives *sum* sibi proprium habere, in quod nemo concivium suorum jus habet, quia iisdem legibus tenentur; non autem proprium ita habere quicquam, in quod non habeat jus ille qui habet *imperium summum*, cujus mandata sunt ipsæ leges, cujus voluntate voluntas singulorum continetur, & qui à singulis constituitur iudex supremus. Quamquam autem multa sint, quæ civitas civibus permittit, ideóque aliquando contra habentem *summum imperium* lege agi possit: actio tamen ea non est *juris civilis*, sed *æquitatis naturalis*; neque agitur de eo (\*) quod jure possit is, qui *summum*

*Nemini proprium esse quicquam contra illum qui habet summum imperium.*

*imperium* habet, sed de eo quod *voluit*; ideoque ipse erit *judex*, tanquam si cognita æquitate, non posset inique *judicare*.

*Annotatio.*

Proprietatem initium sumpsisse cum civitatibus, &c.] Quod ab aliquibus obiectum est, bonorum proprietatem etiam ante constitutas civitates in partibus familiarum exstitisse, id, quoniam familiam civitatem parvam esse dixeram, frustra obiectum est. Nam filii familias, proprietatem rerum suarum à patre concessam habent, distinctam quidem à cæteris filiis ejusdem familiæ, sed non à proprietate ipsius patris. Patres vero diversarum familiarum, qui nec patri nec domino communi subjiciuntur, jus commune in omnia habent.

*Annotatio.*

Neque agitur de eo quod jure possit, &c.] Quoties actio legis civi contra summum Imperantem, id est, contra civitatem conceditur; ea actione non queritur, an civitas rem de qua agitur, possidere jure possit, sed an legibus ante latis eam possidere voluerit. Est enim lex summi Imperantis voluntas declarata. Cum itaque pecuniam duobus nominibus civitas à cive petere possit, nimirum ut tributum, vel ut debitum, in priore casu actio legis non conceditur: nam queri non potest: an civitas tributi exigendi jus habeat: in

se-

*secundo conceditur, propterea quod nihil vult auferre civitas à cive per calliditatem; & tamen, si opus est, omnia aperte. Itaque quod reprehendit quidam hunc locum, dicens, facile, ex hac doctrina, esse principibus ære alieno se liberare, inepte reprehendit.*

XVI.<sup>a</sup> *Furtum, Homicidium, Adul-* *Quid sit*  
*terium, atque injuriæ omnes legibus na-* *furtum,*  
*turæ prohibentur. Cæterum quid in* *homici-*  
*cive furtum, quid homicidium, quid* *dium, ad-*  
*adulterium, quid denique injuria appel-* *ulterium,*  
*landum sit, id non naturali, sed civi-* *& inju-*  
*li lege determinandum est. Non enim* *ria, co-*  
*omnis ablatio rei, quam alter possi-* *gnosci ex*  
*det, sed rei alienæ tantum, furtum est.* *legibus*  
*Quid autem nostrum est, quid alienum,* *civilibus.*  
*legis civilis quæstio est. Similiter non*  
*omnis occisio hominis Homicidium est,*  
*sed ejus tantum quem occidere vetat*  
*lex civilis; neque omnis concubitus*  
*adulterium est, sed is tantum quem le-*  
*ges civiles prohibent. Denique promiss-*  
*si violatio injuria est, ubi ipsum pro-*  
*missum licitum est; ubi verò jus non*  
*est paciscendi, ibi nullum jus transit;*  
*ideoque nulla sequitur injuria, ut di-*  
*ctum est capite 2. artic. 17. Quæ au-*  
*tem pacisci possumus, & quæ non*  
*possumus, à lege civili pendent. Rectè*  
*igitur sanxit civitas Lacedæmoniorum,*

impune fore adolescentibus , si quasdam res ita aliis auferrent, ut non deprehenderentur. nihil enim aliud erat, quàm legem facere , ut *suum* , non *alienum* esset, quod sic acquireretur. Rectè item ibique occiditur, quem bello vel necessitate propriæ defensionis occidimus. Similiter qui concubitus in una civitate *matrimonium* est , in aliâ *adulterium* judicabitur, & è converso. Item ea pacta quæ faciunt *matrimonium* in uno cive , non idem faciunt in alio, quamquam ejusdem civitatis; propterea quod qui prohibetur à civitate, ( hoc est, ab eo vel *Homine* vel *Concilio*, cujus est *summum* in civitate *Imperium* ) quidpiam pacisci, non habet jus paciscendi. Neque ergo pactum ejus validum est; non sit ergo *matrimonium*. Ejus autem pactum , qui minimè prohibebatur, ideo validum est, & *matrimonium*. Neque addit quibuscunque pactis illicitis validitatem ullam , quòd facta fuerint cum jure-jurando , (\*) aut Sacramento. Nihil enim addunt hæc pactorum firmitati , ut dictum supra est cap 2 articulo 22. Quid igitur *Furtum* , quid *Homicidium* , quid *Adulterium* , & in universum, quid sit *injuria*, cognoscitur ex *lege civili*, hoc est, ex mandatis ejus qui in civitate cum *summo imperio* est.

Quod



Quod facta fuerint cum jure-jurando aut Sacramento, &c.] *Utrum Matrimonium Sacramentum sit, (quo sensu ea vox à Theologis usurpatur) an non sit, non est hujus instituti disputare. Tantum dico, viri & mulieris ad cohabitationem contractum legitimum, id est, lege civili concessum, siue Sacramentum idem sit, siue non sit, certè esse matrimonium legitimum. Cohabitationem autem qualem aut inter quos civitas fieri prohibet, matrimonium non esse, cum sit de essentia matrimonii, ut sit contractus legitimus. Matrimonia fuerunt legitima permultis in locis, ut apud Judæos, Græcos, Romanos, quæ tamen solvi poterant, apud eos autem qui non permittunt hujusmodi contractus, nisi ea lege ut nunquam dissolvantur, matrimonium solvi quidem non potest; & ratio est quod civitas illud solubile fieri vetuit, non quod matrimonium sit Sacramentum. Itaque circa matrimonium nuptiarum ceremonias, quæ in Templo peragendæ sunt, peragere, conjugibus benedicere, vel, si ita dicendum est, eos consecrare, ad Ecclesiasticos fortasse solos pertinebit; cætera omnia, nempe qui, quando, quibus pactis matrimonia fiant, penes leges civitatis sunt.*

*Annota-  
tio.*

XVII. Adeò durum maximæ par- *Opinio*  
ti hominum videtur esse summum hoc *eorum qui.*

civitatem  
constitue-  
re vel-  
lent, ubi  
non esset  
quisquam  
cum po-  
tentia ab-  
soluta.

*imperium & potentia absoluta*, ut ipsa etiam nomina oderint. Id quod accidit maximè per inscitiam *humanae naturæ & legum naturalium*, partim autem etiam per eorum culpam, qui cùm in tali imperio constituti sint, potestate sua ad propriam libidinem abutuntur. Ut fugiant igitur huiusmodi *summam potestatem*, quidam eorum civitatem factis rectè constitutam volunt, si illi qui cives futuri sunt, coeuntes, de certis articulis propositis & in cœtu agitatibus probatisque consentiant, jubeantque eos observari, pœnasque præscriptas de iis sumendas esse qui eos violaverint. Ad quam rem, atque etiam ad propulsationem externorum hostium, præscribunt redditum certum & limitatum, ea lege, ut si non sufficiat, redeundum sit ad novam cœtus conventionem. Quis non videt in civitate sic constitutâ, cœtum illum qui hæc præscripsit, habuisse *potestatem absolutam*? si manet igitur *cœtus*, vel de tempore in tempus ad certum diem & locum conventus celebret, erit perpetua *potentia* illa. Sin penitus se dissolvant, vel unâ dissolvitur civitas, atque ita revertuntur ad *statum belli*, vel relinquitur alicubi potestas puniendi eos qui leges transgredientur, quicumque demum & quotcumque illi fuerint; quod fieri

fieri non potest sine *potestate absolutâ*. Nam qui *jure* tantum sibi concessum virium habet, ut possit quotlibet cives pœnis coërcere, habet potentiam tantam, ut à civibus major contribui non possit.

XVIII. Manifestum est igitur, *esse* *Notæ*  
 se in omni civitate aliquem *hominem Imperii*  
*unum*, vel *concilium* sive *curiam unam*, *summam*.  
 quæ potentiam in cives singulos *jure*  
 habet tantam, quantam extra civita-  
 tem unusquisque habet in se ipsum:  
 id est, *summam* sive *absolutam*, viribus  
 civitatis, neque ullâ aliâ re limitan-  
 dam. Si enim potestas ejus limitaretur,  
 necesse est, ut id fiat à majori po-  
 testate: oportet enim eum qui limites  
 præscribit, majorem potentiam habe-  
 re, quam is qui limitibus cohibetur.  
 Potentia itaque illa cohibens, vel sine  
 limite est, vel iterum cohibetur ab aliâ  
 majori; & sic tandem devenietur ad  
 potestatem, sine alio limite præter eum  
 qui terminus ultimus est virium ci-  
 vium simul omnium. Eadem dicitur  
 quoque *imperium summum*, & siquidem  
*concilio* id commissum sit, vocatur illud  
*concilium supremum*; si verò homini uni  
 datum sit, vocatur ille homo, *supremus*  
*civitatis Dominus*. *Imperii autem summi*  
*notæ* sunt hæ, *leges condere*, & *abroga-*  
*re*; *Bellum & pacem decernere*; *contro-*

*versas omnes per se, vel per iudices à se constitutos cognoscere, & dijudicare; Magistratus, Ministros, Consiliarios omnes eligere. Denique si quis sit qui unam quamcunque actionem jure agere potest, quæ nulli civi, neque civibus, præterquam ipsi soli licita est, is summum imperium in civitate obtinet. Nam ea quæ fieri neque à cive ullo, neque à pluribus civibus jure possunt, civitas sola potest facere. Is igitur qui ea facit, jure utitur civitatis, quod est imperium summum.*

*Si conferatur civitas cum homine, is qui habet summum imperium, est ad civitatem in ea ratione, in qua est anima humana ad ipsum hominem.* XIX. Qui civitatem & cives cum homine & membris ejus comparare solent, dicunt penè omnes, eum qui *summum imperium* obtinet in civitate, esse ad civitatem totam id quod caput est ad totum hominem. Cæterum ex antedictis apparet, eum qui tali imperio præditus est, (sive *Homo* sit, sive *curia*) habere ad civitatem, rationem non capitis, sed animæ. Nam anima est, per quam homo habet voluntatem, hoc est, potest velle & nolle. Ita per eum qui *summum* habet *imperium*, & non aliter, voluntatem habet, & potest velle & nolle civitas. Cum capite conferendus potius est cœtus consiliariorum, sive consiliarius unus, cujus solius consilio (si alicujus solius) is qui habet *summum imperium* in regenda civitate, in rebus.



rebus maximi momenti utitur. Capitis enim officium consulere est, sicut animæ inperare.

XX. Siquidem *imperium summum*, *Summum* vi pactorum, quæ cives sive subditi in- *imperium* ter se singuli cum singulis mutuo i- *non posse* neunt, constitutum sit; pacta autem *jure dis-* omnia, ut à voluntate contrahentium *solvi con-* vim suam sortiuntur, ita consensu eo- *sensu eo-* rundem vim suam perdant, & dissol- *rum, quo-* vantur? inferet forte aliquis, *summum* *rum pa-* *ctis est* *constitu-* *tum.* *imperium* consensu omnium simul subditorum posse tolli. Quod etsi verum esset, non video tamen quid periculi inde *summis imperantibus* oriri jure posset. Quoniam enim supponitur, unumquemque unicuique se obligasse, si quilibet unus civium id fieri nolit, cæteri omnes utcunque consenserint, tenebuntur. Nec potest quisquam eorum sine *injuriâ* facere, quod pacto mecum inito non facere se obligavit. Non est autem putandum, accidere unquam, ut omnes simul cives, ne uno quidem excepto, contra *summum imperium* consentiant. Non ergo periculum est *summus imperantibus*, ne jure possit autoritate sua spoliari. Si tamen concederetur, jus eorum dependere à solo pacto, quod unusquisque init cum unoquoque suo concive, facile accidere posset ut imperio spoliarentur prætextu juris. Subditis enim

enim sive convocatis imperio civitatis, sive seditiosè concurrentibus, plurimi arbitrantur consensum omnium contineri in consensu majoris partis. Quod quidem falsum est. Non enim à natura est, quod consensus majoris partis habeatur pro consensu omnium, neque verum est in tumultibus; sed procedit ab institutione civili, & verum est tunc tantum, quando is *homo* vel *curia* illa quæ summum habet imperium, cives convocans, propter numerum magnum electis esse vult potestatem loquendi pro elegantibus, & loquentium majorem partem, circa eas res quæ ab eo discutiendæ proponuntur, haberi pro omnibus. Non autem intelligitur is qui habet *summum imperium*, convocasse cives ad disputandum de ipsius jure, nisi pertæsus rerum, disertis verbis. imperium abjiciat. Quoniam autem plurimi, per inscitiam, pro consensu civitatis habent, non modo consensum majoris partis civium, sed etiam valde paucorum, si secum sentiant, posset iis videri, *imperium summum* jure abrogari modò id fiat in magno aliquo conventu civium per suffragia majoris numeri. Sed quamquam imperium, per pacta singulorum cum singulis constituatur, non tamen ab ea sola obligatione dependet imperii jus. Accedit obligatio  
erga

erga habentem imperium. Civis enim unusquisque cum unoquoque paciscens, sic dicit, *ego jus meum transfero in hunc, ut tu tuum transferas in eundem*. Unde jus quod unusquisque habebat utendi viribus suis ad proprium beneficium, totum translatum est in aliquem hominem vel consilium ad beneficium commune. Itaque intercedentibus pactis, quibus singulis singuli obligantur, & juris donatione, quam ratam habere obligantur imperanti, duplici obligatione civium munitur imperium, ea quæ est ad concives, & ea quæ est ad imperantem. Non ergo cives quotcunque fuerint, sine consensu etiam ipsius imperantis, eum spoliare imperio jure possunt.

## CAPUT VII.

*De tribus Civitatum speciebus, Democratiâ, Aristocratiâ, Monarchiâ.*

- I. *Civitas tres esse tantum species, Democratiâ, Aristocratiâ, Monarchiam. II. Oligarchiam non esse statum civitatis diversum ab Aristocratiâ, neque Anarchiam esse statum omnino. III. Tyrannidem non esse statum civitatis diversum à legitimâ Monarchiâ. IV. Non dari statum civitatis mixtum ex speciebus dictis. V. Democratiâ, nisi certa tempora & loca conveniendi constituentur, dissolvi. VI. In Democratiâ, temporum con-*  
uej

veniendi intervalla oportet esse parva, vel summi imperii usum pro intervallis uni alicui esse concedendum. VII. In Democratiâ singuli cum singulis obedituros se populo paciscuntur, Populus ipse nemini obligatur. VIII. Aristocratiâ quibus actibus constituta. IX. In Aristocratiâ, Optimates nihil paciscuntur; neque civi cuquam, aut toti populo obligantur. X. Optimatibus necessaria est conditio conventuum. XI. Monarchia quibus actibus constituta. XII. Monarchia nemini ob receptum imperium pactis obligatur. XIII. Monarchia semper in potentiâ proximâ est ad exercendum omnes actus qui ad Imperium requiruntur. XIV. Quid genus peccati, & quorum hominum sit, quando civitas adversus cives, vel cives adversus civitatem officio suo non funguntur. XV. Monarcha factus sine temporis limitatione, potest successorem suum eligere. XVI. De Monarchis ad tempus. XVII. Monarcha, retento jure Imperii, non intelligitur ullo promissio transulisse jus in media ad Imperium necessaria. XVIII. Quibus modis civis subjectione liberetur.

Civitas  
tres tan-  
tum esse  
species:  
Democra-  
tiam, A-  
ristocra-  
tiam,  
Monar-  
chiam.

I. **D**ictum jam est de civitate per institutionem in genere. Dicendum est de ejus speciebus. Differentiâ autem civitatum sumitur à differentiâ personarum, quibus commissum est summum Imperium. Committitur autem summum Imperium, vel uni homini, vel Consilio sive curiæ uni multorum hominum. Rursus Consilium multorum homi-



*hominum*, vel est omnium civium, (ita ut quilibet eorum jus habeat suffragii, possitque interesse rebus discutiendis, si voluerit) vel partis tantum est. Unde tres nascuntur civitatis species. Una ubi *summum imperium* est penes *Concilium*, in quo quilibet civis jus habet suffragii, & vocatur DEMOCRATIA. Altera, ubi *summum imperium* penes *Concilium* est, in quo non omnes; sed certa aliqua pars suffragium habet; & dicitur ARISTOCRATIA. Tertia, ubi *summum imperium* penes *unum* est, & appellatur MONARCHIA. In primâ, is qui rerum potitur, Δῆμος, POPULUS. In secundâ, OPTIMATES. In tertiâ, MONARCHA, nominatur.

II. Quod autem introduxerunt antiqui rerum Politicarum scriptores tres alias species his oppositas, nempe *Democratia*, *Anarchiam*, sive confusionem; *Aristocratia*, *Oligarchiam*, hoc est, *imperium paucorum*; *Monarchia*, *Tyrannidem*, non sunt illæ tres aliæ species civitatis, sed tria nomina diversa, quæ illis indidere ii, quibus vel regimen, vel regentes displicuerunt. Solent enim homines per nomina, non res tantum, sed & proprios affectus, puta amorem, odium, iram, &c. unâ significare; ex quo fit, ut quod ab altero *Democratia*, idem ab altero *Anarchia*; quod his *Aristocratia*, illis *Oligarchia*.

*Oligarchia*, soleat nominari; & quem alius *Regem*, alius *Tyrannum* esse dictitet. Ita ut his nominibus non designentur *diversæ species* civitatis, sed civium *diversæ sententiæ* de imperante. Primùm autem quis non videt, *Anarchiam* oppo- ni æque omnibus dictis speciebus? significat enim ea vox, nullum omnino regimen esse, hoc est ne civitatem quidem esse. Quomodo autem fieri potest, ut *non-civitas* sit *civitatis* species? Deinde, quæ differentia est inter *Oligarchiam*, qua significatur imperium *pauco- rum* vel *magnatum*, & *Aristocratiam*, quæ est imperium *optimatum* sive *melio- rum*, præterquam quod hominis inter se ita differunt, ut non eadem omnibus bona sint; quo fit ut qui aliis *optimi*, aliis *pestimi* videantur.

*Tyranni-  
dem non  
esse sta-  
tum civi-  
tatis di-  
versum a  
legitima  
Monar-  
chia.*

III. Quod autem *regnum* & *Tyrannus* non sint diversæ species civitatis, haud facile persuadebitur propter affectus hominum, qui etsi civitatem *uni* subje- cta esse mallent quàm *pluribus*, non ta- men rectè eam gubernari putant, nisi gubernetur ad arbitrium suum. Sed quid differat *Rex a Tyranno*, ratione in- vestigandum est, non affectu. Primùm autem non in eo differunt, quod major sit potentia hujus quam illius; quia *sum- mo imperio* majus dari non potest. Ne- que quod alter potentiam habeat præ- scri-

scriptam, alter non. Cujus enim potentia præscripta est, non est *Rex*, sed *subditus* præscribentis. Deinde neque modo acquirendi differunt. si quidem enim in civitate *Democraticâ*, vel *Aristocraticâ*, *summum imperium* civis aliquis vi occuparet, habito civium consensu, legitimus fit *Monarcha*; eo consensu non habito, *hostis* est, non *Tyrannus*. Differunt ergo solo imperii exercitio, ut *rex* sit qui rectè regit, *Tyrannus* qui aliter. Huc igitur res redit, ut cives *Regem* legitime in *summo imperio* constitutum, si imperium ipsis rectè videbitur exercere, tum *Regem*, aliter *Tyrannum* appellandum censeant. Non sunt igitur diversi civitatis status *Regnum* & *Tyrannis*, sed eidem *monarchæ* nomen *Regis* pro honore, *Tyranni* pro convicio datur. Quæ autem passim contra *Tyrannos* dicta in libris reperiuntur, originem à Græcis & Romanis scriptoribus traxerunt, qui partim à *populo*, partim ob *optimatibus* regebantur, ideòque non modo *Tyrannos* sed etiam *Reges* exosi sunt.

IV. Sunt qui necessarium quidem *Non dari* esse putant, ut *summum imperium* ali- *statum ci-*  
cubi in civitate existat; sed si illud pe- *vitat*  
nes *unum* esset, sive *hominem* sive *Con-* *mixtum*  
*cilium*, sequeretur, inquit, cives o- *ex specie-*  
mnes esse servos. Hanc conditionem fu- *bus di-*  
gientes, posse esse statum quendam civi- *lis.*  
tatis



tatis arbitrantur, *mixtum* ex dictis tribus speciebus, diversum tamen à singulis, quam *mixtam* vocant *Monarchiam*, vel *mixtam Aristocratiam*, vel *mixtam Democratiam*, prout aliqua trium specierum præ cæteris emineat. Exempli causa, si nominatio Magistratuum, & Arbitrium belli & pacis, penes *Regem* esset, judicia apud *magnates*, pecuniarum contributio penes *populum*, & legum ferendarum potentia penes *omnes* simul: hujusmodi statum vocarent *Monarchiam mixtam*. Quod si fieri posset, ut hujusmodi status existeret, nihilo magis civium libertati consultum esset. Quamdiu enim omnes consentiunt inter se, subiectio singulorum civium tanta est, ut major esse non possit; sed si dissentiant, bellum civile reducitur, & jus *Gladii privati*, quod est omni subiectione pejus. Sed fieri hujusmodi imperii summi (\*) divisionem non posse satis demonstratum est capite præcedente, articulis 6, 7, 8, 9, 10, 11, 12:

Annotatio.

Sed fieri hujusmodi summi Imperii divisionem non posse, &c. ] Imperium dividi non oportere, plerique dicunt; sed temperari, & limite aliquo contineri volunt. Ita sanè æquum est, sed illi tum cùm temperari & limitari dicunt si dividi intelligunt, inepte distinguunt. Velle



lem quidem ego , non modo Reges , sed etiam cætus illos qui sunt cum imperio summo , velle temperare sibi à maleficio , cogitantesque de officiis suis , intra legum naturalium & divinarum limites se ipsos continere. At illi qui sic distinguunt , summos imperantes ab aliis limitari & coerceri volunt : quod quia fieri non potest , quin illi limitatores potestatis partem aliquam qua id facere possint , habere debeant , dividitur Imperium , non temperatur.

V. Videamus jam in unaquaque civitatis specie constituendâ , quid faciant constituentes. Qui coierunt ad civitatem erigendam , penè eo ipso quod coierunt , *Democratia* sunt. Nam ex eo quod volentes convenerunt , intelliguntur obligati ad id , quod consensu majoris partis decernetur. Id quod quamdiu conventus durat , vel in certos dies & loca differtur , *Democratia* est. Nam conventus is , cujus voluntas est voluntas omnium civium , summum imperium habet. Et quia in conventu hoc , supponitur , unumquemque habere jus suffragii : sequitur eam esse *Democratiam* , per definitionem traditam articulo 1. capitis hujus. Quod si discedant , solvaturque conventus , neque quicquam antè constitutum sit de tempore & loco se denuò congregandi , redit res ad *Anarchiam* , & statum illum in quo erat , antequam convenis-

venissent, hoc est, ad statum belli omnium contra omnes. *Populus* igitur *summum Imperium* non amplius retinet, quam dies & locus certus, cognitus & constitutus palam sit, ad quem convenire quicunque volent, possint. Nisi enim id cognitum & statutum sit, possunt vel diversis temporibus & locis, hoc est, in factiones, vel non omnino convenire. Neque est amplius  $\Delta\eta\mu\omicron$ , id est, *Populus*, sed multitudo dissoluta, cui nulla neque *actio* neque *jus* attribui potest. Duæ igitur res constituunt *Democratiam*, quarum una (nempe conditio perpetua conventuum)  $\Delta\eta\mu\omicron\varsigma$ , altra (quæ est pluralitas suffragiorum)  $\tau\omicron\ \kappa\omicron\gamma\acute{\iota}\tau\omicron$  si-  
ve potestatem constituit.

In De-  
mocratia,  
temporum  
conve-  
niendi in-  
tervalla  
oportet  
esse par-  
va, vel  
summi  
imperii  
usumpro  
interval-  
lis uni ali-  
cui esse  
conceden-  
dum.

VI. Præterea, non sufficit *Populo* ad *summum imperium* retinendum, ut tempora & loca certa conveniendi cognita sint, nisi etiam vel temporum intervalla minùs inter se distent, quam ut interea quicquam possit intervenire, quo (propter defectum *summi imperii*) civitas in discrimen adducatur, vel saltem usum summi Imperii alicui homini *uni*, vel concilio *uni* pro tempore intermedio concedant. Hoc enim nisi fiat, non satis cautum est defensionis, & paci singulorum. Neque igitur civitas dicenda erit; quippe in quâ propter defectum securitatis redit unicuique jus se ipsum proprio

proprio arbitratu defendendi.

VII. *Democratia* non constituitur per acta singulorum cum *Populo*, sed mutuis pactis singulorum cum singulis cæteris. *In Democratia singuli cum singulis obediunt se* Primum autem ex eo patet, quod prius debent in omni pacto existere personæ paciscentes, quàm ipsum *populo paciscuntur;* pactum; sed ante constitutionem civitatis, *Populus* non existit, ut quæ non erat *populus* persona, aliqua, sed multitudo personarum singularium; non potuit igitur inter *populum & civem* pactum ullum intercedere. Postquam autem civitas constituta est, civis cum *Populo* paciscitur, frustra est; quia *Populus* voluntate suâ voluntatem civis illius (cui supponitur obligari) complectitur, ideòque liberare se potest arbitrio suo; & per consequens, jam actu liber est. Secundum autem, quod singuli cum singulis paciscuntur, ex eo inferri potest, quod frustra esset constituta civitas, si cives nullis obstringerentur pactis, ad facienda omittendâque ea quæ civitas facere & omittere imperaret. Quoniam ergo pacta talia intercedere in civitate constituendâ intelliguntur ut necessaria, nulla autem, ut jam ostensum est, intercedant inter *civem & populum*; sequitur fieri ea inter cives singulos: scilicet ut unusquisque civium paciscatur voluntatem suam se subjecturum esse voluntati majoris partis,

tis, eâ lege, ut reliqui quoque idem faciant; tanquam si unusquisque sic diceret, *ego jus meum ad populum transfero, in tuam gratiam; ut tutum, in gratiam meam, transferas ad eundem.*

*Aristo-  
cratia  
quibus a-  
ctibus  
constitu-  
ta.*

VIII. *Aristocratia* five *curia optimatum* cum summo imperio, originem habet à *Democratia*, quæ jus suum in illam transfert. Ubi intelligendum est, certos homines nominibus, vel genere, vel aliqua aliâ notâ ab aliis dignoscendos proponi ad *populum*, & pluralitate suffragiorum eligi, in electos autem transferri jus omne totius *populi*, five civitatis, ita ut quod jure *populus* prius poterat, id nunc jure possit *curia* electorum *optimatum*. Quo facto patet, *populum*, ut personam unam, *summo imperio* ad hos translato, non amplius existere.

*In Ari-  
stocratia,  
optimates  
nihil pa-  
ciscuntur;  
neque civi-  
tatem  
aut toti  
populo  
obligan-  
tur.*

IX. Sicut in *Democratia* *populus*, ita in *Aristocratia* *curia optimatum* omni obligatione libera est. Quoniam enim cives non paciscentes cum populo, sed mutuis inter se pactis tenebantur ad omnia quæ *populus* faceret, tenebantur inde ad factum *populi*, transferentis jus civitatis in *optimates*. Neque enim *curia optimatum* potuit, quamquam electa à populo, ad quicquam ab eo obligari; nam eâ erectâ *populus* simul dissolvitur, ut proximè supra dictum est, peritque ratio illa quam habebat ut *Persona*. Qua-



re perit quoque unà & dissolvitur, quæ facta erat ad *personam* obligatio

X. Hæc quoque cum *Democratia* *Optimati-*  
*communis* habet *Aristocratia*. Primùm *bus neces-*  
 quòd sine constitutione certorum tem- *saria est*  
 porum, & locorum, ad quæ *curia opti-* *condictio*  
*matum* possit convenire, non amplius *conven-*  
 sit *curia*, neque persona una, sed disso- *sum.*  
 luta multitudo, sine summo imperio.  
 Secundum, quod tempora conventuum  
 longis intervallis, salvo summo imperio,  
 nisi usus ejus in unum aliquem homi-  
 nem transferatur, non possit disjungi.  
 Rationes autem quare hoc contingit,  
 eædem sunt, quas adduximus articulo  
 quinto.

XI. Ut *Aristocratia*, ita quoque Mo- *Monar-*  
*narchia* à potestate *populi* derivatur, sci- *chia qui-*  
 licet *jus* suum, hoc est, *summum impe-* *bus atti-*  
*rium*, in *unum hominem* transferentis. *bus consti-*  
 Hic quoque intelligendum est, *unum* *tuta.*  
 certum *hominem*, nomine, vel aliâ notâ  
 à cæteris omnibus dignoscendum, pro-  
 poni, atque in eum *jus* omne *populi* plu-  
 ralitate suffragiorum transferri; ita ut  
 quicquid potuerat *populus*, antequam eli-  
 geretur, id omne postea jure possit facere  
 electus. Quod cum factum est, *popu-*  
*lus* non amplius est *persona* una, sed dis-  
 soluta multitudo, quippe quæ una erat  
 virtute tantùm *summi imperii*, quod jam  
 à se in hunc transtulerunt.

Monar-  
cha nemi-  
ni ob rece-  
ptum im-  
perium  
pactis o-  
bligatur.

XII. Neque ergo *Monarcha* ullis se pactis cuiquam ob receptum imperium obstringit. Recipit enim imperium à populo; sed ut proximè supra ostensum est, *populus* statim atque id factum est, *persona* esse definit; pereunte autem *personâ*, perit omnis ad *personam* obligatio. Tenentur itaque cives ad obedientiam *Monarchæ* præstandam, pactis illis tantum, quibus mutuo se obligaverant ad ea omnia quæ *populus* censeret, facienda, hoc est, ad obediendum *Monarchæ*, si à populo constitueretur.

Monar-  
cha sem-  
per in po-  
tentia  
proxima  
est ad  
exercen-  
dum om-  
nes actus,  
qui ad  
imperium  
requirun-  
tur.

XIII. Differt autem *Monarchia*, tum ab *Aristocratia*, tum à *Democratia* in hoc, quod hîc ut deliberari & decerni, hoc est, ut imperium actu exerceri possit, temporibus quibusdam & locis condictis opus est; illic omni tempore & loco deliberatur & decernitur. *Populo* enim, ut & *optimatibus*, quia non sunt *unum naturale*, congressu opus est. *Monarcha*, qui unus natura est, semper in potentiâ proximâ est ad actus imperii exercendos.

Quod  
genus pec-  
cati, &  
quorum  
hominum  
fit, quan-  
do civitas  
adversus

XIV. Quoniam ostensum est suprâ, articulis 7, 9, 12. eos qui *summum* in civitate *imperium* adepti sunt, nullis cuiquam pactis obligari; sequitur, eosdem nullam civibus posse facere *iniuriam*. *Iniuria* enim, per definitionem supra allatam capite tertio, articulo tertio,

nihil

nihil aliud est quam pactorum violatio; *cives, vel*  
 idedque ubi nulla pacta præcedunt, ibi *cives ad-*  
 nulla sequi potest *injuria*. Potest tamen *versus ci-*  
 & *populus*, & *curia optimatum*, & *monar-* *vitatem*  
*cha*, multis modis peccare contra cæ- *officio suo*  
 teras leges naturales, ut *crudelitate*, *ini-* *non sum-*  
*quitate*, *contumeliâ*, aliisque vitiis, quæ *guntur.*  
 sub hac strictâ & accuratâ *injuriâ* signi-  
 ficatione non veniunt. Cæterum civis si  
 obedientiam summo imperio non præ-  
 stiterit, *injurius* & in cæteros concives  
 omnes etiam propriè loquendo dicitur;  
 propterea quod unusquisque cum uno-  
 quoque pactus est obedientiam præsta-  
 re, atque etiam in *summum imperantem*;  
 quod jus quod ei dederant, sine consensu  
 ejus resumunt. Et in *pópulo* quidem, vel  
*curiâ Optimatum*, si quid decretum sit  
 contra *legem aliquam naturalem*, non  
 peccat ipsa civitas, hoc est, persona ci-  
 vilis, sed cives illi quorum suffragiis de-  
 cretum est. Peccatum enim sequitur  
 voluntatem naturalem, & expressam,  
 non politicam, quæ artificiosa est; quia  
 si hoc esset, peccarent & illi quibus de-  
 cretum displicuit. In *Monarchiâ* autem,  
*Monarcha* si quid decreverit contra  
*leges naturales*, ipse peccat: quia in  
 ipso voluntas civilis eadem est cum na-  
 turali.

XV. Populus qui *Monarcham* factu- *Monar-*  
 rus est, potest ei summum imperium tra- *cha factus*  
 dere, *sine tem-*



poris li-  
mitatione.  
poteſt ſuc-  
ceſſorem  
ſuum eli-  
gere.

dere, vel ſimpliciter ſine temporis li-  
mitatione, vel pro tempore certo &  
determinato. Si ſimpliciter, intelli-  
gitur ita eſſe imperium ejus cui tradi-  
tur, ſicut erat *populi* qui tradidit. Quâ  
igitur ratione *populus jure* Monarcham  
*illum*, eâdem ille Monarcham *alium* fa-  
cere poteſt; ita ut *Monarchæ* cui ſim-  
pliciter traditum eſt imperium, com-  
petat *jus* non modo *poſſeſſionis*, ſed e-  
tiam *ſucceſſionis*, ut poſſit ſuo arbitrio  
declarare ſucceſſorem ſuum.

De Mo-  
narchis ad  
tempus.

XVI. Quodſi imperium pro tem-  
pore determinato tantum traditum ſit,  
alia præter ipſam traditionem ſpectan-  
da ſunt. Primum, utrum *populus*,  
cum in eum imperium contulerit, re-  
liquerit ſibi *jus* ad tempora & loco  
præſinita coëundi, necne. Secundum,  
ſi reliquerit ſibi poteſtatem illam, u-  
trum reliquerit ſibi poteſtatem conve-  
niendi antè quam tempus illud exſpi-  
raret, quod *Monarcha* ad habendum  
imperium ſummum præſcripſerat.  
Tertium, utrum convocari voluerit  
ad arbitrium *Monarchæ* illius tempora-  
rii, & non aliter. Supponamus jam,  
*populum* tradidiſſe *ſummum imperium* a-  
licui uni homini, habendum pro tem-  
pore tantum vitæ ſuæ; quod cùm fe-  
ciſſet, putemus primò, è coëtu unum-  
quemque ita diſceſſiſſe, ut de loco,  
ubi



ubi (post mortem ejus) ad novam electionem congregarentur, nihil omnino ordinatum sit. In hoc casu manifestum est, per articulum quintum hujus capitis, *populum* non esse amplius *personam*, sed multitudinem dissolutam, quorum cuilibet cum quibuslibet convenire diverso tempore, & loco quo libuerit, vel imperium sibi rapere si potuerit, æquo jure, nimirum naturali, licitum est. Quicunque igitur *Monarcha* tali conditione imperium habet, tenetur *lege naturali*, quæ habetur capite tertio, articulo octavo *de non reddendo malo pro bono*, cavere ne per mortem suam civitas dissolvatur, nimirum vel statuendo diem & locum certum, quo cives qui voluerint, convenire possint, vel successorem ipse nominando, prout sibi ad civium communem utilitatem conducere videbitur. Is igitur qui *summam potestatem* pro tempore vitæ accepit, eo modo quo dictum est, absolute eam habet, & potest disponere de successione. Secundo, si ponatur *populus* ab electione *Monarchæ temporarii* ita discessisse, ut decretum prius factum sit de conveniendo ad diem & locum certum post mortem ejus, tunc mortuo *Monarcha*, consolidatur imperium in *populo*, nullo novo actu ci-

vium , sed jure priore. Toto enim medio tempore , *summun imperium* (ut *Dominiun*) in *populo* erat , *usus* autem , five *exercitium* ejus tantum in *Monarchâ temporario* ; ut *usufructuario*. Quod si *populus* electo *Monarcha temporario* ita discesserit è curia , ut tempora & loca certa conveniendi habiturus sit , durante termino illi præscripto , (quemadmodum apud *populum Romanum* facti sunt olim *Dictatores*) non habendus est talis pro *Monarcha* , sed primo *populi ministro* , potestque *populus* , si videbitur , eum administratione sua privare , etiam ante tempus , ut fecit *populus Romanus* , qui *Minutio* Magistro *Equitum* æqualem dedit potestatem cum *Quinto Fabio Maximo* , quem antè fecerat *Dictatorem*. Ratio cujus rei ea est , quod cogitari non potest , eum five hominem , five coetum , qui in potentiâ proximâ & immediatâ est ad agendum , ita imperium retinere , ut non possit actu imperare. Imperium enim nihil aliud est , quam jus imperandi quoties per naturam possibile est. Postremò , si *populus* , declarato *Monarchâ temporario* , ita discedat à curia , ut injussu declarati non sit licitum iterum convenire , intelligitur *populus* statim dissolvi ; imperiumque ejus esse absolutè , qui sic declaratur :

declaratur : propterea , quod non est in potestate civium , ut civitas renascatur , nisi velit is qui imperium solus habet. Neque refert quod potuerit promittere , se cives certis temporibus convocaturum , cum non exstet jam , nisi arbitrio ejus , *persona* cui promissum est. Quæ diximus de quatuor prædictis casibus *populi* , *Monarcham temporarium* eligentis , plenius explicabuntur , per comparisonem cum *Monarchâ absoluto* , cui nullus apparet hæres. *Populus* enim *Dominus* civium talis est , ut hæredem , nisi quem nominant ipse , habere non possit. Præterea , intervalla inter tempora conventus civium , comparari possunt ad tempora dormiendi in *Monarchâ*. Utrobique enim *actus* imperandi cessant , *potentia* retinetur. Denique ita dissolvi conventum , ut non possit iterum convenire , mors populi est : sicut ita dormire , ut nunquam vigilare possit , mors hominis est. Quemadmodum igitur Rex cui hæres ullus est , dormiturus ita ut nunquam possit expergiscere , hoc est moriturus , si tradit alicui summum imperium exercendum donec evigilaverit , tradit ei quoque *populus* , qui *Monarcham temporarium* eligens simul aufert sibi potestatem conveniendi , tradit

ipsi dominum civitatis. Porro, ut rex qui dormiturus in tempus aliquod, summum imperium alii dat administrandum, idem expergefactus recipit; sic *populus*, *Monarcha temporario electo*, retinens jus coeundi ad certum diem & locum, eo die recipit imperium suum. Et sicut rex qui Imperium administrandum alii dedit, ipso interea evigilante, potest idem revocare quando vult; ita *populus* qui per tempus *Monarchæ temporario* præscriptum jure convenit, potest eundem imperio, si velit, spoliare. Denique rex qui imperium administrandum alii tradit dum ipse dormit, nec evigilare potest, nisi is, cui traditum est, voluerit, unâ perdidit imperium cum vita; sic *populus*, qui *Monarchæ temporario* imperium commisit, ita ut injussu ejus non possit iterum convenire, penitus dissolutus est, manetque imperium penes electum.

XVII. *Monarcha* si quid promiserit civi, vel pluribus simul civibus, propter quod per consequens, summum Imperium exerceri non potest, *Promissum* illud, sive *Pactum* juratò vel injuratò factum, irritum est. *Pactum* enim est juris translatio, quæ per ea quæ

*Monarcha, re-*  
*sento jure*  
*imperii,*  
*non intel-*  
*ligitur ul-*  
*lo promisso*  
*translu-*  
*lisse jus*



quæ capite secundo, articulo 4. dicta *in media* sunt, requirit signa idonea voluntatis ad *impe-* in transferente. Qui verò sufficienter *rium ne-* significat voluntatem retinendi finem, *cessaria* sufficienter declarat, se non decedere de jure ad media ad eum finem necessaria. Jam verò qui promisit aliquod necessarium ad *summum impe-* rium, ipsum tamen *imperium* retinet, satis idonea signa dat, se non aliter promisisse, nisi quatenus *summum im-* perium sine eo retineri potest. Quandoque igitur apparuerit, id quod promissum est, præstari non posse, salvo *summo imperio*, promissum pro non promisso, id est, invalidum censi debet.

XVIII. Videmus quo modo cives naturâ dictante obligarunt se mutuis *Quibus* pactis ad obediendum *summo imperio: modis cū-* Videndum porro est, quibus modis *vis subje-* fieri potest, ut obedientiæ hujusmodi *ctione li-* vinculis liberentur. Primò autem id *beratur.* fit *abdicatione*, id est, si quis *jus imperii* non in alium transfert, sed abjicit, sive derelinquit: nam quod abjicitur, in medium æquè omnibus rapiendum projicitur: unde iterum jure naturali unusquisque civium suæ conservatio- ni suo providere arbitrio potest. Secundo, si civitas venerit in potesta-

tem hostium, ita ut resisti eis non possit, intelligitur is qui prius *summam* habebat *potesatem*, eam jam amisisse. Cives enim cum omnem conatum fecerint; ne in manus hostium venirent, pacta quæ inierunt singuli cum singulis de obedientiâ præstandâ adimplerunt. Et quæ promiserint postea victi, necis vitandæ causâ, ea quoque ut præstent, omni conatu laborandum est. Tertio, in *Monarchiâ* (nam *Δῆμος* & *Curia optimatum* deficere non possunt) si successor nullus omnino appareat, omnes cives obligationibus suis liberantur. Nemo enim teneri intelligitur, qui, cui tenetur, nescit; quia præstatio in tali casu esset impossibilis. Atque his tribus modis à subjectione civili, in libertatem omnium ad omnia, hoc est, naturalem & belluinam, (nam status naturæ ad statum civilem, hoc est, libertas ad subjectionem, eam habet proportionem, quam cupiditas ad rationem, vel bellua ad Hominem) simul se recipiunt cuncti cives. Præterea vero, singuli cives liberari subjectione jure possunt, voluntate ejus, penes quem summum est imperium; nimirum si solum verterint: quod duobus modis accidere potest; vel permissione, ut si quis veniâ impetratâ  
aliâ

aliò volens habitatum abit; vel jussu, ut *Exsul*. Utrouque casu, liber erit legibus prioris civitatis, propterea quod obstringitur legibus posterioris.

C A P U T VIII.

*De jure Dominorum in servos.*

I. Dominus & servus quid sint. II. Distinctio servorum in eos qui fide habitant, libertate fruuntur naturali, & Ergastulos siue eos qui carcere vel compedibus vincti serviunt. III. Obligatio servi nascitur ex concessâ ei à Domino libertate corporis. IV. Servi vincti Dominis non tenentur pacto. V. Servi non habent proprietatem in bonis contra Dominum. VI. Dominus servum potest vendere, vel testamento alienare. VII. Dominus in servum injurius esse non potest. VIII. Dominus Domini est Dominus servorum. IX. Quibus modis servi liberantur. X. Dominium in bestias juris naturalis est.

I. **D**Uobus capitibus proximè superioribus dictum est de civitate & servus institutiâ, nempe quæ multorum consensione, qui se invicem pactis & fide mutuò data obstrinxerunt, inita est. Sequuntur jam quæ dicenda sunt de civitate naturali; quæ & Acquisita dici potest, quippe quæ acquiritur potentiâ & viribus naturalibus. Scien-

dum autem in primis est. quibus modis jus *Dominii* acquiri potest in *personas* hominum. Ubi tale jus acquisitum est, ibi *parvum* quoddam *regnum* est. *Regem* enim esse nihil aliud est quàm *Dominium* habere in *personas* multas, atque adeò *familia magna, regnum*; & *regnum parvum, familia* est. Ut redeamus iterum in statum naturalem, consideremusque homines tanquam si essent jamjam subito è terrâ (fungorum more) exorti & adulti, sine omni unius ad alterum obligatione, tres tantùm modi sunt, quibus alter in alterius *personam Dominium* habere potest. Quorum primus est, si volentes (paci & mutuæ defensionis causâ) in ditionem & *Dominium* alicujus hominis, vel cœtus hominum, ipsi sese pacis mutuis inter se initis tradiderint. Atque de hoc modo dictum jam est. Secundus modus est, si quis bello captus, vel victus, aut viribus diffidens (ut mortem declinet) victori vel fortiori promittit, se ei *serviturum*, hoc est, omnia facturum quæ imperabit. In quo contractu bonum quidem quod victus, vel viribus inferior accipit, est vitæ condonatio, quæ jure belli in statu hominum naturali tolli poterat; bonum autem quod promittit, ministerium & obedientia est. Hujus  
ergo



ergo promissi vi debetur à victo victori ministerium, & obedientia absoluta, quantum fieri potest, nisi quæ repugnet legibus divinis. Nam qui mandatis cujusquam obedire, antè obligatur, quàm quid imperaturus sit sciat, tenetur ad omnia mandata simpliciter, & sine restrictione. Jam qui sic tenetur, SERVUS, is cui tenetur, DOMINUS appellatur. Tertiò, acquiritur jus in personam per generationem; de quo acquisitionis modo dicetur capite sequenti.

II. Non omnis bello captus, cujus vitæ parçitum est, pacisci cum domino intelligitur: quia non omni ita creditur, ut relinquatur ei tantum libertatis naturalis, ut vel aufugere, vel ministerium detrectare, vel machinari Domino malum aut damnum aliquod, si cupiat, possit. Et serviunt quidem hi, sed intra ergastula, vel compedibus vincti, ideoque vocabantur non modo servi communi nomine, sed etiam peculiari appellatione ergastuli; sicut & hodie diversa significant, *un serviteur*, & *un serf*, vel *un esclave*. Distin-  
ctio servo-  
rum in  
eos qui  
fide ha-  
bita, li-  
bertate  
fruantur  
naturali,  
& erga-  
stulos sive  
eos qui  
carcere  
vel com-  
pedibus  
vincti

III. Obligatio igitur servi, adversus Dominum, non nascitur ex simplici vitæ condonatione, sed ex eo quod non vinctum cum, vel incarceratum. serviunt.  
Obligatio  
servi nas-  
citur ex  
concessa ei  
F 1 teneat

*à domino  
libertate  
corporis.*

teneat. Obligatio enim ex pacto oritur, pactum autem nisi fide habitâ nullum est, ut patet ex cap. 2. Articulo 9. ubi definitur, Pactum esse promissum ejus cui creditur. Cum beneficio ergo vitæ condonatæ conjuncta est fiducia, qua *Dominus* cum in libertate corporali relinquit, ita ut nisi intervenissent obligatio, & vincula pactitia, non modo aufugere, sed etiam *Dominum* conservatorem vitæ ejus vitâ spoliare possit.

*Servi  
vincti do-  
minis non  
tenentur  
pacto.*

IV. *Servi* itaque hujusmodi, qui carceribus, ergastulis, vinculisve cohibentur, non comprehenduntur definitione *servorum* supra traditâ, quia serviunt hi, non pacto, sed ne vapulent. Ideoque si aufugerint vel *Dominum*, interfecerint, nihil faciunt contra leges naturales. Etenim vinculis ligare, signum est, illum qui ligat, supponere, ligatum nulla aliâ obligatione satis teneri.

*Servi non  
habent  
proprieta-  
tem in  
bonis suis  
contra do-  
minum.*

V. Non minus igitur juris & domini habet *Dominus* in servum non vinctum, quàm in vinctum: summum enim habet in utrumque; potestque de servo non minus quam de quâlibet aliâ re, five inanimatâ, dicere, *Hoc meum est*. Ex quo sequitur, quicquid *servi* erat ante servitutem, id postea *Domini* esse, & quicquid *servus* acquisierit, id

*De-*

*Domino* acquisitum esse. Qui enim jure disponit de *personâ* hominis, de omnibus rebus disponit, de quibus disponere potuit *persona*. Nihil igitur est, quod *servus* possit ut *suum* retinere contra *Dominum*. Est tamen ei, *Domini* distributione, *proprietas* & *Dominium* in res *suas*, ita ut eas retinere & defendere possit *servus* contra *conservum*; eo modo quo antè ostensum est, civi nihil esse propriè *suum*, contra voluntatem *civitatis*, sive ejus qui habet summum imperium; esse autem *sua* cuique civi contra concivem. *Dominus*

VI. Quoniam ergo & *servus* ipse *servum* & ea quæ habet, omnia *Domini* potest vendere vel quisque jure naturali potest eo modo *testamento* quo voluerit, poterit *Dominus* *Dominium* suum in *servum* vendere, oppignorare, vel testamento transferre, arbitrio suo. *Dominus*

VII. Præterea id quod antè de *in servum* subditis in *civitate institutivâ* demon- *injurius* stratum est, nimirum, quod is qui *esse non* summum civitatis imperium habet, *potest*, nullam iis *injuriam* facere potest, verum quoque de *servus* est, propterea quod voluntatem suam, *Domini* voluntati subjecere. Quare quicquid iste fecerit, ipsis volentibus fit: volenti autem *injuria* fieri non potest.

VIII. Si

*Dominus  
domini,  
est domi-  
nus servo-  
rum.*

VIII. Si vero accidat, ut *Dominus* five captivitate, five subjectione voluntariâ, *servus* vel *subditus* alterius fiat, ille alter non modo ipsius, sed etiam *servorum* ejus, *Dominus* erit; horum quidem *Dominus supremus*, illius *immediatus*. Quoniam enim non modò *servus*, sed etiam ea quæ habet, *Domini* sunt, ideo & *servi* illius hujus sunt; neque potest *Dominus medius* de iis aliter disponere, quàm *Domino* *supremo* visum fuerit. Et propterea in civitatibus, si quando *Dominus* in *servos* potentia absoluta fuerit, ea à jure naturæ orta esse censetur, & lege civili non constituta, sed præterita.

*Quibus  
modis  
servilibe-  
rentur.*

IX. *Servus* iisdem modis *servitute* liberatur, quibus *subditus* in *civitate* *institutivâ* liberatur subjectione. Primo, si *Dominus* eum libertate donaverit. Nam quod jus in se *servus* *Domino* transtulit, idem potest *Dominus* *servo* rursus reddere. Atque libertatis donatio talis, MANUMISSIO dicitur. Quod simile est, ac si civitas civi permiserit in aliam civitatem se transferre. Secundo, si *Dominus* *servum* à se abigat; id quod in civitate *exsilium* est. Neque differt quoad effectum à *manumissione*, sed quoad modum. Libertas enim hîc in pœnam, illic



illic in gratiam data est. Utrobique autem *Dominio* renunciatur. Tertio, *servus* si captus fuerit, *veterem* servitutem *novâ* abolet. Nam sicut & res cæteræ omnes, ita quoque & *servi* bello acquiruntur, quos æquum est ut *Dominus* protegat, si suos esse velit. Quarto, liberatur *servus* ignorance successoris, puta moriente *Domino* sine testamento, & sine hærede. Nemo enim obligari intelligitur, nisi scire possit cui præstandum sit quod debetur. Postremò; *servus* qui in vincula conjicitur, vel quoquo modo libertate corporali privatur, alterâ illâ obligatione pactitiâ liberatur. Non enim existit pactum, nisi ubi pacifcenti creditur; nec violari potest fides, quæ non est habita. *Dominus* autem qui ipse alii servit, *servos* suos non potest ita liberare, quin semper fiat in potestate *Domini supremi*. Nam ut supra ostensum est, sunt tales *servi*, non sui, sed *domini supremi*.

X. Eodem modo acquiritur jus in *Domi-*  
animalia ratione carentia, quo in *per-*  
*sonas* hominum; nimirum viribus & *bestias*,  
*potentiis* naturalibus. Siquidem enim *juris na-*  
in statu naturali, propter bellum *o-*  
*mnium* in omnes, subjugare, vel etiam *est*.  
occidere Homines, cuique licitum fit,  
quoties id suo bono conducere vide-  
bitur;

bitur; multo magis idem licitum erit adversus belluas, hoc est, arbitrato suo eas in servitutem subigere, quæ per ingenium cicurari & ului sibi esse possunt, cæteras bello perpetuo, ut noxias persequi & destruere. *Dominium* igitur in bestias originem habet à *jure naturæ*, non à *jure divino positivo*. Nam si non exstitisset tale jus ante promulgationem scripturæ sacræ, nemo jure potuisset bestias ad cibum jugulare, durissimâ sanè hominum conditione, quos bestię devorare sine injuriâ possent, illi bestias non possent. Siquidem ergo à jure naturali sit, quod bestia hominem occidat, ab eodem jure erit, quod homo jugulet bestiam.

## CAPUT IX.

*De jure parentum in liberos, & de Regno Patrimoniali.*

- I. *Dominium paternum non oritur à Generatione.* II. *Dominium in infantes ejus est, qui primus eos in potestate sua habet.* III. *Dominium in infantes originaliter matris est.* IV. *Infans expositus ejus est, à quo conservatur.* V. *Natus ex ciye & habente summum imperium, imperantis est.* VI. *In conjunctione Maris & foeminæ, ita ut neuter alteri imperet, Nati Matris sunt, nisi pacto vel lege civili aliter statnatur.* VII. *Liberi subjiciuntur*

*ciuntur Patribus, non minus quam servi Dominis, & cives civitati. VII I. De Honore Parentum & Dominorum. IX. In quo consistat libertas, & differentia civium & servorum. X. Idem est jus in cives in Regno Patrimoniali, quod in instituto. XI. Quæstio de jure successionis in sola Monarchia locum habet. XII. Monarcha potest summum imperium civitatis, testamento dispo-  
nere. XIII. Vel donare vel vendere. XIV. Monarcha intestatus, semper intelligitur velle fore sibi Monarcham successorem. XV. Et aliquem ex suis liberis. XVI. Et masculinum potius quam feminam. XVII. Et filiorum natu maximum, quam minorem. XVIII. Et fratrem, si prole caveat, præ omnibus aliis. XIX. Eodem modo quo succeditur in imperium succeditur etiam in jus successionis.*

I. **S**ocrates est homo, ergo & animal, recta argumentatio est, eademque evidentissima, propterea quod nihil opus est ad consequentiæ veritatem agnoscendam, nisi ut vox, homo, intelligatur, quia animal est in ipsa hominis definitione; suppletque unusquisque propositionem quæ desiderabatur, nempe hanc, homo est animal. Et hæc, Sophroniscus Socratis pater est, ergo & Dominus, recta forte illatio est, cæterum non evidentissima, quia Dominus non est in definitione patris; itaque opus est ad evidentiam, ut patris & Domini connectio

*Dominium patrum non oritur à generatione.*

xio explicetur. Qui hactenus Dominium patris in liberos asserere conati sunt, argumentum nullum attulere præter generationem; quasi per se evidens sit, quod à me genitum est meum esse; similiter facientes, ac si quis putet si triangulum sit, statim apparere, sine aliâ ratiocinatione angulos ejus esse æquales duobus rectis. Præterea, cum Dominium, hoc est, imperium supremum indivisibile sit, ita ut nemo duobus Dominis servire possit, ad generationem autem duæ personæ concurrant, *Mas & fœmina*, impossibile est ut Dominium omnino acquiratur sola generatione. Quare origo Domini paterni diligentius hoc loco quærenda est.

*Dominium in infantes, ejus est qui primus eos in potestate sua habet.*

II. Redeundum igitur est ad statum naturalem, in quo propter æqualitatem naturæ, omnes homines naturæ ætatis inter se æquales habendi sunt. ibi jure naturæ victor victi Dominus est. jure igitur naturæ Dominium infantis ad eum primum pertinet, qui primus in potestate suâ ipsum habet. Manifestum autem est, eum qui modo nascitur, prius esse in potestate matris, quàm cujusquam alterius, ita ut illum vel educare, vel exponere, suo arbitrio & jure possit.

Domi- III. Siquidem ergo educet (quoniam  
niam



niam status naturæ status belli est) ea <sup>nium in</sup> lege educare intelligitur, ne adultus, <sup>infantes</sup> hostis fiat, hoc est, ea lege ut ipsi o- <sup>originali-</sup>bediat. Cum enim necessitate natura- <sup>ter ma-</sup>li *velimus* omnes id quod *nobismet ipsis* <sup>tris est.</sup> apparet *bonum*; intelligi non potest, quemquam ita vitam dedisse cuiquam, ut possit simul, & vires ætate acquirere, & jure hostis esse. Hostis autem est quisque cuique, cui neque paret neque imperat. Atque hoc modo, in statu naturæ, omnis puerpera simul & *mater* fit & *Domina*. Quod verò quidam aiunt, non *matrem*, in hoc casu, sed *Patrem* fieri *Dominum*, propter præstantiam sexus, nihil est; nam & ratio in contrarium est, quia inæqualitas virium naturalium minor est, quam ut *mas* in *fæminam* imperium sine bello acquirere possit. Et consuetudo in contrarium non est; quia *fæminæ*, nimirum *Amazones*, quondam bella contra hostes gesserunt, & de *prole* suâ suo libitu statuerunt; hodièque pluribus in locis *fæminæ* sunt cum *summo imperio*. Neque de harum *liberis* statuunt *mariti*, sed *ipsæ*; quod sanè jure naturæ faciunt, siquidem qui summum habent imperium, legibus civilibus, ut supra ostensum est, non tenentur. Adde quod in statu naturæ *fciri* non potest, *cujus patris filius est*,  
nisi

nisi indicio *matris*. ejus igitur est quem *mater* vult enim esse, & proinde *matris* est. Originale igitur in *liberos* Dominium, *matris* est; & apud homines non minùs quam cætera animantia, partus ventrem sequitur.

*Infans  
expositus  
ejus est a  
qui con-  
servatur.*

IV. *A matre* autem ad alios transit Dominium diversis modis. Primo, si jus suum dereliquerit, sive abjecerit *filium exponendo*. Is igitur qui expositum educaverit, idem habebit Dominium, quod habebat *mater* (non *generando*, sed *alendo*) dederat, *exponendo* tollit. quare & obligatio, quæ orta est ex vitæ donatione, per *expositionem* sublata est. Ei autem qui ipsum *alendo* conservavit, omnia debet conservatus, & nomine *alumni*; tanquam *matri*, & nomine *servi*, tanquam *Domino*. Etsi enim *mater* *filium* in statu naturæ ubi omnia sunt omnium, repetere possit, (eodem scilicet jure, quo quilibet alius) tamen *filius* jure non potest ad matrem se transferre.

*Natus ex  
cive &  
habente  
summum  
imperium,  
imperan-  
tis est.*

V. Secundo, si *mater* bello capta sit, *natus* ex ea capientis est, propterea quod qui Dominium in *personam* habet, Dominium habet in omnia quæ sunt ejus: quare & in *filium*, ut capite præcedente, Articulo 5, dictum est. Tertiò, si *mater* civis sit cujus-  
cunque

cunque civitatis, is qui in ea civitate habet summum imperium, *Dominium* habebit ejus qui ab ea nascetur: nam & *matris* Dominus est, quæ habenti summum Imperium in omnibus tenetur obedire. Quarto, si *mulier* viro se tradiderit in vitæ societatem, eâ lege ut imperium apud *virum* sit, qui nascitur ex ambobus, *patris* est, propter imperium in *matrem*. Sed si *fæmina* imperium habens, filios ex subdito susceperit, suscepti *matris* sunt. Aliter enim, salvo imperio, mulier filios habere non potest. Atque universaliter, si *maris* & *fæminæ* societas unio sit, ut alter alterius imperio subjiçatur, *liberi* sunt *imperantis*.

V I. Cæterum in statu naturæ, si *In con-*  
quidem *mas* & *fæmina* societatem con- *junctione*  
trahant, ita ut alter alterius imperio *maris* &  
non sublit, *nati* ex iis *matris* sunt, *fæminæ*,  
propter rationes adductas supra arti- *ita ut neu-*  
culo tertio, nisi aliter pactis provi- *ter alteri*  
sum sit, pactis enim *mater* de jure *imperet*,  
suo disponere potest prout velit, que *nati ma-*  
madmodum factum est olim ab *Am-* *tris sunt*,  
*zonibus*, quæ ex vicinis susceptos li- *nisi pacto*  
beros, *mares* quidem illis remiserunt, *vel lege ci-*  
*fæminas* sibi met ipsis pacto retinue- *statuatur.*  
runt. In civitate vero, si contractus  
sit inter *marem* & *fæminam* ad coha-  
bitationem, *liberi* geniti, *patris* sunt:  
quia



quia in omnibus civitatibus, scilicet constitutis à *Patribus*, non à *matribus-familias*, imperium domesticum viri est. vocatur autem talis contractus, si fiat secundum leges civiles, MATRIMONIUM. si verò contrahant concubinatum tantum, *fili* sunt vel *matris* vel *patris*, variè, prout in diversis civitatibus Leges civiles diversæ sunt.

*Liberi  
subjiciun-  
tur Pa-  
tribus,  
non minus  
quàm ser-  
vi domi-  
nis, &  
cives ci-  
vitati.*

VIII. Quoniam, per articulum tertium, *mater originaliter liberorum Domina* est, & ab illa *pater*, vel alius quispiam jure derivato; manifestum est, non minus *liberos* illis esse subje-ctos à quibus aluntur & educantur, quam *servi Dominis*, vel *subditi* illi qui *summum* habet *imperium* in civitate; neque posse *parentem*, quam diu in ejus potestate est, *fili* injurium esse. Etiam subjectione iisdem modis *Filius* liberatur, quibus *subditus* & *servus*. Eadem enim res est *emancipatio* cum *manumissione*, & *abdicatio* cum *exilio*.

*De hono-  
re paren-  
tum &  
doming-  
rum.*

VIII. *Patrem-familias emancipatus filius*, vel *manumissus servus*, privatum jam patriâ & herili potestate minus metuunt, & (si quidem verus & internus spectetur *honor*) minus *honorant* quàm antè. Est enim *honor* nihil aliud, quàm *potentiæ alienæ æstimatio*; idèdque cui minus *potentiæ* est, minus  
semper



semper est *honoris*. Non est autem putandum, *manumittentem manumissum*, vel *emancipantem emancipatum*, ita voluisse sibi æquare, ut ne beneficii quidem reus esset, sed in omnibus se gereret, tanquam æqualis sibi esset. Intelligendum igitur semper est, cum qui liberatur subjectione, sive sit *servus*, sive *filius*, sive *colonia* aliqua, promittere saltem externa signa omnia, quibus superiores ab inferioribus solent *honorari*. Ex quo sequitur, præceptum illud de *parentibus honorandis* esse *legis naturalis*, non modo sub titulo *gratitudinis*, sed etiam *Pactionis*.

IX. Quænam ergo est, quæret aliquis, inter *liberum*, vel inter *civem*, consistat & *servum* differentia? neque enim *libertas*, quod sciam, à quoquam scriptore explicatum est, quid sit *libertas*, & quid *servitus*. Vulgo omnia nostro arbitrato facere, atque id impune, *libertas*; id non posse, *servitus* judicatur: quod in civitate, & cum pace humani generis fieri non potest; quia civitas sine imperio & jure coercendi nulla est. LIBERTAS, ut eam definiamus, nihil aliud est quam *absentia impedimentorum motus*; ut aqua vase conclusa idèd non est *libera*, quia vas impedimento est ne effluat; quæ

fracto vase *liberatur* Et est cuique *libertas* major vel minor, prout plus vel minus spatii est in quo versatur; ut maiorem habeat *libertatem* qui in amplo carcere, quam qui in angusto custoditur. Et potest esse homo *liber* versus unam partem, nec tamen versus alteram; ut qui iter faciens sepius & maceris, ne vineas & segetes viæ vicinas conterat, hinc & inde cohibetur. Et huiusmodi quidem impedimenta externa & absoluta sunt: quo sensu omnes *servi* & *subditi liberi* sunt, qui non sunt vincti, vel incarcerati. Alia sunt arbitraria, quæ non absolute impediunt motum, sed per accidens, nimirum per electionem nostram. ut qui in nave est, non ita impeditur quin se in mare præcipitare possit, si velle possit. Atque hic quoque, quo quis pluribus viis movere se potest, eo maiorem habet *libertatem*. Atque in hoc consistit *libertas* civilis, nemo enim sive *subditus*, sive *filius* familias, sive *servus*, ita *civitatis* vel *patris* vel *Domini* sui, utcunque severi, pœnis propositis impeditur, quin omnia facere, & ad omnia se convertere possit, quæ ad vitam & sanitatem tuendam sunt necessaria. Non igitur reperio quid sit, de quo vel *servus* quisquam conqueri possit eo nomine  
quod

quod *libertate* careat, nisi miseria sit, ita cohiberi ne ipse sibi noceat, & vitam . quam bello , vel infortunio , vel demum inertia suâ amiserat, unâ cum omnibus alimentis, & omnibus rebus ad vitam & sanitatem necessariis, ea lege recipere ut regatur. Qui enim ita cohibetur pœnis propositis, ne omnia quæ vult, faciat, non opprimitur *servitute*, sed regitur & sustentatur. Hoc autem (in omni civitate & familiâ, ubi servi existunt) *cives liberi*, & *filii* familias præ *servis* eximium habent, ut & ministeria civitatis, vel familiæ obeant honoratiora, & plus possideant rerum superfluarum. Atque in hoc sita est differentia inter *civem liberum* & *servum*, quod LIBER quidem is sit qui soli civitati, SERVUS autem qui etiam concivi servit. Libertas alia omnis, exemptio est à legibus civitatis, & propria imperantium.

X. *Pater-familias*, *liberi* *servique* Idem est ejus, virtute imperii paterni, in u-<sup>us in ci-</sup>nam personam civilem coaliti, FAMILIA dicitur. Eadem, si multi-<sup>nes in re-</sup>plicatione *prolis*, & *servorum* acqui-<sup>gno patri-</sup>sitione, numerosa fiat, ita ut sine bel-<sup>moniali,</sup>li incertâ aleâ subjugari non possit, <sup>quod in</sup> appellabitur REGNUM PATRIMO-<sup>instituti-</sup>NIALE. Quod quamquam vi acqui-<sup>us.</sup>situm

fitum differat à *Monarchiâ institutiva* origine & modo constituendi, constitutum tamen omnes easdem habet proprietates, & idem est utrobique imperii jus, ut non sit opus quilibet de iis seorsum dicere.

*Quæstio  
de jure  
successio-  
nis in solâ  
Monar-  
chia locum  
habet.*

XI. Quo jure summa imperia constituta sunt, dictum est: breviter jam, quo jure continentur, dicendum est. Jus autem quo continentur, illud est quod appellatur jus *SUCCESSIONIS*. Quoniam autem in *Democratiâ*, summum imperium apud *populum* est, quamdiu cives existunt, tamdiu penes eandem est personam. *Populus* enim *successorem* non habet. Similiter in *Aristocratiâ*, moriente uno optimatum, aliquis alius in ejus locum à cæteris substituitur; ideoque nisi simul deficient, quod suppono nunquam accidere, *successio* nulla est. Quæstio igitur de jure *successionis* in solâ *Monarchiâ absolutâ* locum habet. Nam qui ad tempus tantum summum exercent imperium, non sunt ipsi *Monarchæ*, sed *ministri* civitatis.

*Monarcha  
potest  
summum  
imperium  
civitatis,*

XII. Primum autem, si *Monarcha successorem* sibi testamento instituerit, institutus *succedet*. nam si à *populo* instituat, habebit omne jus in civitatem quod *populus* habebat; ut ostend-



stenſum eſt Cap. 7. art. 11. Sed *popu-* *teſtamen-*  
*lus* potuit ipſum eligere, ergo eodem *to diſpo-*  
 jure ipſe alium. Sed in *regno* etiam *nere.*

*Patrimoniali* eadem ſunt jura, quæ in  
*inſtitutivo.* Quare monarcha omnis  
 poteſt *ſucceſſorem* ſibi teſtamento face-  
 re.

XIII. Quod autem quis teſta- *Vel dona-*  
 mento transferre in alium poteſt, id *re, vel*  
 eodem jure donare, vel vendere, *vendere.*  
 vivens poteſt. cuicumque ergo is  
 ſummum imperium tradiderit, ſi-  
 ve dono, ſive pretio, jure tradi-  
 tur.

XIV. Quodſi neque Teſtamento, *Monarcha*  
 neque aliter, voluntatem ſuam de *inteſtatus,*  
*ſucceſſore* vivens declaraverit, intelli- *ſemper in-*  
 gitur, primum, noluiſſe eum redire *telligitur.*  
 civitatem ad Anarchiam, ſive ſtatum *velle fore*  
 belli, id eſt, ad perniciem civium: *ſibi Mo-*  
 tum quia non potuit id facere ſine *narcham*  
*ſucceſſo-*  
 violatione legum naturalium, quibus *rem.*

in foro conſcientiæ obligatus erat ad  
 omnia quæ ad pacem neceſſariò con-  
 ducunt: tum etiam quia ſi voluiſſet,  
 non erat difficile id apertè declaraffe.  
 Deinde, quia jus tranſit ſecundùm  
 voluntatem patris; cenſendum eſt  
 de *ſucceſſore* per ſigna voluntatis ejus.  
 Intelligitur ergo, voluiſſe eum, ſub-  
 ditos ſuos ſub regimine eſſe *Monarchi-*  
*co,* potius quàm alio, propterea quod

& ipse cum statum exemplo suo, regnando commendavit antè, nec alio facto aut verbo post damnavit.

Et ali-  
quem ex  
suis libe-  
ris.

XV. Porro quoniam naturali necessitate omnes homines bene illis esse malunt, per quos sibi honor & gloria est, quam aliis; honor autem & gloria unicuique post mortem per liberorum potius quàm per aliorum quorumcumque hominum potentiam contingit: colligitur, patrem melius velle liberis suis, quam quibuscunque aliis. Intelligitur itaque voluntas patris intestati ea fuisse ut *successor* ei aliquis esset ex liberis suis. Hoc tamen ita intelligendum est, si alia signa apertiora in contrarium non existant; cujus generis, post *successionis* plures, potest esse consuetudo. qui enim de *successione* tacet, intelligitur consuetudini Regni consentire.

Et masculum potius quàm feminam,

XVI. Inter liberos, masculi feminis præferuntur; principio quidem forte quod plerumque (licet non semper) aptiores sunt ad rerum magnarum, præsertim verò bellorum administrationem; post autem, ubi in consuetudinem abiit, quod consuetudini non sit contradictum; ideòque voluntas *Patris* in eorum favorem, nisi consuetudo alia vel signum aliud apertius repugnet, interpretanda est.

XVII. Filio-

XVII. *Filiorum* autem, quia æ- <sup>Et filia-</sup>  
 quales sunt, nec dividi imperium po- <sup>rum na-</sup>  
 test, is *succedat*, qui maximus natu <sup>tu maxi-</sup>  
 est. Nam si *differentia* sit aliqua <sup>nam,</sup>  
 propter ætatem, dignior maximus <sup>quam mi-</sup>  
 est. nam naturâ judice annis prove- <sup>norem.</sup>  
 ãtior (quia solet esse) prudentior  
 est. Alius autem iudex dari non  
 potest. Si verò fratres omnes pro  
 æqualibus habendi sint, *forte* fiet  
*successor*. Est autem fors naturalis,  
*primogenitura*; eâ vero jam præfertur  
 natu maximus; neque est qui pote-  
 statem habeat judicandi, utrum eo,  
 an alio genere sortium res decidenda  
 sit. Quæ autem ratio pro primoge-  
 nito, eadem pro primogenita mili-  
 tat.

XVIII. Quod si liberi nulli sint, <sup>Et fra-</sup>  
 tunc ad fratres & sorores imperium <sup>trem, si</sup>  
 transibit, propter eandem rationem, <sup>prole ca-</sup>  
 qua liberi *succederent*, si essent; nam <sup>rent, præ</sup>  
 naturâ proximi, benevolentiam proxi- <sup>omnibus</sup>  
 mi esse supponuntur; & in Fratres <sup>alijs.</sup>  
 prius quam in sorores; item in ma-  
 jores natu prius quam in minores.  
 Ratio enim hic eadem est, quæ in  
 liberis.

XIX. Porro qua ratione *succeditur* Eodem  
 ad imperium, eadem quoque succe- <sup>modo quo</sup>  
 ditur ad jus *successionis*. nam primoge- <sup>succeditur</sup>  
 nitus, si ante patrem moriatur, cen- <sup>in impe-</sup>  
 scbitur,

*rium*, sebitur, nisi pater aliter statuerit, jus  
*succeditur* suum *successionis* transtulisse ad liberos  
*etiam in* suos; ideoque nepotes & neptes prio-  
*ius succes-* res ad *succedendum* erunt quàm ipso-  
*sonis.* rum avunculi. Hæc, inquam, om-  
 nia ita se habent, si consuetudo  
 loci (cui pater non contradicendo  
 censebitur consentire) non impe-  
 diat.

## C A P U T X.

*Specierum trium civitatis, quoad incom-  
 moda singularum, comparatio.*

I. Comparatio status naturalis cum statu civili.

II. Imperantis & civium eadem sunt com-  
 moda & incommoda. III. Commendatio Mo-  
 narchiæ. IV. Regimen unius non esse eo no-  
 mine iniquum, quod unus plus possit ceteris  
 omnibus. V. Rejectionis opinionis eorum qui di-  
 cunt, Dominum cum servis non posse esse civi-  
 tatem. VI. Exactiones graviores esse sub po-  
 pulo imperante, quam sub Monarchâ. VII.  
 Cives innocentes minus obnoxios esse pœnis sub  
 Monarchâ, quam sub populo. VIII. Liber-  
 tatem civium singularum non minorem esse sub  
 Monarchâ, quàm sub populo. IX. Non esse  
 civibus incommodum, quod non omnes ad publi-  
 cas deliberationes admittantur. X. Deliberatio-  
 nes civiles magnis cœtibus male committuntur,  
 propter plurimorum imperitiam. XI. Propter  
 eloquentiam. XII. Propter factionem.  
 XIII. Propter instabilitatem Legum. XIV.  
 Propter



*Propter defectum taciturnitatis. xv. Ea incommoda Democratix adharere, quatenus homines naturaliter delectantur existimatione ingenii. xvi. Incommoda civitatis ex rege puero. xvii. Monarchicæ præstantiæ signum, potestas Ducum castrensis. xviii. Optimus status civitatis est, ubi cives imperantis sunt habeditas: xix. Aristocratia tanto melior est, quanto Monarchiæ propior; peior, quanto ab eâ remotior.*

I. **D**emocratia, Aristocratia & Comparatio status  
 Monarchia quid sint, dictum est. Utra autem ad civium pacem <sup>naturalis</sup>  
 conservandam, & commoda eorum <sup>cum statu</sup>  
 procuranda, aptior sit, earum com- <sup>civilis.</sup>  
 paratione videndum est. Primùm au-  
 tem commoda & incommoda civitatis  
 in universum conferamus, ne quis for-  
 te satius esse ducat, vivere unum-  
 quemque arbitrio suo, quàm civita-  
 tem omnino constituere. Extra sta-  
 tum civitatis, unusquisque libertatem  
 habet integerrimam quidem, sed in-  
 fructuosam; propterea quod qui pro-  
 pter libertatem suam omnia agit ar-  
 bitrio suo, propter libertatem alio-  
 rum omnia patitur arbitrio alieno.  
 At civitate constitutâ, unusquisque  
 civium tantum libertatis sibi retinet,  
 quantum sufficit ad bene & tranquil-  
 le vivendum, tantum item aliis adi-  
 mitur, ut non sint metuendi. Extra

civitatem, unicuique ita jus est ad omnia, ut tamen nulla re frui possit. In civitate verò unusquisque finito jure securè fruitur. Extra civitatem, quilibet à quolibet jure spoliari & occidi potest. In civitate ab uno tantum. Extra civitatem, propriis tantam viribus protegimur. In civitate, omnium. Extra civitatem, fructus ab industriâ nemini certus; in civitate omnibus. Denique extra civitatem, imperium affectuum, bellum, metus, paupertas, foeditas, solitudo, barbaries, ignorantia, feritas. in civitate, Imperium rationis, Pax, securitas, divitiæ, ornatus, societas, elegantia, scientiæ, benevolentia.

*Imperantis & civium eadem sunt commoda & incommoda.*

II. *Aristoteles* Politicorum lib. 7. cap. 14. duo esse ait genera regiminum, quorum alterum ad *imperantis*, alterum ad *subditorum* commodum dirigitur. Quasi ubi cives duriùs tractantur, ibi *una*; ubi mitius, ibi *alia* species esset civitatis; quod ei minimè concedendum est. Sunt enim *imperantis* & *subditorum*, eadem & communia commoda & incommoda omnia, quæ ex regimine oriuntur. Incommoda quæ civi alicui, infortunio, stultitiâ, negligentîâ, ignaviâ, vel luxuriâ suâ accidunt, à Regentis

tis incommodis separari possunt: sed non sunt illa Regiminis incommoda, ut quæ in qualibet civitate accidere possunt. Eadem si accidunt à primâ civitatis institutione, dicuntur quidem Regiminis incommoda, sed ipsi imperanti cum civibus communia erunt, sicut communia etiam sunt eorum commoda. Primum autem & maximum commodum, Pax & defensio, idem utriusque est. Nam & is qui imperat, & is cui imperatur, ad vitæ suæ defensionem, viribus utitur simul omnium concivium. Et maximo incommodo quod in civitate contingere potest, nimirum cæde civium, quæ ab Anarchiâ oritur, & is qui summum imperium habet, & quilibet unus civium æquè obruitur. Secundò, si is qui summum imperium obtinet, pecuniarum tantum à civibus exegerit, ut, se & familias suas alere, & vires corporum suorum conservare non possint, incommodum non magis illorum est, quam imperantis, qui quantiscunque divitiis sine corporibus civium, Imperium suum & divitias tueri non potest. Si verò tantum exegerit, quantum ad imperii administrationem sufficit, id commodum æquè est & ipsi & civibus ad commu-

nem pacem & defensionem. Neque imaginabile est, quomodo divitiæ *publicæ* civibus *privatis* incommodo esse possint, modo privati non ita exhauriantur, ut per industriam suam necessaria ad corporis & animi vires sustentandas acquirere sit impossibile. Nam sic in commodum & ad ipsum imperantem pertineret, nec oriretur ab institutione vel ordinatione pravâ, (quia in omni genere civitatis, cives opprimi possunt) sed à bene ordinatæ civitatis pravâ administratione.

Commen-  
datio Mo-  
narchia.

III. Quod autem dictarum specierum civitatis, *Democratia*, & *Aristocratia*, & *Monarchia*, optima sit *Monarchia*, ex comparatione commodorum & incommodorum in singulis ostendendum est. Hæc igitur, quod *universum* ab uno Deo regitur; quod *Antiqui* statum *Monarchicum* cæteris prætulerunt, regimen Deorum uni *Iovi* adscribentes; quod principio rerum, nationumque, arbitria Principum pro legibus fuerint; quod imperium *Paternum* institutum à Deo in creatione, *Monarchicum* fuerit; quod regimina cætera ex *Monarchia* per seditiones dissolutæ ruderibus artificio hominum (\*) pòst conglutinata sint; quodque populus Dei sub regibus fuerint; quam-



quamquam *Monarchiam* commenda-  
torem nobis exhibeant, tamen quia  
id non rationibus, sed exemplis  
& testimoniis faciunt, omitemus.

Artificio hominum conglutinata *Annota-*  
sint, &c.] *Videntur huc spectasse anti-* *tio.*  
*qui, qui fabulam nobis confinxerunt de*  
*Prometheo. Narrant, Prometheus sur-*  
*repto à Sole igne, ex luto fecisse ho-*  
*minem; atque ob id factum perpetua je-*  
*coris laceratione irato Iovi dedisse pœnas.*  
*Hoc est, ingenio humano (id quod signi-*  
*ficatur per Prometheus) leges, & justi-*  
*tiam à Monarchia per imitationem sum-*  
*tas esse, quarum vi (tanquam igne à fon-*  
*te suo naturali surrepto) multitudo (quasi*  
*lutum & fœx hominum) in unam perso-*  
*nam civilem animata & conflata est,*  
*quæ Aristocratia vel Dêmoncratia appel-*  
*latur. Inveni autem autores & fautores,*  
*qui cum securè atque otiosè sub imperio*  
*Regum naturali vivere potuissent, hanc pœ-*  
*nam dant, ut perpetuis curis, suspicionibus*  
*diffensionibusque alio loco expositi crucientur.*

IV. Sunt quibus *unius* Regimen eo *Regimen*  
nomine displicet, quia *unius* est; quasi *unius non*  
iniquum esset inter tam multos tantâ *esse eo*  
potestate eminere *unum* aliquem, ut *nomine*  
arbitrio suo possit de cæteris omnibus *iniquum,*  
statuere. Hi sanè subtrahere se ab impe- *quod unus*  
rio *plus possit*

*ceteris  
omnibus.*

rio *unius* Dei, si possent, vellent. Sed exceptionem hanc contra *unum* suggerit invidia, dum vident unum habere quod omnes cupiunt. idem iniquum esse censerent eadem ratione, si *pauca* imperarent, nisi ipsi vel essent, vel esse sperarent ex eorum numero. nam si iniquum sit non esse jus æquale omnibus, iniquum etiam est regimen optimatum. Quoniam autem ostensum est, statum æqualitatis esse statum belli: ideoque inæqualitatem introductam esse consensu omnium, inæqualitas illa non est amplius habenda pro re iniquâ, ubi plus habet is, cui plus volentes dedimus. Incommoda igitur quæ sequuntur *unitus hominis* imperium, sequuntur *hominem*, non *unitatem*. Videndum igitur est, utrum imperium *hominis*, an *hominum*, plura civibus adferat incommoda.

*Rejectio  
opinionis  
eorum qui  
dicunt,  
dominum  
cum servis  
non posse  
esse civi-  
tatem.*

V. Sed primum amolienda est sententia eorum, qui negant omnino, civitatem esse, quæ conflatur ex quantovis numero servorum sub communi Domino. Cap. 5. articulo 9. definitur *civitas* esse *persona* una facta ex pluribus hominibus, cujus voluntas, ex ipsorum pactis, pro ipsorum omnium voluntatibus habenda est, ut singulorum viribus & facultatibus  
*uti*

uti possit, ad pacem & defensionem communem, *Persona* autem una est, per ejusdem capitis articulum eundem, quando plurium voluntates unius voluntate continentur. Sed voluntas uniuscujusque servi continetur in voluntate Domini, ut ostensum est capite 8, articulo 5, ita ut possit eorum viribus & facultatibus uti, prout voluerit. Sequitur ergo, civitatem esse quæ constituitur ex *Domino* & pluribus *servis*. Neque potest ulla ratio in contrarium adduci, quæ non æque militet contra civitatem constitutam à *patre* & *liberis*. Nam apud *Dominum*, cui *liberi* non sunt, *servi liberorum* rationem subeunt. Sunt enim & honor & præsidium ejus: neque magis subjiciuntur *servi Domini*, quam *liberi patribus*, ut suprà ostensum est capite 8. articulo 5.

V I. Inter incommoda imperii *Exactio-* summi unum est quod imperans præ-<sup>nes gra-</sup>ter pecunias ad sumtus publicos, hoc <sup>viores esse</sup> est, ad ministros publicos alendos, <sup>sub populo</sup> præsidia ædificanda & tuenda, bella <sup>imperante, quàm</sup> gerenda, rem domesticam honorificè <sup>sub Monarcha.</sup> sustentandam necessarias, possit etiam, si velit, alias exigere per libidinem, quibus *filiis*, *cognatos*, *gratiosos*, atque etiam *adulatores* ditare possit. Con-  
fitendum

fitendum est, incommodum quidem hoc esse, sed ex numero eorum quæ in omni genere civitatis reperiuntur; in *Monarchiâ* autem tolerabiliora, quàm in *Democratia*. Nam & si velit *Monarcha* illos locupletare, pauci sunt, quia unus sunt. Sed in *Democratia*, quot sunt *Demagogi*, id est, potentes apud populum *oratores*, (qui & simul plures sunt, & quotidie novi suboriuntur) tot sunt qui *liberos*, *cognatos*, *amicos*, *adulatoresque* ditan- dos habent. Cupiunt enim singuli, non modo familias suas divitiis po- tentes illustresque reddere, quantum possunt, sed etiam alios sui munien- di causâ beneficiis devincire. *Monar- cha* ministros & amicos suos, quia non sunt numerosi, sine civium di- spendio, deferendo scilicet illis belli pacisque munia, magna ex parte explere potest; in *Democratia*, ubi multi satiandi sunt, & semper novi, fieri id sine oppressione civium non potest. *Monarcha* quamquam possit indignos promovere, sæpe tamen id facere non vult; *Oratores* autem in *Democratia* semper hoc omnes vel- le intelliguntur, ideo quia opus est. A- liter enim potentia eorum qui id soli facerent ita cresceret, ut non modo si- bi, sed & civitati formidanda esset.



VII. Summi imperii incommodum aliud est, metus ille mortis perpetuus, in quo unumquemque versari necesse est dum reputat secum, posse eum qui imperat, non modo pœnas quas velit, in quæ velit peccata constituere, sed etiam cives innocentes, & qui nihil contra leges commiserunt, irâ & libidine jugulare. Atque magnum hoc reverà in omni civitatis specie incommodum est, ubi fit: (incommodum enim ideo est quia fit, non quia fieri potest:) sed vitium est Regentis, non Regiminis: non enim *Neronis facta Monarchie* sunt omnia essentialia. Minus tamen sæpe damnantur cives immeritò, regnante *Homine*, quàm *populo*. Nam Reges sæviunt in eos tantum, qui vel consiliis intempestivis molesti, vel verbis contumeliosis, vel voluntate adversi ipsis solis sunt. Faciunt autem ut potentix excessus, quem habere unus civis supra alium possit, innoxius sit. Itaque *Nerone* vel *Caligulâ* aliquo regnante, pati immerito nemo potest, nisi qui ipsi cogniti sunt, nimirum Aulici, vel munere aliquo conspicui; neque omnes, sed illi soli, quibus est quod is habere cupit; nam qui molesti aut contumeliosi in eum sunt, merito plectuntur. In *Monarchia* igitur,

gitur, is qui latere vult, qualiscunque sit qui regnat, extra periculum est. Patiuntur enim soli ambitiosi, cæteri ab injuriis potentiorum defenduntur. Sed in *dominatione populari* tot possunt esse *Nerones*, quot sunt *Oratores* qui *populo* adulantur. tantum enim potest unisquisque eorum, quantum ipse *populus*; atque in subtrahendis à pœna iis, qui per libidinem & odia privata concives immeritò occiderunt, quasi tacito quodam inter se Pacto, *Hodie mihi, cras tibi*, alter alterius cupidini mutuò cedunt. Præterea potentiaæ privatae terminus quidam est, ultra quem civitati pernicioſa futura est, & propter quam *Monarchis* aliquando necessarium est providere, ne quid inde Respublica capiat detrimenti. Illam igitur potentiam, quando in divitiis sita erat, divitiarum diminutione diminuerunt; si quando vero consisteret in aura *populari*, ipsum potentem sine alio crimine sustulerunt. Idem in *Democratiis* fieri solet. Nam *ostracismo* exsulabant potentes *Athenienses* sine crimine, propter potentiam solam, & necabantur Romæ tanquam regnum affectaverint, qui plebis favorem captabant beneficiis. Pares in hoc *Democratia* & *Monarchia*, impares tamen fama fuerunt: quia fama à po-

à populo est ; & quod à multis fit , à multis laudatur. Ideoque invidiâ in virtutem eorum factum esse dicitur , si faciunt *Monarchæ* , quod si factum esset à *populo* , politia esset.

V.III. Sunt qui ideo *Monarchiam* *Libertatem* *Democratiam* incommodiorem putent , <sup>tem fin-</sup> quod *illic* minus libertatis sit quam *hic*. <sup>gulum</sup> Si per *libertatem* intelligant exemptionem à subjectione , quæ legibus , hoc <sup>non mino-</sup> est , mandatis debetur *populi* , neque <sup>rem esse</sup> in *Democratia* , neque in alio statu civitatis quocunque ulla omnino *libertas* est. Si *libertatem* in eo sitam esse intelligant , ut paucæ sint leges , pauca vetita , & ea talia quæ nisi vetentur , non sit Pax , tunc nego plus esse *libertatis* in *Democratia* quam in *Monarchia*. potest enim non minus hæc quam illa cum tali libertate recte consistere. Etsi enim portis turribusque civitatis cujuscunque , characteribus quantumvis amplius *libertas* inscribatur , non est ea cujuscunque *civis* , sed *civitatis* libertas ; neque meliori jure verbum illud civitati inscribitur , quæ à *populo* , quam quæ à *Monarcha* regitur. Sed quando cives privati , id est , subditi libertatem poscunt , nomine libertatis non *libertatem* , sed *Dominium* poscunt ? quod tamen præ inscitia minime animadvertunt. Si enim

enim quam libertatem quisque sibi expetit, eandem prout lege naturæ præceptum est, aliis concederet, rediret ille status naturalis, in quo omnes jure possunt omnia; quem ut omni subjectione civili pejorem, si scirent, respuerent. Sed si quis liberum esse solum poscat, cæteris obstrictis, quid aliud quam *Dominium* poscit; Nam qui solutus est omni vinculo, victorum omnium, quotquot sunt, *Dominus* est. Non est ergo major libertas civium in statu *populari*, quam *Monarchico*. Id quod imponit, est *participatio* æqualis munerum publicorum, & Imperii. Nam ubi imperium *populi* est, cives eatenus imperium singuli *participant*, quatenus *populi* imperantis partes sunt. Munera autem publica æqualiter participant, quatenus in magistratibus & ministris publicis eligendis æqualia habent suffragia. Atque hoc est quod voluit *Aristoteles*, ipse quoque consuetudine temporis libertatem pro imperio nominans. Lib. 6. *Politicorum*, cap. 2. *In statu populari libertas est ex suppositione. Quod vulgo dicunt, tanquam extra statum hunc liber esset nemo. Ex quo obiter colligere licet, cives eos qui in Monarchiâ sublatam libertatem plorant, hoc tantum stomarchari, quod*



quod non adhibeantur ad Reipublicæ gubernacula.

IX Sed ob hoc ipsum fortasse aliquis *statum popularem* maximo inter *civibus* vallo *Monarchiæ* anteferendum esse dicet, quod illic, ubi scilicet negotia *incommodum, quod* publica omnes tractant, prudentiam, *non omnes* scientiam, eloquentiamque suam in *ad publicas deli-* deliberationibus circa res maximæ difficultatis & momenti publicè ostentandi potestas omnibus facta sit; id *birationes admittantur.* quod propter naturæ humanæ innatam laudis cupiditatem, omnibus iis qui vel talibus virtutibus antecellunt, vel sibi videntur cæteris antecellere, omnium rerum est jucundissimum. hic vero via illa ad laudem & dignitates obtinendas, maximæ parti civium præclusa est. Quid autem est, si hoc non est incommodum? Dicam. Sententiam ejus quem contemnimus, nostræ prælatam videre; sapientiam nostram in conspectu nostro negligi; incerto certamine inanis gloriæ, certissimas suscipere inimicitias; (hoc enim declinari non potest, si vicerimus, si vincamur;) odisse & odio esse ob dissimilitudinem opinionum; concilia & vota nostra ubi non est opus, sine fructu omnibus patefacere; rem domesticam negligere; Hæc, inquam, incommoda sunt. Abesse verò à certamine

tamine ingeniorum, quamquam ea certamina facundis jucunda sint, non est ideo illis incommodum, nisi etiam viris fortibus incommodum dicemus esse pugnâ prohiberi, propterea quod eâ delectantur.

*Deliberationes civiles magnis cœtibus male committuntur, propter plurimorum imperitiam.*

X. Præterea multæ causæ sunt, quare minus rectè in magnis conventibus deliberatur, quam ubi consiliarii sunt pauci. Quarum una est, quod ad rectè deliberandum de omnibus quæ ad salutem civitatis conducunt, cognitum necessaria sunt, non modo ea quæ intus, sed etiam ea quæ foris sunt, intus quidem quibus rebus, & unde quæsitis, civitas alitur & defenditur; quæ loca præfidiis habendis apta; unde milites & habendi & alendi sint; quis sit civibus animorum habitus versus principem, vel civitatis gubernatores, & multa similia. Foris autem, quanta & in quibus rebus sita sit potentia singularum civitatum vicinarum; quid nobis ab illis commodi & incommodi proveniat; qui affectus eorum & erga nos, & se invicem; & quid quotidie apud eos consilii capiatur. Hæc autem quia paucissimi cognoscunt in numeroso cœtu hominum, maxima ex parte talium rerum imperitorum, ne dicam incapacium, quid numerus ille deliberantium

tium ineptis sententiis contribuere ad consilia, aliud quam impedimentum potest.

XI. Alia causa, quare magnus cœtus ad deliberationem minus idoneus sit, *Propter eloquentiam.* ea est, quod unusquisque eorum qui sententiam suam explicant, necesse habet perpetuâ & longâ uti oratione; eamque, existimationis causâ, audientibus, quantum potest, ornatam gratamque eloquentia reddere. Eloquentiæ autem munus est, *Bonum & malum, Utile & inutile, Honestum & inhonestum*, facere apparere majora vel minora, quam revera sunt, & *Iustum* videri, quod *injustum* est, prout ad finem dicentis videbitur conducere. Hoc enim est persuadere; & quamquam ratiocinentur, non procedunt tamen à principiis veris, sed ab *civili*, id est, opinionibus jam vulgo receptis, quæ maxima ex parte erroneæ esse solent, neque orationem suam naturæ rerum, sed affectibus animorum convenientem esse student. Unde accidit, non recta ratione, sed impetu animi sententias ferri. Neque est hoc *hominis*, sed ipsius *Eloquentiæ* vitium, cuius finis (ut magistri Rhetoricæ omnes docent) non veritas est, (nisi per accidens) sed *Victoria*;

etoria; & munus, non docere, sed suadere.

*Propter  
factiones.*

XII. Tertia causa, quare in magno coetu minus utiliter deliberatur, ea est, quod inde *factiones* in civitate oriantur, & ex *factionibus* seditio & bellum civile. Quando enim contrariis sententiis orationibusque pugnant æquales oratores, victus victorem, eoque una omnes qui illius sententiam sequuti sunt, tanquam consilium & sapientiam suam contempsissent, odit, studetque quomodo faciat, ut consilium adversarii exitum fortiatur civitati damnosum; sic enim sibi restitutum, illi ademtum gloriam iri videt. Præterea ubi suffragia non sunt ita inæqualia, quin spes victis sit, posse se in conventu alio, accessione paucorum hominum sibi consentientium, partes habere superiores, ibi præcipui eorum cæteros convocant; seorsum deliberant, quomodo sententiam ante latam abrogare possint; statuunt inter se ad proximum conventum frequentes & primi adesse; disponunt quid quisque; & quo ordine dicere debeat, ut res denuo agitetur, & quod frequentibus adversariis ratum, id iisdem, aliqua ex parte, per negligentiam absentibus, fiat irritum. Atque huiusmodi industria



stria diligentiaque, quâ utuntur ad *faciendum* populum, *factio* appellari solet. Quando autem *factio* suffragiis minor, viribus major vel non multo minor est, tunc quod eloquentiâ & arte obtinere non potuere, id armis tentant, & bellum nascitur civile. Sed hæc, dicet aliquis, non necessario, nec sæpe accidunt. Idem dicere posset, Oratores non esse necessario cupidos gloriæ, & non sæpe in magnis rebus magnos oratores dissentire.

XIII. Sequitur ex his, ubi le- *Propter*  
gum ferendarum potestas summa ad *instabili-*  
conventus tales defertur, leges insta- *tatem le-*  
biles esse, mutarique, non ad muta- *gum.*  
tionem status rerum, neque ad mu-  
tationem animorum, sed prout ma-  
jor numerus hominum nunc ex  
hac, nunc ex illâ *factione* con-  
fluxerit ad *curiam*; ita ut leges ibi,  
tanquam super undas, huc illuc flu-  
ctuent.

XIV. Hoc etiam quarto loco de- *Propter*  
liberationes magnorum coetuum in- *defectum*  
commodi habent, quod civitatis con- *taciturni-*  
silia, quæ tacita esse sapissimè perma- *tatis.*  
gni interest, antè ad inimicos profe-  
rantur, quam possint perducì ad effe-  
ctum; & quid possit, quid non possit,  
quid velit, quid nolit, exploratum

H

externis

externis sit, non minus quam ipsi  
*imperanti populo.*

*Ea incommoda De-* XV. Incommoda hæc quæ in deli-  
*moda De-* berationibus magnorum conventuum  
*mocratiæ* reperiuntur, eatenus *Monarchiam De-*  
*adhaerere,* *mocratiâ* meliorem esse evincunt,  
*quatenus* quatenus in *Democratiâ* res maximi  
*homines* momenti, talibus conventibus discu-  
*naturali-* tiendæ sæpius comittuntur, quam in  
*ter dele-* *Monarchiâ*; nec enim aliter fieri facile  
*stantur* potest. Nihil enim est propter quod  
*existima-* non malit quisquam *rei familiari* po-  
*tione inge-* tius, quam *publicæ* vacare, præter-  
*ni.* quam quòd locum esse videt facundiæ  
 suæ, qua possit ingenii & prudentiæ  
 existimationem acquirere, & domum  
 reversus apud amicos; parentes, uxo-  
 resque, re bene gesta, triumphare;  
 sicut olim *Marco Coriolano* omnis à  
 factis bellicis jucunditas in eo sita  
 erat, quod videret laudes suas pla-  
 cere matri. Quodsi in *Democratiâ*  
*populus* deliberationes de bello & pa-  
 ce & de legibus ferendis ad unum  
 tantum, vel valde paucos deferre  
 vellet, contentus nominatione magi-  
 stratum, & ministrorum publico-  
 rum, hoc est, autoritate sine mini-  
 sterio, tunc fatendum est, *Domocra-*  
*tiam* & *Monarchiam* hac in re æquales  
 fore

*Incommo-* XVI. Neque commoda vel in-  
 com-

commoda, quæ magis in una quam <sup>da civita-</sup>  
 in alia civitatis specie reperiuntur, <sup>tis ex Re-</sup>  
 ex, eo procedunt, quod ipsum im- <sup>ge puero.</sup>  
 perium, seu imperii negotia admini-  
 stranda melius uni quam pluribus,  
 vel contra, pluribus quam pauciori-  
 bus committuntur. Nam imperium  
*potentia*, administratio gubernandi *a-*  
*ctus* est. *potentia* autem in omni ci-  
 vitatis specie æqualis est; soli *actus*  
 differunt, hoc est, *motus* atque *actiones*  
 civitatis, prout proveniunt à plurium  
 vel pauciorum, peritorum vel imperi-  
 torum deliberationibus. Ex quo intelli-  
 gitur, regiminis commoda & incommo-  
 da, non illum in quo residet civitatis  
 authoritas, sed imperii ministros se-  
 qui; ideoque nihil impedire, quin  
 civitas recte gubernari possit, quam-  
 quam *Monarcha* femina vel puer vel  
 infans sit, modo ii negotiis pares  
 sint, qui ministeriis & muneribus  
 publicis præfecti sunt. Atque id quod  
 dicitur, *va regno cuius Rex Puer est*,  
 non significare *Monarchia* conditio-  
 nem statu populari inferiorem esse,  
 sed contra nimirum incommoditatem  
 Regni per accidens esse, quod *Rege*  
*puero* accadat quandoque, ut multis  
 per ambitionem & vim in consilia  
 publica sese intrudentibus, civitas ad-  
 ministretur *Democraticè*, atque ex eo

nasci infelicitates illas, quæ *imperium populi* maxima ex parte comitantur.

*Monarchica  
præstancia  
signum,  
potestas  
Ducum  
castrensis.*

XVII. Signum autem quod *Monarchia* absolutissima, civitatis sit optimus omnium status, manifestissimum illud est, quod non solum Reges, sed etiam civitates illæ quæ *populo & optimatibus* subjectæ sunt, non nisi uni soli totum belli imperium deferunt, idque ita absolutum, ut nihil possit esse amplius: (in quo obiter notandum quoque hoc est, quod Rex nullus Duci plus imperii in exercitum concedere, quam ipse in cives omnes exercere jure possit.) *Monarchia* itaque omnium optimum in castris regimen est. Quid autem aliud sunt plures respublicæ, quam totidem castra præsidiis & armis contra se invicem munitæ; quorum status (quia nulla communi potentia coërcentur, utcunque incerta pax-tanquam induciæ breves, intercedat) pro statu naturali; hoc est, pro statu belli habendus est?

*Optimus  
status ci-  
vitatatis est,  
ubi cives  
imperan-  
tis sunt  
hæredita-  
tas.*

XVIII. Postremò quoniam ad conservationem nostram, subditos nos esse alicui *homini* vel *concilio* necessarium erat, optimâ conditione illi subjicimur, cujus interest, ut salvi & sani simus. Atque hoc fit, quando



quando imperantis hæreditas sumus ; unusquisque enim sponte suâ hæreditatem suam conservare studet. Sunt autem civium non fundi & pecuniæ, sed corpora & animi vegeti, principum divitiæ: id quod facile conceditur ab iis qui animadvertunt, quam magnis pecuniis parvarum civitatum dominia æstimantur, & quanto facilius homines pecuniam, quam pecunia homines acquirit. Neque exemplum facile occurrit subditi alicujus à Principe suo, vitâ vel bonis, sine culpa propria, per solam licentiam imperii spoliati.

XIX. Huc usque facta est comparatio inter statum *Monarchicum* & *Popularem*; de *Aristocratiâ* tacitum est. De hac, ex iis quæ de illis dicta sunt, videtur concludi posse, quæ hæreditaria est, & quæ contenta Magistratuum electione, deliberationes ad paucos, & maximè idoneos transmittit, & simpliciter quæ *Monarchicum* regimen maximè, *populi* minimè imitatur, eam civibus singulis & meliorem, cæteris & diuturniorem esse.

*Aristocratiâ tantò melior est, quantò Monarchia prior; peior; quantum ab ea remotior.*

## CAPUT XI.

*Loca & exempla Scripturae sacrae de jure  
Regni, quae secunda videntur  
antedictis.*

- I.** Initium civitatis institutivæ, à consensu populi. **II.** Judicia & Bella dependere ab arbitrio imperantium summorum. **III.** Eos qui summum imperium habent, jure puniri non posse. **IV.** Sine summo imperio non esse Civitatem, sed Anarchiam. **V.** Servos & Filios debere Dominis & Parentibus simplicem obedientiam. **VI.** Absolutum imperium evidentissimis tam Novi quam Veteris Testamenti locis comprobatum.

*Initium civitatis institutivæ à consensu populi.* **I.** **I**nitium civitatis institutivæ, sive politicæ, cap. 6. art. 2. à consensu multitudinis ita derivavimus, ut omnes consentire, vel pro hostibus cenferi oportere appareat. Tale fuit initium Regni Dei super Judæos institutum per Moysen. Si audieritis vocem meam, &c. eritis mihi in regnum Sacerdotale, &c. Venit Moyses, & convocatis majoribus natu populi, &c. responditque omnis populus simul: cuncta quæ loquutus est Dominus, faciemus. Tale quoque fuit initium potestatis Moysis sub Deo, sive potestatis proregiæ. Cunctus populus videbat

bat voces, & lampades, &c. dicentes Moysi: Loquere tu nobis, & audiemus. Simile erat initium regni Saulis. Videntes autem, quod Naas Rex filiorum Ammon venisset adversum vos, dixistis mihi; Nequaquam, sed rex imperabit nobis, cum Dominus vester regnaret in vobis. Nunc ergo præsto est rex vester, quem elegistis & petiistis. 1 Sam. 12. vers. 12. Consentientibus autem non omnibus, sed maiore parte, (nam erant Filii Belial, qui dixerunt, Num salvare nos poterit iste; & despexerunt eum. 1 Sam. 10. vers. 27.) illi qui non consenserunt, tanquam hostes ad necem quærebantur. Quis est (ait populus ad Samuelem) qui dixit, Saul non regnabit super nos: date viros, & interficiemus eos? 1 Sam. 11. vers. 12.

II. Eodem capite 6. articulis 6. & *Judicia* 7. ostensum est, tum *Judicia*, tum *Bella*, ab arbitrio dependere ejus qui summum habet in civitate imperium; id est, in *Monarchiâ* unius *Monarchæ*, five *Regis*. Id autem confirmatur *judicio* ipsius populi. *Erimus nos quodque sicut omnes gentes, & JUDICABIT nos rex noster, & egrédietur ante nos, & pugnabit BELLA nostra pro nobis.* 1 Sam. 8. vers. 20. Et testimonio Regis Salomonis, quod attinet ad ju-

*dicia, & ad omnia de quibus disputa-  
ri potest, an sint bona an mala. Da-  
bis ergo servo tuo cor docile, ut populum  
tuum JUDICARE possit, & discernere  
inter BONUM & MALUM. 1. Reg.  
3. vers. 9. Et Absalonis, Non est qui  
te audiat constitutus à Rege. 2. Sam.  
15. vers. 3.*

*Eos qui  
summum  
imperium  
habent ju-  
re puniri  
non posse.*

III. Quod Reges puniri à subdi-  
tis non possint, sicut ostensum est  
supra, cap. 6 art. 12. confirmat Rex  
David, qui cum quæreretur à Saule  
ad mortem, abstinuit tamen à cæde  
ejus, prohibuitque Abisaïum dicens,  
*Ne interficias eum; quis enim extendet  
manum suam in Christum Domini, &  
innocens erit? 1 Sam. 22. vers. 9. Et  
cum præcidisset oram chlamydis ejus,  
propitius (inquit) mihi sit Dominus, ne  
faciam hanc rem Domino meo, Christo  
Domini, ut mittam manum meam in  
eum. 1 Sam. 24. vers. 7 Et Amale-  
kitam qui Saulem, quamquam in  
ipsius gratiam, interfecerat, jus-  
sit tamen interfici. 2 Sam. 1. vers.  
15.*

*Sine sanc-  
tione Impe-  
rio non  
esse Civi-  
tatem, seu  
Anar-  
chiam.*

IV. Quod habetur Judic. cap. 17  
vers. 6. *In diebus illis non erat Rex in  
Israel, sed unusquisque quod sibi rectum  
videbatur, hoc faciebat, tanquam ubi  
non sit Monarchia, ibi sit Anarchia,  
(seu confusio omnium rerum) adduci  
posset.*



posset ad probandum excellentiam Regni supra omnes alias civitatis formas; nisi quod per vocem *Rex*, possit forte intelligi non modo *unus homo*, sed etiam *una curia*, modo summum in ea resideat imperium. Quod si sic accipiatur, hoc tamen inde efficitur, ut sine summo & absoluto imperio (quod toto capite sexto probare conati sumus) cuilibet licebit quicquid libebit, sive quicquid sibi rectum videbitur; quod stare non potest cum conservatione generis humani, idedque imperium summum ex lege naturæ in omni civitate intelligitur existere alicubi.

V. *Servos Dominis* simplicem debere obedientiam diximus, cap. 8. *filios debere* art. 7. 8. & *filios patribus*, cap. 9. *re dominis* art. 7. Idem dicit sanctus Paulus. *Et parentibus*. Nimirum de servis, *Servi obedite per timorem* *OMNIA Dominis carnalibus, non ad oculum* *servientes, quasi hominibus placitantes, sed in simplicitate cordis timentes Deum.* Col. 3. vers. 20. De Filiis, *Filii obedite parentibus per OMNIA; hoc enim placitum est in Domino.* Col. 3. vers. 22. Sicut autem nos per simplicem obedientiam intelligimus *OMNIA* quæ non sunt contra leges Dei, ita in locis illis sancti Pauli ci-

tatis, post vocem OMNIA, subintelligendum est, præter ea quæ sunt contra leges Dei.

*Absolutum imperium evidentiſſimis tam novi quam veteris Testamenti locis comprobatur.*

VI. Sed ne jus Principum minutatim persequar, ea jam producam quæ totam potestatem eorum (nempe deberi iis à subditis suis obedientiam simplicem & absolutam) simul stabiliunt. Et primum ex novo Testamento: Super cathedram Moysis sederunt Scribæ & Pharisei. OMNIA ergo quæcunque dixerint vobis, servate & facite. Matth. 22. vers. 2. Omnia, inquit, facite, hoc est, obedite simpliciter. Quare? quia sedent super cathedram Moysis, nimirum, principis civilis, non Aaronis Sacerdotis. Omnis anima potestatibus sublimioribus subdita sit; non est enim potestas nisi à Deo. Quæ autem sunt, à Deo ordinatæ sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt, &c. Rom. 13. vers. 1. &c. Quoniam ergo potestates quæ erant tempore sancti Pauli, à Deo ordinatæ fuerint, omnes autem Reges eo tempore requirebant à subditis suis integram obedientiam, sequitur, talem potestatem à Deo fuisse ordinatam. Subiecti igitur estote omni humanæ ordinationi propter Deum, si ve Regni quasi præcellen-

cellenti, sive ducibus tanquam ab eo missis ad vindictam malefactorum, laudem vero bonorum : quia sic est voluntas Dei. 1. Pet. 2. vers. 13. Rursus sanctus Paulus ad Titum ; Admone illos , Principibus & potestatibus subditos esse , dicto obedire. Cap. 3. vers. 1. Quibus Principibus ? nonne Principibus temporum illorum , qui obedientiam exigebant simplicem. Deinde , ut veniamus ad exemplum ipsius Christi , cui jure hæreditario à Davide derivato , debebatur regnum Judæorum. is cum more subditi viveret, tributum *Cæsari* & pendebat , & *Cæsaris* esse pronunciabat : *Reddite* (inquit) *quæ sunt Cæsaris, Cæsari, & quæ sunt Dei, Deo.* Matth. 22. vers. 21. Idem , cum placuisset ei Regem agere , obedientiam integram requirebat. *Ite* (inquit) *in castellum quod contra vos est, & statim invenietis asinam alligatam, & pullum cum ea; solve & adducite miki: & si quis aliquid dixerit, dicite, quod Dominus his opus habet.* Matth. 21. vers. 2. Fecit igitur hoc jure Domini , sive Regis Judæorum. Tollere vero subdito bona sua , eo nomine quod *Dominus opus habet* , Imperium absolutum est. Loca Testamenti veteris in candum sententiam, eviden-

tiam evidentissima hæc sunt. Tu accede, & audi CUNCTA quæ dixerit Dominus Deus noster tibi, loquērisque ad nos, & nos audientes faciemus ea. Deut. 5. vers. 27. At sub vocem illam *cuncta*, integra continetur obedientia. Rursus ad Josuen: Responderuntque ad Josuen, atque dixerunt; OMNIA quæ præcepisti nobis, faciemus, & quocunque miseris, ibimus; sicut obedivimus in CUNCTIS Moyse, ita obediemus & tibi; tantum sit Dominus Deus tuus tecum, sicut fuit cum Moyse. Qui contradixerit ori tuo, & non obedierit CUNCTIS sermonibus, quos præceperis ei, moriatur. Josu. vers. 16. Et parabola Rhamni: Dixerantque omnia ligna ad Rhamnum, Veni & impera super nos. quæ respondit iis, Si vere me regem constituitis, venite, & sub umbra mea requiescite; sin autem non vultis, egrediatur, ignis de Rhamno, & devoret cedros Libani. Jud. 9. vers. 14. Quorum verborum sententia est, acquiescendum esse dictis eorum quos vere Reges in nos constituimus, ni velimus incendio belli civilis confumi. Particularius autem describitur potentia regia à Deo ipso per Samuelem. *Predio ius ius-Regis, qui regnabitur est super eos, &c.* Hæc



erit *jus Regis qui imperaturus est vobis* : Filios vestros tollet , & ponet in curribus suis , &c. Filias quoque vestras faciet sibi unguentarias , &c. Oliveta optima tollet , & dabit servis suis , &c. 1 Sam. 8. vers. 8. &c. Nonne est potentia hujusmodi absoluta? veruntamen ab ipso Deo appellatur *JUS REGIS*. Neque videtur quisquam , ne Sacerdos quidem summus apud Judæos , ab obedientia hac exemptus fuisse. Ubi enim Abiatharo Sacerdoti dixit Rex , nimirum Salomon) *Vade in Anathot ad agrum tuum , equidem vir mortis es : sed hodie te non interficiam ; quia portasti arcam Domini Dei coram David patre meo , & sustinuiisti laborem in omnibus , in quibus laboravit pater meus : & ejecit Salomon Abiatharum , ut non esset Sacerdos Domini* : 1 Reg. 2. vers. 26. Nullo argumento colligi potest , factum illud Deo displicuisse ; neque enim reprehendi Salomonem , aut personam ejus eo tempore parum Deo acceptam fuisse legimus.

## C A P U T X I I.

*De causis internis civitatem dissolventibus.*

- I. Judicationem boni & mali ad singulos pertinere, *seditiosa opinio.* II. Peccare subditos obediendo Principibus suis, *seditiosa opinio.* III. Tyrannicidum esse licitum, *seditiosa opinio.* IV. Subjectos esse legibus civilibus etiam eos qui habent summum imperium, *seditiosa opinio.* V. Imperium summum posse dividi, *seditiosa opinio.* VI. Fidem & sanctitatem non studio & ratione acquiri, sed semper supernaturaliter infundi & inspirari, *seditiosa opinio.* VII. Civibus singulis esse rerum suarum proprietatem, sive dominium absolutum, *seditiosa opinio.* VIII. Ad seditionem disponit, nescire differentiam inter populum & multitudinem. IX. Ad seditionem disponit exactio nimia pecuniarum, quamvis justa & necessaria. X. Ad seditionem disponit ambitio. XI. Ad seditionem disponit spes successus. XII. Virtus qua opus est ad seditiones excitandas, sola eloquentia est sine sapientia. XIII. Quomodo stultitia vulgi, & eloquentia ambitiosorum, concurrunt ad rempublicam dissolvendam.

*Judicationem boni & mali ad singulos.*

- I. **H** Actenus quibus causis, & quibus pactis civitates constitutæ sint, & quæ sint imperantium in cives, jura, dictum est. Jam quibus causis

*ca.*

eadem dissolvantur; siue de causis sedi- <sup>pertinere</sup>  
 tionum: breviter dicendum est. Quem <sup>seditionis</sup>  
 admodum autem in motu corporum <sup>oratio.</sup>  
 naturalium, considerata tria sunt, ni-  
 mirum, *dispositio interna*, ut sint pro-  
 ducendi motus susceptibilia: *Agens ex-*  
*ternum*, quo motus certus & determi-  
 natus actu producat; *Et ipsa actio*.  
 Ita etiam in civitate, ubi cives tumultu-  
 antur, tria considerata occurrunt?  
 primum *doctrina* & *affectus* paci con-  
 trarii, quibus singulorum animi dispo-  
 nuntur; secundum, quales sunt qui jam  
 dispositos ad successionem & arma solli-  
 citant, convocant, diriguntque; ter-  
 tium, modus quo id fit, siue ipsa *factio*.  
 Doctrinarum autem quæ ad seditionem  
 disponunt, una & prima hæc est; *Cog-*  
*nitionem de bono & malo pertinere ad*  
*singulos*. In statu quidem naturali, ubi  
 jure æquali singuli vivunt, nec se per  
 pacta sua aliorum imperio subniserunt;  
 veram eam esse concedimus, imo cap. 1.  
 art. 9. probavimus. Sed in statu civili,  
 falsa est. Ostensum enim est, cap. 6. art.  
 9. *Regulas boni & mali, justi & injusti,*  
*honesti & inhonesti*, esse leges civiles,  
 ideòque quod legislator præceperit, id  
 pro *bono*; quod vetuerit, id pro *malo*  
 habendum esse. Legislator autem sem-  
 per is est, cujus est in civitate imperium  
 summum, hoc est, in Monarchiâ Mo-  
 nar-

narcha. Idem confirmavimus cap. 11. art. 6. ex verbis *Salomonis*. Siquidem enim sequendum ut bonum, & fugiendum ut malum esset id quod singulis visum fuerit, quorsum spectant verba ejus, *Dabis servo tuo cor docile; ut populum tuum judicare possit, & discernere inter bonum & malum*. Quoniam ergo Regum est discernere inter *bonum & malum*, iniquæ sunt illæ, quamquam quotidianæ voces: *Regem esse, qui recte facit*. Et *Regibus non esse obtemperandum, nisi juxta præceperint*; & aliæ similes. Ante imperia, *justum & injustum* non exstiteret; ut quorum natura ad mandatum sit relativa; actioque omnis suâ naturâ adiaphora est. Quod *justa* vel *injusta* sit, à jure imperantis provenit. Reges igitur legitimi quæ imperant, *justa* faciunt imperando, quæ vetant vetando *injusta*. Privati autem homines dum cognitionem *boni & mali* ad se trahunt, cupiunt esse sicut Reges; quod salva civitate fieri non potest. Omnium Dei præceptorum antiquissimum est, Gen. cap. 2. vers. 15. *De ligno scientiæ boni & mali ne comedas*. & antiquissima tentationum diabolicarum, cap. 3. vers. 5. *Eritis sicut dii, scientes bonum & malum*. Et prima Dei cum homine expositulatio, vers. 11. *Quis indicavit tibi quod nudus esses, nisi quod ex ligno, de quo præceperam tibi ne*  
come-



*comederes, comedisti?* Quasi diceret, unde judicasti nuditatem, in qua visum est mihi te creare, inhonestam esse, nisi quod *cognitionem* Honesti & Inhonesti tute tibi arrogasti?

II. Peccatum est quicquid quis fecerit contra conscientiam; nam qui id faciunt, legem spernunt. Sed distinguendum est; Peccatum meum est, quod faciens, peccatum meum esse puto; quod vero peccatum alienum esse puto, possum quandoque sine peccato meo facere. Nam si jubeam facere quod peccatum jubentis est, modo qui jubet, jure Dominus meus sit, id si facio, non pecco: non enim si militavero jussu civitatis, putans bellum injustè susceptum esse, idcirco injustè fecero, sed potius si militare recusavero, cognitionem justī & injustī, quæ pertinet ad civitatem, mihi arrogans. Qui distinctionem hanc non observant, quotiescunque eis aliquid imperatum erit, quod illicitum vel est, vel videtur esse, incident in peccandi necessitatem. Nam facient contra conscientiam, si obediverint; contra jus, si non obediverint. Si fecerint contra conscientiam, monstrant, se non metuere pœnas futuri seculi; si fecerint contra jus, tollunt quantum in se est, societatem humanam, & vitam civilem seculi præsentis. *Peccare subditos obediendo Principibus suis, seditiosa opinio.* Opinio igitur eorum.

rum qui docent, *peccare subditos, quoties mandata Principum suorum, quæ sibi iniusta videntur esse, exsequuntur*, & erronea est, & inter eas numeranda quæ obedientiæ civili adversantur. Dependet autem ab originali illo errore quem supra præcedente articulo notavimus. Nam per iudicium nostrum *boni & mali*, facimus ipsi, ut tam obedientia nostra, quam inobedientia sit peccatum.

*Tyrannicidium esse licitum, seditiosa opinio.*

III. Tertia doctrina seditiosa ab eadem radice orta est, *Tyrannicidium esse licitum*. Imò hodie à nonnullis Theologis, & olim ab omnibus Sophistis *Platone, Aristotele, Cicerone, Seneca, Plutarcho*, cæterisque Græcæ & Romanæ Anarchiæ fautoribus non modo licitum, sed etiam maximâ laude dignum existimatum est *Tyrannorum* autem nomine intelligunt non solum Monarchas, sed omnes eos qui imperium summum in quocunque genere civitatis administrant. Non enim Athenis *Pisistratus* tantum, qui solus imperium habuit, sed post eum Triginta-viri, qui simul dominati sunt, singuli *Tyranni* appellabantur. Sed is quem occidi, ut *Tyrannum*, volunt, vel jure imperat, vel absque jure; si absque jure, hostis est, & jure occiditur: sed dici debet hoc non *Tyrannicidium*, sed *hosticidium*. si jure imperium obtinet, locum habet interrogatio divina,

*quis*

quis indicavit tibi, quod Tyrannus esset, nisi quod ex ligno de quo praeceperam tibi, ne comederes, comestisti? Quare enim appellas tu Tyrannum, quem Deus Regem fecit; nisi tu privatus existens, cognitionem ad te trahas boni & mali? Quam perniciofa verò civitatibus, presertim vero Monarchiis, opinio hæc sit, ex eo facile intelligitur, quod per eam quilibet Rex, sive malus, sive bonus, unius sicarii & iudicio condemnandus, & manu jugulandus exponitur.

IV. Quarta societati civili adversa <sup>Suljetos</sup> opinio eorum est, qui censent, <sup>legibus ci-</sup> legibus esse legi-  
vilibus <sup>subjeftos</sup> subjeftos esse etiam eos qui habent <sup>bus civili-</sup> sum-  
sum <sup>imperium.</sup> imperium. Quam veram non <sup>bus etiam</sup> esse satis ostensum est supra, c. 6. art. 14. <sup>eos qui</sup>  
ex eo quòd civitas, neque sibi ipsi, ne- <sup>habent</sup>  
que civi cuiquam obligari potest: non si- <sup>sumum</sup>  
bi, quia nemo obligatur nisi alii; non ci- <sup>imperium,</sup>  
vi, quia civium voluntates singulæ in <sup>seditiosa</sup>  
voluntate civitatis continentur, ita ut si <sup>opinio.</sup>  
civitas se liberam à tali obligatione esse velit, etiam cives velint, & proinde libera sit. Quod autem de civitate verum est, id verum esse intelligitur de eo homine, vel cœtu hominum, qui summam habet potestatem; illi enim civitas sunt, quæ nisi per summam eorum potestatem non existit. Quod autem opinio hæc cum essentia civitatis consistere non possit, ex eo patet, quod per eam <sup>cogni-</sup>  
tio

*tio iusti & iniusti*, hoc est, quid sit, quid non sit, contra leges civiles, definire, ad singulos rediret. Cessabit ergo obedientia, quoties imperatum aliquod videbitur contra leges, atque unâ omnis potestas coactiva, quod salvâ civitatis essentiâ fieri non potest. Magnos tamen habet error hic fautores, *Aristotelem* & alios, qui propter impotentiam humanam, civitatis potestatem summam, solis legibus deferendam esse arbitrantur. Videntur autem in naturam civitatis parum profunde inspexisse, qui potestatem coactivam, legum interpretationem, & legum lationem (quæ necessariæ civitati potestates sunt) ipsis legibus reliquendas esse existimaverint. Quamquam autem cives singuli cum ipsâ civitate contendere iudicio, & lege agere interdum possint, id tamen locum habet tunc solum, quando quæstio non est de eo quod civitas possit, sed de eo quod certâ quâdam lege voluit: Ut, cum de capite civis agitur quacunque lege, quæstio non est, an civitas jure suo absoluto vitam ejus tollere possit, sed an per legem illam tollendam esse voluerit. Voluit autem, si legem violavit, alioqui noluit. Quod igitur civitas suis ipsius legibus obstricta sit non satis argumenti est, quod actio legis competat civi adversus civitatem. In contrarium, patet, civitatem suis ipsius legibus



legibus non teneri, quia nemo obligatur sibi. Ponuntur ergo leges *Titio & Gaio*, non civitati: utcunque ambitione jurisconsultorum factum sit, ut leges non ab authoritate civitatis, sed ab eorum prudentia dependere, imperitis videantur.

V. Quinto, *Imperium summum dividi Imperium posse*, exitiosissima civitatis doctrina est. *summum* Alii autem aliter dividunt. Sunt enim *posse divi-* qui ita dividunt, ut summum imperium *di, seditio-* in iis rebus quæ ad pacem & commodam *sa opinio.* hujus vitæ pertinent, potestati civili concedant; in iis vero quæ ad salutem animæ spectant, in alios transferant. Contingit autem, quia justitia ad salutem maximè omnium rerum necessaria est, ut cives justitiam metientes, non sicut debent, per leges civiles, sed per mandata & doctrinas eorum qui respectu civitatis vel privati sunt, vel externi, superstitioso metu obedientiam Principibus debitam præstare nolint; ipso metu in id quod metuunt, incidentes. Quid autem perniciosius civitati esse potest, quam ut homines ne principibus, hoc est, ne legibus obediant, seu, ne justii sint, æternorum cruciatuum intimatione deterreantur? Sunt etiam qui summum imperium ita dividunt, ut potestatem summam Belli & Pacis, uni (quem *Monarcham* vocant) sed pecuniam imperandi jus, non illi, sed aliis tribuunt. Quoniam autem  
& belli

& belli & pacis nervi sunt pecuniæ, qui sic dividunt, aut non rem ipsam dividunt, sed imperium quidem illis dant, in quorum potestate est pecunia, nomen vero alteri; vel si dividunt, civitatem dissolvunt. neque enim bellum si opus est geri, neque pax publica sine pecunia conservari potest.

*Fidem & sanctitatem non studio & ratione naturali acquiri, sed semper supernaturaliter hominibus infundi vel inspirari.* Quod si verum esset, non video quare rationem fidei nostræ reddere juberemur, aut cur is non sit Propheta, quisquis verè Christianus est; aut denique quare non unusquisque quid faciendum, & quid fugiendum sibi sit, ex propria potius inspiratione, quàm ex præceptis imperantium, aut recta ratione æstimeret. Redi-  
tur igitur ad *cognitionem privatam boni & mali*, quæ concedi non potest sine civitatum dissolutione. *Opinio hæc adeo latè per orbem Christianum diffusa est,* ut numerus Apostatarum à ratione naturali penè infinitus sit. Nata autem est ab insanis hominibus, qui Scripturarum lectione copiam verborum sacrorum nacti, ita ea concionando connectere soliti sunt, ut eorum oratio nihil significans, imperitis tamen hominibus divina videatur. cujus enim ratio nulla, oratio divina

divina apparet, is necessario divinitus videbitur inspiratus.

VII. Septima civitatibus adversa *Civibus* doctrina est, *Civibus singulis earum re- singulis*  
*rum quas possident, absolutum esse Domi- esse rerum*  
*num.* Hoc est, *proprietatem* talem, quæ *suarum*  
 jus cæterorum omnium, non modo *proprietatem, sive*  
 concivium, sed etiam ipsius civitatis in *dominium*  
 easdem res excludit. Id quod verum non *absolu-*  
 est. Nam qui *Dominum* habent, *Domi-* tum, *sed i-*  
*num* non habent, ut probatum est c. S. *tiosa opi-*  
 art. 5. Civitas autem civium omnium *nio.*

Domina est, ex constitutione. Ante susceptum jugum civile, nemini erat quicquam *juris proprii*, omnia omnibus *communia* erant dic ergo, unde tibi *proprietas* hæc, nisi à civitate? Unde autem civitati, nisi quod unusquisque jus suum in civitatem transtulisset? Et tu ergo tuum jus civitati quoque concessisti. *Dominium* ergo & *proprietas* tua tanta est, & tamdiu durat, quanta & quamdiu ipsa vult. Sicut in familia filiorum singulorum *propria* sunt bona, quæ & quamdiu vult pater. Sed multo maxima pars hominum, qui prudentiam civilem profitentur, rationem aliter colligunt. Æquales, inquiunt, natura sumus; nulla causa est quare quis rem meam mihi meliore jure auferat, quam ego illi suam; scimus, ad defensionem publicam pecuniâ aliquando opus esse, sed qui eam exigunt,

gunt, opus esse monstrent, & à volentibus, accipient. Nesciunt qui sic loquuntur ea quæ fieri volunt, jam ab initio in ipsa civitatis constitutione facta esse; idèque loquentem tanquam in multitudine dissoluta & nondum facta civitate, factam dissolvunt.

*Ad seditionem disponit nescire differentiam inter populum & multitudinem.*

VIII. Ultimo loco Regimini civili adversatur, præsertim vero Monarchico, quod homines non satis distinguant inter *populum* & *multitudinem*. *Populus* est *unum* quid, *animam* habens *voluntatem*, & cui actio *una* attribui possit. Nullum horum de multitudine dici potest. *Populus* in omni civitate regnat; nam & in *Monarchiis* *populus* imperat, vult enim *populus* per voluntatem *unius hominis*. *Multitudo* vero cives sunt, hoc est, subditi. In *Democratia* & *Aristocratia*, cives sunt *multitudo*; sed *curia* est *populus*. Et in *Monarchia*, subditi sunt *multitudo*, & (quamquam paradoxum sit) *Rex* est *populus*. Vulgus hominum, & alii qui hæc ita esse minimè animadvertunt, de *magno numero* hominum semper loquuntur tanquam de *populo*, hoc est, de *civitate*; dicuntque rebellasse *civitatem* contra *regem* (quod est impossibile) & *populum* velle & nolle, quod volunt & nolunt molesti & mussitantes subditi, sub prætextu *populi*, cives contra *civitatem*, hoc est, *Multitudinem* contra *populum*.



lum animantes. Atque hæ ferè sunt opinioniones, quibus imbuti cives faciles sunt ad tumultuandum; & si quidem majestas in omni civitate, ei vel eis conservanda sit, qui summum habet, vel habent imperium, his opinionibus crimen læsæ majestatis adhæret naturaliter.

IX. Animum humanum ægritudine afficit maximè omnium rerum *egestas*; sive earum rerum quæ ad vitam & dignitatem tuendam necessariæ sunt, *inopia* Et quamquam nemo sit, qui nesciat, opes industriâ comparandas, & parci-  
*Ad seditionem*  
*disponit*  
*exactio*  
*nimia*  
*pecuniarum,*  
*quamvis*  
*justa &*  
*necessaria*  
 moniâ conservandas esse, omnes tamen inopes culpam ab ignavia & luxuria propria in regimen civitatis, tanquam re privatâ publicis exactionibus detrita, transferre solent. Debent autem homines considerare; non modo laborandum esse iis quibus patrimonium non est, ut vivant, sed etiam pugnandum, ut laborent Unusquisque Judæorum qui tempore *Esdræ* muros *Hierusalem* ædificabant, unâ manu faciebat opus, alterâ tenebat gladium. In omni civitate cogitandum est, manum quæ gladium tenet, esse *Regem*, vel *curiam summam*, & ab industria civium, non minus alendam esse, illâ quâ quisque fortunam suam privatam fabricatur; *vestigalia* autem & *tributa* nihil aliud esse, præter mercedem eorum qui armati vigilant, ne in-

dustria singulorum incurſu hoſtium impediatur; nec magis juſtam querimoniam eſſe eorum, qui paupertatem ſuam penſionibus publicis imputant, quam ſi dicerent, inopes ſe fieri propter ſolutionem debitorum. Sed nihil horum cogitat maxima pars hominum. patiuntur enim idem quod in morbo qui appellatur *Incubus*, qui ortus ab ingluvie, facit tamen homines putare ſe invadi, & magno pondere opprimi & ſuffocari. Quod autem ii qui videntur ſibi totâ civitatis mole oppreſſi, proni ad ſeditiones ſint, quodque novis rebus delectentur quibus præſentes nocent, ſatis per ſe manifeſtum eſt.

*Ad ſe-  
ditionem  
diſponit  
ambitio.*

X. Altera animi ægritudo, civitatibus noxia, eorum eſt, qui otio abundantes, carent dignitate. Ad honores & claritudinem naturâ quidem omnes contendunt, illi vero maximè qui minime rerum neceſſariarum ſollicitudine diſtringuuntur. Hos enim partim ad differendum inter ſe de republicâ, partim ad Hiſtoricorum, Oratorum, Politicorum, aliorumque librorum facilem lectionem otium cogit. Inde autem contingit, ut ad res maximi momenti adminiſtrandas, & ab ingenio, & à doctrina inſtruetos ſe eſſe arbitrentur. Quoniam autem non omnes ſunt, quod ſibi videntur eſſe, & ſi eſſent, non tamen omnes propter multi-  
tudi-

tudinem ad munera publica adhiberi possent, necesse est multos præteriri. Hi igitur contumeliam sibi fieri existimantes, nihil magis in votis habere possunt, tum invidiâ in sibi prælatos, tum emergendi spe, quam ut consilia publica eventus infelices fortiantur. Ideoque mirum non est, si rerum novarum occasiones cupidis animis opperiantur.

XI. Inter affectus seditiosos numeranda est etiam *spes vincendi*. Sint enim homines quantum quis voluerit, opinionibus paci & regimini civili repugnantes imbuti, sint quantum fieri potest, injuriis & contumeliis, ab iis qui in auctoritate sunt, læsi, & laceffiti, si tamen *vincendi spes* nulla, aut non satis magna appareat, nulla sequetur seditio; dissimulabunt singuli, & gravia potius ferent quàm graviora. Ad hanc *spem* necessariò requiruntur quatuor, *numerus, instrumenta, mutua fiducia, & Duces*. Sine numero magno Magistratibus publicis resistere non seditio, sed desperatio est. Per instrumenta intelligo *arma & commectum* quæ si absint, numerus nihil valet, sicut neque arma sine *mutuâ fiduciâ*, neque hæc omnia sine unione, sub *duce* aliquo, cui obedire, non ut obligati quod se ipsius imperio submiserint, (supposuimus enim hoc ipso capite, hujusmodi homines nescire se obligari ultra id quod

fibimet ipsis rectum & bonum visum fuerit,) sed propter existimationem virtutis, & prudentiæ militaris, vel similitudinem affectuum, sponte velint. Quatuor hæc si hominibus præsentia molestè ferentibus; & jus actionum suarum proprio judicio metientibus, in propinquo sint, ad seditionem & civitatis confusionem præterea nihil deest præter aliquem, qui ipsos acuat & concitet.

*Virtus  
quâ opus  
est ad se-  
ditiones  
excitan-  
das, sola  
eloquentia  
est sine sa-  
pientia.*

XII. *Catilinæ*, quo nemo unquam magis ad seditiones factus fuit, character apud *Salustium* hic est, quod haberet eloquentiæ satis, sapientiæ parum. Separat ille sapientiam ab eloquentia, hanc homini ad turbas nato, ut necessariam attribuens, illam ut pacis dictatricem abjudicans. *Eloquentia* autem duplex est, altera sententiæ & conceptuum animi perspicua & elegans explicatrix, oriturque partim à rerum ipsarum contemplatione, partim à verborum in propria & definita significatione acceptorum intelligentia; altera est affectuum animi (quales sunt spes, metus, ira, misericordia) commotrix, oriturque ex usu verborum metaphorico, & ad affectus accommodato. Illa ex veris principiis, hæc ex jam receptis opinionibus, quales cunque eæ sint, orationem texit. Illius ars Logica; hujus Rhetorica est. Illius finis veritas est; hujus victoria. Utraque suum usum



usum habet, illa in deliberationibus; hæc in hortationibus. Illa enim à *sapientia* nunquam disjungitur; hæc vero ferè semper. Quod autem hujusmodi *eloquentia potens*, separata à rerum scientia, hoc est, à sapientia, verus character sit eorum qui populum ad res novas sollicitant & concitant, ex ipso opere quod faciendum habent, facile colligitur. Neque enim imbuere populum absurdis illis opinionibus paci & societati civili contrariis possent, nisi ipsi easdem tenerent; quod ignorantie majoris est, quàm quæ possit cadere in hominem sapientem. quis enim qui nescit unde leges vim suam derivent; quæ sint *justi, injusti, honesti, inhonesti, boni, mali*, regulæ; quid pacem inter homines conciliet & conservet, quid destruat; quid sit *suum*, quid *alienum*; quid denique sibi fieri velit (ut idem alteri faciat) vel mediocriter sapiens existimandus est? Quod autem auditores suos, ex stultis infanos reddere possunt; quod facere possunt ut quibus malè est, pejus, quibus rectè, male esse videatur; quod spem amplificare, pericula extenuare, præter rationem iidem possunt, id ab eloquentia habent, non ad ea, quæ res sicut sunt, ita explicat sed ab altera illa quæ commovendo animos, facit apparere omnia, qualia ipsi animis priùs commotis ea conceperunt.

Quomodo  
Stultitia  
vulgi,  
& elo-  
quentia  
ambitio-  
forum,  
concur-  
rant ad  
Repub-  
licam  
dissolven-  
dam.

XIII. Ad disponendum civium animos ad *seditiones*, multi etiam eorum qui bene erga civitatem affecti sunt, dum dictis opinionibus conformem doctrinam adolescentibus in scholis, & omni populo è cathedris insinuant, per inscientiam cooperantur. Qui vero dispositionem illam in actum perducere volunt, totum ambitionis laborem in eo ponunt, primum ut male affectos in *factionem* & *conspirationem* conjungant; deinde ut ipsi in *factione* plurimum polleant. In *factionem* conjungunt, dum internuncios se & interpretes faciunt consiliorum & actionum singulorum, nominantque personas & loca ad conveniendum, & de iis rebus, quibus regimen civitatis, prout sibi videbitur commodum, reformetur, deliberandum. Ut vero in *factione* ipsi dominantur, *factio* in *factione* habenda est; scilicet seorsim cum paucioribus conventus secretos habere oportet, ubi ordinare possint, quid postea in conventu generali proponendum sit, & à quibus, & quid quisque eorum, & quo ordine debeat dicere, & quomodo potentissimos & existimatione apud *factionis* vulgus florentissimos ad suam sententiam possint trahere. Atque hoc modo cum *factionem* satis magnam habeant, in qua per eloquentiam dominantur, incitant eam ad res cape-

len-

sendas, atque ita rempublicam aliquando quidem opprimunt, nimirum, cum factio contraria nulla sit, plerumque verolacerant, & bellum civile introducunt. Concurrunt enim *stultitia* & *eloquentia* ad subversionem civitatis, eo modo quo conspirarunt quondam (ut est in fabula) filiae *Peliae* Regis Thessaliae cum *Medeâ*, contra patrem suum. Volentes illae decrepito seni restituere adolescentiam; consilio *Medeae* in frustra concisum igni coquendum imponunt, exspectantes frustra dum revivisceret. Eodem modo vulgus stultitiâ suâ, velut puellae *Peliae*, cupientes civitatem veterem renovare, ducti *eloquentia* ambitiosorum hominum tanquam beneficio *Medeae*, eam *factionibus* divisam incendio sæpius consumunt quàm reformant.

## CAPUT XIII.

*De officiis eorum qui summum imperium administrant.*

- I. Distinguitur summi imperii jus ab exercitiis.
- II. Salus populi suprema lex. III. Imperantium est respicere ad utilitatem plurium communem, non ad hujus vel illius propriam.
- IV. Per salutem intelligi omnia commoda. V. Queritur an Regum officium sit saluti animarum civium suorum providere, prout ipsis secundum conscientiam propriam optimum videbitur. VI. Salus populi in quo consistat.

VII. *Exploratores necessarios esse ad defensionem populi.* VIII. *Milites, arma, praesidia, pecuniam tempore pacis parata habere, necessarium etiam ad defensionem populi.* IX. *Regia institutio civium in doctrina civili, paci conservanda necessaria.* X. *Onera publica aequaliter distribuere, paci conservanda conducibile.* XI. *Aequitatis naturalis esse, ut pecuniae taxentur, pro ratione eorum quae quisque consumit, non quae possidet.* XII. *Ad pacem conservandam conducere, ambitiosos premere.* XIII. *Et factiones dissolvere.* XIV. *Ad locupletandos cives conducere leges, quibus artes lucrativae foveantur, & quibus summus coërceantur.* XV. *Non esse plura ex legibus definienda, quam postulat civium & civitatis commodum.* XVI. *Pœnas non majores sumendas quam quæ legibus præfinitæ sunt.* XVII. *Civibus contra judices corruptos jus reddendum.*

*Distin-  
guitur  
summi  
Imperii  
jus ab e-  
xercitio.*

I. **A**pparent ex hætenus dictis in uno quoque civitatis genere officia civium & subditorum; & quid summi imperantes in eos possint. Ipsorum autem imperantium officia, & quo modo in subditos gerere se debeant, nondum dictum est. Distinguendum autem est inter summi imperii jus & exercitium. Possunt enim separari, ut puta, cum is qui habet jus, vel non possit, vel nolit litibus judicandis, vel rebus deliberandis, ipse interesse. Reges enim aliquando per ætatem res gerere non possunt, quandoque etiam etsi possunt, rectius tamen esse judi-  
cant.



cant, contenti electione ministrorum & consiliariorum, imperium per eos exercere. Ubi autem separantur *jus* & *exercitium*, ibi regimen civitatis simile est regimini mundi ordinario, quo Deus, primus omnium motor, effectus naturales producit per ordinem causarum secundarum. Ubi vero, qui jus regni obtinet, omnibus judiciis, consultationibus, actionibusque publicis ipse interesse vult, ibi administratio talis est, ac si Deus præter naturæ ordinem, se ipsum ad materiam omnem immediatè applicaret. De officiis igitur eorum qui summum imperium, sive proprio, sive alieno jure administrant, hoc capite summatim & breviter dicemus. Neque enim instituti mei est, in ea descendere quæ Principes alii ab aliis diversa agere possint. hoc enim politicis practicis in singulis civitatibus relinquendum est.

II. Imperantium autem officia omnia *Salus populi, suprema* hoc uno dicto continentur: *Salus populi, suprema* *lex.* Quamquam enim ii qui summum inter homines imperium obtinent, legibus propriè dictis, hoc est, hominum voluntati subjici non possunt; quia summum esse, & aliis subjici, contradictoria sunt, officii tamen eorum est, rectæ rationi, quæ lex est naturalis, moralis, & divina, quantum possunt, in omnibus obedire. Quoniam autem im-

peria pacis causa constituta sunt, & pax propter salutem quæsitæ, qui in imperio positus, eo aliter quam ad salutem populi uteretur, faceret contra pacis rationes, hoc est, contra legem naturalem. Sicut autem salus populi legem dicat, per quam Principes cognoscunt *officium*; ita etiam artem docet, per quam iidem comparant beneficium. Potentia enim civium, potentia est civitatis, id est, ejus qui summum in civitate habet imperium.

*Imperantium est respicere ad utilitatem plurimum communem, non ad hujus vel illius propriam.*

III. Per populum intelligitur hoc loco, non persona una civilis, nempe ipsa civitas quæ regit, sed multitudo civium qui reguntur. Civitas enim non sui, sed civium causa instituta est. Neque tamen hujus & illius ratio habenda est. non enim imperans, quatenus talis, civium saluti aliter prospicit, quam per leges, quæ universales sunt; ideoque *officio* satisfecit, si toto conatu id egerit, ut per salutare constitutiones quam plurimis rectè sit, & quam diutissimè; neque male cuiquam, nisi suâ culpâ, aut casu cui provideri non potuerat expedit autem aliquando saluti plurimorum, ut male iis sit qui mali sunt.

*Per salutem intelligi debet non sola vitæ qualitercunque conservatio, sed quatenus fieri potest vita beata.*

IV. Per salutem autem intelligi debet. Nam eo fine homines in civitates institutas

*tutivas* sponte coiere, ut possent, quantum conditio fert humana, jucundissime vivere. Facerent ergo ii qui summum imperium in eo genere civitatis administrandum in se susceperunt, contra legem naturæ, quia contra fiduciam eorum qui imperii administrationem eis commiserunt) si non studerent, quantum legibus fieri potest, ut cives bonis omnibus, non ad vitam modo, sed etiam ad delectationem abunde instruantur. Qui vero armis imperia acquisiverunt, cupiunt omnes, ut subditi sui viribus tam animi quam corporis idonei sint ut ipsis serviant; quare contra finem & scopum proprium facerent, si non conarentur, ut iis non modo ea quibus vivere, sed etiam quibus fortes esse possint, præbeantur.

V. Inprimis autem ad *salutem æternam* plurimum interesse Principes omnes credunt, quales de Deo teneantur opiniones, qualisque ei cultus exhibeatur. Quo supposito, quæri potest utrum summi imperatores, & quicunque sunt, sive unus sive plures, qui summum civitatis imperium administrant, non peccent contra legem naturæ, si talem doctrinam, & talem cultum quem ipsi civibus ad *salutem æternam* necessario conducere credunt, non faciant doceri & exhiberi, vel contrariam doceri vel exhiberi permittant? Manifestum est

*Quæritur, an Regum officium sit, salutem animarum civium suorum providere, prout ipsis secundum conscientiam propriam optimum visum debetur.*



facere eos contra conscientiam, & vel-  
le, quantum in se est, æternam civium  
perditionem. Nam, si non vellent, ra-  
tionem non video, quare committerent;  
(cum summi existentes cogi non pos-  
sint,) ut ea docerentur & facerent, pro-  
pter quæ damnandos eos esse credunt.  
Difficultatem autem hanc in medio re-  
linquemus.

*Salus po-* VI. Commoda civium quæ hanc tan-  
*puli in que* rum vitam spectant, in quatuor genera-  
*consistat.* distribui possunt. 1. ut ab hostibus exter-  
nis defendantur. 2. ut pax interna con-  
ferveretur. 3. ut quantum cum securitate  
publica consistere potest, locupletentur.  
4. ut libertate innoxia perfruantur. Am-  
plius enim ad felicitatem civilem, quam  
ut à bello externo & civili tuti, opibus,  
industria partis frui possint, summi im-  
peratores conferre non possunt.

*Explora-* VII. Ad defensionem populi duo  
*tores ne-* necessaria sunt; *Præmoneri* & *Præmuni-*  
*cessorios.* ri. Status enim civitatum inter se; na-  
*esse ad de-* turalis, id est, hostilis est. Neque si  
*feñionem* pugnare cessent, idcirco Pax dicenda  
*populi.* est, sed respiratio, in qua hostis alter al-  
terius motum vultumque observans,  
securitatem suam non ex pactis, sed ex  
viribus & consiliis adversarii æstimat.  
Atque id jure naturali, ut capite 2 arti-  
culo. 10. ex eo quod pacta in statu natu-  
rali quoties justus metus intercedit sunt  
inva-



invalida, ostensum est. Necessarium igitur est ad civitatis defensionem, primum, ut sit qui omnium eorum qui civitati nocere possunt, quantum fieri potest, consilia & motus *exploret & præsentiat*. Sunt enim sibi *exploratores* ad eos qui summum imperium administrant, idem quod radii lucis ad animam humanam; Atque in visione politica, quàm in naturali rectius dicemus, species rerum externarum sensibiles intelligibilesque ad animam, (hoc est, eos qui summum imperium civitatis administrant) ab aliis non animadversas per aërem transportari; Ideoque non minus necessarii sunt ad salutem civitatis, quam lucis radii ad salutem hominis. Vel si comparentur arancarum telis, quæ extensæ undiquaque subtilissimis filis, motus externos iplis intus in cavernulis suis residentibus significant; non magis ii qui imperant, quid ad subditorum suorum defensionem imperato opus est, sine *exploratoribus*, quæ illæ quando exeundum, & quo accurrendum sit, sine filis suis scire possunt.

VIII. Deinde ad defensionem populi requiritur necessario ut sint *præmuniti*. Præmuniri autem est, militibus, armis, classe, propugnaculis, antequàm instet periculum, comparatis, & pecunia jam comportata instrui. Nam milites

*Milites,*  
*arma,*  
*præsidia,*  
*pecuniam,*  
*tempore*  
*pacis præ-*  
*parata habere.*

*necessari-  
um etiam  
ad defen-  
sionem  
populi.*

conscribere, arma conquirere, post ac-  
ceptam cladem, si non impossibile, sal-  
tem ferum est. Similiter propugnacula  
& præsidia non antè locis opportunis  
constituere, quam fines invadantur,  
simile est rusticorum, ut dixit Demo-  
sthenes, qui ignari artis gladiatoriae, ab  
una parte corporis ad aliam, ictibus mo-  
niti clypeos transferunt. Qui vero pecu-  
niam ad milites alendos, & cæteras exer-  
cituum impensas, tunc imperari satis  
opportunè putant, quando periculum  
incipit apparere, illi certè non confide-  
rant quam difficile sit tam magnam pec-  
uniæ vim ab hominibus tenacibus su-  
bito corradere. Nam omnes ferè, quod  
semel in bonis suis numeraverunt, ita  
suum & sibi proprium esse judicant, ut  
injuriam sibi fieri putent, quoties vel  
minimam ejus partem coguntur in pu-  
blicum erogare. Ex eo autem quod à  
portoriis & rerum venalium vectigali  
ad ærarium accedit, pecunia satis magna  
ad civitatem armis defendendam subito  
confici non potest. Pecunia itaque belli  
causâ, si civitatem salvam esse volumus,  
tempore pacis congerenda est. Cum er-  
go explorare hostium consilia, arma &  
præsidia tenere, pecuniam in promptu  
habere, imperantibus ad salutem civium  
necessaria sint; salutem autem civium o-  
mni conatu procurare lege naturæ prin-  
cipes.

cipes teneantur, sequitur, non modo licitum eis esse, exploratores emittere, milites alere, propugnacula ædificare, & pecuniam in eas res exigere, sed etiam ea non facere, illicitum. Quibus etiam addi potest quicquid ad potentiam externorum à quibus metuunt, vel arte vel viminuendam, conducere videbitur: obligantur enim rectores civitatum, mala quæ metuunt, curare pro viribus, ne contingant.

IX. Ad conservationem autem Pa-  
 cis internæ, multa requiruntur, quia  
 multa concurrunt (ut capite præcedente  
 ostensum est) ad eam perturbandam.  
 Ostendimus ibi alia esse quæ disponunt  
 animos ad seditionem, alia quæ disposi-  
 tos movent & excitant. Inter ea quæ  
 disponunt, numeravimus primo loco  
 quasdam pravas doctrinas. Has igitur  
 eradicare ex animis civium, & contra-  
 rias insinuare, officium eorum est, qui  
 summa imperia administrant. Quoniam  
 autem opiniones non imperando, sed  
 docendo; non terrore pœnarum, sed per-  
 spicuitate rationum animis hominum  
 inferuntur, leges quibus huic malo ob-  
 viandum est, non in errantes, sed in  
 ipsos errores constituendæ sunt. Errores  
 illi quos præcedente capite cum quiete  
 civitatis consistere non posse affirmavi-  
 mus, in animos rudium irrepsertunt par-  
 tim.

*Recta  
 institutio  
 civium  
 in doctrina  
 civili  
 paci con-  
 servanda  
 necessaria.*



tim è concionatorum cathedris, partim à sermonibus quotidianis hominum propter rei familiaris laxitatem studiis vacantium; & inanimos horum à doctõribus adolescentiæ suæ in Academiis publicis. Quare etiam vice versa, si quis sanam doctrinam introducere voluerit, incipiendum ei est ab Academiis. Illic fundamenta doctrinæ civilis vera, & verè demonstrata jacienda sunt, quibus imbuti adolescentes, plebem postea privatim & publicè instruere possint. Id autem tanto alacrius, & potentius facient, quanto ipsi de veritate eorum quæ docent & prædicant, certiores erunt. Siquidem enim propositiones propter consuetudinem audiendi, quamquam falsæ, nec magis intelligibiles, quam si quis vocabula forte ex urna extracta copularet, hodie receptæ sunt, quanto magis imberent homines, propter eandem causam, doctrinas veras; intellectui suo & rerum naturæ conformes? Officii igitur summorum imperantium esse arbitror. Elementa vera doctrinæ civilis conscribi facere, & imperare ut in omnibus civitatis Academiis doceantur.

*Ontra pu-* X. Secundo loco disponere cives ad  
*blica æ-* seditionem ostendimus, ægritudinem a-  
*qualiter* nimi ab egestate; quam quidem egesta-  
*distribue-* tem licet à luxuria vel ignavia propria  
*re, paci* profectam, imputant tamen iis qui re-  
 gunt.



gunt civitatem, tanquam pensionibus *conservan-*  
 publicis exhausti & oppressi. Fieri tamen *de condu-*  
 potest aliquando ut querimonia illa ju- *cibile.*  
 sta sit, nimirum cum onera civitatis ci-  
 vibus inæqualiter imponuntur. Quod  
 enim omnibus simul leve onus est, si  
 multi se subtrahunt, cæteris grave, imò  
 intolerabile erit. Neque homines tam  
 onus ipsum, quam inæqualitatem gravi-  
 ter ferre solent. Maxima enim ambitio-  
 ne de immunitate certatur, & in eo cer-  
 tamine minus felices magis felicibus  
 tanquam victi invident. Ad tollendam  
 ergo justam querimonia, quietis publi-  
 cæ interest, & per consequens ad offi-  
 cium pertinet imperantium, ut onera  
 publica æqualiter ferantur. Præterea,  
 cum id quod à civibus in publicum con-  
 fertur, nihil aliud sit præter emtæ pacis  
 pretium, rationis est, ut ii qui æquè pacis  
 participant, æquas partes solvant, vel  
 pecunias, vel operas reipublicæ contri-  
 buendo. Lex autem naturalis est (per  
 art. 15. cap. 3.) unusquisque in jure aliis  
 distribuendo, omnibus æqualem se præ-  
 beat; quare imperantes, ut onera civita-  
 tis civibus æqualiter imponant, lege na-  
 turali obligantur.

XI. Æqualitas autem hoc loco in *Æquitas*  
 telligitur, non pecuniæ, sed oneris, hoc *naturalis*  
 est, æqualitas rationis inter onera & be- *esse, in pe-*  
 neficia. Quamquam enim pace omnes *pecunia ta-*  
 æquali- *xentur.*

*pro ratio-  
ne eorum  
quæ quis-  
que consu-  
mit, non  
quæ pos-  
sidet.*

æqualiter fruantur, non tamen beneficia à pace omnibus æqualia sunt. Nam alii plus, alii minus bonorum acquirunt. Et rursus alii plus, alii minus consumunt. Quæri igitur potest, an debeant cives in publicum contribuere, pro ratione eorum quæ lucentur, an eorum quæ consumunt, hoc est, an personæ taxari debeant, ut pro ratione opum contribuant, an res ipsæ, ut contribuat quisque pro ratione eorum quæ consumit. Sed si consideremus ubi pecuniæ conferuntur pro ratione opum, ibi eos qui æqualia lucrati sunt, non æqualia possidere, propterea quod alter parta per parsimoniam conservat, alter per luxuriam dissipat, ideòque beneficio pacis æqualiter gaudentes, civitatis onera non æqualiter sustinere: & ex altera parte, ubi res ipsæ taxantur, ibi unumquemque dum rem privatam consumit, partem civitati debitam pro ratione eorum non quæ habet, sed quæ beneficio civitatis habuit, eo ipso quod sua consumit, imperceptibiliter persolvit: dubium amplius non est quin prior ille modus pecunias imperandi contra æquitatem, & proinde contra officium imperantium sit, posterior autem rationi & officio eorum consentaneus.

*Ad pa-  
cem con-  
servandam*

XII. Tertio, officere paci publicæ diximus, ægritudinem animi quæ oritur  
ex

ex *ambitione*. Sunt enim qui cum sibi *dam con-*  
 præ cæteris sapere, & magis ad res ge- *ducere, se-*  
 rendas idonei videantur, quam ii qui *ditiosos*  
 rempublicam in præsentia admini- *premere.*  
 strant; virtus sua quantum civitati pro-  
 desse queat, quando aliter ostendere non  
 possunt, ostendunt nocendo. Quoniam  
 autem tolli ex animis hominum ambi-  
 tio & honorum aviditas non potest, offi-  
 cii imperantium non est, ut in id incum-  
 bant. Possunt autem præmiorum & pœ-  
 narum constanti applicatione facere, ut  
 homines sciant, viam ad honores non ef-  
 se per vituperationem regiminis præsen-  
 tis, neque per factiones, & auram popula-  
 rem; sed per contraria. Viri boni sunt,  
 qui consulta patrum, qui leges juraque  
 servant. Hos si honoribus ornari, factio-  
 sos vero ab iis qui summa imperia admi-  
 nistrant, puniri & contemtui haberi,  
 constanti tenore videremus, parendi  
 quam obstandi major ambitio esset. Ac-  
 cidit tamen aliquando, ut, sicut equo  
 propter ferociam, ita civi contumaci  
 propter potentiam blandiendum sit. Sed  
 ut illud sessoris, ita hoc imperatoris jam  
 pene excussi est. Loquimur autem hic de  
 iis quorum authoritas & potentia inte-  
 gra est. Horum officium esse, inquam,  
 obediētes cives fovere, factiosos quan-  
 tum possunt imperio premere. neque  
 enim alio modo potentia publica, nec  
 enim.

sine ea civium quies conservari potest.

*Et factio-* XIII. Si vero factiones homines co-  
*nes dissol-* ãercere, multo magis factiones ipsas dis-  
*vere.* solvere & dissipare ad officium pertinet  
 imperantium. **F A C T I O N E M** autem  
 voco, multitudinem civium, vel *pa-*  
*ctis* inter se, vel unius alicujus potentiã,  
 absque ejus, vel eorum qui summum  
 imperium obtinent, autoritate uni-  
 tam. Est itaque *factio* tanquam civitas  
 in civitate, sicut enim unione hominum  
 in statu naturali fit civitas, ita civium  
 unione novã, fit factio. Secundum hanc  
 definitionem, multitudo civium qui ex-  
 terno cuicunque sive Principi, sive civi,  
 simpliciter obedituros se obstrinxerunt,  
 vel qui pacta aut fœdus inter se mütuæ  
 defensionis contra omnes homines fece-  
 runt, non exceptis iis qui summum po-  
 testatem habent in civitate, *factio*  
 est. Etiam gratia apud plebem si tan-  
 ta, sit ut per eam comparari exerci-  
 tus possit, nisi obsidibus, aut alio pi-  
 gnore publice caveantur, *factionem* con-  
 tinet. Atque idem de divitiis privatis  
 dicendum est, si sint immodicæ; quia  
 pecuniæ obediunt omnia. Siquidem er-  
 go verum sit, civitatum inter se statum  
 naturalem & hostilem esse, Principes  
 qui factionem permittunt, idem faciunt,  
 ac si hostem intra mœniâ reciperent.  
 Quod est contra civium salutem, &  
 pro-



propterea etiam contra leges naturales.

XIV. Ad locupletandos cives ne- *Ad locu-*  
 cessaria duo sunt, *labor & parsimonia*; *pletandos*  
 conducit etiam tertium, nempe terræ *cives con-*  
 aquæque *proventus naturalis*; est au- *ducere le-*  
 tem & quartum; *militia*, quæ rem ci- *ges quibus*  
 vium quandoque auget, sæpius vero at- *artes lu-*  
 tenuat. priora duo sola necessaria sunt. *crativa*  
 Potest enim civitas in insula maris con- *foreantur,*  
 stituta, non majore, quam ut habita- *et quibus*  
 tioni locum præstet, sine semente, sine *sumtus*  
 piscatura, solâ Mercaturâ & opificiis *coercean-*  
 ditescere. sed non est dubium, si habeant *tur.*  
 territorium, quin ditiores eodem nume-  
 ro esse possint. Quartum autem, nimi-  
 rum *militia*, in numerum quidem olim  
 venit artium lucratarum, sub nomi-  
 ne *litrice*, sive *prædatorie*. Et genere  
 humano ante constitutionem civitatum  
 per familias disperso, justa & honorifi-  
 ca habita est. Est enim nihil aliud præ-  
 datio, quàm quod parvis copiis geritur  
 bellum. Et magnæ civitates nominatim  
*Romana & Atheniensis* spoliis belli, ve-  
 stigalibus externis, & territorio armis  
 acquisito, ita aliquando rempublicam  
 auxerunt, ut tenuioribus civibus non  
 modo nullam pecuniam publicam im-  
 perarint, sed etiam pecuniam & agros  
 viritim diviserint. Hujus modi autem  
 divitiarum incrementa in rationes mi-  
 nimè

nimè referenda sunt. Est enim, quod ad lucrum spectat, militia sicut alea, qua plurimi rem suam labefactant, paucissimi ampliorem reddunt. cum ergo tria tantum sint, *proventus terræ & aquæ, labor, & parsimonia*, quæ conducunt ad civium locupletationem, circa eatantum versabitur officium imperantium. Ad primum utiles erunt leges, quæ favent artibus quibus terræ & aquæ proventus reddantur meliores; quales sunt *Agricultura & Piscatura*. Ad secundum utiles sunt leges omnes quibus ignavia prohibeatur, industria excitetur, *ars navigandi* (per quam commoda totius mundi solo penè labore emta in unam civitatem comportantur,) item *mechanica* (sub qua omnes excellentium opificiorum artes comprehendo,) & *scientiæ mathematicæ*, nauticæ & mechanicæ fontes, in honore habeantur. Ad tertium utiles sunt leges illæ, quibus sumtus tam in cibos quam in vestes, & universim in res omnes, quæ usu consumuntur, immodici prohibeantur. Quoniam autem leges tales ad fines supra dictos utiles sunt, pertinet etiam ad officium imperantium eas sancire.

*Non esse pluralegi-  
bus definienda,* XV. Libertas civium non in eo sita est, ut legibus civitatis exempti sint, vel ut ii qui civitatis summam potestatem habent, non possint leges ferre quascunque

que volent. Sed quoniam omnes motus & actiones civium legibus nunquam circumscriptæ sunt, neque circumscribi <sup>quàm pos-</sup> <sup>stulat, ci-</sup> <sup>vium &</sup> <sup>civitatis</sup> <sup>commo-</sup> <sup>dum.</sup> propter varietatem possunt, necesse est, ut infinita pene sint, quæ neque jubentur neque prohibentur; sed facere vel non facere suo quisque arbitrio potest. In his unusquisque dicitur suâ frui libertate, atque in hoc sensu libertas hoc loco intelligenda est, nempe pro juris naturalis parte ea, quæ civibus à legibus civilibus permessa, & relicta est. Sicut aqua ripis undiquaque conclusa stagnat & corrumpitur; undiquaque aperta expanditur, & quo plures exitus invenit, eo liberior fluit: ita quoque cives si nihil injussu legum facerent, torperent; sic omnia dissiparentur: & quo plura legibus indeterminata relinquuntur, eo majore fruuntur libertate. Utrumque extremum vitiosum est: non enim ad actiones hominum tollendas, sed dirigendas, inventæ leges sunt; sicut neque ripas ad sistendum cursum fluminis, sed ad dirigendum Natura ordinavit. Mensura hujus libertatis ex bono civium & civitatis capienda est. Quare contra officium eorum qui imperant, & legum ferendarum auctoritatem habent, in primis est, ut plures leges sint, quam ad bonum civium & civitatis necessario conducat. Nam cum de eo quod facere vel

vel non facere debent, sæpius per rationem naturalem, quàm per scientiam legum homines deliberare soleant; ubi leges plures sunt, quàm ut earum facile meminisse possimus, & per eas prohibentur ea, quæ ratio per se non prohibet? necesse est ut per ignorantiam, sine ulla prava intentione, incidant tamen in leges, tanquam in laqueos, contra libertatem innoxiam, quam impetrantes civibus conservare lege naturali obligantur.

*Pœnas non majores sumendas quàm quæ legibus præfinitæ sunt.*

XVI. *Libertatis* civitati innoxiae, & singulis civibus ad beate vivendum necessariæ, pars magna etiam est, ut pœnæ nullæ timendæ sint, nisi quas prævidere, aut exspectare possint. Præstatur autem hoc, ubi vel nullæ omnino pœnæ legibus definiuntur, vel majores definitis non exiguntur. Ubi nullæ definiuntur ibi is qui primus legem transgressus est, pœnam exspectat indefinitam, sive arbitrariam, supponiturque metus ejus infinitus, quia mali infiniti. Præcipit autem lex naturæ iis qui legibus civilibus non subjiuntur, per ea quæ diximus cap. 3. articulo 11. ideóque summis imperantibus in ultione, & pœnis sumendis, spectandum esse non malum præteritum, sed bonum futurum: peccantque pœnarum arbitrariarum aliam mensuram habentes, quàm utilitatem publi-



publicam. Ubi vero pœna definita est, sive lege præscripta, ut quando verbis disertis ponitur, *qui sic facit, sic patietur*; sive praxi, ut quando pœna, lege non præscripta, sed (arbitraria ab initio) determinata est postea per punitionem primi delinquentis, (æquè enim transgredientes æqualiter puniri jubet æquitas naturalis:) ibi pœnam, quàm quæ lege definitur, majorem exigere, contra legem naturæ est. Finis enim punitionis est, voluntatem hominis non cogere, sed formare, & talem facere, qualem eam esse cupitis, qui pœnam statuit. Et deliberatio nihil aliud est nisi commodorum & incommodorum facti quod aggredimur, tanquam in balance ponderatio, ubi quod præponderat, necessariò secundum inclinationem suam procedit. Siquidem ergo legislator pœnam minorem crimini appendit, quàm ut libidini metus præponderet, libidinis supra metum pœnæ excessus quo crimen committitur, legislatori attribuendus est, hoc est, summo imperanti; ideòque si punit majori pœnâ, quàm ipse legibus præfinivit, punit in alio quod peccavit ipse.

XVII. Etiam ad innoxiam & necessariam civibus *libertatem* pertinet, ut *judices* quæ jura legibus sibi quisque concessa *corruptos* habet, iis sine metu frui possit. Frustra *jus reddendum,*

enim est *suum* ab *alieno* legibus distinguere, si falso iudicio, latrocinio, vel furto rursus confundantur. Contingit autem falsa iudicia, latrocinia, & furta fieri, ubi iudices corrumpi possunt. Metus enim quo homines à male faciendo deterrentur, non ab eo oritur quod poenæ statuuntur, sed quod exiguntur. Futurum enim ex præterito æstimamus, quæ raro fieri solent, raro expectantes. Si igitur iudices muneribus, gratia, vel etiam misericordia corrupti poenas lege debitas sæpe remittant atque eo modo improbis spem faciant impunitatis, bonis civibus à sicariis, latronibus, veteratoribusque obsessis, neque conversari inter se, neque omnino se movere liberum erit; imò civitas ipsa dissolvitur, & redit cuique jus se ipsum suo arbitratu protegendum. Præcipit igitur lex naturæ summis imperantibus, ut iustitiam non modo ipsi exerceant, sed etiam ut iudices à se positos, idem facere poenis cogant, hoc est, querelis civium aurem præbeant, & delegent, quoties opus est, iudices extraordinem qui de ordinariis cognoscant.

## C A P U T XIV.

*De Legibus & Peccatis.*

- I. *Lex quomodo differt à consilio.* II. *Quomodo differt à Pacto.* III. *Quomodo à Jure.*

IV. *Divisio legum in Divinas & Humanas ? & Divinarum in Naturales & Positivas ; & naturalium in leges singulorum hominum , & Gentium.* V. *Legum Humanarum , id est , civilium. divisio in sacras , & sæculares.*

VI. *In Distributivam & Vindicativam.*

VII. *Distributivam & vindicativam non esse species legum , sed partes.* VIII. *Omni legi pœna appensa intelligitur.* IX. *Præcepta Decalogi de parentibus honorandis , de homicidio , adulterio , furto , & falso testimonio , leges civiles esse.* X. *Impossibile esse lege civili quicquam jubere contra legem naturæ.* XI. *Legi essenziale esse , ut cognoscatur & ipsa & legislator.* XII. *Unde cognoscatur legislator.*

XIII. *Ad cognoscendam legem necessaria sunt promulgatio & interpretatio.* XIV. *Legis civilis divisio in scriptam & non scriptam.*

XV. *Leges naturales non esse leges scriptas ; neque Responsa Jurisprudentum , neque consuetudinem esse leges per se , sed per consensum summæ potestatis.* XVI. *Peccati nomen latissime acceptum quid significet.* XVII. *Peccati Definitio.* XVIII. *Differentia inter peccatum infirmitatis , & malitiam.* XIX. *In quo genere peccati contineatur Atheismus.* XX. *Quid sit crimen læsæ Majestatis.* XXI. *Crimine læsæ Majestatis non leges civiles sed naturales violari.* XXII. *Ideoque non jure Imperii , sed jure belli puniri.* XXIII. *Obedientiam non recte distingui in activam & passivam.*

**L**Ex ab iis qui vim verborum minus morosè pensitant , aliquando cum consilio , aliquando cum pacto , aliquando cum jure confunditur. Confundunt  
Lex  
quomodo  
differat  
consilio.



*legum cum consilio*, qui putant, Monarcharum officium esse *consiliarios* non modo audire, sed etiam iis obedire; tanquam si consilium capere, nisi etiam quod consultum est, fiat, frustra esset. Distinctio inter *consilium* & *legem* petenda est à differentia inter *consilium* & *mandatum*. Jam CONSILIUM est *præceptum*, in quo ratio quare paremus, sumitur *ab ipsa re* quæ præcipitur. MANDATUM autem est *præceptum* in quo parendi ratio sumitur à *voluntate præcipientis*. Propriè enim non dicitur, *Sic volo*, *sic jubeo*, nisi stet pro ratione *voluntas*. Cùm vero legibus obediatur non propter rem ipsam, sed propter voluntatem præcipientis, *lex* non *consilium*, sed *mandatum* est; definiturque hoc modo: *LEX* est *mandatum* ejus personæ (sive hominis, sive curiæ) *cujus præceptum continet obedientiæ rationem*. Ut præcepta Dei respectu hominum, civitatis respectu civium, & universaliter omnium potentium, respectu eorum qui non possunt resistere, eorum leges dicendæ sint. Differunt ergo multifariam inter se *lex* & *consilium*. *Lex* enim ejus est, qui potestatem habet in eos quibus præcipit: *consilium*, ejus qui potestatem non habet. Facere id quod *lege* præcipitur officii, quod *Consilio*, arbitrii est. *Consilium* diripitur ad finem ejus cui præcipitur,



tur, *lex* autem ad finem ejus qui præcipit. *Consilium* non nisi *volentibus* datur, *lex* etiam *nolentibus*. Denique *jus consilarii* tollitur arbitrio ejus cui *consilium* dat, *jus legislatoris* non tollitur arbitrio ejus cui imponitur *lex*.

II. *Legem* cum pacto confundunt ii, *Quomodo* qui *leges* putant nihil aliud esse quam differat à  
 ὁμολογήματα, sive formulas vivendi, pacto.  
 communi consensu hominum determinatas. Inter quos est *Aristoteles* qui *legem* hoc modo definit. Νόμος ἐστὶ λόγος ὡρισμένος κατ' ὁμολογίαν νομιλῶ πόλει, μνηύων πῶς δεῖ πράττειν ἕκαστα, id est, *lex* est oratio definita juxta consensum communem civitatis, indicans quomodo singula oportet agere. Quæ definitio non est *legis* simpliciter, sed *civilis*. Manifestum enim est, *leges divinas* non esse ortas à consensu hominum, neque etiam *naturales*. nam si à consensu hominum originem haberent, etiam eorundem consensu abrogari possent; sunt autem immutabiles. Neque verò est ea definitio legitima *legis civilis*. civitas enim eo loco sumitur, vel pro una persona civili, unam habente voluntatem, vel pro multitudine hominum, quorum unicuique sua voluntas privata libera est. Si pro unâ personâ, illud *communi consensu*, non rectè ponitur; non enim habet una persona *consensum communem*. Ne-

que oportebat ponere *indicans* quid facto opus esset, sed *jubens*. Civitas enim civibus quæ indicat, imperat. Intellexit ergo per civitatem, multitudinem hominum communi consensu (puta scripto suffragiis confirmato) formulas vivendi indicantem. hæ autem nihil aliud sunt præter mutua pacta, quæ non ante quemquam obligant, neque ideo leges sunt, quam constituto imperio summo, quod possit cogere, cautum ei sit erga cæteros qui aliter ea observaturi non sunt. *Leges* itaque juxta definitionem hanc *Aristotelis*, nihil aliud sunt quam nuda & invalida pacta, quæ tum demum, cùm sit qui potentiam civitatis jure exercet, *leges* fient vel non fient, illius arbitrio. Confundit ergo pacta cum legibus, quod non oportuit; est enim pactum promissum; lex mandatum. In pactis, *Faciám* dicitur; in legibus, *Fac* Pacto\* obligamur; lege obligati tenemur. Pactum obligat per se; lex obligatum tenet virtute pacti universalis de præstanda obedientia. Ideoque in pacto, prius determinatur quid faciendum est, quàm ad faciendum obligamur; sed in lege ante obligamur ad faciendum, quid verò faciendum sit, determinatur post. Debebat igitur *Aristoteles* definire legem civilem hoc modo, *Lex civilis est oratio definita per voluntatem civitatis, singula imperans*

*quæ oportet facere. Quæ eadem est cum eâ quam attulimus supra cap. 6. articulo 9. nimirum leges civiles esse ejus (sive hominis, sive curiæ) qui in civitate summa potestate præditus est, de civium futuris actionibus mandata.*

Paçto obligamur, &c.] *Visum est aliquibus, idem esse Obligari & Obligatum teneri, & proinde distinctionem in verbis aliquam, in re nullam esse. Clarius ergo hoc dico. Paçto obligari hominem, id est, propter promissionem præstare debere. Lege vero obligatum teneri, id est, metu pænæ quæ in Lege constituitur, ad præstationem cogi.*

*Annota-  
tio.*

III. *Legem cum jure confundunt ii, qui quod jure divino permissum est, facere perseverant, quamquam lege civitatis prohibeatur. Quod lege divinâ prohibetur, lege civili permitti non potest, nec quod lege divina imperatur, prohiberi potest lege civili. Veruntamen quod jure divino permittitur, id est, quod jure divino fieri potest, nihil impedit, quo minus idem lege civili prohibeatur. Leges enim inferiores libertatem a superioribus relictam restringere possunt, quamquam ampliare non possunt. Est autem jus, libertas naturalis, à legibus non constituta, sed relictâ. Remotis*

*Quomodo  
à jure.*

enim *legibus*, *libertas* integra est; hanc primo restringit *naturalis lex*, & *divina*; residuam restringunt *leges civiles*; & quæ legi civili superest, restringi rursus potest à *constitutionibus* particularium urbium & societatum. Multum ergo interest inter *legem*, & *jus*; *lex* enim *vinculum*, *jus libertas* est, differuntque ut contraria.

*Divisio  
legum in  
Divinas  
& Hu-  
manas;  
& Divi-  
narum in  
Natura-  
les & Po-  
sitivas;  
& Natura-  
lium in  
leges sin-  
gularum  
hominum  
& gen-  
tium.*

IV. *Lex* omnis dividi potest; primum pro diversitate autorum in *Divinam* & *Humanam*. *Divina* autem pro duobus modis, quibus Deus voluntatem suam hominibus notam facit. duplex est: *Naturalis* (sive *Moralis*) & *Positiva*. *Naturalis* ea est, quam Deus omnibus hominibus patefecit per *Verbum* suum æternum ipsis innatum, nimirum *Rationem naturalem*. Atque hæc est ea *lex*, quam toto hoc libello explicare conatus sum *Positiva* est, quam Deus nobis patefecit per *Verbum Propheticum*, quo locutus est ad homines tanquam homo; quales sunt *leges* quas tradidit *Judeis* circa politiam & cultum divinum; possuntque appellari *leges divine civiles*, quia civitati *Israëliitarum* populi sui peculiaris peculiare erant. Rursus *naturalis* dividi potest, in *naturalem hominum*, quæ sola obtinuit dici *lex nature*, & *naturalem civitatum*, quæ dici potest *lex Gentium*, vulgo autem *jus Gentium* appella-



appellatur. Præcepta utriusque eadem sunt: sed quia civitates semel institutæ induunt proprietates hominum personales, *lex* quam loquentes de hominum singulorum officio, *naturalem* dicimus, applicata totis civitatibus, nationibus, sive gentibus, vocatur *jus Gentium*. Et quæ *Legis* & *juris naturalis* Elementa hætenus tradita sunt, translata ad *civitates* & *gentes* integras, pro *legum*, & *juris Gentium* Elementis sumi possunt.

V. *Humana lex* omnis *civilis* est. Nam *Legum* extra civitates status hominum hostilis *humana-* est, in quo quia alter alteri non subjici- *rum, id* tur, leges præter dictamina rationis na- *est, civi-* turalis, quæ lex divina est, nullæ sunt. In *lium, di-* civitate verò, sola civitas, hoc est, homo, *visio in* vel curia cui summum civitatis impe- *sacras &* rium committitur, legislator est, civita- *seculares.* tis autem leges civiles sunt. *Civiles leges* possunt dividi pro diversitate subjectæ *sacras* materiæ in *sacras* & *seculares*. *Sacræ* sunt quæ pertinent ad Religionem, hoc est, ad ceremonias & cultum Dei, (nimirum quæ & quo ritu personæ, res, loca, consecranda sunt, quæ opiniones circa numen divinum publicè docendæ, & quibus verbis ritibusque supplicationes faciendæ sunt, & similia) & nulla lege divinâ positivâ definiuntur. Nam *leges civiles sacræ* sunt *humana* (quæ & *Exclo-*

*siastica* dicuntur) circa res *sacras*; *seculares* autem generali nomine *civiles* appellari solent.

**VI.** Rursus *lex civilis* pro duobus legislatoris officiis, quorum alterum est *judicare*, alterum *cogere* ut judiciis accedat. *quiescant*, duas habet partes, alteram *distributivam*, alteram *vindicativam*, sive *pœnariam*. *Distributiva* est, qua jus suum cuique distribuitur, hoc est, quæ regulas omnium rerum constituit, quibus sciamus quid nobis, quid aliis proprium sit, ita ut nos nostris uti & frui alii non impediunt, neque nos impediamus illos ne utantur & fruantur suis; & quid cuique licitum sit facere vel omittere, quid illicitum. *Vindicativa* est, qua, quæ pœnæ sumendæ sunt de iis qui legem violant, definitur.

**VII.** *Distributiva* autem & *vindicativa* non sunt duæ legum species, sed ejusdem legis duæ partes. Siquidem enim lex nihil amplius dicat, quàm, verbi gratia, *tuum esto, quod tu tuo reti cepisti in mari*, frustra est. Quamquam enim aliter eripiat tibi quod cepisti, non impedit quin adhuc tuum sit. nam in statu naturæ, ubi omnia omnium sunt communia, idem est & *tuum* & *alienum*; ita, quod lex definit esse *tuum*, *tuum* erat etiam ante legem, & post legem *tuum* esse non desinit, quamquam ab alio possessum.

Nihil

Nihil ergo lex agit, nisi ita intelligatur, ut sic *tuum* sit, ut omnes alii prohibeantur, ne impediunt quo minus omni tempore eo possis tuo arbitratu secure uti & frui. Hoc enim est quod requiritur ad proprietatem bonorum, non ut quis iis possit uti, sed possit solus, quod fit prohibendo alios ne sint impedimento. Sed frustra etiam prohibent, qui metum pœnarum non incutiunt. frustra ergo lex est nisi utramque partem contineat, & illam quæ *prohibet* injurias fieri, & illam quæ *facientes punit*. Harum prima, quæ *distributiva* dicitur, *prohibitoria* est, & loquitur ad omnes; secunda, quæ *vindictiva* vel *pœnaria* appellatur, *mandatoria* est, & loquitur tantum ad ministros publicos.

VIII. Ex quo etiam intelligitur, *Omni legi civili annexam esse pœnam*, vel *gi pœna* explicite vel implicite. Nam ubi pœna *appensa* neque scripto, neque exemplo alicujus *intelligitur* qui pœnas legis transgressa jam dedit, definitur, ibi subintelligitur pœnam arbitrariam esse, nimirum, ex arbitrio pendere legislatoris, hoc est, summi imperantis. frustra enim est lex, quæ impunè violari potest.

IX. Quoniam autem à legibus civilibus oritur, tum quod unusquisque *jus suum* sibi proprium & ab *alieno* distinctum habeat, tum etiam quod prohibea-

de homicidio, adulterio, furto, & falso testimonio, leges civiles esse.

beaturn aliena invadere; sequitur, præcepta hæc, *Honorem parentibus, legibus definitum non denegabis: Hominem quem vetant leges occidere, non occides: Legibus vetitum concubitum fugies: Rem alienam Domino invito non auferes: Leges & judicia falso testimonio non frustrabere*, esse leges civiles. Leges naturales eadem præcipiunt, sed implicitè: nam lex naturalis, (ut cap. 3. art. 2. dictum est) jubet observari *pacta*, ideoque etiam obedientiam præstare, quando obedientiam pacti fuerint, & alieno abstinere, quando quid sit alienum, lege civili definitum fuerit. cives autem omnes (per cap. 6. art. 13.) obedientiam præstare mandatis ejus qui habet summam potestatem, hoc est, legibus civilibus, ex ipsa civitatis constitutione *paciscuntur*: etiam ante quam violari possunt. Nam lex naturalis obligabat in statu naturali, ubi primò (quia natura omnia omnibus dedit) nihil alienum erat, & proinde alienum invadere, impossibile; deinde ubi omnia communia erant, quare etiam concubitus omnes liciti; tertio, ubi status belli erat, ideoque licitum occidere; quarto, ubi omnia proprio cujusque judicio definita erant, ideoque honores etiam paterni; postremo ubi nulla judicia publica erant, & propterea nullus usus tes-

timor



simonii dicendi neque veri neque falsi.

X. Cum ergo obligatio ad leges illas *Impossi-*  
 observandas antiquior sit quam ipsarum *le esse lege*  
 legum promulgatio, utpote contenta in *civili*  
 ipsa civitatis constitutione, virtute legis *quicquam*  
 naturalis quæ prohibet violari pacta, lex *julere*  
 naturalis omnes leges civiles jubet ob- *contra le-*  
 servari. Nam ubi obligamur ad obedien- *gens natu-*  
 tiam antequam sciamus quid imperabi- *ra.*  
 tur, ibi universaliter & in omnibus obe-  
 dire obligamur. Ex quo sequitur, legem  
 civilem nullam, quæ non sit lata in con-  
 tumeliam Dei (cujus respectu ipsæ civi-  
 tates non sunt sui juris, nec dicuntur le-  
 ges ferre) contra legem naturalem esse  
 posse. Nam etsi naturæ lex prohibet fur-  
 tum, adulterium, &c. si tamen lex civilis  
 jubeat invadere aliquid, non est illud  
 furtum, adulterium, &c. Nam Lacæde-  
 monii olim cum permitterent pueris  
 certa lege surripere bona aliena, ea bona  
 non aliena, sed propria surripientis esse  
 jusserunt; ideoque tales surreptiones non  
 erant furta. similiter ethnicorum copu-  
 lationes sexuum, secundum leges suas  
 conjugia erant legitima.

XI. Ad essentiam legis necessarium *Legi es-*  
 est, ut civibus duo innotuerint, primum *sentiale*  
 quis homo, vel quæ curia summam po- *esse, ut co-*  
 testatem, hoc est, legum ferendarum jus *gnoscatur*  
 habet. Secundum, quid ipsa lex dicat. *Et ipsa*  
*legisla-*  
Is enim qui nunquam cognovit, aut *tor.*  
 cui,

cui, aut ad quid tenetur, obedire non potest, & perinde est, ac si non teneretur. Non dico necessarium esse ad essentiam legis, ut vel hoc vel illud perpetuò cognitum sit, sed tantum ut cognitum semel fuerit: quod si postea civis obliviscatur, vel juris quod is habet qui legem fert, vel ipsius legis, id non impedit quo minus teneatur obedire, cum potuerit meminisse, si voluntatem obediendi, prout naturalis lex jubet, habuisset.

*Unde cognoscatur legislator.*

XII. *Cognitio legislatoris* dependet ab ipso cive; nam sine consensu & pacto suo proprio, vel expresso vel subaudito jus legislationis conferri in neminem potuit. Expresso, quando cives ab initio formam regendæ civitatis inter se constituunt, vel quando promisso suo submittunt se alicujus imperio; vel saltem subaudito, ut quando utuntur beneficio imperii, & legum alicujus, ad protectionem & conservationem sui adversus alios. Cujus enim imperio concives nostros obedire postulamus bono nostro, illius imperium legitimum esse, eâ ipsa postulatione confitemur. Ideoque ignorantia potestatis legum ferendarum obtendi nunquam potest. unusquisque enim quod ipse fecit, fecisse se cognovit.

*Ad cognoscendum*

XIII. *Cognitio legum* dependet à legislatore, qui eas promulgare debet; aliter

aliter enim non sunt leges. Est enim lex <sup>dam le-</sup> legislatoris mandatum; mandatum au- <sup>gem neces-</sup> tem est declaratio voluntatis. non ergo <sup>saria sunt</sup> lex est, nisi voluntas legislatoris de- <sup>promul-</sup> claretur; id quod fit <sup>promulgatione.</sup> <sup>gatio &</sup> In <sup>promulgatione</sup> autem duo constare <sup>interpre-</sup> debent, quorum alterum est, ut is vel ii <sup>tatio.</sup> qui legem promulgant, vel habeant ipsi jus legislationis, vel id faciant auctoritate ejus vel eorum qui habent. Alterum est ipsa legis sententia. Primum autem quod leges promulgatæ procedant ab eo qui summum habet imperium, constare, hoc est sciri accuratè & philosophicè loquendo non potest, nisi ab iis qui ab ore ipsius imperantis eas accipiunt; cæteri credunt; sed credendi rationes tantæ sunt, ut non credere vix sit possibile. Et in civitate quidem *Democratice*, ubi legibus ferendis unusquisque interesse, si velit, potest, qui absens fuerit, præsentibus credere debet. Sed in *Monarchiis* & *Aristocratice*, quia paucis mandata *Monarchæ* & *Optimatum* præsentibus & coram audire conceditur, illis paucis necesse erat potestatem facere, ea cæteris promulgandi. Et sic *Edicta* & *Decreta* Principum esse credimus, quæ pro talibus vel scripto, vel voce eorum quorum id munus est, nobis proponuntur. Sed tamen cum credendi causas habeamus has,

vidis.

vidisse quod princeps, vel curia summa talibus *consiliarius*, *scribis*, *præconibus*, *sigillis*, & similibus argumentis ad voluntatem suam declarandam constanter usus sit; quod nunquam auctoritatem illis detraxerit; quod de iis qui hujusmodi promulgationi non credentes legem transgressi sunt, poenæ sumtæ fuerint; non modo qui sic credens obedi-  
verit *edictis* & *decretis* per illos editis, ubique terrarum excusatur, sed etiam qui non credens non obedi-  
verit, puni-  
tur. Nam permittere ut hæc constanter fiant, satis manifestum signum, & declaratio voluntatis ejus qui imperat, satis perspicua est; modo nihil in *lege*, edicto seu *decreto* contineatur, quod summæ potestati ipsius imperantis deroget. Non est enim putandum, eum velle potestati suæ à quibuscunque ministris suis quicquam detrahi, dum voluntatem retinet imperandi, *Sententia* vero *legum*, ubi de ea dubitatur, petenda est ab iis quibus à summa potestate commissa est *Causarum cognitio*, sive *judicia*. *Judicare* enim nihil aliud est quam *leges* singulis casibus *interpretando* applicare. Quibus autem id munus commissum est, eodem modo cognoscitur, quo cognoscimus qui sint ii, quibus commissa est auctoritas *leges* promulgandi.



XIV. Rursus lex *civilis*, pro duplici modo promulgandi, duorum generum est: *Scripta*, & *non scripta*. Per *scriptam* intelligo eam quæ voce sive signo aliquo alio voluntatis legislatoris indiget ut fiat lex. Legum enim genus omne & naturâ & tempore cœvum est generi humano, & propterea inventione literarum & scribendi arte antiquius. Non ergo *legi scripta* necessaria est *scriptio*, sed vox; hæc sola ad *essentiam*, illa ad *recognitionem legis* adhibita est. Nam ante inventas literas ad memoriam adjuvandam, *leges* in metra redactas cantitari solitas esse legimus. *Non scripta* est ea, quæ non alia indiget promulgatione præter vocem naturæ, sive rationem naturalem, quales sunt *leges naturales*. Lex enim naturalis, quamquam à civili distinguatur, quatenus voluntati præcipit, tamen quod ad actiones attinet, civilis est; exempli gratia, hæc, *Non concupisces*, quæ pertinet tantum ad animum, lex naturalis tantum est; hæc verò, *Non invades*, & naturalis, & civilis est. Cum enim regulas præscribere universales, quibus omnes futuræ lites quæ fortè infinitæ sunt, dijudicari possint, impossibile sit, intelligitur, in omni casu *legibus scriptis* prætermisso sequendam esse *legem æquitatis naturalis*, quæ jubet æqualia æqualibus distri-

tribuere: atque hoc, vi *legis civilis*, quæ poenas etiam de iis exigit qui scientes & volentes *leges naturales* facto transgrediuntur.

*Leges naturales non esse leges scriptas: neque responsa juris-prudentum: neque consuetudinem esse leges per se sed per consensum summæ potestatis.* X V. His intellectis, apparet primum, *leges naturales*, quanquam in libris Philosophorum descriptæ fuerint, non esse ob eam rem vocandas leges scriptas; neque scripta jurisprudentum, esse leges, ob defectum autoritatis summæ; neque etiam *Responsa prudentum*, id est, *iudicium*, nisi quatenus consensu summæ potestatis in consuetudinem abierint. tunc autem inter *leges scriptas* habenda esse; non propter consuetudinem ipsam, (quæ vi sua legem non constituit) sed propter voluntatem summi imperantis; quæ ex eo arguitur, quod *sententiam*, siue æquam siue iniquam, in consuetudinem ire perpeffus est.

*Peccati nomen latissimè acceptum, quid significet.*

X V I. *Peccatum* significatione latissimâ comprehendit omne *factum, dictum, & volitum* contra rectam rationem. Unusquisque enim media ad finem quam sibi met ipsi proponit, ratiocinando quaerit. si ergo rectè ratiocinetur, (hoc est, incipiens à principiis evidentissimis textat discursum ex consequentibus continuo necessariis) progreditur itinere directissimo, aliter deviabit; id est, *faciet, dicet, vel conabitur* aliquid contra finem proprium: quod cum fecerit, dicetur ratiocinan-

cinando quidem *errasse*, actione verò & voluntate *peccasse*; nam *peccatum* ita sequitur *erratum*, sicut *voluntas intellectum*. Atque hæc est vocis acceptio generalissima, qua continetur omne *factum imprudens*, sive contra legem, ut, alienam domum evertere; sive non contra legem, ut propriam, super arenam ædificare.

XVII. Ubi vero de *legibus* sermo *Peccati* est, ibi *peccati* nomen arctius est, signi-  
*definitio.*  
 ficatque non omne factum contra rectam rationem, sed illud tantum quod *culpatur*, atque ob eam causam *malum culpæ* appellatur. Nec tamen si quid culpetur, *peccatum* statim, aut *culpa* dicenda est, sed si cum ratione culpetur. Quærendum igitur est, quid sit cum *ratione culpæ*, & quid contra rationem. Ea est natura hominis, ut unusquisque id quod ipse sibi cupit fieri, *bonum*, quod fugit, *malum* vocet. itaque diversitate affectuum contingit, ut quod alter *bonum*, alter *malum*; & idem homo quod nunc *bonum*, mox *malum*, & eandem rem, in se ipso *bonam*, in alio *malam* esse dicat. *Bonum* enim & *malum* delectatione & molestiâ nostrâ, (vel eâ quæ nunc est, vel quæ expectatur) omnes æstimamus. Quoniam jam prosperè facta inimicorum (quia honorem, rem, & potentiam eorum augent) & æqualium  
 (pro-

propter certamen honorum) *molesta* omnibus, adeoque *mala* & videntur, & sunt; soleantque homines, *malos putare*, hoc est, *culpam attribuere* iis, unde sibi *malum* advenit, fieri non potest, ut quæ facta culpanda, quæ non culpanda sint, consensu singulorum quibus non eadem placent & displicent, definiatur. Possunt quidem convenire in generalia quædam, veluti *furtum*, *adulterium*, & similia, esse *peccata*; tanquam dicerent *mala* omnes vocare ea quibus nomina imponunt, quæ in malam partem accipi solent. Sed non quærimus an furtum sit peccatum; quærimus quid furtum dicendum sit, & sic de cæteris similibus. Siquidem igitur quid ratione culpandum sit, in tanta diversitate consensuum, non sit mensurandum per rationem unius, magis quam alterius, propter æqualitatem naturæ humanæ; neque ratio ulla existat præter rationes *singulorum*, & rationem *civitatis*; sequitur quid sit *ratione culpandum*, definiendum esse à civitate; ut *culpa*, hoc est, *PECCATUM* sit, quod quis fecerit, omiserit, dixerit, vel voluerit contra *rationem civitatis*, id est contra *leges*.

*Differentia inter peccatum infirmitatis & malitiam:*

XVIII. Facere autem aliquis potest contra *leges* per infirmitatem humanam, etiam si eas implere cupiat, tamen ejus factum, ut contra *leges rectè* culpa-



culpatur & *peccatum* dicitur. Sunt autem qui leges negligunt, quotiesque lucri impunitatisque spes apparet, nulla pactorum & datæ fidei conscientiam retinentur, quin eas violent. Horum non modò facta, sed etiam ingenia adversa legibus sunt. Qui per infirmitatem tantum peccant, etiam quando peccant, *virī boni* sunt; hi vero etiam quando non peccant, *mali* sunt. Quamquam autem utrumque, & actio & animus, legibus repugnet, differentibus tamen appellationibus, repugnantiam illam distinguuntur. Nam actionis irregularitas *ἀδίκημα*, *injustè factum*; animi, *ἀδικία* & *κακία*, *injustitia* & *malitia*: Illa perturbatæ mentis *infirmitas*; hæc animi sedati *pravitas*.

XIX. Si quidem autem peccatum non sit, quod non sit contra aliquam legem, neque lex ulla sit, quæ non sit mandatum ejus qui summum habet imperium; neque quisquam summum imperium habeat, quod non sit ei nostro consensu delatum: quo modo peccare dicetur is qui vel non exsistere Deum vel non gubernare mundum affirmaverit, vel aliam contumeliam in ipsum evomuerit? Dicet enim, *se voluntatem suam Dei voluntati nunquam subjecisse, ut quem ne esse quidem opinatus fuerit. Et quamquam opinio sua erronea esset, ideoque*

*In quo genere peccati contineatur Atheismus.*

que etiam peccatum; numerandam tamen esse inter peccata imprudentiæ, sive ignorantiae, quæ puniri jure non possunt. Oratio hæc eo usque admittenda esse videtur, ut hujusmodi peccatum, quamquam sit maximum damnosissimumque, referri tamen debeat \* ad peccata imprudentiæ; sed ut per imprudentiam aut ignorantiam excusandum sit, absurdum est. Punitur enim Atheus sive à Deo immediate, sive à Regibus sub Deo constitutis, non ut subditus punitur à Rege, propterea quod leges non observaverit; sed ut hostis ab hoste, quod leges noluerit accipere; hoc est, jure belli, ut Gigantes *Γίγαντες*. Hostes enim inter se sunt, quicunque neque communi imperanti, neque alter alteri subjiciuntur.

Annota-  
tio.

Referri tamen debeat ad peccata imprudentiæ.] Quod Atheismum non ad injustitiam, sed ad imprudentiam retulerim, à pluribus reprehensum est: imo à nonnullis in eam partem acceptum, tanquam Atheis non satis acrem adversarium me ostenderim. Objiciunt præterea, quod cum Deum esse ratione naturali sciri posse dixerim alicubi, confiteri deberem, peccare eos, saltem contra legem naturæ, itaque non imprudentiæ tantum, sed etiam injustitiæ reos esse. Ego verò ita Atheis inimicus sum, ut legem aliquam  
juxta

juxta quam condemnare eos injustitiæ possem, & diligentissimè quæsi verim & vehementer cupi verim; sed cum nullam invenerim, quæsi vi proximè, quo nomine, tantopere Deo exosi, homines ab ipso appellarentur. Deus autem de Atheo sic loquitur, Dixit insipiens in corde suo: non est Deus. Itaque peccatum eorum in eo genere, collocavi, in quod genus ab ipso Deo relatum fuerat. Deinde Atheos hostes Dei esse ostendo; Nomen autem hostis, quam injusti, aliquando atrocius esse puto. Postremo justè & à Deo, & à summis imperantibus eo nomine puniri posse confirmo, itaque peccatum hoc nullo modo excuso neque extenuo. Quod autem Deum esse ratione naturali sciri posse dixerim, ita accipiendum est, non tanquam omnes id scire posse putaverim; nisi quoniam ratione naturali quam proportionem habeat Sphæra ad Cylindrum, invenit Archimedes, ex eo sequi putant, quemlibet ex vulgo idem invenire potuisse. Dico igitur etsi ab aliquibus Deum esse, lumine rationis sciri possit; tamen homines in voluptatibus, vel divitiis, vel honoribus, perquirendis continuò occupatos, item homines qui rectè ratiocinari non solent, vel non valent, vel non curant, denique insipientes, in quo numero Athei sunt, scire id non posse.

*Quid sit  
crimen læ-  
sæ Maje-  
statis.*

XX. Quoniam à vi pacti quo cives singuli singulis ad obedientiam civitati, hoc est, summo imperanti sive is unus homo sive una curia sit, absolutam & universalem (qualem sup. capite & articulo definivimus) præstandam obligantur, derivatur obligatio ad singulas leges civiles observandas, ita ut illud pactum contineat in se leges omnes simul; manifestum est civem qui pacto generali obedientiæ renunciaverit, omnibus simul legibus renunciare. Quod malum tanto gravius est quolibet peccato uno, quanto peccare *semper*, gravius est quam *semel*. Atque hoc est peccatum illud quod vocatur CRIMEN LÆSÆ MAJESTATIS, & est factum vel dictum quo civis, seu subditus, declarat non esse sibi amplius voluntatem, ei homini vel curiæ cui commissum est summum civitatis imperium, obediendi. Et facto quidem, hujusmodi voluntatem declarat civis, quando vim infert vel inferre conatur personis eorum qui vel summum imperium habent, vel habentium mandata exsequuntur, quales sunt proditores, Regicidæ, & qui arma contra civitatem gerunt, vel ad hostes durante bello transfugiunt. Dicto autem voluntatem eandem ostendunt qui directè negant, se, aut cives cæteros, ad talem obedientiam obligari, vel in toto, ut qui diceret,



ceret, non esse iis obediendum (salvâ obedientiâ, quam debemus Deo) simpliciter, absolute & universaliter, vel in parte, ut si quis diceret, non esse iis jus suo arbitrio bellum gerendi, pacem faciendo, milites conscribendi, pecunias exigendi, magistratus & ministros publicos eligendi, leges ferendi, controversias determinandi, pœnas statuendi, vel aliud aliquod sine quo consistere civitas non potest. Atque hæc & similia dicta & facta, crimina læsæ majestatis, ex vi legis (non civilis, sed) naturalis sunt. Potest autem esse ut aliquid, quod factum ante legem civilem latam non erat crimen læsæ majestatis, sit tamen, si fiat pōst. Ut si lege declaretur, pro signo obedientiæ civilis renunciatæ habendum esse (hoc est pro crimine læsæ Majestatis) si quis vel monetam cuderit, vel sigilla civitatis adulteraverit; is qui postea id fecerit, reus majestatis non minus est quam ille alter, minus tamen peccat, quia non omnes leges simul, sed unam tantum legem violat. nam lex vocando crimen majestatis, id quod naturâ non ita est, nomen quidem invidiosum, & fortè pœnam majorem in reum jure statuit, sed ut peccatum ipsum gravius sit, non efficit.

XXI. Peccatum autem id, quod per legem naturalem crimen læsæ majestatis est, *Crimine læsæ Majestatis*

*non leges  
civiles sed  
naturales  
violari.*

tis est, legis naturalis transgressio est; non civilis. Cùm enim obligatio ad obedientiam civilem, cujus vi leges civiles validæ sunt, omni lege civili prior sit, sitque crimen læsæ majestatis naturaliter nihil aliud, quam obligationis illius violatio; sequitur, crimine læsæ majestatis violari legem quæ præcessit legem civilem: nempe naturalem, qua prohibemur violare pacta & fidem datum. Quod si quis Princeps summus legem civilem in hanc formulam conciperet, *non rebellabis*; nihil efficeret. Nam nisi prius obligentur cives ad obedientiam, hoc est, ad non rebellandum, omnis lex invalida est. obligatio autem, quæ obligat ad id, ad quod antè obligati erant, superflua est.

*Ideoque  
non jure  
imperii;  
sed jure  
belli puniri.*

XXII. Sequitur ex hoc, puniri rebelles, proditores, & cæteros læsæ majestatis convictos, non jure civili, sed naturali, hoc est, non ut cives malos, sed ut civitatis hostes, nec jure imperii sive domini, sed jure belli.

*Obedientiam non rectè distinguimus in Activam & Passivam.*

XXIII. Sunt qui facta contra legem civilem, quando pœna ipsâ lege definitur, expiari putant, si pœnam volentes subeant, neque reos esse coram Deo violatæ legis naturalis (quamquam violando civiles leges, violamus quoque naturales, quæ jubent civiles observari) eos qui pœnam solverunt, quam lex.

lex exigebat. Tanquam lege non veta-  
retur factum, sed pœna pretii loco pro-  
poneretur, quo licentia faciendi ea quæ  
lege prohibentur, venundaretur. Per  
eandem rationem possent inferri etiam,  
nullam omnino legis transgressionem  
peccatum esse, sed quam suo periculo li-  
bertatem quisque emerit, eam jure ha-  
bere. Sciendum autem est, verba legis du-  
plici sensu intelligi posse. Altero, ut duas  
partes (prout dictum est supra articulo  
7) contineat, nempe prohibentem abso-  
lute, ut, *Non facies*; & vindicantem, ut,  
*Qui facit, pœnas dabit*. Altero, ut unum  
contineat conditionale, ut, *Non facies,  
nisi pœnas velis solvere*. Et sic lex non  
simpliciter, sed conditionaliter prohi-  
bet. Si primo modo intelligitur, qui fa-  
cit, peccat, quia quod lege vetitum est,  
facit. Si secundo, non peccat, quia face-  
re, vetitum non est implenti conditio-  
nem. Nam in primo sensu omnes facere  
prohibentur; in secundo ii soli, qui se  
pœnæ subtrahunt. In primo sensu, legis  
pars vindicativa non Reum obligat, sed  
magistratum pœnas exigere; in secundo  
obligatur ad pœnas exigendas ipse qui  
pœnas debet; ad quas solvendas si capi-  
tales, aut alioqui graves sint, obligari  
non potest. Utro verò sensu lex acci-  
pienda sit, ab arbitrio dependet ejus, qui  
summum habet imperium. Ubi ergo de



sententia legis dubitatur, quia certi sumus non peccare qui non faciunt, peccatum erit, si facimus, utcunque lex postea explicari possit. Nam quod dubitas an sit peccatum necne, id facere, cum abstinere liberum sit, contemtio legum est; ideoque per cap. 3. art 28. peccatum contra legem naturalem. Inanis igitur est distinctio illa *obedientiae* in *Activam* & *Passivam*, quasi pœnis humano arbitrio positae expiari possit, quod peccatum est contra legem naturalem, quæ est lex Dei; aut quasi non peccent, qui peccant suo damno.


## C A P U T XV.

*De Regno Dei per naturam.*

- I. *Propositio sequentium.* II. *In quos dicatur Deus regnare.* III. *Verbum Dei triplex: Ratio, Revelatio, Prophetia.* IV. *Regnum Dei duplex, Naturale & Propheticum.* V. *Fus quo Regnat Deus, situm est in Omnipotentia ejus.* VI. *Idem ex Scriptura sacra.* VII. *Obligationem obedientia Deo præstanda procedere ab imbecillitate humana.* VIII. *Leges Dei in Regno naturali esse eas, quæ 2. & 3. Cap. suprâ recitatae sunt.* IX. *Honor & cultus quid sunt.* X. *Cultum consistere vel in attributis, vel in Actionibus.* XI. *Et esse alium Naturalem, alium Arbitrarium.* XII. *Alium justum, alium spontaneum.* XIII. *Quis sit cultus finis seu scopus.* XIV. *Quenam sint leges naturales circa Dei Attributa.* XV. *Quenam sine*



*sint actiones quibus exhibetur cultus naturaliter. xv i. In regno Dei naturali, civitatem posse cultum Dei instituere arbitrio suo. xv ii. Regnante Deo per naturam solam, legum omnium interpretem esse civitatem, id est, eum hominem vel curiam, quæ habet sub Deo civitatis imperium summum. xv iii. Dubitationes quadam sublata. xix. In Regno Dei naturali, quid sit peccatum, & quid crimen læsæ Majestatis Divinæ.*

 Uod status naturæ, hoc est *Propositio* libertatis absolutæ, qualis est *sequen-* eorum, qui neque Regnant *tium.* neque Regnantur, Anarchia sit & status hostilis; Quod præcepta quibus talis status evitatur, sint *leges naturæ*; Quod civitas existere sine summo imperio non possit; Quod iis qui summum imperium obtinent, obediendum sit simpliciter, id est, in omnibus quæ mandatis Dei non repugnant: in antecedentibus, & ratione; & sacræ Scripturæ testimoniis comprobatum est. Deest ad integram civilis officii cognitionem hoc unicum, ut sciamus quæ sint leges sive mandata Dei. Aliter enim sciri non potest, utrum ea quæ jubemur facere autoritate imperii civilis, sint contra leges Dei, necne. Ex quo contingere necesse est, ut vel nimia obedientia erga civitatem contumaces simus erga majestatem divinam; vel metu pec-

candi in Deum incurramus in contumaciam erga civitatem. Ut utrumque hunc scopulum effugiamus, necessaria est cognitio legum Divinarum. Quoniam verò legum cognitio dependet à cognitione regni, dicendum est in sequentibus de *Regno Dei*.

In quos  
Deus di-  
catur re-  
gnare.

II. Psal. 96. v. 1. *Dominus regnavit, exultet terra*, dicit Psalmista. Et rursus idem Psalmista, Psal. 98. v. 1. *Dominus regnavit, irascantur populi; qui sedet super Cherubin, moveatur terra*. Scilicet velint nolint homines, Deus est Rex universæ terræ; neque si sint qui *Existentiam* ejus, vel *Providentiam* negaverint, ideo solio suo excutitur. Quamquam autem Deus homines universos ita per potentiam regat, ut nemo possit quidquam facere quod ille factum nolit, non est tamen hoc, propriè & accuratè loquendo, Regnare. Regnare enim dicitur non qui *agendo*, sed qui *loquendo*, id est, *Præceptis*, & *minis* regit. In regno igitur Dei pro subditis habemus, non corpora inanimata, neque irrationalia, licet potentiæ divinæ subjiçantur; quia *præcepta* & *minas* Dei non intelligunt; neque etiam *Atheos*, quia Deum esse non credunt; neque eos qui Deum esse credentes cum tamen inferiora hæc regere non credunt. nam & hi quamquam regantur à potentia Dei, *præcepta* ejus nulla agnoscunt,

scunt, neque minas metuunt, Soli igitur in Regno Dei censendi sunt, qui ipsum & rectorem omnium rerum esse, & *præcepta* hominibus dedisse, & *pœnas* in transgressores *statuisse* agnoscunt. Cæteros non subditos, sed hostes Dei appellare debemus.

III. Regere autem *præceptis* non dicitur, nisi qui regendis *præcepta* sua aperte declarat. Nam *præcepta* regentium leges sunt iis qui reguntur. *Leges* autem non, nisi quæ perspicue promulgantur, ita ut omnis tollatur ignorantiae excusatio. *Leges* suas homines quidem *verbo* sive *voce* promulgant, nec alio modo voluntatem suam universaliter significare possunt. Dei autem *leges* triplici modo declarantur. Primò *per tacita re-  
cta rationis dictamina*. Secundò, *per re-  
velationem immediatam*, quæ intelligitur fieri per *vocem supernaturalem*, vel per *visionem*, vel *somnium*, vel *inspiratio-  
nem* seu *afflatum divinum*. Tertiò, *per  
vocem alicujus hominis*, quem Deus per vera miracula edita, ut fide dignum, cæteris commendavit. Is autem cujus voce sic utitur Deus ad voluntatem suam aliis significandam, vocatur **PROPHETA**. Tres hi modi dici possunt triplex *Ver-  
bum Dei*, nimirum, *Verbum rationa-  
le*, *Verbum sensibile*, & *Verbum Propheti-  
cum*. Quibus respondent tres modi qui-  
bus



bus audire Deum dicimur, *Ratiocinatio recta; Sensus, & Fides. Verbum Dei sensibile* ad paucos factum est, neque Deus per Revelationem hominibus loquutus est, nisi viritim, & diversis diversâ; neque ullæ leges Regni hoc modo populo ulli promulgatæ fuerunt.

*Regnum Dei duplex, naturale & Propheti- cum.*

I V. Pro differentiâ autem quæ est inter *Verbum Dei Rationale & Propheticum*, Deo Regnum duplex attributum est: *Naturale*, in quo regit per dictamina rectæ Rationis; quodque universale est, in omnes qui divinam agnoscunt potentiam, propter naturam rationalem omnibus communem; & *Propheticum*, in quo regit etiam per *Verbum propheticum*; quod peculiare est, propterea quod non omnibus dedit leges positivas, sed populo peculiari, & certis quibusdam hominibus à se electis.

*Jus quæ regnat Deus situm est in omnipotentia ejus.*

V. In Regno naturali regnandi & puniendi eos qui leges suas violant, jus Deo est à sola *potentia irresistibili*. Jus enim omne in alios vel à *Natura* est, vel à *Pactō*. Quomodo jus regnandi ex *Pactō* oritur, ostensum est capite 6. A *Natura* autem idem jus derivatur, eo ipso quod à natura non sit sublatum. Cum enim per naturam jus esset omnibus in omnia, unicuique erat jus in omnes regnandi ipsi naturæ coævum. causa autem quare inter homines id abolitum fuerit,



fuerit, alia non erat præter mutuum me-  
tum, ut supra capite secundo, articulo  
3. ostensum est; dictante scilicet ratione  
decedendum esse à jure illo propter con-  
servationem humani generis; quia æqua-  
litatem hominum inter se quoad vires  
& potentias naturales necessario conse-  
quebatur bellum; cum bello autem ge-  
neris humani perniciēs conjuncta est.  
Quod si quis cæteros potentiā in tan-  
tum anteisset, ut resistere ei ne omnes  
quidē conjunctis viribus potuissent,  
ratio quare de jure sibi à natura concessio  
decederet, nulla omnino fuisset. Man-  
sisset igitur ipsi jus dominii in cæteros  
omnes propter potentiæ excessum, qua  
& se & illos conservare potuisset. Iis igitur  
quorum potentiæ resisti non potest;  
& per consequens Deo *omnipotenti*, jus  
dominandi ab ipsa *potentia* derivatur. Et  
quotiescunque Deus peccatorem punit,  
vel etiam interficit, etsi ideo puniat quia  
peccaverat, non tamen dicendum est,  
non potuisse eum eundem juste afflige-  
re, vel etiam occidere, etsi non peccasset.  
Neque si voluntas Dei in puniendo, pec-  
catum antecedens respicere possit, ideo  
sequitur quod affligendi vel occidendi  
jus non à *potentia divina* dependeat, sed à  
*peccato hominis*.

VI. Quæstio ista disputationibus an- *Idem ex*  
*tiquorum nobilitata, quare bonis mala Scriptura*

*& malis bona contingunt*, eadem est cum hac nostra; *quo jure Deus bona & mala hominibus dispenset*. Et difficultate suâ non solum vulgi, sed etiam Philosophorum, & quod majus est, sanctorum hominum, de divina providentia fidem vacillare fecit. Psal. 72. v. 1, 2. *Quam bonus* (inquit David) *Israëlis Deus his qui recto sunt corde; mei autem penè moti sunt pedes, penè effusi sunt gressus mei, quia zelavi super iniquos, pacem peccatorum videns*. Et Job, quam acriter cum Deo expostulabat, quod *justus* cum esset, tantis tamen calamitatibus affligeretur? Solvit difficultatem hanc, in casu Job, ipse Deus vivâ voce, & jus suum argumentis non à peccato ejus, sed à potentia propria desumptis confirmavit. Ita enim disputarunt inter se Job, & amici ejus, ut hi illum reum facerent, propterea quod puniretur; ille horum accusationem argumentis ab innocentia sua redargueret. Atqui Deus cùm & illum & hos audivisset, expostulationem illius refutat, non injustitiæ aut peccati alicujus ipsum damnando, sed propriam potentiam explicando. Job. 38. vers. 3 & sequentibus. *Ubi* (inquit) *eras tu, quando ponebam fundamenta terre?* &c. De amicis autem Job 42. 7. *iratum se ait contra eos quod non locuti fuerint rectum coram eo, sicut servus ejus Job*. Sententia

tiæ huic consentanea est ea quam dixit Servator noster in casu ejus qui cæcus natus erat, cum interrogantibus discipulis an ipse peccasset, quod nasceretur cæcus, an parentes, respondit, Joh. 9. vers. 3. *Neque hic peccavit, neque parentes ejus; sed ut manifestarentur opera Dei in illo.* Quamquam autem dictum sit, Rom. 5. 12. *Mortem intrasse in hunc mundum per peccatum*, non sequitur quin Deus jure suo potuerit homines & morbis & morti obnoxios fecisse, etiamsi nunquam peccassent, quemadmodum cætera animalia mortalia fecit & morbosa, etiamsi peccare non possunt.

VII. Quod si jus Regnandi habeat Deus ab omnipotentia sua, manifestum est, *obligationem* ad præstandam ipsi obedientiam, incumbere hominibus propter \* imbecillitatem. *Obligatio enim* quæ ex pacto oritur, de qua dictum est *procedere* capite secundo, hîc ubi jus imperandi, *ab imbecillitate* nullo intercedente pacto, à natura oritur, locum habere non potest. Sunt autem *obligationis naturalis* duæ species; Una ubi libertas impedimentis corporis tollitur; juxta quam cælum & terram & creaturas omnes communibus suæ creationis legibus obedire dicimus. Altera ubi tollitur spe & metu; juxta quam, infirmior potentiori cui resiste-



re se posse desperat, non potest non obedire. A secundo hoc obligationis genere nascitur, hoc est, à metu, sive imbecillitatis propriæ (respectu divinæ potentix) conscientia, quod in Regno Dei naturali, ad obediendum Deo obligemur; dictante scilicet ratione, omnibus Dei potentiam & providentiam agnoscentibus *non esse calcitrandum contra stimulum.*

[Annotatio.

Propter imbecillitatem] Si cui durum hoc videbitur, illum rogo ut tacitâ cogitatione considerare velit, si essent duo omnipotentes, uter utri obedire obligaretur. Confitebitur, credo, neutrum neutri obligari. Hoc si verum est, verum quoque est quod posui, homines ideo Deo subjectos esse, quia omnipotentes non sunt. Etenim Servator noster Paulum admonens (qui eo tempore Ecclesiæ hostis erat) ne contra stimulum calcitraret, obedientiam ab illo, eo nomine videtur exegisse, quod ad resistendum satis virium non haberet.

Leges Dei.

in regno  
naturali  
esse eas;  
quæ 2. &  
3. cap. su-  
pra reci-  
tata sunt,

VIII. Quoniam Verbum Dei per naturam solam regnantis, aliud non supponitur præter rectam rationem; leges autem Regum ab eorum Verbo solo cognosci possunt, manifestum est, leges Dei per solam naturam regnantis, solas esse leges naturales; nempe illas quas cap. 2. & 3. enu-



& 3. enumeravimus, & à rationis dictatis deduximus, *Humilitatem, Æquitatem, Justitiam, Misericordiam*, cæterasque *virtutes morales pacis conciliatrices*, quæ pertinent ad officia hominum erga se invicem; & illas quas ratio recta dixerit præterea, circa honorem & cultum divinæ majestatis. Quæ sint illæ *leges naturales*, sive *virtutes morales*, non est opus repetere. Quos honores autem, & quem cultum divinum, id est, quas *leges sacras* eadem dicet *ratio naturalis*, videndum est.

IX. HONOR, proprie loquendo, *Honor* & nihil aliud est quàm opinio alienæ *potentie* conjunctæ cum *bonitate*. Et *honorare* quid sint. aliquem, idem est quod magni æstimare. Et sic Honor non in *Honorato*, sed in *Honorante* est. *Honorem* autem in opinione situm consequuntur necessariò tres affectus: *Amor*, qui ad *Bonitatem*; *Spes* & *Timor*, qui ad *potentiam* referuntur. Ex his autem oriuntur actiones externæ, quibus potentes placari, & propitii fieri solent, & quæ sunt ipsius honoris effectus, ideoque & signa naturalia. Sed nomen *Honor* translatum est etiam ad effectus illos honoris externos; quo sensu, *Honorare* cum dicimur, de cujus *potentia* testamur, verbis vel factis, nos egregiè sentire; ut *Honor* idem sit quod *Cultus*. *CULTUS* autem est actus externus

Honoris interni signum. Et quos officiis placare si irati sint, vel utcunque propitios nobis reddere studemus, eos colere dicimur.

*Cultum  
consistere  
vel in at-  
tributis,  
vel in ac-  
tionibus.*

X. Signa animi omnia, vel *verba* sunt vel *facta*; ideoque *Cultus* omnis, vel *verbis* vel *factis* constat. Utraque autem ad tria genera referuntur; quorum primum, *Laus* est sive *prædicatio bonitatis*; secundum *prædicatio potentie præsentis*, quod est *Magnificare*, μεγαλυνσις; tertium *prædicatio felicitatis* sive *potentie in futurum* etiam *securæ*; quæ *μακαρισμός* dicitur. Honorum, inquam, unumquodque genus, non in *Verbis* modo, sed etiam in *Factis* spectari potest. *Verbis* autem *laudamus* celebramusque tunc, quando fit per propositionem, sive *dogmaticè*, hoc est, per *attributa*, sive *nomina*, quod *enunciativè* & *categoricè* laudare vel celebrare dici potest; ut cum dicimus illum quem honoramus esse *liberalem*, *fortem*, *sapientem*. *Factis* vero, quando fit per *consequens*, sive per *hypothesin*, ut *gratiarum actione*, quæ *bonitatem*; *obedientiâ*, quæ *potentiam*; *congratulatione*, quæ *felicitatem* supponit.

*Et esse a-  
lium na-  
turalem;  
aliud Ar-  
bitrarium.*

XI. Sive autem *verbis*, sive *factis*, aliquem celebrare velimus, inveniemus alia quæ honorem apud omnes significat, qualia sunt inter *attributa*, nomi-

na.

na *virtutem* & *potentiarum* generalia; quæ in malam partem accipi non possunt. Ut *Bonus*, *Pulcher*, *Fortis*, *Iustus*, & similia. Inter *actiones* autem *Obedientia*, *Gratiarum actio*, *Preces*, aliaque ejus generis, quibus agnitio potentia & virtutis semper subintelligitur. Alia quæ honorem apud quosdam significant, apud alios vero contumeliam, vel neutrum; qualia sunt in *Attributis* nomina quæ ad virtutes vel vitia, honesta vel inhonesta, pro diversitate opinionum diversè referuntur; ut quod occiderit inimicum; quod fugerit; quod sit Philosophus; quod Orator, & similia, quæ apud alios in honore, aliis contemtui habentur: in *factis*, ea quæ dependent à consuetudine loci, vel præscriptis legum civilium; ut inter salutandum caput nudare, calceos deponere, corpus inclinare, stantem, prostratum; vel genibus innixum aliquid petere, ceremoniarum formulæ, & similia. *Cultus* autem ille qui apud omnes & semper honorificus est, *naturalis*, alter vero qui loca & mores sequitur, *arbitrarius* dici potest.

XII. Porro *Cultus* esse potest *imperatus*; scilicet jussu ejus qui colitur, *jussum*, & potest esse *spontaneus*, nimirum talis *alius* qualis videbitur colenti, si *imperatus*, *spontaneus*, actiones quæ adhibentur, non significant hono-



honorem ut *tales*, sed ut *imperatæ*: significant enim *obedientiam* immediatè, *obedientia potentiam*; ita ut *cultus imperatus* consistat obedientiâ; *spontaneus* solâ naturâ actionum fit honorificus; quæ si honoris significativæ sint apud spectantes, *cultus*, aliter *contumelia* est. Rursus *cultus* vel *publicus*; vel *privatus* esse potest. *Publicus* autem *spontaneus* esse respectu colentium singulorum non potest; respectu civitatis potest. Cum enim quod spontaneè fit, arbitrio fiat facientis, non esset cultus unus qui exhiberetur, sed tot cultus quot colentes, nisi unius imperio arbitria omnium unirentur, *Privatus* autem *spontaneus* esse potest, si exhibeatur secreto: quod enim palam fit, vel legibus, vel verecundiâ coërcitum est, quod naturæ *spontanei* adversatur.

Quis sit  
cultus  
finis seu  
scopus.

XIII. Ut autem quis sit *colendi* alios *scopus* & *finis* cognoscatur, consideranda causa est, quare homines cultu gaudeant. Sumendum autem est, quod alias ostendimus, *Gaudium* in eo situm esse quod quis virtutem, vim, scientiam, formam, amicos, divitias, aut quamcumque aliam *potentiam* suam, vel tanquam suam, contempletur, neque aliud esse præter *Gloriam*, seu triumphum animi putantis se honorari, hoc est, amari, & timeri, hoc est; servitia.



vitia & auxilia hominum præstò habere. Quoniam vero homines, quem honorari, id est, pro potente haberi, ab aliis vident, potentem esse credunt, contingit honorem cultu propagari; & potentia existimatione, potentiam acquiri veram. *Finis* ergo ejus qui se coli vel jubet, vel patitur, is est, ut quam-plurimos eo modo sibi vel amore vel metu obedientes reddat.

XIV. Ut sciamus autem, quem *cultum* Dei assignet *ratio naturalis*, incipiamus ab *attributis*. Ubi inprimis manifestum est, attribuendam ei esse *existentiam*. Voluntas enim honorandi eum, quem non putamus esse, nulla esse potest. Deinde Philosophos qui ipsum mundum, vel mundi animam (id est partem) dixerunt esse Deum, indigne de Deo loquutos esse. non enim quicquam ei attribuunt, sed omnino esse negant: nam per nomen illud, *Deus*, intelligitur *mundi causa*; dicentes autem *mundum esse Deum*, dicunt nullam esse ejus *causam*, hoc est, *Deum non esse*. Similiter eos qui mundum non creatum, sed æternum esse asserunt, quoniam æterni causa esse non potest, *causam mundi esse*, id est, *Deum esse* negare. Indigne item de Deo sentire, qui otium ipsi attribuentes, mundi generisque humani regimen eidem auferunt. Nam ut omni-  
poten-

*Quanam  
sint leges  
naturales  
circa Dei  
attributa.*

potentem esse fateantur, si tamen inferiora hæc non curet, locum habet apud eos tritum illud: *quod supra nos; nihil ad nos*, cumque non sit, propter quod eum ament, aut timeant, illis certe est tanquam non existeret. Præterea in *attributis* quæ significant *magnitudinem* & *potentiam*; ea quæ finitum, seu determinatum aliquod significant, minime signa esse animi honorantis; non enim Deum dignè honoramus, si minus ei *potentiæ* aut *magnitudinis* attribuimus quàm possumus. Finitum autem omne minus est quam possumus; finito enim majus semper assignari & attribui facilimè potest. Non igitur Deo tribuetur *figura*, omnis enim *figura finita*; neque dicetur concipi, sive comprehendere imaginatione, vel quacunque facultate animæ nostræ; quicquid enim concipimus, *finitum* est. Et quamquam vox hæc *in-finitum* significet conceptum animi, non tamen sequitur conceptum nobis aliquem esse *rei infinitæ*: quando enim dicimus aliquid esse *in-finitum*, non aliquid in re significamus, sed impotentiam in animo nostro; tanquam si deceremus nescire nos, an & ubi terminetur. Neque dici de Deo honorifice, quod *idea ejus* animo nostro insit, *idea* enim conceptus noster est, conceptus autem nisi *finiti* non est. Neque quod habeat *partes*.

tes, aut quod sit *totum* aliquid, quæ attributa quoque *finitorum* sunt. Neque quod in *loco* aliquo sit. in *loco* enim non est, nisi quod undiquaque *fines* & terminos habeat magnitudinis. neque quod *moveatur* aut *quiescat*, utrumque enim supponit *esse in loco*. Neque plures esse Deos, quia nec plura infinita. Porro circa attributa *Felicitatis*, indigna Deo ea esse quæ significant *dolorem* (nisi intelligantur, non pro affectu, sed per metonymiam pro effectu) qualia sunt *pœnitentia*, *ira*, *miseriçordia*: vel *egestatem*, ut *appetitus*, *speres*, *concupiscentia*: & *amor* ille, qui & *cupido* dicitur; signa enim *indigentia* sunt, cum intelligi non possit, ut quis *appetat*, *speret*, *cupiat* &c. nisi ea quibus *caret*, *indigetque*. vel *facultatem passivam*; pati enim potentia limitatæ est, & quæ dependet ab alio. Quando igitur attribuimus Deo *voluntatem*, non est intelligenda similis nostræ; qui *appetitus rationalis* dicitur. Deus enim si *appetat*, *indiget*; quod contumelia est dicere; sed supponendum est aliquid analogum quod concipere non possumus. Similiter quando attribuimus ei *visionem* & cæteros *sensuum actus*, vel *scientiam* & *intellectum*, quæ in nobis nihil aliud sunt, quàm suscitatus à rebus externis organa prementibus animi tumultus, non est putandum aliquid tale acci-



accidere Deo; signum enim est potentiae ab alio *dependentis*, id quod non est beatissimum. Illum igitur qui nolit attribueri Deo alia nomina, quam jubet ratio, oportet uti nominibus, quæ vel negativa sunt, ut *infinitus*, *eternus*, *incomprehensibilis*, vel superlativa, ut *optimus*, *maximus*, *fortissimus*, &c. vel indefinita, ut *bonus*, *justus*, *fortis*, *creator*, *rex*, & similia; eo sensu, ut non velimus, quid sit, dicere, (quod esset cum limitibus nostræ phantasie circumscribere;) sed propriam admirationem, & obedientiam confiteri, quod humilitatis est, & proprium animi honorantis, quantum potest. Unicum enim ratio dicat *naturæ* significativum Dei nomen, *existens*, sive simpliciter, *quod est*, unumque *relationis* ad nos, nempe *Deus*, quo continetur & *Rex*, & *Dominus*, & *Pater*.

*Quendam  
sint actio-  
nes quibus  
cultus ex-  
hibetur  
naturali-  
seri*

XV. Circa *actiones externas* quibus Deus colendus est (quemadmodum & circa *attributa*) generalissimum rationis præceptum est, ut sint signa animi honorantis; sub quo continentur, *Primò, preces*. *Qui fingit sacros auro vel marmore vultus, Non facit ille Deos; qui rogat, ille facit*. Sunt enim *preces* signa spei; spes vero *potentiæ* & *bonitatis* divinæ agnitio est.

Secundo, *Gratiarum actio*, quæ ejusdem.



dem affectus signum est, nisi quod beneficium *antecedant preces, gratiæ consequantur.*

Tertio, *Dona*, id est, *oblationes & sacrificia.* sunt enim *Gratiarum actiones.*

Quarto, *Non jurare per alium.* Est enim juramentum hominis contra se ipsum, si fallat; iræ imprecatio ejus, qui & scire, utrum *offellerit*, necne, & punire quamvis potentem potest. Id quod solius Dei est. Siquidem enim Homo aliquis esset, cui neque abscondi subditorum suorum *malitia*, neque resistere potentia humana posset, sufficeret fides data, sine juramento; quæ violata posset ab Homine vindicari; neque igitur juramento esset opus.

Quinto, *De Deo consideratè loqui.* Signum enim *Timoris* est; Timor autem *Potentiae* confessio est. Sequitur ex præcepto hoc: *non esse utendum Dei nomine temere, aut frustra;* utrumque enim inconsideratum est. *Non esse jurandum ubi non est opus;* est enim frustra. Opus autem non est; nisi inter civitates, ad vitandum, vel tollendum certamen per vim, quod oriri necesse est, ubi promissis fides deest, vel in civitate ad judiciorum certitudinem. Item *non esse disputandum de divina natura.* Suppositum enim est, in regno Dei naturali solâ ratione omnia inquiri, hoc est, ex principiis scien-

scientiæ naturalis. His autem tantum abest, ut sciamus naturam Dei, ut ne quidem nostri corporis, aut cujusque creaturæ proprietatis satis assequi possimus. Ex hujusmodi igitur disputationibus nihil provenit, præterquam quod ad modulum conceptionum nostrarum nomina divinæ majestati temere imponamus. Sequitur quoque (quod attinet ad jus Regni Dei) inconsideratam & temerariam loquutionem esse eorum qui dicunt, *Hoc vel illud non consistere cum justitiâ divinâ.* Nam & homines contumeliæ ducunt si filii sui juse eorum disputent, aut justitiam aliter quam imperatis suis metiantur.

Sextò, in *Precibus, Gratiarum actionibus, Sacrificiisque quidquid exhibetur, oportere esse in suo genere optimum, & honoris significativum*; nimirum orationem esse non subitam, aut levem, aut plebeiam, sed pulchram & bene compositam. Nam etsi absurdum erat, quod Ethnici Deum sub imagine colerent, non tamen à ratione alienum erat, quod carminibus, & musicâ in sacris uterentur. Item *Victimas pulchras, & Donaria magnifica, & quæ aguntur, vel submissionis vel gratitudinis significativa, vel beneficiorum acceptorum memorativa* esse; proficiscuntur enim hæc omnia à studio honorandi.

Septi-

Septimò, *Deum non solum secretò, sed palam & publice in conspectu hominum coli oportere.* Etenim cultus eo maxime placet, ut dictum est suprà, articulo 13. quod gignat honorem in aliis. Nisi ergo alii videant, quod in cultu gratissimum est, perit. Postremò, summo conatu *observandas esse leges naturales.* Etenim Domini imperium parvi pendere, superat omnes alias contumelias; sicut & è contrario, omnibus sacrificiis acceptior est obedientia. Atque hæ sunt legum naturalium circa cultum Dei præcipuæ, earum (inquam) quas dictat ratio hominibus singulis. Totis autem civitatibus, quarum unaquæque una est Persona, eadem Ratio naturalis præterea imperat *Cultus Publici uniformitatem.* Nam quæ actiones fiunt à singulis secundum rationem privatam, eæ civitatis actiones non sunt, neque ergo civitatis cultus. quod autem fit à civitate, fieri intelligitur ejus, vel eorum qui summum habent imperium, ideoque consensu civium simul omnium, id est, *uniformiter.*

XVI. *Leges naturales* circa cultum *In regno* divinum, quæ præcedente articulo numerantur, signa honoris naturalia tantum exhiberi præcipiunt. Considerandum autem est, duo esse genera signorum; alterum *Naturalium*, alterum *Positivorum*, sive ex constituto expresso, *Dei naturali, civitatem possesse cultum Dei institueret arbitrio suo.*



so, vel tacito. Quoniam jam in omni  
linguâ, *Nominum* sive *Appellationum*  
usus ex constituto oritur, etiam ex con-  
stituto poterit mutari. Quod enim de-  
pendet & vim suam derivat à volun-  
tate hominum, eorundem consentien-  
tium voluntate mutari, vel aboleri po-  
test. *Nomina* ergo quæ ex constituto ho-  
minum obtinuerunt Deo *attribui*, co-  
rundem constituto cessare possunt: quod  
autem constituto hominum potest  
fieri, id constituere civitati licet. Jure  
ergo civitas (hoc est ii, qui totius civi-  
tatis potestatem habent) quæ *nomina*  
sive *appellationes* Deo *honorificæ* sint,  
quæ non sint, hoc est, quæ doctrinæ  
de natura & operationibus Dei publi-  
cè tenendæ, vel profitendæ sunt, judi-  
cabit. Actiones autem significant non  
ex constituto hominum, sed naturali-  
ter, sicut effectus sunt signa suarum cau-  
sarum; quarum quædam semper signa  
sunt contemptus eorum, coram quibus  
fiunt, nimirum quibus ostentatur corpo-  
ris immundities, & quæcunque pudet  
facere coram iis quos reveremur. Aliæ  
semper signa sunt honoris, ut, accedere,  
& alloqui decenter, & humiliter, cede-  
re de via, vel de alio quocunque com-  
modo. Nihil in his mutare civitas po-  
test. Sed infinitæ aliæ sunt, quæ, quod  
attinet ad honorem aut contumeliam,  
adia-



adiaphoræ sunt; eæ verò in signa honoris à civitate & institui possunt, & institutæ revera honorificæ sunt. Ex quo intelligi potest, civitati obediendum esse, quicquid jusserit pro signo honorandi Deum, id est, pro cultu usurpari, modo id in signum honoris institui possit; quia honoris signum est, quod jussu civitatis pro tali usurpatur.

XVII. Regnante Deo per solam naturam, quæ sint leges ejus, tam sacræ quam seculares, diximus jam. Quoniam autem nemo est, quin falli ratiocinando possit, contingatque circa plerasque actiones, homines discordi sententiâ esse, quæri ulterius potest, quemnam, *rectæ rationis*, hoc est, legum suarum *interpretem* Deus esse voluerit. Et de *legibus* quidem *secularibus*, id est, de iis quæ pertinent ad justitiam, & mores hominum versus homines, ex antè dictis de civitatis constitutione, rationi consentaneum esse demonstravimus, *judicia* omnia esse penes civitatem; *judicia* autem nihil aliud esse, quam legum interpretationes: & per consequens *legum interpretes* ubique esse civitates, hoc est, eos qui civitatum habent imperium summum. De *legibus* autem *sacris* considerandum est, quod supra cap. 5. artic. 13. demonstravimus, singulos cives tantum juris in eum vel eos qui impe-

*Regnante  
Deo per  
naturam  
solam, le-  
gum o-  
mnium in-  
terpretem  
esse civi-  
tatem, id  
est, eum  
hominem,  
vel cu-  
riam, quæ  
habet sub  
Deo civi-  
tatis im-  
perium  
summum.*

rium habent civitatis, quantum transferre potuerunt, transfulisse. Potuerunt autem transferre jus decernendi de modo quo Deus honorandus sit. ergo & transfulerunt. Quod autem id potuerint, ex eo manifestum est, quod modus honorandi Deum ante constitutam civitatem ab uniuscujusque *ratione privatâ* petendus erat. unusquisque autem *rationem privatam*, *rationi totius civitatis* submittere potest. Præterea si singuli propriam rationem in colendo Deo sequerentur, in tanta diversitate colentium, alter alterius cultum indecorum, vel etiam impium judicaret; neque alter alteri Deum honorare videretur. non esset ergo *cultus*, ne is quidem qui maximè cum ratione congrueret, propterea quod natura *cultus* in eo consistit, ut sit *signum honoris interni*: signum autem non est nisi quo aliquid innotescit aliis. neque ergo signum honoris est, nisi quod aliis sic videtur. Rursus signum verum est, quod consensu hominum fit signum, ergo etiam honorificum est, quod consensu hominum, id est, jussu civitatis fit signum honoris. non est ergo contra voluntatem Dei, per solam rationem declaratam, exhibere ipsi signa honoris quæ imperabit civitas. Possunt ergo cives jus decernendi de modo colendi Deum, in eum vel eos trans-

transferre, qui civitatis habent imperium summum. Imò debent; alioquin enim, omnes absurdæ opiniones de natura Dei, ceremoniæque omnes ridiculæ, quæ apud ullas gentes exstiterent, in eadem simul civitate conspicerentur; ex quo contingeret unicuique credere, cæteros omnes Deum contumeliâ afficere. Itaque de nemine rectè dici posset, quod Deum coleret: nemo enim Deum colit, id est, honorat externe, nisi is qui ea facit, quibus aliis appareat honorare. Concludi itaque potest, *legum naturalium*, tam *sacrarum*, quam *secularium*, regnante Deo per solam naturam, *interpretationem*, dependere ab autoritate civitatis, hoc est, ejus hominis, vel curiæ, cui concessum est summum civitatis imperium; & Deum, quicquid imperat, per ejus vocem imperare. Et, è converso, quod ab iis imperatur & circa modum honorandi Deum, & circa secularia, imperari à Deo.

XVIII. In contrarium autem in-  
 terrogare quis poterit, Primo, an non  
 sequatur, obediendum civitati esse, si  
 directè imperat, Deum contumeliâ af-  
 ficere, vel prohibeat colere? Dico, non  
 sequi, neque esse obediendum. nam  
 contumeliâ afficere, aut non omnino  
 colere, à nemine intelligi potest pro

modo colendi: neque etiam habuit quifquam ante civitatem constitutam, eorum, qui Deum regnare agnoverunt, jus negandi honorem ipsi inde debitum: neque ergo jus talia imperandi in civitatem transferre potuit. Deinde, si quæ-  
ratur, an obediendum civitati sit, si imperet aliquid dici, vel fieri, quod non est directè in Dei contumeliam, sed ex quo per ratiocinationem consequentiæ contumeliosæ possunt derivari; veluti si imperetur Deum colere sub imagine, coram iis, qui id fieri honorificum esse putant? Certè faciendum (\*) est. Cultus enim instituitur in signum honoris: sic autem colere, signum honoris est, & honorem Dei propagat apud eos quibus pro signo habetur. Vel si imperetur Deo nomen attribuere; quod non intelligimus quid significet, aut quomodo cum hoc ipso nomine, *Deo*, cohæreat; id quoque faciendum est; quia quæ facimus honoris causâ, nec intelligimus aliter se habere, si pro signis honoris accipiuntur, signa honoris sunt, ideòque, si ea facere recusamus, recusamus Dei honorem propagare. Idem sentiendum est de omnibus *attributis & actionibus* circa cultum Dei mere rationalem, quæ cadere in controversiam, vel disputari possunt. Quamquam enim huiusmodi imperata possunt esse interdum



dum contra rectam rationem, ideòque peccata in iis qui imperant, non tamen sunt contra rectam rationem, neque peccata in subditis, quorum in rebus controversis recta ratio est ea quæ submittitur rationi civitatis. Postremò, si is homo vel curia cui commissa est summa potestas civitatis, jubeat se coli *attributis* & *actionibus* illis, quibus colendus est Deus, quæri potest an obediendum sit. Multa sunt quæ & Deo & hominibus communiter attribui possunt; nam & homines *laudari*, & *magnificari* possunt; multæque actiones, quibus & Deus & homines coli possunt. Sed *attributorum* & *actionum* significationes tantum spectandæ sunt. *Attributis* ergo quibus significamus sentire nos, hominem aliquem ita imperium habere, ut à Deo non dependeat; vel esse immortalem, vel potentix infinitæ, & similibus, quamquam jubeant Reges, abstinendum est; sicut & *actionibus* idem significantibus, ut precari absentem, rogare ea quæ solus Deus dare potest, ut pluvias, & serenitatem; offerre ei quæ solus Deus accipere potest, ut holocausta; vel cultum exhibere, quo major exhiberi potest, ut sacrificium. Hæc enim eo tendunt, ne Deus regnare existimetur, contra id quod ab initio supponitur. Cæterum genuflexio, prostratio, vel aliud

quicumque actus corporis adhiberi licitè potest, etiam in cultu civili: possunt enim significare agnitionem potestatis civilis tantùm. Cultus enim divinus à civili, non motu, situ, habitu, aut gestu corporis distinguitur, sed sententiæ de eo qui colitur declaratione; ut si prosternamus nos ante aliquem animo declarandi eo signo quod habemus eum pro Deo, cultus divinus est: si idem facimus in signum agnitionis imperii civilis, cultus civilis est. Neque distinguitur *cultus divinus* à *civili* per ullam actionem quæ intelligi solita est sub nominibus *λατρεία* & *δουλεία*, quorum prius servorum officium, posterius sortem denotans, nomina sunt ejusdem numero actionis.

Annota-  
tio.

Certè faciendum est.] Diximus capitis presentis articulo 14. qui Deo terminos attribuunt, facere eos contra legem de cultu Dei naturalem. Iam qui Deum colunt sub imagine, terminos illi statuunt. faciunt ergo quod faciendum non est, & locus hic priori videtur esse contrarius. Sciendum igitur est primò, non illos qui imperio coacti sic colunt, Deo terminos assignare; sed qui imperant. nam qui invitati colunt, revera colunt, sed eo in loco stant vel procumbunt in quo loco stare vel procumbere à legitimo imperante jussi sunt.

Secundo,

*Secundo, faciendum esse dico, non semper & ubique, sed supposito nullam aliam esse colendi Deum regulam præter dictamina humane rationis; nam tunc voluntas civitatis pro ratione est. At in Regno Dei per Pactum, sive antiquum sive novum, ubi expresse prohibetur Idololatria, etsi civitas sic colere jubeat, tamen faciendum non est. Quæ si consideraverit, qui repugnantiam putavit esse aliquam inter articulum hunc & decimum quartum, ita putare desinet.*

**XIX.** Ex iis quæ dicta sunt, colligitur, Regnante Deo per solam rationem naturalem, peccare subditos, primò, si violant leges morales illas, quæ explicatæ sunt cap. 2. & 3. Secundo, si violant leges sive mandata civitatis in iis rebus quæ pertinent ad justitiam. Tertio, si non colant Deum κατὰ τὸ νόμιμον. Quarto, si non confiteantur coram hominibus verbis & factis, unum esse Deum Optimum, Maximum, Beatissimum, totius mundi, mundanorumque Regum Regem supremum: Hoc est, si Deum non colunt. Quartum hoc peccatum in Regno Dei naturali, per ea quæ dicta sunt capite præcedente, articulo 2, *læsæ divinæ Majestatis crimen* est. Est enim negatio divinæ potestatis, sive *Atheismus*. Proce-



dunt enim Peccata hic similiter ac si supponeremus aliquem hominem esse supremum Regem, qui absens regnaret per Proregem, contra quem peccarent quidem illi, qui Proregi non obedirent in omnibus, excepto si regnum sibi ipsi arrogaret, vel alii tradere voluerit, illi verò qui ita absolutè eidem obedirent, ut illud non exciperent, Rei majestatis dicerentur.

## CAPUT XVI.

De Regno Dei per pactum  
vetus.

- I. Veram religionem (superstitione exterarum nationum occupante) instituit Deus per Abrahamum. II. Pacto inter Deum & Adamum, prohibita est disputatio de mandatis superiorum. III. Pacti inter Deum & Abrahamum formula. IV. In pacto illo continetur agnitio non simpliciter, sed ejus qui apparuit Abrahamo. V. Leges quibus Abrahamus tenebatur, aliae non erant præter leges naturæ, & legem Circumcisionis. VI. Abrahamus verbi Dei, & legum omnium apud suos interpret. erat. VII. Subditi Abrahami peccare non potuerunt ipsi obdiendo. VIII. Pactum Dei cum populo Hebræo ad montem Sinai. IX. Inde regimen Dei nomen Regni sortitum est. X. Quanam leges Judæis à Deo impostæ sint. XI. Quid sit, & quomodo cognoscendum Verbum Dei. XII. Quodnam fuerit Verbum



Verbum Dei scriptum apud Judæos. x i i i. Potestatem interpretandi Verbum Dei, & summam potestatem civilem conjunctas fuisse in Moſe, dum viveret. x i v. Eaſdem conjunctas fuisse in ſummo Sacerdote, vivente Joſua. x v. Eaſdem conjunctas fuiſſe in ſummis Sacerdotibus uſque ad Saulẽ Regem. x v i. Eaſdem conjunctas fuiſſe in Regibus uſque ad captivitatem. x v i i. Eaſdem fuiſſe in Sacerdotibus poſt captivitatem. x v i i i. Apud Judæos, negatio providentiæ divinx, & Idololatria, ſola erant criminaliſſæ Majestatis divinx; in cæteris omnibus, Principibus ſuis parere debebant.

I. **H** Abet hoc humanum Genus, ab *Veram* imbecillitatis propriæ conſcien- *religionem* tiâ, & admiratione eventuum natura- *(ſuperſti-* lium, ut plerique credant eſſe omnium *tione ca-* rerum viſibilium, Opificem inviſibilem *teras na-* Deum; quem etiam metuunt ſentientes *tiones oc-* non eſſe ſibi ſatis tutelæ in ſe iſſis. Cæte- *cupante)* rum, ut cum rectè colerent imperfectus *inſtituit* uſus rationis, & affectuum vehementia *Deus per* obſtitere. Metus autem inviſibilium, *Abraham* quando à recta ratione ſeparatur, ſuper- *mum.* ſtitio eſt. Hominibus itaque ſine ſpeciali Dei auxilio, utrumque ſcopulum effugere *Atheiſmum & ſuperſtitionem*, penè erat impoſſibile. hæc enim à metu ſine rectâ ratione, ille à *rationis opinione* ſine metu proficiſcitur. Maximam itaque partem hominum facile occupavit *Idololatria*; & coluerunt Deum omnes pene

Gentes sub *imaginibus* & *figuris* rerum finitarum, spectraque sive phantasmata, forte ex metu dæmonia appellantes, coluere. Placuit autem divinæ majestati (ut in Historia sacra scriptum legimus) ex genere humano unum per quem ad verum sui cultum homines perduceret, evocare *Abrahamum*; illi se supernaturaliter revelare; & cum illo atque illius semine celeberrimum illud inire Pactum, quod appellatur *Pactum*, & *Fædus*, & *Testamentum Antiquum*. Is igitur Religionis veræ caput est; is *Post diluvium* unum esse Deum Creatorem Universi primus docuit. Et ab eo Regnum Dei per *Pacta* initium sumit. Joseph. Antiq. Jud. lib. i. cap. 7.

*Pactum inter Deum & Adamum, prohibita est dispositio de mandatis superio- rum.*

II. Initio mundi regnavit quidem Deus, non solum naturaliter, sed etiam per *pactum*, super *Adamum* & *Evam*; ut videatur nullam voluisse obedientiam præstari sibi, præter illam quam dictaret ratio naturalis, nisi per *pactum*, id est, ex ipsorum hominum consensu. Quoniam autem *pactum* hoc statim irritum factum est, neque unquam post renovatum, non est inde Regni Dei (de quo hoc loco agimus) deducenda origo. Hoc tamen obiter notandum, præcepto illo de non comedendo de arbore scientiæ boni & mali, (sive judicatio de Bono & Malo prohibita sit, sive esus fructus

fructus alicujus arborei) Deum postulasſe præceptis ſuis obedientiam ſimpliciſſimam, ſine diſputatione, an Bonum vel Malum eſſet quod præciperetur; fructus enim arboris, ſi mandatum abſit, nihil habet in natura ſua, quo eſus ejus moraliter *malus*, hoc eſt, *peccatum* eſſe poſſit.

III. Pactum autem inter Deum & *Pacti Abrahamum* hac formulâ initum eſt. *inter* Gen. 17. verſ. 7, 8. Statuam pactum *Deum & Abrahamum* meum inter me & te, & inter ſemen *ſer-* tuum poſt te in generationibus ſuis fœdere *monia.* ſempiterno, ut ſim Deus tuus & ſeminis tui poſt te in ſempiternum. Daboque tibi & ſemini tuo terram peregrinationis tuæ, omnem terram Chanaan in poſſeſſionem æternam Quo verd Abrahamus & ſemen ejus memoriam fœderis hujus conſervare poſſet, neceſſaria erat ſigni inſtitutio. Adjecta ergo eſt pacto Circumciſio, ſed tamen ut ſignum tantum. verſ. 10. Hoc eſt pactum meum quod obſervabis inter me & te, & ſemen tuum poſt te: Circumcidetur ex vobis omne maſculinum, & circumcidetis carnem præputii veſtri, ut ſit in ſignum Fœderis inter me & vos. Pactum ergo eſt, ut Abrahamus agnoſcat, Deum eſſe Deum ipſius & ſeminis ejus, hoc eſt, illi ſubmittat ſe regendum; & ut Deus det Abrahamo hæreditatem terræ illius in qua tunc ha-

bitabat, sed ut peregrinus; utque *Abrahamus* in signum memoriale hujus pacti curaret se & semen ejus masculinum *circumcidi*.

In Pacto  
illo conti-  
netur a-  
gnitio  
Dei, non  
simplici-  
ter, sed  
ejus, qui  
apparuit  
*Abrahamo*.

IV. Cum verò *Abrahamus* etiam ante pactum Deum agnovisset mundi creatorem & regem, (neque enim de *existentia*, neque de *Providentia* Dei unquam dubitavit:) quomodo superfluum non erat, quod obedientiam sibi naturâ debitam voluerit Deus pretio & per *contractum* acquirere, promittendo scilicet *Abrahamo* Regnum terræ *Chanaan*, hac lege, ut acciperet eum pro Deo suo, cum jure naturali id jam ante esset? Illis itaque verbis, *ut sim Deus tuus & seminis tui post te*, non intelligitur satisfieri huic pacto ab *Abrahamo*, solâ agnitione potestatis, & dominii, quod Deus habet in homines naturaliter, hoc est, agnoscendo Deum indefinitè, quod *rationis naturalis* est; sed oportere eum agnoscere definitè illum, qui dixerat ipsi, Gen. 12. vers. 34. *Egredere de Terra tua*, &c. Gen. 13. vers. 14. *Leva oculos*, &c. Qui apparuit ei. Gen. 18. v. 1. sub specie trium virorum Cœlestium: & Gen. 15. vers. 1. per visionem: & vers. 3. per somnium, quod *Fidei* est. Qua specie apparuerit Deus *Abrahamo*, quali sono eum alloquutus sit, non explicatur; constat tamen, credidisse *Abrahamum*.



*hamum*, vocem illam fuisse vocem Dei, & revelationem veram, & voluisse à suis coli illum, qui sic eum alloquutus erat, pro Deo universi creatore; fidemque ejus in eo sitam fuisse, non quod crediderit Deum esse, aut in promissis veracem esse, id quod credunt omnes, sed quod non dubitaverit Deum fuisse illum, cujus vocem & promissa audierat. Et Deum *Abrahami* significare, non simpliciter Deum, sed Deum illi apparentem, quem admodum cultus quem *Abrahamus* debebat Deo, eo nomine non erat cultus rationis, sed religionis & fidei; nec quem ratio, sed quem Deus supernaturaliter revelaverat.

V. Leges autem *Abrahamo* à Deo, *Leges qui-*  
vel ab *Abrahamo* familiae suae positas, *bus Abra-*  
tunc vel post, seculares, vel sacras, *hamus te-*  
(excepto mandato de *circumcisione*, *nebatur,*  
quod in ipso *Pacto* continetur) nullas *alia non*  
legimus. Ex quo manifestum est, non *erant pra-*  
fuisse alias leges, aut cultum quibus *ter leges*  
*Abrahamus* tenebatur, praeter leges na- *natura,*  
turales, & cultum rationalem, & cir- *& legem*  
cumcisionem. *circumci-*  
*sionis.*

VI. Erat autem *legum* omnium in- *Abraha-*  
*terpres*, tam sacrarum, quàm secularium, *mus, ver-*  
apud suos *Abrahamus*, non modò natu- *bi Dei, &*  
raliter, quatenus legibus uteretur natu- *legum o-*  
ralibus tantum, sed etiam ex ipsa pacti *mnium,*  
formula, quâ promittitur ab *Abrahamo* *apud suos*  
*interpret*

obedientia, non pro se tantum, sed etiam pro semine suo. *Quod frustra fuisset nisi filii ejus illius mandatis obedire tenerentur. Atque quod dicit Deus, Gen. 18. vers. 18. Benedicendæ sunt in illo omnes nationes terræ: scio enim quod præcepturus sit filius suis & domui suæ post se, ut custodiant viam Domini, & faciant judicium & justitiam.* quomodo intelligi potest, nisi filii & domus ejus teneri ad obedientiam illius mandatis præstandam supponerentur?

Subditi

*Abrahami ipsi peccare non potuerunt, ipsi obedien-*  
do.

VII. Sequitur hinc, subditos *Abrahami* ipsi obediendo peccare non potuisse, modò *Abrahamus* non imperasset *Dei existentiam* vel *Providentiam* negare, vel facere aliquid, quod esset expresse contra honorem Dei. In cæteris rebus omnibus *Verbum Dei* ex illius solius ore petendum erat, ut *legum omnium & verborum Dei interpretis*. Deus enim *Abrahami* quis fuerit & quomodo colendus, ab *Abrahamo* solo doceri poterant. Qui vero post *Abrahami* mortem subditi erant imperio *Isaaci* aut *Jacobi*, sine peccato per eandem rationem ipsis in omnibus paruere, quamdiu pro Deo & Rege suo agnoscerent & profiterentur Deum *Abrahami*. Prius enim Deo simpliciter se submiserant, quàm *Abrahamo*; prius autem *Abrahamo*, quàm Deo *Abrahami*, & rursus prius

prius Deo *Abrahami*, quàm *Isaaco*. In subditis itaque *Abrahami*, unicum erat crimen læsæ majestatis divinæ, negare Deum; sed in posteris eorum, læsæ majestatis crimen hoc quoque erat, negare Deum *Abrahami*, hoc est, colere Deum aliter quàm ab *Abrahamo* est institutum, nimirum sub imaginibus (\*) manu-factis, prout fecerunt cæteræ nationes, quæ propter eam causam appellabantur *Idololatæ*. Atque hucusque subditi circa mandata principum suorum, quid faciendum & quid fugiendum erat, satis facile dignoscere potuerunt.

Sub Imaginibus manu-factis] *Vide Annotac.* cap. 15. art. 14. ibi cultum talem irrationalem esse ostendimus. At si jussu civitatis fiat, cui verbum Dei scriptum non est cognitum neque receptum, cultum talem cap. 15. art. 18. ostendimus esse rationalem. Cæterum ubi Deus regnat per pactum, in quo, ne sic colant, expresse caveatur, ut per pactum *Abrahami*; ibi sive injussu sive jussu civitatis fiat, male fit.

VIII. Ut pergamus jam, ductum *Пактъм* sequendo scripturæ sacræ, idem *Пактъм Dei* cum renovatum est, Gen. 26. vers. 3, 4. cum populo *He. Isaaco*. & Gen. 28. vers. 14. cum *Jacobo*, *bræo ad* ubi Deus se appellat non simpliciter *montem Dei*, quem natura esse dictat; sed di- *Sinai.*  
stinctè,



stinctè, *Deum Abrahami & Isaaci*: & post, idem *Pactum* renovaturus per *Mosen* cum toto populo *Israëlis*, *Exod. 3. vers. 6.* Ego, inquit, *sum Deus patris tui, Deus Abraham, Deus Isaac, & Deus Jacob.* Deinde cum populus ille constisset in deserto prope montem *Sinai*, non modo liberrimus, sed etiam subjectionis humanæ propter memoriam recentem servitutis *Ægyptiacæ* inimicissimus, *Pactum* illud antiquum propositum est omnibus redintegrandum, hac formula, *Exod. 19. vers. 5.* Si ergo audieritis vocem meam & custodieritis *Pactum* meum (nimirum *Pactum* initum cum *Abrahamo, Isaaco, & Jacobo*) eritis mihi in peculium ex cunctis populis, mea est enim omnis terra, & vos eritis mihi in Regnum Sacerdotale, & gens sancta. Respondit autem omnis populus simul, *vers. 8.* Cuncta quæ loquutus est Dominus, faciemus.

Inderegi-  
nem Dei,  
nomen re-  
gni sorti-  
tum est.

IX. In hoc Fœdere animadvertendum est inter alia, appellatio Regni non ante usurpata. Quamquam enim Deus & per naturam, & per *Pactum* cum *Abrahamo* esset ipsorum Rex, debebant tamen ei obedientiam & cultum naturalem tantum, quatenus subditi ipsius; religiosum verò qualem instituit *Abrahamus*, quatenus subditi *Abrahami, Isaaci, vel Jacobi* suorum Principum natura-



turalium. ipsi enim *Verbum Dei* nullum acceperant præter illud naturale verbum rectæ rationis, neque *pactum* inter Deum & ipsos ullum intercesserat, nisi quatenus voluntates eorum includerentur in voluntate *Abrahami*, ut Principis sui. Jam verò per pactum initum ad montem *Sinai*, consensu habito singulorum, fit *regnum Dei* super eos *institutivum*. Ab hoc tempore initium habet celeberrimum illud in scripturis sacris, & scriptis Theologorum *Regnum Dei*: atque huc spectat, quod cum *Israëlitæ* Regem exposcerent, dixit Deus *Samueli*, 1 Sam. 8. vers. 7. *Non te abjecerunt, sed me, ne regnem super eos.* & quod dixit *Samuel Israëlitis*, 1 Sam. 12. vers. 12. *Dixistis, Rex imperabit nobis, cum Dominus Deus vester regnaret in vobis* & quod dicitur *Jerem.* 31. vers. 31. *Pactum, quod pepigi, &c. cum ego dominatus sum eorum.* atque etiam doctrina *Judæ Galilæi*; cujus mentio fit apud *Joseph. Ant. Jud. lib. 18 cap. 2.* his verbis: *Quartæ autem studium sapientiæ sectantium viæ primus autor fuit Judas Galilæus. Hi cetera cum Pharisæis consentiunt, nisi quod constantissimo libertatis amore flagrant, credentes solum Deum, Dominum habendum ac Principem, & facilius vel exquisitissima pœnarum genera laturi, unâ cum cognatis suis ac carissimis,*

*simis, quàm mortalem aliquem appellare Dominum.*

*Quanam  
leges Ju-  
daeis à  
Deo im-  
posita  
sint.*

X. Jure regni per *Pactum* sic constituto, videndum proximo loco est, quasnam eis Deus proposuerit *leges*. Ex verò omnibus notæ sunt, nimirum *Decalogus*, & illæ aliæ tam *judiciales*, quàm *ceremoniales*, quæ habentur à *vicefimo* capite *Exodi* usque ad finem *Pentateuchi*, & obitum *Mosis*. *Legum* autem in universum per manum *Mosis* traditarum, aliæ sunt quæ naturaliter obligant, ut quæ à *Deo*, quatenus *Deo naturæ*, latæ sunt, & vim suam obtinuerunt etiam ante *Abrahamum*. Aliæ quæ obligant ex vi *pacti* initi cum *Abrahamo*, ut pote latæ à *Deo*, quatenus *Deo Abrahami*, quæ vim suam habuerunt ante *Mosen*, propter *Pactum* illud prius. Aliæ verò obligant ex *pacto* illo solo quod postremum, initum est cum ipso populo, utpote latæ à *Deo* quatenus *Rege peculiari Israëlitarum*. Primi generis sunt omnia præcepta *Decalogi* quæ pertinent ad mores, qualia sunt, *Parentes honora-  
bis; non occides; non mæchaberis; non fu-  
raberis; non dices falsum testimonium;  
non concupisces*. Sunt enim *leges naturales*. Præterea præceptum *de non assu-  
mendo Dei nomine in vanum*; est enim pars cultus naturalis, ut ostensum est capite præcedente, articulo 15. Item se-  
cundum,

cundum, *de non adorando per imaginem à se ipsis factam*; est enim & hoc religionis naturalis, ut eodem articulo ostenditur. Secundi generis est præceptum *Decalogi primum, de non habendis diis alienis*; in eo enim consistit essentia *pacti Abrahami*, per quod Deus nihil aliud exigit, quam ut ipse Deus ipsius esset & seminis ejus. - Item præceptum *de sanctificando sabbato*. Est enim instituta septimi diei sanctificatio in memoriam creationis Hexemeræ, ut apparet ex his verbis, *Exod. 31. v. 17. Pactum est subauditur sabbatum) sempiternum inter me & filios Israël, signumque perpetuum: sex enim diebus fecit Dominus cælum & terram, & in septimo die ab opere cessavit*. Tertii generis sunt leges *politice, judiciales, ceremonialesque*, quæ spectabant ad *Judæos* solos. Primi & secundi generis *leges in tabulis lapideis scriptæ*, nempe *Decalogus*, in ipsa *Arca* conservabantur: cæteræ scriptæ in totius legis volumine reponebantur in *arca latere*. *Deut. 3. v. 26.* hæ enim retenta fide *Abrahami* poterant mutari, illæ non poterant.

XI. *Leges Dei omnes sunt Verbum Quid sit, Dei, sed non è converso omne Verbum & quod Dei est lex. Ego sum Dominus Deus modo cognoscendum Verbum Dei est, lex non est. Neque omne id Verbum Dei.*

id quod ad *Verbum Dei* declarandum; unà cum ipso enunciatur, aut scribitur, statim *Verbum Dei* est. Nam, *hæc dicit Dominus*, non est Domini vox, sed præconis, sive Prophetæ. Id omne & solum *Verbum Dei* est, quod Deum loquutum esse pronuntiavit Prophetæ verus. Scripta autem Prophetarum comprehendentia tam quæ Deus, quam quæ ipse Prophetæ dicit, ideo *Verbum Dei* appellantur; quia *Verbum Dei* continent. Quoniam autem *Verbum Dei* id omne & solum est, quod pro tali exhibetur à vero Prophetæ, sciri quid sit *Verbum Dei*, antè non potest, quam cognoscatur quis sit Prophetæ verus; nec *Verbo Dei* credi, quàm credatur Prophetæ. *Mosè* à populo *Israëlitico* creditum est propter duas res: *miracula*, & *fidem*. utcunque enim magna & evidentissima *miracula* operatus fuerat, non tamen ei credidissent, saltem non credendum erat, si ad alium cultum eos ex *Ægypto* evocasset, quam ad cultum Dei *Abrahami*, *Isaaci*, & *Jacobi*; patrum suorum. Fuisset enim contra *Pactum* ab illis cum Deo initum. Similiter duæ res sunt, nimirum *prædictio futurorum supernaturalis*; quod est ingens miraculum, & *fides in Deum Abrahami liberatorem eorum ex Ægypto*, quas Deus omnibus *Judeis* pro notis veri Prophetæ habent.



bendas proposuit. Cui alterutra harum deest, is propheta verus non est, nec pro verbo Dei habendum est, quod pro tali obtendit. Si desit fides, reprobat<sup>ur</sup> his verbis: Deut. 13. vers. 1, 2, 3, 4, 5. *Si surrexerit in medio tui Propheta, aut qui somnium vidisse se dicat, & prædixerit signum atque portentum, & evenerit quod loquutus est, & dixerit tibi: eamus, & sequamur Deos alienos, &c. Prophe- ta ille, aut fictor somniorum interficietur.* Si prædictio eventuum desit, rejicitur his verbis; Deut. 18. vers. 21. 22. *Quod si tacita cogitatione responderis, quomodo possum intelligere, quod Verbum Dominus non est loquutus? Hoc habebis signum. Quod in nomine Domini Propheta ille prædixerit, & non evenerit, hoc Dominus non est loquutus, sed per tumorem animi sui Propheta confinxit.* Jam quod Verbum Dei sit id quod per verum Prophetam pro tali enunciatur, & quod verus Pro- pheta apud Judæos fuerit, cujus fides vera erat, & cujus prædictionibus eventus respondebant, extra controversiam est. Sed quid sit sequi Deos alienos, & utrum eventus, qui prædictionibus respondere affirmantur, eis verè respondeant, necne. multas controversias pati potest, præser- tim in prædictionibus quæ obscurè at- que ænigmaticè eventum præsignifi- cant, quales sunt prædictiones propheta-  
rum

rum ferè omnium, ut qui non palam, sicut Moyses, sed *per ænigmata & figuras Dominum vident*. Num. 12. vers. 8. De his autem judicari aliter non potest, quam per *Rationem naturalem*. dependet enim judicatio illa ex interpretatione Prophetæ & comparatione ejusdem cum eventu.

*Quodnam  
fuerit  
verbum  
Dei scri-  
ptum.*

XII. Pro *Verbo Dei scripto* habebant *Judei* librum legistotius, qui appellabatur *Deuteronomium*; usque autem ad captivitatem, quantum ex Historia sacra colligi potest, illum solum. nam liber hic traditus est ab ipso *Mose* Sacerdotibus asservandus & reponendus in latere *Arcae Fœderis*, & à Regibus describendus, Deut. 3. vers. 9. 26. idemque longo post tempore autoritate Regis *Josia* pro *Verbo Dei* recognitus; 2 Reg. 23. vers. 1. Cæteri verò libri Testamenti veteris quando fuerint in canonem primum recepti, non apparet. Quod autem attinet ad Prophetas, *Isaiam* & cæteros, cum prædicerent non nisi ea, quæ vel in captivitate, vel post captivitatem futura erant, eorum scripta non potuerunt pro Propheticiis illico haberi, propter legem suprâ citatam ex Deut. 18. vers. 21. 22. quâ jubebantur *Israelitæ*, ne pro Propheta haberent, nisi eum cujus prædictionibus eventus responderent. Atque hinc fortè est, quod *Judei*, quos interfe-

cerunt,

cerunt, cùm prophetarent, eorum scripta post, propter eventum prædictionum, pro Prophetis, hoc est pro verbo Dei habuerunt.

XIII. Cognitio, quæ fuerint sub *Potestate veteris legis*, & quod *Verbum Dei* interpretandum ab initio receptum; considerandum deinceps est, penes quem, vel quos, de *Verbo Dei*, scriptis Prophetarum post surgentium, & an recipienda essent pro *Verbo Dei*, id est, summam an eventus prædictionibus responderent, potestatem civilem con-leges jam receptas & *Verbum Dei* scriptum interpretandi resideret autoritas; fuisse in id quod per singula tempora, & mutationes Reipublicæ Israëliticæ investigandum est. *Mose dum viveret.*

Manifestum autem est, potestatem hanc, vivente *Mose*, totam fuisse penes ipsum. Nam si ipse *interpres legum & Verbi* non esset, oportet ut munus illud pertinuerit vel ad singulos privatim, vel ad congregationem sive Synagogam plurimum, vel ad summum Sacerdotem, vel ad alios Prophetas. Primo, munus illud minimè fuisse privatorum hominum, aut congregationis ex illis compositæ, ex eo constat, quod non adhibiti, imò prohibiti fuerint gravissimis minis, ne aliter quàm per *Mosen*, Deum audirent. Nam scriptum est, *Sacerdotes autem & populus ne transcant terminos, nec ascendant*



dant ad Dominum, ne fortè interficiat illos. descenditque Moses ad populum, & omnia narravit eis. Exod. 19. 24, 25. Deinde quod neque singuli, neque congregatio debeat prætere, quod Deus per illos loquutus sit, & per consequens, quod ipsi *Verbum Dei interpretandi* jus habeant, ortâ occasione ex seditione *Core, Dathan, Abiron*, & ducentorum & quinquaginta Synagogæ procerum, manifestè & expresse declaratur. Nam contendentibus illis, Dominum non minus loqui per ipsos, quam per Moysen, sic arguunt: *sufficiat vobis: quia omnis multitudo sanctorum est, & in ipsis est Dominus; cur elevamini super populum Domini?* Num. 16. v. 3, Quid autem de hac controversia statuerit Dominus, ex eo intelligitur, quod descenderunt (*Core, Dathan & Abiron*) vivi in infernum, & ignis egressus à Domino interfecit ducentos quinquaginta viros ibid. v. 33. & 35.

Secundò, Auctoritatem illam non fuisse penes Aaronem summum Sacerdotem, manifestum est ex simili controversia inter ipsum unà cum *Maria* sorore, & Moysen. Quæstio enim erat an Deus per *Mosen* solum loquutus fuerit, an etiam per ipsos, hoc est, an solus *Moses*, an etiam ipsi *Verbi Dei interpretes* essent. Sic enim dixerunt: *Num per*  
*Mosen*



*Mosen loquutus est Dominus? non & nobis similiter loquutus est? Num 12. v. 2. Deus autem hos increpavit, distinxitque inter Mosen & alios Prophetas. Siquis (inquiens) fuerit inter vos Propheta, in visione apparebo ei, vel per somnium loquar ad illum. at non talis servus meus Moses, &c. Ore enim ad os loquor ei, & non per ænigmata & figuras Dominum videt. quare ergo non timuistis? &c. ibid. v. 6 7. 8. Postremò, quod interpretatio Verbi Dei, viventi Mose, non fuerit penes Prophetas alios quoscunque, ex eo colligitur, quod jam citavimus de excellentia ejus super omnes alios; & ex ratione naturali, quandoquidem ejusdem Prophetæ est, mandata Dei & ferre & explicare; aliud autem verbum Dei tunc non erat præter illud, quod per Mosen annunciatum est. Et ex eo etiam quod Propheta eo tempore alius existerit nemo, qui ad populum prophetaverit, præter 70 seniores, qui per spiritum Mosi prophetaverunt. Atque id quoque injuria factum credebat Josua, Mosi tunc minister, post successor, donec consentiente Mose factum sciret. id quod ex ipso textu Scripturæ manifestum est. Descendit Dominus per nubem, &c. auferens de spiritu, qui erat in Mose, & dans septuaginta viris. Num 11. v. 25. Postquam autem nunciatum esset,*

N

quod

quod prophetarent, dixit *Josua* ad *Mosen*: *Domine mi, prohibe eos.* *Moses* autem respondit, *quid emularis pro me?* &c. Cum ergo *Moses* solus *Verbi Dei* nuncius esset, neque erat munus interpretandi penes *privatos*, nec penes *Synagogam*, nec penes *Sacerdotem*, nec penes *alios Prophetas*; restat, *interpretem Verbi Dei* unum fuisse *Mosen*, qui summam etiam potestatem habebat in rebus civilibus. Certamen autem *Core*, & cæterorum conjuratorum contra *Mosen* & *Aaronem*; & *Aaronis* cum sorore contra *Mosen*, suscitatum fuisse non propter animarum suarum salutem, sed propter ambitionem, & regnum in populum.

*Eisdem  
conjunctas  
fuisse in  
summo  
Sacerdote,  
vivente  
Josuâ.*

XIV. Tempore *Josua* interpretatio legum & *Verbi Dei* erat penes *Eleazarum* summum *Sacerdotem*, eundemque Regem sub Deo absolutum. Id quod colligitur primò ex ipso pacto, in quo *Respublica Israëlitarum* appellatur *Regnum Sacerdotale*, vel, ut recitatur 1 Pet. 2. 9. *Sacerdotium Regale*: quod nullo modo dici poterat, nisi per institutionem & pactum populi potestas Regia intelligeretur esse penes *Sacerdotem*. Neque repugnat antè dictis, ubi non *Aaron* sed *Moses* regnum sub Deo habuit: cum necessarium sit ubi unus homo instituit *Reipublicæ futuræ* formam, illum unum, *Regnum* pro suo tempore moderari (sive

*Mon-*

*Monarchia, sive Aristocratia, sive Democratia sit) quod instituit; & habere potentiam omnem in præsens, quam aliis tributurus sit in futurum. Habuisse autem Eleazarum Sacerdotem non modo Sacerdotium, sed etiam imperium summum, expresse habetur per ipsam Iosua ad administrationem rerum vocationem. Sic enim scriptum est: Tolle Iosua filium Nun, &c. qui stabit coram Eleazaro Sacerdote, & omni multitudine, & dabis ei præcepta cunctis videntibus, & partem gloriæ tuæ, ut audiat eum omnis Synagoga filiorum Israel. Pro hoc, si quid agendum est, Eleazar Sacerdos consulat Dominum, Ad verbum ejus egredietur, & ingredietur ipse, & omnes filii Israel cum eo. Num. 27. v. 18, 19, 20, 21 Ubi consulere Deum, quicquid agendum sit, hoc est, Verbum Dei interpretari, & in nomine Dei imperare in omnibus, pertinet ad Eleazarum; Egredi autem & ingredi ad verbum ejus, hoc est, ei obedire, pertinet & ad Iosua & ad omnem populum. Notandum quoque est, vocem illam, partem gloriæ tuæ, aperte significare, non habuisse Iosua potestatem æqualem ei; quam habuerat Moses. Interim manifestum est, etiam tempore Iosua potestatem summam civilem, & auctoritatem interpretandi verbum Dei, fuisse ambas in eadem persona.*

conjunctas  
fuisse in  
summo  
Sacerdote  
usque ad  
Saulem  
Regem.

XV. Post mortem *Josue* sequuntur tempora *Judicium* usque ad *Saulem* Regem; in quibus manifestum est jus regni à Deo instituti mansisse apud *Sacerdotem*. Erat enim *regnum* ex pacto *Sacerdotale*, id est, regnum Dei per Sacerdotem. atque tale esse debuit, usque dum forma illa à populo ipso, consentiente Deo, mutaretur: id quod non est factum antequam petentibus Regem consensisset Deus, dixissetque Samueli: *Audi populum in omnibus, quæ loquuntur tibi: non enim te, sed me abjecerunt, ne regnem super eos* 1 Sam. 8. v. 7. Potestas itaque civilis summa debebatur *jure*, ex institutione Dei, Sacerdoti summo. Facto autem potestas illa in Prophetis erat, quibus (à Deo extraordinarie suscitatis) *Israelitæ* (gens Prophetarum avida) propter existimationem prophetiæ protegendos se & judicandos jubjecerunt. Ratio hujus rei erat, quod institutione Regni Dei sacerdotalis, etsi pœnæ statuti fuerint & Magistratus qui judicarent; jus tamen pœnas sumendi dependebat ab arbitrio privato. Et penes dissolutam multitudinem & singulos erat, punire vel non punire, prout à privato zelo excitarentur. Ideoque Moses imperio proprio morte multavit neminem; sed quando interficiendus aliquis esset, unus vel plures, in eum vel eos,

(auto-



(autoritate divina , dicendoque, *Hoc dicit Dominus*) multitudinem concitavit. Erat autem conforme hoc naturæ regni Dei peculiaris. Ibi enim verè regnat Deus, ubi legibus, non hominum, sed Dei metu obeditur. Et si quidem homines tales essent, quales esse debent, optimus is esset civitatis status. Sed hominibus quales sunt regendis, necessaria est potentia (qua & jus comprehendo & vires) cogendi. Et propterea etiam ab initio per *Mosen* præscripsit Deus leges futuris Regibus; Deut. 17. v. 14. & *Moses* ultimus ad populum verbis prædixit, *Novi quod post mortem meam inique agetis & declinabitis citò de via, quam præcepi vobis* Deuter. 31. 29. Cum ergo secundum hanc prædictionem surrexerit alia generatio, quæ non noverat Dominum & opera, quæ fecerat cum *Israel*, fecerunt filii *Israel* malum in conspectu Dei, & servierunt *Baalim*: Jud. 2. 10, 11. scilicet abjecerunt regimen Dei, hoc est, Sacerdotis per quem Deus regebat, & postea cum ab hostibus vincerentur & servitute premerentur, Dei voluntatem non amplius à Sacerdote, sed à Prophetis expectare. Hi igitur judicabant *Israël* de facto, jure autem obedientia, eorum debita erat Sacerdoti summo. Quamquam igitur Regnum Sacerdotale post mortem *Mosis* & *Josue* si-

ne viribus erat, non erat tamen sine *jure*. Quod autem ad eundem Sacerdotem pertineret *interpretatio Verbi Dei*, ex eo manifestum est, quod Deus post tabernaculum, & arcam fœderis consecratam, non amplius loquutus sit in monte *Sinai*, sed in tabernaculo Fœderis, à propitiatorio quod erat inter Cherubinos, quo præter Sacerdotem nemini accedere licebat Siquidem igitur *jus Regni* spectetur, simul erat *summum imperium civile*, & *Verbum Dei interpretandi autoritas* in Sacerdote; si vero *factum* consideres, simul erant in Prophetis qui *Israëlitas* judicabant. Nam, ut *judices*, autoritatem habebant civilem; ut *Prophetae*, interpretabantur verbum Dei; atque ita omni modo hucusque duæ illæ potestates inseparabiles exstitere.

*Easdem  
conjunctas  
fuisse in  
Regibus  
usque ad  
captivi-  
tatem.*

XVI. Constitutis Regibus, dubium non est, quin *Autoritas civilis* penes Reges esset. Cum enim Regnum Dei per Sacerdotem, petentibus *Israëlitis* & consentiente Deo, finitum esset; quod notat etiam Hieronymus loquens de libris *Samuelis*: Samuel (inquit) mortuo *Heli*, & occiso *Saul*, veterem legem abolitam monstrat. Porro in *Sadoc* atque *David* novi Sacerdotii & novi imperii Sacramenta testantur, jus, quo Reges gubernabant, in ipsa populi concessione

sione fundatum fuisse. Sacerdos id tantum jure poterat quod Deus juberet, Rex autem jure poterat quicquid poterat jure unusquisque in se. Illi enim *Israelitæ*, *jus* de omnibus *judicandi*, & pro omnibus *Bellum gerendi* concesserunt; in quibus duobus continetur quidquid juris ab homine in hominem transferri potest. *Judicabit* (inquiunt) *nos Rex noster*, & *egredietur ante nos* & *pugnabit bella nostra pro nobis*. 1 Sam. 8. v. 23. *Judicia* ergo penes Reges erant. *Judicare* autem nihil aliud est, quam *leges* ad facta *interpretando applicare*; ad eosdem ergo pertinebat *legum interpretatio*. Et quia præter *legem Mosaicam*, aliud Verbum Dei scriptum usque ad captivitatem non agnoscebatur, penes Regem etiam erat *autoritas interpretandi Verbum Dei*. Imò siquidem Verbum Dei pro lege recipiendum sit, quamquam fuisset aliud Verbum Dei scriptum præter *legem Mosaicam*, cum interpretatio legum esset penes Reges, interpretatio ejus debebat esse penes eosdem. Quando *Deuteronomium* (in quo continebatur *lex Mosaica*) longo tempore perditum, rursus inventum erat, consulere quidem Dominum Sacerdotes *de libro illo*; non autem autoritate sua, sed precipiente *Jesia*, nec immediate, sed per *Holdam* Prophetissam. Ex quo apparet, autori-



tatem admittendi *libros pro Verbo Dei*, non fuisse penes *Sacerdotem*. Neque tamen sequitur, auctoritatem illam fuisse penes Prophetissam; quia de Prophetis, utrum pro veris habendi essent, necne, judicabant alii. Quorsum enim dedit Deus notas & signa omni populo, quibus Prophetæ veri à falsis distinguerentur, nimirum prædictionum eventum, & conformitatem cum Religione à Mose instituta, si illis notis uti non liceret; Autoritas ergo admittendi libros pro *Verbo Dei*, penes Regem erat, adeoque liber ille legis approbatus & receptus fuit auctoritate *Josia Regis*, ut apparet ex 4 Reg. 22. & 23 ubi narratur, convocasse eum Regni ordines, nempe *Senes, Sacerdotes, Prophetas, & omnem populum*; & coram ipsis *librum legisse, & verba fæderis ejus suscitasse*, hoc est, fecisse, ut *Fædus* illud agnitum fuerit pro *fædere Mosaico*, id est, pro *Verbo Dei*, & denuo receptum & confirmatum ab Israëlitis. Erat ergo etiam temporibus Regum potestas civilis, & potestas discernendi *Verbum Dei* à verbo hominum; & *Verbum Dei interpretandi*, omnis penes ipsos. Prophetæ missi erant non cum auctoritate, sed formâ & jure præconum seu prædicatorum, de quibus auditores judicabant: siquidem, qui ipsius facilia perspicuè docentibus non auscultarent, puni-



punirentur, non sequitur ex eo, obligatos fuisse Reges omnia sequi, quæ illi Dei nomine sequenda dicerent. Quamquam enim interfectus fuerit *Iosia* bonus Rex Judæ, quod sermonibus Dei ex ore *Necho* Regis Ægypti non obediverit, id est, quod bonum consilium, quamquam ab hoste videretur proficisci, respiceret, non tamen dicet quisquam, fuisse *Iosiam* ullo vinculo *legum divinarum* vel *humanarum* obligatum credere *Pharaoni* *Necho* Regi Ægypti, quod diceret, *Deum sibi loquutum esse*. Quod autem objicere quis possit, Reges propter defectum doctrinæ rarò satis idoneos esse ad libros antiquos, quibus Verbum Dei continetur, interpretandum; atque ob eam rem non æquum esse, munus illud ab eorum autoritate dependere; objicere idem possit contra Sacerdotes & omnes mortales; possunt enim errare; licetque essent Sacerdotes cæteris hominibus naturâ & artibus melius instructi, sunt tamen Reges satis idonei ad tales interpretes sub se constituendos. Atque ita quamquam Reges non interpretentur ipsi Verbum Dei, tamen interpretandi munus ab eorum autoritate dependere potest; & qui ideo auctoritatem illam Regibus abjudicant, quòd ipsum munus exercere non possint, idem faciunt, ac si dicerent, non debere au-

toritatem docendi Geometriam à Regibus dependere, nisi ipsi fuerint Geometræ. Reges orasse pro populo, populo benedixisse, templum consecrasse, Sacerdotibus præcepisse; Sacerdotes officio suo amovisse, alios constituisse legimus. Sacrificia quidem non obtulerunt, quia id Aaroni & filiis hereditarium erat. Manifestum autem est, fuisse Sacerdotium, sicut vivente *Mose*, ita per omne tempus à *Saule* Rege ad captivitatem Babylonicam, non magisterium, sed ministerium.

*Easdem  
fuisse in  
Sacerdotibus post  
captivitatem.*

XVII. Post reditum à servitute Babylonica, renovato & signato *fœdere* restitutum est *regnum Sacerdotale*, quale erat à morte *Josue* ad initium Regum; nisi quod non habetur expresse, quod *Esdra* (cujus auspiciis *Judei* reduces statum suum ordinabant) aut cuiquam alii præterquam ipsi Deo jus tradiderint imperii. Videtur potius reformatio illa nihil aliud esse, quam singulorum de iis quæ in libro legis scripta erant, observandis vota & promissa nuda. Veruntamen fortè non ex populi intentione) ex *pactò*, quod tum renovabant, (nam pactum erat idem cum eo quod factum est ad montem Sinai) erat ille status *Regnum Sacerdotale*, hoc est, suprema autoritas civilis & sacra unica erat in Sacerdotibus. Utcunque autem  
ambi-

ambitione eorum, qui de Sacerdotio contenderunt, & interventu Principum externorum, ita turbatum postea sit usque ad tempora Servatoris nostri *Iesu Christi*, ut ex historiis temporum illorum sciri non possit, ubi autoritas illa resideret; constat tamen, non fuisse illis temporibus potestatem *interpretandi Verbum Dei* à summa potestate civili separatam.

XVIII. Ex his facile cognitu est, quid Judæis per omne tempus ab *Abrahamo* ad *Christum* circa mandata principum suorum faciendum erat. Sicut enim in Regnis merè humanis, magistratui subordinato obediendum est in omnibus, præterquam cum mandata ejus continent in se crimen læsæ majestatis, ita in regno Dei, Principibus *Abrahamo, Isaaco, Jacobo, Moysi, Sacerdoti, Regi* cuique pro tempore suo obediendum in omnibus erat; nisi ubi mandata eorum continebant crimen læsæ majestatis Divinæ. Crimen vero læsæ majestatis divinæ erat, Principi primo, negatio providentiæ divinæ: erat enim hoc, negare Deum esse Regem per naturam. Deinde Idololatria, sive cultus deorum, non aliorum, (unus enim est Deus) sed alienorum, hoc est, cultus, quamquam unius Dei, sub aliis nominibus, attributis, ritibusque, quam

*Apud Judæos negatio Providentiæ divinæ, & idololatria, scilicet erant crimina læsæ Majestatis divinæ: in cæteris omnibus vero suis parere debeant.*

qui ab *Abrahamo* & *Mose* instituti erant. Erat enim hoc *negare Deum Abrahami* esse eorum Regem per *pactum* cum *Abrahamo* & ipsis initum. In cæteris rebus omnibus obediendum erat, & siquidem Rex vel Sacerdos habens summum imperium jussisset aliud aliquid contra leges, peccatum erat illud ejus, qui summum habebat imperium, non subditi; cujus officium est mandata superiorum non disputare, sed exsequi.

## CAPUT XVII.

*De Regno Dei per Pactum novum.*

- I. *Vaticinia de Christi dignitate.* II. *Vaticinia de Christi humilitate & passione.* III. *Iesum esse ILLUM CHRISTUM.* IV. *Regnum Dei per pactum novum non esse Regnum Christi, ut Christi, sed ut Dei.* V. *Regnum Dei per pactum novum, cæleste esse, & incipere à die judicii.* VI. *Regimen Christi in hoc mundo non fuisse imperium, sed consilium, sive regimen per doctrinam & persuasionem.* VII. *Pacti novi promissa utrinque quænam sint.* VIII. *Leges à Christo nullæ additæ præter institutionem Sacramentorum.* IX. *Pœnitentini, Baptizantini, Serva mandata, & similes formulæ non sunt leges.* X. *Pertinet ad auctoritatem civilem definire, quid sit peccatum injustitiæ.* XI. *Pertinet ad auctoritatem civilem definire, quid conducatur ad pacem & defensionem civitatis.* XII. *Pertinet*



net ad autoritatem civilem judicare (quando opus est) quæ definitiones, & quæ illationes, veræ sunt. XIII. Pertinet ad officium Christi docere moralia, non ut theoremata, sed ut leges; remittere peccata; & docere omnia, quorum non est scientia propriè dicta. XIV. Distinctio Temporalium à Spiritualibus. XV. Verbum Dei quotupliciter intelligatur. XVI. Non omnia quæ habentur in Scriptura sacra pertinere ad Canonem fidei Christianæ. XVII. Verbum legitimi interpretis sacrarum Scripturarum esse Verbum Dei. XVIII. Autoritas interpretandi Scripturas eadem est, quæ determinandi fidei controversias. XIX. Ecclesiæ plures significationes. XX. Quid sit Ecclesia, cui attribuantur jura, actiones, & similia personalia. XXI. Civitas Christiana idem quod Ecclesia Christiana. XXII. Plures civitates non constituunt unam Ecclesiam. XXIII. Ecclesiastici qui. XXIV. Electionem Ecclesiasticorum spectare ad Ecclesiam, consecrationem ad Pastores. XXV. Potestatem peccata pœnitentibus remittendi, non pœnitentium retinendi, spectare Pastores; sed de pœnitentia judicandi, ad Ecclesiam. XXVI. Excommunicatio quid, & in quos cadere non potest. XXVII. Interpretationem Scripturæ dependere ab autoritate civitatis. XXVIII. Christianam civitatem Scripturas interpretari debere per Pastores Ecclesiasticos.

**D**E Jesu Christo Servatore nostro, qui Regnum Dei per pactum novum restitutus erat, partim dignitate  
Vaticinia  
de Christi  
dignitate.

*tem ejus Regalem, partim humilitatem & passionem prenunciantes, multæ in Testamento vetere exstant Prophetiæ non obſcuræ. De dignitate inter alias hæ; benedicens Deus Abrahamo promittit ei filium Isaac, additque: Et Reges populorum orientur ex eo. Gen. 17. verſ. 16. Jacobus benedicens filio ſuo Judæ: Non auferetur (inquit) ſceptrum de Juda. Gen. 49. verſ. 10. Deus ad Moſem; Prophetam (inquit) ſuscitabo eis ex medio fratrum ſuorum ſimilem tui, & ponam verba mea in ore ejus; loqueturque ad eos omnia quæ præcepero illi. Qui autem verba ejus, quæ loquetur, in nomine meo audire noluerit, ego ultor exiſtam. Deut. 18. verſ. 18. Iſaias: Dabit Dominus ipſe vobis ſignum. Ecce virgo concipiet & pariet filium, & vocabitur nomen ejus Emanuel. Iſa. 7. verſ. 14 Idem: Parvulus natus eſt nobis, & filius datus eſt nobis, & factus eſt Principatus ſuper humerum ejus: & vocabitur nomen ejus Admirabilis, Conſiliarius, Deus fortis, Pater futuri ſæculi, Princeps pacis. Iſa. 9. 6. Rurſus: Egredietur virga de Radice Jeſſe, & flos de Radice ejus aſcendet: requieſcet ſuper eum Spiritus ſapientiæ, &c. Non ſecundum viſionem oculorum judicabit; neque ſecundum auditum aurium arguet, ſed judicabit in Juſtitia pauperes, &c. & percutiet terram virgâ oris ſui,*

sui, & spiritu labiorum interficiet impium. Isa. 11. vers. 1, 2, 3, 4, 5. Præterea ejusdem Isaia capitibus 51, 52, 53, 54, 56, 60, 61, 62, penè nihil aliud continetur, præter descriptionem adventus & operum futuri Christi. Jeremias: Ecce dies veniet, dicit Dominus, & feriam domui Israel & domui Judæ fœdus novum, &c. Jer. 31. vers. 31. Baruch: Hic est Deus noster, &c. Post hæc in terris visus est, & cum hominibus conversatus est. Bar. 3. v. 36. 38. Ezechiel. Suscitabo super eas pastorem unum qui pascat eas, servum meum David, & faciam cum eis Pactum pacis. Ezech. 34. vers. 23. Daniel: Aspiciebam ergo in visione noctis, & ecce cum nubibus cæli quasi filius hominis veniebat, & usque ad antiquum dierum pervenit, & dedit ei potestatem & honorem & regnum, & omnes populi, & tribus & lingue ipsi servient, potestas ejus potestas æterna. Dan. 7. v. 13. Aggæus: Adhuc unum modicum est, & ego commovebo cælum & terram, & mare & aridum, & movebo omnes gentes, & veniet desideratus cunctis gentibus. Agg. 2. vers. 7. 8. Zacharias sub visione Iesu magni Sacerdotis: Adducam servum meum Orientem, &c. Zachar. 3. vers. 8. & rursus: Ecce vir Oriens nomen ejus. Zach. 6. vers. 12. Et rursus: Exulta satis filia Sion, jubila filia Ierusalem, Ecce

*Ecce Rex tuus & salvator.* Zach. 9. v. 9. His aliisque vaticiniis permoti, exspectarunt Judæi Christum, Regem à Deo mittendum, qui ipsos redimeret, & præterea omnibus gentibus imperaret. Imo in totum imperium Romanum vaticinium emanaverat (quod etiam in favorem inceptorum suorum, etli falso interpretatus est imperator Vespasianus) *Ex Iudæa venturum, qui rerum potiretur.*

*Vaticinia* II. Vaticinia autem de humilitate de Christi & passione Christi. inter alia hæc sunt. *humilitate* Jesaiæ: *Languores nostros ipse tulit, & passio* dolores nostros ipse portavit: & nos putavimus eum quasi leprosum, & percussum à Deo & humiliatum. Jesa. 53. v. 4 Et mox: *Oblatus quia ipse voluit, & non aperuit os suum, sicut ovis ad occisionem ducetur, & quasi agnus coram tondente se, obmutescet, &c.* v. 7. Et rursus: *Abscissus est de terra viventium, propter scelus populi percussus eum, &c.* vers. 8. Et ideo dispartiam ei plurimos, & fortium dividet spolia, pro eo, quod tradidit in mortem animam suam & cum sceleratis reputatus est, & ipse peccata multorum tulit, & pro transgressoribus rogavit. vers. 12. Et Zachariæ: *Ipse pauper ascendens super asinam, & super pullum filium asinæ.* Zach. 9. vers. 9.

III. Im-



III. Imperante *Tiberio Cesare* prædicare coepit servator noster *JESUS* <sup>*Jesum esse illum*</sup> Galilæus, filius (ut putabatur) *Josephi*, <sup>*Christum.*</sup> annuncians populo Judæorum *Regnum Dei* ab ipsis expectatum appropinquasse; & esse se *Regem*, id est, *CHRISTUM ILLUM*; *Legem* explicans: *Apostolos duodecim*, & *discipulos septuaginta*; secundum numerum Principum tribuum, & septuaginta Seniorum, (ad similitudinem *Mosis*) in ministerium assumens; *viam salutis* per se & per illos docens; Templum purgans; signa ingentia faciens; & ea omnia adimplens, quæ Prophetæ de futuro *Christo* vaticinati fuerant. Hunc Pharisæis (quorum doctrinam falsam, & simulatam sanctitatem reprehenderat) & per eos populo invisum, regni affectati accusatum, & crucifixum, descriptâ ejus Genealogiâ, nativitate, vitâ, doctrinâ, morte & resurrectione, comparandoque ea quæ fecit, cum iis quæ prædicta fuerunt, verum fuisse *CHRISTUM*, & *Regem* à Deo promissum, & ad renovandum inter ipsos & Deum *Pactum novum* à Deo Patre missum, & ostendunt Evangelistæ, & Christiani omnes consentiunt.

IV. Ex eo, quod *CHRISTUS* à Deo Patre missus fuerit ad percutiendum *fæ-* <sup>*Regnum Dei per*</sup> *das* inter ipsum & populum, manifestum est, etsi *Christus* Patri suo æqualis <sup>*Pactum novum,*</sup> sit

*non esse  
regnum  
Christi,  
ut Christi,  
sed ut  
Dei.*

fit quod naturam, minorem tamen fuisse quoad jus Regni. Etenim munus tale propriè loquendo, non Regium est; sed Pro-regium, quale erat regimen Moſis. Regnum enim non ejus, sed *Patris* erat. id quod CHRISTUS significavit ipse, cum ut subditus baptizaretur, & aperte professus est, quando orare docuit: *Pater noster, &c. adveniat Regnum tuum.* Et ubi dixit: *Non bibam, &c. usque in diem illum, cum bibam illud vobiscum novum in Regno Patris mei.* Matth. 26. vers. 29. & Sanctus Paulus: *Sicut in Adam omnes moriuntur; ita in Christo omnes vivificabuntur; unusquisque autem in suo ordine; primitiæ Christus; deinde ii qui sunt Christi, qui in adventu ejus crediderunt; deinde finis, cum tradiderit Regnum Deo & Patri.* 1 Cor. 15. v. 22, 23, 24. Idem tamen appellatur etiam Regnum Christi. Nam & mater filiorum Zebedæi rogavit CHRISTUM dicens: *Dic, sedeant hi duo filii mei unus ad dextram tuam & unus ad sinistram in Regno tuo.* Matth. 20. v. 21. Et latro in cruce: *Domine, memento mei, cum veneris in Regnum tuum.* Luc. 23. v. 42. Et Sanctus Paulus: *Hoc enim scitote intelligentes, quod omnis fornicator &c. non habet hæreditatem in Regno Christi & Dei* Eph. 5. v. 5. Alibi: *Testificor coram Deo & Iesu Christo qui judicatu-*

rus est vivos & mortuos per adventum ipsius & Regnum ejus. 2. Tim. 4. v. 1. Et, liberavit me Dominus ab omni opere malo & salvum faciet in Regnum suum cæleste, v. 18 Neque mirandum est idem regnum utrisque tribui; quum uterque Pater & Filius; idem sit Deus; & Pactum novum de Regno Dei non sit propositum in nomine PATRIS, sed in nomine, PATRIS, FILII, & SPIRITUS SANCTI, ut unius Dei.

V. Regnum autem Dei, cujus resti- *Regnum Dei per pactum novum cæleste esse, & incipere à die judicii.* tuendi causa CHRISTUS à Deo Patre missus est, non antè initium sumit, quàm ab adventu ejus secundo, nimirum à die judicii, cum venturus est in majestate comitantibus Angelis. Promissum enim est Apostolis, in Regno Dei, judicatu- ros se duodecim tribus Israel. Vos qui sequuti estis me in regeneratione, cum sederit filius hominis in sede majestatis suæ, sedebitis & vos judicantes duodecim tribus Israel. Matth. 19. vers. 29. Id quod præstandum non est, nisi in die judicii, nondum ergo est CHRISTUS in sede Majestatis suæ. Neque tempus quo CHRISTUS in terris versatus est, regnum dicitur, sed regeneratio, hoc est, renovatio, sive restitutio Regni Dei, & evocatio eorum qui in regnum futurum recipiendi erant. Et ubi dicitur, Cum venerit filius homi-  
nis

*nus in maiestate sua, & omnes Angeli cum eo, tunc sedebit super sedem maiestatis suæ, & congregabuntur ante eum omnes Gentes, & separabit eos ab invicem, sicut Pastor segregat oves ab hædis; Matth. 25. v. 21. manifestè colligitur, nullam futuram separationem, quoad locum, subditorum Dei ab ipsius hostibus; sed permixtim victuros esse usque in adventum CHRISTI futurum. Id quod confirmatur etiam per comparisonem Regni Cœlorum tum tritico zizaniis mixto; & cum reti omne genus piscium comprehendente. At regnum propriè dici non potest multitudo hominum ex subditis & hostibus simul promiscuè habitantibus. Præterea Apostoli, cùm Servatorem nostrum interrogarent, an in eo tempore, quo ascenderet in cœlum, restitutus esset Regnum Israël, aperte testabantur, putare se tunc, cum CHRISTUS ascenderet, Regnum Dei nondum advenisse. Porro Verba CHRISTI, *Non est regnum meum de hoc mundo. Et: non bibam &c. donec Regnum Dei veniat. Et: Non misit Deus filium suum in hunc mundum, ut judicet mundum, sed ut salvetur mundus per illum. Et: si quis non audierit verba mea, & non custodierit, ego non judico eum: non enim veni, ut judicem mundum, sed salvificem mundum.**

Et:



Et : Homo , quis me constituit judicem , aut divisorem inter vos ? & ipsa appellatio Regni cœlestis idem testatur Idem colligitur ex verbis Prophetæ Jeremiæ loquentis de Regno Dei per Pactum novum : Non docebit vir ultra proximum suum , & vir fratrem suum , dicens , cognosce Dominum ; omnes enim cognoscent me à minimo eorum usque ad maximum , ait Dominus Jerem. 31, v. 34. Id quod de Regno hujus mundi intelligi non potest. Regnum igitur Dei cujus constituendi causa CHRISTUS in hunc mundum venit ; de quo Prophetæ vaticinati sunt ; & de quo orantes dicimus ; *Adveniat Regnum tuum*, (si subditos ab hostibus loco separatos , si judicia , si majestatem habere debet , prout est prædictum ,) ab eo tempore incipiet , in quo Deus oves ab hœdis separabit ; in quo Apostoli judicabunt 12 Tribus Israël ; in quo CHRISTUS veniet in Majestate & gloria ; in quo deinceps omnes cognoscent Deum , ita ut non opus sit doceri , id est , in secundo CHRISTI adventu , sive die judicii ultimi. Quod si regnum Dei restitutum jam esset , nulla ratio reddi posset , quare CHRISTUS completo opere propter quod missus est , iterum veniret , aut quare sic precaremur : *Adveniat Regnum tuum*

VI. Quamquam autem *Regnum Dei Regimen*  
per

*Christi  
in hoc  
mundo  
non fuisse  
imperium;  
sed  
consilium,  
sive regi-  
men per  
doctrinam  
&  
persuasio-  
nem.*

per CHRISTUM *Fœdere novo* constituendum, cœleste fuerit, non est ideo putandum, eos, qui in CHRISTUM credentes Pactum illud inirent, non fore etiam in terris ita regendos, ut in fide sua & obedientia pacto promissa perseverarent, Frustra enim fuisset regnum cœleste, & promissa patria, nisi in ipsam perducendi essemus, Perduci autem non possunt; nisi qui in via diriguntur, *Moses* cum instituisset *Regnum Sacerdotale*; ipse per totum tempus peregrinationis usque ad ingressum terræ promissæ, etsi non esset Sacerdos, propulum tamen rexit, & conduxit. Eadem ratione Servatoris nostri est, (quem similem *Mosi* ea in re Deus esse voluit) quatenus, à Patre missi, Cœlestis civitatis futuros cives, etiam in hac vita ita regere, ut in illam pervenire & ingredi possint, etiam si Regnum non ejus propriè, sed Patris fuerit. Sed Regimen quo fideles suos in hac vita CHRISTUS regit, non est propriè Regnum, sive imperium; sed munus Pastoritium sive jus docendi, id est, non dedit ei Deus Pater potestatem judicandi, de meo & tuo, sicut Regibus terræ; nec potestatem cogendi per pœnas; neque leges ferendi; sed mundo ostendendi, & docendi viam & scientiam salutis, hoc est, prædicandi & explicandi, quid faciendum iis est, qui in re-

*gnum*

gnum cælorum intraturi sunt. Quod non habuerit CHRISTUS potestatem à Patre ad iudicandum in quæstionibus *Mei & Tui*, hoc est, in omnibus quæstionibus *juris*, inter eos, qui non crediderunt; satis ostendunt verba illa CHRISTI suprâ citata: *Homo; quis me constituit iudicem aut divisorem inter vos?* Et ratione confirmatur; cùm enim CHRISTUS missus fuerit ad *Pactum* inter Deum & homines *percutiendum*, neque obligatur quisquam ab obedientiam præstandam ante pactum initum, si iudicasset de quæstionibus *juris*, nemo sententiæ ejus teneretur obedire. Sed cognitionem *juris* non fuisse CHRISTO commissam in hoc mundo, neque inter fideles, neque inter infideles, ex eo apparet, quod *jus* illud sine controversia pertineat ad *Principes*, quamdiu auctoritati eorum à Deo non derogatur. non autem derogatur ante diem iudicii, ut apparet ex verbis sancti Pauli loquentis de die iudicii: *Deinde finis* (inquit) *cum tradiderit regnum Deo & Patri, cum evacuaverit omnem Principatum & potestatem, & virtutem.* 1 Cor. 15. v. 24. Secundo, verba Servatoris nostri, *Iacobum & Iohannem*, ubi dixissent, *Vis dicamus ut ignis descendat de cælo & consuavat illos?* (nimirum Samaritanos, qui euntem in *Ierusalem* noluerunt hospitio accipere.)



re) increpantis dicentisque: *Filius hominis non venit animas perdere sed salvare.* & illa: *ecce mitto vos, ut oves in medio luporum.* Excutite pulverem & similia & verba illa: *Non misit Deus filium suum in hunc mundum, ut judicet mundum, sed ut salvetur mundus per illum.* Et illa, *Siquis audierit verba mea & non custodierit, ego non judico eum, non enim veni, ut judicem mundum, &c.* ostendunt non fuisse datam ei potestatem quemquam condemnandi, aut puniendi. Legitur quidem: *Pater non judicat quemquam, sed omne iudicium dedit Filio.* illud verò cum intelligi possit & debeat de die iudicii futuri, antecedentibus non repugnat. Quod denique missus non sit ad leges novas ferendas, neque ergo fuerit ex officio & missione *legislator* propriè, dictus, sicuti neque *Moses*, sed *lator* & promulgator legum paternarum (Deus enim, non *Moses* neque *CHRISTUS*, ex pacto Rex erat) ex eo colligitur, quod dixerit: *Non veni solvere, nimirum leges antea à Deo latas per Moysen, quas statim interpretatur) sed adimplere.* Et: *Qui solverit unum de mandatis illis minimis & docuerit sic homines, minimus vocabitur in Regno cælorum.* Non ergo habuit *CHRISTUS* à Patre sibi commissam auctoritatem Regiam aut imperatoriam in mundo, sed consiliariam & doctrinalem



lem tantum ; id quod significat ipse tum ubi vocat *Apostolos* non venatores, sed piscatores hominum; tum ubi comparat regnum Dei grano sinapis & fermento abscondito in farina.

VII Promisit Deus primum *Abrahamo* semen numerosum, possessionem tetræ *Chanaan*, & benedictionem gentium in semine ejus, ea lege, ut ipse & semen ejus ei servirent; deinde semini *Abrahami* secundum carnem *Regnum Sacerdotale*, Regimen liberrimum, in quo nulli humano imperio subjiciendi erant, ea lege ut servirent Deo *Abrahami* eo ritu, quem doceret *Moses*; Postremò & illis & omnibus gentibus *Regnum Cæleste*, & æternum, ea lege ut servirent Deo *Abrahami* eo ritu, quem doceret *CHRISTUS*. *Pacti* novi promissa utrimque quænam sint.

*Pacti* enim novo, hoc est, *Christiano*, conventum est ex parte Hominum, ut Deo servirent *Abrahami*, eo ritu, quem doceret *JESUS*: ex parte Dei, ut remitteret illis peccata, & in *Regnum Cæleste* ipsos introduceret. De regno Cælesti, quale fuerit, diximus supra articulo quinto. Appellari autem solet, quandoque *Regnum Cælorum*, quandoque *Regnum Gloriæ*, quandoque *vita aterna*. Quod requiritur ex parte Hominum, nempe servire Deo, prout docuerit *CHRISTUS*, duo continet, obedientiam Deo præstandam,

(hoc enim est servire Deo) & *Fidem* in *JESUM*, nempe, ut credamus, *JESUM* esse *ILLUM CHRISTUM*, à Deo promissum; ea enim sola causa est, quare illius potius quam alterius sequenda sit doctrina. *Obedientiæ* autem loco in sacris Scripturis sæpissimè ponitur *pœnitentia*, propterea quod *CHRISTUS* ubique docet, voluntatem apud Deum pro facto haberi: *pœnitentia* autem obedientis animi signum est infallibile. His intellectis, eas esse *fœderis Christiani* conditiones, quas diximus; nempe ex parte Dei, dare hominibus Remissionem peccatorum & vitam æternam; ex parte hominum, pœnitere, & credere in *JESUM CHRISTUM*: ex multis locis Scripturæ sacræ evidentissimè apparebit. Primò verba illa: *Appropinquare Regnum Dei, pœnite mini & credite Evangelio*; Marc. i. v. 15. continent pactum totum. Similiter illa: *Quoniam sic scriptum est, & sic oportebat Christum pati & resurgere à mortuis tertia die, & prædicari in nomine ejus Pœnitentiam, & Remissionem peccatorum in omnes Gentes, incipientibus ab Ierosolyma.* Luc. 24 v. 46. 47. & ista: *Pœnite mini & convertimini, ut deleantur peccata vestra, ut cum venerint tempora refrigerii, &c.* Act. 3. v. 19. Aliquando vero altera pars proponitur expresse, altera subintelli-

telligitur, ut hic: *Qui credit in filium habet vitam æternam; qui incredulus est filio, non videbit vitam, sed ira Dei manet super eum.* Joh. 3 v. 36. Ubi *Fides* exprimitur, *Pœnitentia* tacetur. Et in Prædicatione CHRISTI, *Pœnitentini*: *appropinquavit enim Regnum Dei.* Matth. 4. v. 17. Ubi *Pœnitentia* exprimitur, subauditur *fides*. Sed manifestissime, & formalissimè contractus novi, partes ibi explicantur, ubi Princeps quidam regnum Dei tanquam licitans, servatorem nostrum interrogat: *Magister bone, quid faciens vitam æternam possidebo?* Luc. 18. v. 18. Proponit autem primo CHRIS-  
TUS partem pretii unam, nempe observationem præceptorum, si ve obedientiam, quam cum præstitisse se respondisset, adjungit alteram, *Unum*, inquit, *deest; omnia, quæcunque habes vende, & da pauperibus, & habebis Thesaurum in cælo, & veni sequere me.* v. 22. Hoc fidei erat. Is itaque non satis credens CHRISTO & thesauris cœlestibus tristis abiit. Continetur autem idem pactum his verbis: *Qui crediderit & baptizatus fuerit salvus erit, qui verò non crediderit condemnabitur.* Marc. 16. v. 15. 16. Ubi *Fides* exprimitur, *Pœnitentia* in baptizatis supponitur. Et his, *Nisi quis renatus fuerit ex aqua & Spiritu Sancto, non potest introire in Regnum Dei.*

Joh. 3. v. 5. *Ubi renasci ex aqua* idem est quod regeneratio, id est conversio ad CHRISTUM. Quod autem duobus locis proximè citatis, aliisque requiratur *Baptismus*, intelligendum est, sicut *circumcisio* erat, ad *pactum vetus*; ita esse *Baptismum* ad *pactum novum*. Cum ergo illa non ad essentiam, sed ad memoriam *pacti veteris*, ut ceremonia, & signum pertinuerit (quod in deserto omissum est) similiter etiam hæc, non ad essentiam initi *foederis novi*, sed ad memoriam & signum adhibita est; & modo voluntas adlit, per necessitatem omitti quoad actum potest; *Pœnitentia* autem & *Fides*, quæ de essentia *pacti* sunt, semper requiruntur

*Leges à Christo nullæ additæ, præter institutionem Sacramentorum.*

VIII. In Regno Dei post hanc vitam *leges futuræ nullæ* sunt; tum quia neque legibus locus est, ubi peccato non est; tum etiam quia *leges à Deo nobis datæ* sunt, non ut in cœlo, sed ad cœlum dirigamur. Quas igitur *leges CHRISTUS* (non ipse sanxit, nam *autoritatem legislativam*, ut supra articulo sexto ostensum est, assumere sibi noluit, sed) pro paternis proposuit, id nunc inquiramus. Habemus autem locum scripturæ, ubi *leges Dei* usque ad id tempus traditas, omnes contrahit in præcepta duo: *Diliges Dominum Deum tuum in toto corde, & in tota anima tua, & in tota*



*tota mente tua: hoc est maximum & primum mandatum. Secundum autem simile est huic: diliges proximum tuum sicut te ipsum: in his duobus mandatis universa lex pendet, & Prophetæ. Matth. 22. v. 37, 38, 39, 40. Horum quidem primum datum antè est per Moysen totidem verbis. Deut 6. v. 5. Secundum autem etiam ante Moysen. est enim lex naturalis, initium habens cum ipsa natura rationali. Est autem utrumque simul omnium legum summa. nam continentur omnes leges cultus divini naturalis in his verbis, *diliges Deum*: & omnes leges cultus divini, ex pacto veteri debiti, in eo, quod dicitur: *diliges Deum tuum*, hoc est, *Deum* quatenus Regem peculiari-ter *Abrahami* & seminis ejus: & omnes leges naturales & civiles his verbis: *diliges proximum tuum, sicut te ipsum*. Nam qui diligit Deum, proximum, animum habet obediendi, & divinis & humanis legibus. Amplius autem quam animum obediendi Deus nihil exigit. Habemus alium locum, ubi CHRISTUS leges interpretatur, nempe quintum, sextum, & septimum Sancti Matthæi capita integra. Eæ verò leges omnes habentur vel in decalogo, vel in lege morali, vel continentur in fide *Abrahami*. ut continetur in fide *Abrahami* illa de non repudienda uxore. illud enim, *erunt**

*duo in carne una*, neque à CHRISTO primo, neque à Mose, sed ab *Abrahamo* traditum est, qui primus mundi creationem prædicavit. Leges igitur quas CHRISTUS in altero loco contrahit, in altero explicat, aliæ non sunt quam illæ, ad quas tenentur omnes mortales qui agnoscunt Deum *Abrahami*. Præter has nullam legem à CHRISTO traditam legimus præter institutionem Sacramentorum *Baptismi* & *Eucharistiæ*.

*Pœnitentini, baptizantini, servamanda, & similes formulæ, non sunt leges.*

IX. Quid ergo dicetur de præceptis hujusmodi: *Pœnitentini. Baptizantini. Servamanda. Credite Evangelio. Venite ad me. Vende omnia quæ habes, da pauperibus, sequere me.* & similibus? Dicendum est, non esse *leges*, sed vocationem ad *fidem*, quale est illud *Jesaiæ*, *Venite, emite absque argento & absque ulla commutatione vinum & lac.* Isa. 55. v. 1. Neque si vocati non veniunt, propterea peccant contra ullam legem, sed contra prudentiam tantum; neque punietur *infidelitas*, sed peccata priora. Quare sanctus *Johannes* de incredulo dicit: *ira Dei manet super illum.* non dicit: *ira Dei veniet super illum.* Et: *Qui non credit jam judicatus est, quia non credit.* non dicit: *judicabitur, sed jam judicatus est.* Imo non satis concipi animo potest, remissionem peccatorum, beneficium esse à fide,

à *fide*, nisi etiam è contrariò intelligatur, punitionem peccatorum, damnum esse ab *infidelitate*.

X. Ex eo, quod Servator noster Prin- *Pertinet*  
cipum subditis & civitatum civibus, nul- *ad autori-*  
las leges præscripsit distributivas, hoc *tatem ci-*  
est, regulas nullas dedit, quibus civis sci- *vilem de-*  
re, & dignoscere possit, quid sit *sum fi-*  
bi proprium, quid *alienum*, neque qui- *quid sit*  
bus formulis, verbis, circumstantiisve da- *peccatum*  
*ri, tradi, invadi, possideri* rem oporteat, *injustitia.*  
ut *accipientis, invadentis, vel possidentis*  
jure existimetur, intelligendum necessa-  
riò est, non tantum apud infideles inter  
quos ipse CHRISTUS judicem se & di-  
stributorem esse negavit, sed etiam apud  
Christianos, cives singulos regulas illas  
accipere debere à civitate, hoc est, ab eo  
homine vel eâ curiâ, quæ civitatis sum-  
mum habet imperium. Sequitur ergo  
legibus illis: *non Occides, non Machabe-*  
*re, non Furabere, Parentes honorabis, ni-*  
hil aliud præcepisse, quam ut cives &  
subditi suis principibus & summis Impe-  
rantibus in quæstionibus omnibus, circa  
*meum, tuum, suum, alienum*, absolute  
obedirent. Etenim præcepto: *Non occi-*  
*des*, non omnis occisio prohibetur. nam  
qui dixit: *non occides*, idem dixit: *occida-*  
*tur is, qui fecerit opus in sabbato.* Exod.  
35. v. 2. Neque omnis occisio causa in-  
audita: dixit enim *occidat unusquisque*  
O 4 *fra-*

*fratrem & amicum & proximum suum:*  
 Exod. 32. v. 27. & occisa sunt tria & viginti millia hominum. Neque omnis occisio hominis innocentis. vovit enim Jephthe, *quicumque fuerit egressus; &c. eum holocaustum offeram Domino:* Jud. 11. v. 31. & votum ejus Deo acceptum est. Quid ergo prohibetur? Hoc tantum, ne quis occidat quemquam, quem occidere non sit ipsi jus, id est, nemo occidat, nisi id facere *suum* sit. Jubet ergo lex CHRISTI, circa occisionem, & proinde etiam circa omnem læsionem hominis & circa pœnas statuendas, soli civitati obedire. Similiter præcepto, *non Mæchabere*, non prohibetur omnis concubitus, sed tantum cum *aliena*; quæ vero *aliena* est, judicatio ad civitatem pertinet, & per regulas quas præscribet civitas, determinanda est. Imperatur ergo præcepto hoc mari & fœminæ, servare fidem, quam dederint mutuò, ex præscripto civitatis. Pariter præcepto, *non Furabere*, non prohibetur omnis rei invalio, aut clandestina ablatio, sed alienæ tantum. jubetur ergo civis hoc unum, ne invadat aut furripiat quicumquam, quod invadi aut furripi prohibet civitas; & in universum non vocare quicumquam *homicidium, adulterium, vel furtum*, nisi quod fiat contra leges civiles. Postremo, cum jussit CHRISTUS parentes hono-  
 rare



norare, nec præscripsit quibus ritibus, quibus appellationibus, quali obedientia honorandi sunt, intelligitur honorandos esse voluntate quidem & internè, ut filiorum suorum reges & dominos, externè verò non ulterius, quàm permittit civitas, quæ *suum cuique* (sicut & res alias) *honorem* assignabit: Cum autem natura justitiæ in eo consistat, ut *suum* cuique tribuatur, manifestum est, ad civitatem pertinere etiam Christianam, quid sit justitia, & quid injustitia, sive peccatum contra justitiam, determinare. Quod autem ad civitatem pertinet, id pertinere censendum est ad eum vel eos, qui habent summum civitatis imperium.

XI. Porro quoniam Servator noster civibus nullas indicavit leges circa civitatis regimen, præter leges naturæ, hoc est, præter mandatum obedientiæ civilis, non potest civis quisquam privatim determinare, quis sit amicus, vel quis hostis, publicus, quando bellum, quando fœdus, quando pax, quando induciæ ineundæ sint; neque qui cives, quæ & quorum hominum autoritas, quæ doctrinæ, qui mores, quæ orationes, quæ combinationes & quorum hominum, saluti civitatis vel commodæ vel adversæ sint. Hæc ergo & similia omnia, à civitate, id est, à summis imperantibus, si opus sit, discenda sunt.

*Pertinet ad auctoritatem civilem definire, quid conducat ad pacem & defensionem civitatis.*

*Pertinet  
ad auto-  
ritatem  
civilem,  
judicare  
(quando  
opus est)  
que defi-  
nitiones,  
& que  
illatio-  
nes veræ  
sint.*

XII. Præterea, hæc omnia, propugnacula, domos, templa ædificare; pondera ingentia movere, ferre, tollere; maria tutò transmittere; machinas ad omnem vitæ usum construere; orbis terrarum faciem, siderum cursus, anni tempestates, temporum rationes, & denique naturam rerum cognoscere; jura naturalia & civilia callere; scientiæque omnes; quæ Philosophiæ nomine comprehenduntur, partim ad vivendum, partim ad bene vivendum necessariae sunt. Horum scientia (quia CHRISTUS eam non tradidit) ratiocinatione, id est, texendo consequentias initio sumto ab experiētiis, addiscenda est. Sed ratiocinationes hominum, interdum rectæ, interdum erroneæ sunt: & proinde id quod concluditur & tenetur pro veritate, quandoque veritas, quandoque error est. Errores autem, etiam circa Philosophica hæc, aliquando nocent publicè, magnarumque seditionum & injuriarum occasionem præbent. Oportet igitur, quoties repugnans bono publico, & paci communi controversia de his rebus oritur, esse aliquem qui de ratiocinatione, id est, an quod inferitur, rectè inferatur; necne, sententiam ferat, ut controversia finiatur. Nullæ autem in hanc rem datæ regulæ sunt à CHRISTO; neque enim

enim venit in hunc mundum ut doceret *logicam*. Reliquum igitur est, judices talium controversiarum eosdem esse, quos Deus per naturam prius instituerat, nimirum, eos, qui à summo Imperante in unaquaque civitate constituuntur. Porro si controversia, de eorum, quæ in usu communi sunt, nominum si-  
ve appellationum significatione accurata, & propria, i. e. de definitionibus suscitetur, ita ut ad pacem civitatis, vel ad juris distributionem opus sit, ut determinetur, pertinebit determinatio ad civitatem. nam hujusmodi definitiones ex observatione diversorum conceptuum, ad quos significandos appellationes illæ diversis temporibus & causis adhibentur, homines ratiocinando expiscantur. Decisio autem quæstionis, an quis rectè ratiocinatus fuerit, civitatis est. Exempli causa; si mulier partum ediderit formæ insolitæ; vetet autem lex hominem occidere; nascitur quæstio an partus sit homo. Quæritur ergo, quid sit homo. Nemo dubitat, quin judicabit civitas, idque nulla habitatione definitionis Aristotelicæ, quod Homo sit Animal rationale. Atque hæc (nimirum *jus, politia, & scientiæ naturales*) subjecta sunt de quibus CHRISTUS præcepta tradere, aut quicquam docere, præter hoc unum, ut in

omnibus circa illa controversiis cives singuli civitatis suæ legibus & sententiis obedirent, ad officium suum pertinere negat. Hoc tamen meminisse oportet, eundem C H R I S T U M ut Deum potuisse jure non modo docere, sed etiam imperare quæ voluit.

*Pertinet  
ad offi-  
cium  
Christi  
docere  
moralia,  
non ut  
theore-  
mata, sed  
ut leges,  
remittere  
peccata,  
& doce-  
re omnia  
quorum  
non est  
scientia  
proprie  
dicta.*

XIII. Officii Servatoris nostri summa erat, viam docere, & media omnia ad salutem & vitam æternam; mediorum autem ad salutem unum est, *justitia & obedientia civilis*, & *observatio omnium legum naturalium*. Doceri autem possunt hæc duobus modis. altero, ut theoremata per rationem naturalem; deducendo jus & leges naturales à principiis contractibusque humanis; atque doctrina ea sic tradita, examini potestatum civilium subjecta est. altero, ut leges, per auctoritatem divinam, ostendendo, talem esse voluntatem Dei; atque hoc modo docere, ad eum solum pertinet, cui voluntas Dei supernaturaliter cognita est, hoc est, ad C H R I S T U M. Secundo, ad officium C H R I S T I pertinebat condonare pœnitentibus peccata; nam id ad hominum, qui jam peccaverant, salutem necessarium erat, neque ab alio fieri potuit. Non enim pœnitentiam sequitur remissio peccatorum naturaliter, (ut debita) sed dependet (ut gratuita) à voluntate Dei supernaturaliter revelanda.

Tertio,



Tertio, ad Christi officium pertinebat, docere ea mandata Dei omnia; sive circa cultum, sive circa dogmata fidei, quæ ratione naturali sciri non possunt, sed revelatione tantum; qualia sunt ipsum esse Christum; Regnum suum non esse terrestre, sed cæleste; esse præmia & pœnas post hanc vitam; animam esse immortalem; sacramenta tot & talia fore; & similia.

XIV. Ex iis, quæ dicta sunt in articulis proxime præcedentibus, non est difficile distinguere inter *spiritualia* & *temporalia*. Cum enim per *spiritualia*, ea intelligantur quæ fundamentum habent in autoritate & officio CHRISTI, neque nisi ea CHRISTUS docuisset, sciri possent; sintque cætera omnia temporalia; sequitur, definitionem & sententiæ lationem, circa *justum* & *injustum*, cognitionem controversiarum omnium circa *media pacis* vel *defensionis publicæ*, & examen doctrinarum librorumque in omni *scientia rationali*, *Iuris esse temporalis*. Quæ verò à CHRISTI verbo & autoritate tantum dependentia, *mysteria fidei* sunt, eorum judicationem *iuris esse spiritualis*. Definire autem, quid sit *spirituale*, quid *temporale*, quoniam Servator noster distinctionem illam non tradidit, rationis inquisitio est, pertinetque ad *jus temporale*. Quam-

*Distin-  
ctio tem-  
poralium  
à spiri-  
tualibus.*

quam enim sanctus Paulus multis in locis distinguat inter *spiritualia* & *carnalia*, vocetque *spiritualia*, ea. quæ sunt *Spiritus*, nimirum *sapientiam*, *sermonem scientiæ*, *fidem*, *facultatem sanandi morbos*, *operationem miraculorum*, *prophetiam*, *discretionem spirituum*, *scientiam linguarum*, *interpretationem sermonum*, Rom. 8. 5. 1 Cor. 12. 8. 9. omnia per *Spiritum Sanctum* supernaturaliter inspirata, & ea quæ *animalis homo* non potest intelligere, sed ille tantum, qui cognovit sensum Christi: 2 Cor. 2. 14, 15, 16. bona verò fortunæ *carnalia* vocet, Rom. 15. 27. & eos, qui homines sunt, *carnales*: 1 Cor. 3. 1, 2, 3. non tamen definivit, neque regulas dedit, quibus sciamus quid à ratione naturali, quid à supernaturali inspiratione proficiatur.

*Verbum  
Dei quo-  
tuplici-  
ter intel-  
ligatur.*

XV. Cum igitur constet, Servatorem nostrum judicandi determinandique controversias omnes circa *temporalia*, summam auctoritatem commisisse, vel potius non abstulisse Principibus, iisque qui in singulis civitatibus summum obtinent imperium. Videndum deinceps est, cui commiserit similem auctoritatem circa *spiritualia*. Id quia sciri non potest nisi ex *Verbo Dei*, & *Ecclesiæ traditione*, inquirendum proximo loco est; quid sit *Verbum Dei*; quid illud interpretari; quid *Ecclesia* sit. & quid *Ecclesiæ*

*clesiæ voluntas & mandatum. Ut omit-*  
*tamus, quod Verbum Dei in Scriptura sa-*  
*cra ponatur aliquando pro Filio Dei: ac-*  
*cipitur ea vox tripliciter. Primò pro-*  
*priissimè pro eo, quod Deus loquutus*  
*est; sic Verbum Dei est quidquid loquu-*  
*tus est Deus ad Abrahamum & Patriar-*  
*chas, Moysen, & Prophetas; vel Servator*  
*noster ad discipulos, & alios quoscun-*  
*que. Secundo, quicquid dictum est ab*  
*hominibus jussu vel impulsu Spiritus*  
*Sancti; quo sensu agnoscimus, Scripturas*  
*sacras esse Verbum Dei. Tertio quidem in*  
*novo testamento frequentissimè Verbum*  
*Dei significat doctrinam Euangelicam,*  
*sive verbum de Deo, sive verbum de Re-*  
*gno Dei per CHRISTUM. Ut ubi dicitur*  
*CHRISTUS prædicasse Euangelium Re-*  
*gni Matth. 4. v. 23. Ubi Apostoli dicun-*  
*tur prædicare Verbum Dei. Act. 13. v. 46.*  
*Ubi Verbum Dei appellatur Verbum*  
*vitiæ. Act. 5. v. 20. Verbum Euangelii.*  
*Act. 15. vers. 7. Verbum Fidei, Rom. 10.*  
*vers. 8. Verbum veritatis, (addita inter-*  
*pretatione) id est, Euangelium salutis,*  
*Ehpes. 1. 13. Et ubi appellatur Verbum*  
*Apostolorum Dicit enim Sanctus Pau-*  
*lus: Siquis non obedit verbo nostro, &c.*  
*2 Thess. 3. v. 14. Quæ loca intelligi ali-*  
*ter non possunt quam de doctrina Euan-*  
*gelica. Similiter ubi dicitur Verbum Dei*  
*disseminari, crescere, & multiplicari,*  
*Act.*



Act. 12. v. 24. & cap. 13. v. 49. id de ipsa voce Dei, vel Apostolorum concipere difficile est; de doctrina facile. Atque in hac tertia acceptione, *Verbum Dei*, est omnis quæ hodie è cathedris docetur, & in Theologorum libris continetur *doctrina de fide Christiana*.

Non omnia, quæ habentur in Scriptura sacra, pertinere ad canonem fidei Christianæ.

XVI. Jam Scriptura sacra ut quam agnoscimus à Deo inspiratam, tota *Verbum Dei* est in secunda acceptione. Et innumera ejusdem loca in prima. Et cum maxima pars ejus versetur in *Regni cælestis* vel prædictione, vel præfiguratione. ante CHRISTI incarnationem, vel in Evangelizatione & explicatione, post etiam in tertia significatione, ubi *Verbum Dei* sumitur pro *Verbo de Deo*, id est, pro *Euangelio*, Scriptura sacra est *Verbum Dei*, ideoque etiam canon & regula omnis doctrinæ Evangelicæ. Quoniam autem in iisdem scripturis multa leguntur *Politica*, *Historica*, *Moralia*, *Physica*, & alia, quæ nihil omnino spectant ad *Mysteria fidei*, ea loca etsi veram doctrinam contineant, & Canon sint, talium doctrinarum, non tamen Canon esse possunt *mysteriorum Religionis Christianæ*.

*Verbum legitimum interpretis Scripturarum*

XVII. Et quidem *Verbi Dei*, non vox, & litera, doctrinæ Christianæ Canon est, sed sententia vera & genuina; non enim regitur animus per Scripturas



ras nisi intellectas. Scripturis igitur, ut  
fiant Canon, interprete opus est, *esse Ver-*  
quitur autem hinc duorum alterum, aut *bum Dei.*  
verbum interpretis esse Verbum Dei, aut  
Canonem doctrinæ Christianæ non esse  
Verbum Dei. Horum posterius falsum  
esse necesse est. Doctrina enim, quæ  
nulla ratione humana, sed per revela-  
tionem divinam tantum sciri potest, re-  
gula esse non potest nisi divina. Quem  
enim fatemur scire non posse, an doctri-  
na aliqua vera sit necne, ejus sententiam  
in eadem doctrina pro regula habere im-  
possibile est. Prius igitur verum est: *ver-*  
*bum interpretis* Scripturarum, esse *Ver-*  
*bum Dei.*

XVIIII. Interpres autem is, cujus-  
sententiæ tantum honoris defertur, ut *Auto-*  
habeatur pro *Verbo Dei*, non est quilibet *ritas*  
qui ex lingua Hebræa & Græca vertit *interpre-*  
scripturam auditoribus suis Latinis, La- *tandi*  
tinè; Gallis, Gallicè; & cæteris singulis *Scriptu-*  
vernaculè; non enim est hoc interpreta- *ras eadem*  
ri. Est enim ea universim sermonis na- *est, quæ*  
tura, ut quamquam inter signa quibus *determi-*  
conceptus nostros aliis patefacimus, prin- *nandi fi-*  
cipem locum mereatur, non tamen id *dei con-*  
munus explere solus sine ope multarum *troverfias,*  
circumstantiarum possit, Habet enim  
viva vox præsentis interpretes, nimi-  
rum tempus, locum, vultum, gestum,  
consilium loquentis, atque etiam ipsum,  
qui

qui loquitur, animum suum aliis verbis, quoties opus est, explicantem. Hæc interpretationis adjumenta in scriptis veteris ævi desiderata revocare, neque ingenii quotidiani, neque sine eruditione & rerum antiquarum summa peritia omnino ingenii est. Non sufficit igitur ad interpretationem scripturarum, ut quis linguam calleat, qua loquuntur. Neque interpres Scripturæ canonicus unusquisque est: qui commentarios in eas scribit. Possunt enim homines errare, possunt etiam eam vel ad ambitionem suam inflectere, vel in servitutem præjudiciis suis trahere etiam repugnantem: unde sequetur, habendam esse sententiam erroneam pro *Verbo Dei* Etiam si autem accidere hoc non posset, tamen statim ut commentatores hi discesserint, commentarii eorum explicationibus, & procedente tempore, explicationes expositionibus, expositiones novis commentariis indigebunt sine fine, ut nullo modo doctrinæ Christianæ canon sive regula qua controversiæ Religionis determinandæ sint, consistere possit in quacunque interpretatione scriptâ. Restat, ut interpres canonicus debeat esse aliquis, cujus munus legitimum sit, ortas controversias, *Verbum Dei* in ipsis judiciis explicando, terminare; & cujus propterea auctoritati standum non minus

minus sit, quam eorum, qui Scripturam ipsam pro Canone fidei primi nobis commendaverunt, idemque sit *interpres Scripturæ*, & *doctrinarum* omnium *judex supremus*.

XIX. Quod ad nomen attinet *Ec-*<sup>*Ecclesiæ*</sup>  
*clesiæ*, ab origine idem sonat quod Latini <sup>*plures si-*</sup>  
*Concio*, sive conventus civium, si- <sup>*gnificatio-*</sup>  
*cut & Ecclesiastes* idem quod *conciona-*<sup>*nes.*</sup>  
*tor*, id est, is qui ad conventum loquitur. Quo sensu legimus in Actis Apostolorum *Ecclesiam legitimam*, & *Ecclesiam confusam*: Act. 19. v. 32. 40. illam pro coetu convocato, hanc pro concursu populi per tumultum. Cæterum per *Ecclesiam Christianorum* in Scriptura Sacra intelligitur interdum quidem conventus, interdum vero ipsi Christiani, etsi non actu congregati, siquidem in coetum introire, & communicare cum congregatis concessum sit. Exempli causa: *Dic Ecclesiæ*, Matth. 18. v. 17. de congregata intelligitur; aliter enim *dicere* aliquid *Ecclesiæ* impossibile est. Sed, *devastavit Ecclesiam*, Act. 8. v. 3. de non congregata. Sumitur autem *Ecclesia* aliquando pro baptizatis, sive fidei Christianæ professoribus, sive illi sint interne Christiani, sive simulate; ut, ubi legimus aliquid dictum, vel scriptum, ad *Ecclesiam*, vel dictum, decretum, factum ab *Ecclesia*; aliquando autem pro *electis* tantum, ut  
ubi

ubi dicitur *sancta & immaculata Ecclesia*. Ephes. 5. v. 27. Non autem sunt electi, quatenus militant, proprie dicta *Ecclesia*; nam convenire nesciunt, sed sunt *Ecclesia futura*, nimirum in die illa in qua à reprobis segregati triumphaturi sunt. Rursus *Ecclesia* sumi aliquando potest pro omnibus simul Christianis collective. ut ubi CHRISTUS vocatur *caput Ecclesiæ*; & *caput corporis Ecclesiæ*. Eph. 5. v. 23. Col. 1. v. 18. aliquando pro partibus ejus, ut *Ecclesia Ephesi*, *Ecclesia quæ est in domo ejus*, *septem Ecclesiæ*, &c. Postremò, *Ecclesia* prout pro cœtu actu congregato sumitur, pro diverso fine congregandi, significat aliquando eos, qui congregantur ad deliberationes & judicia, quo sensu vocatur etiam concilium, & synodus; aliquando eos, qui conveniunt in domum orationis ad colendum Deum, qua significatione ponitur 1 Cor. 14. v. 4, 5. 23, 28. &c.

*Quid sit Ecclesia,* XX. *Ecclesia* autem, cui attribuuntur *personalia*, & propria *jura actiones* cui attri- *que*, & de qua necesse est intelligi illa; *bunntur dic Ecclesiæ*; qui non obedierit *Ecclesiæ*; *jura, a-* & ejusmodi omnes loquendi formulas; *ctiones, &* definienda ita est, ut intelligatur ea voce *similia.* *multitudo hominum qui Pactum novum cum Deo per Christum inierunt*, (hoc est, *personalia.* *multitudo eorum, qui susceperunt Sa-*  
cra-



cramentum Baptismi) *quæ multitudo, & jure in unum locum convocari possit ab aliquo, & eo convocante, adesse omnes vel per se, vel per alios obligantur.* Nam multitudo hominum, si coire in unum cœtum, ubi opus est, non potest, una *persona* dicenda non est. *Ecclesia* enim neque loqui, neque decernere, neque audire potest, nisi ut cœtus. Quæ à singulis dicta sunt, nempe tot sententiæ ferè, quot capita, unumquodque eorum hominis unius, non *Ecclesiæ* dictum est. Porro si cœtus fiat, sed illicitus, considerabitur ut nullus. Nemo igitur eorum qui adsunt in tumultu, decreto cæterorum tenebitur, præsertim verò si dissenserit. neque itaque *Ecclesia* talis decernere aliquid potest; tum enim decernere aliquid multitudo dicitur, cum unusquisque decreto majoris partis obligatur. Oportet igitur ad *Ecclesiæ* (cui quidem *personalia* tribuimus) definitionem accedere, ut possit non modo congregari; sed & jure. Præterea, etsi sit, qui jure cæteros convocet, possint tamen, qui vocantur, jure non venire, (id quod accidere potest inter homines, quorum alius alii non subjicitur) non est illa *Ecclesia persona* una. Nam quo jure ii, qui ad tempus & locum, quo vocantur, conveniunt, *una Ecclesia*, eodem etiam ii, qui ad alium locum à se constitutum

con-

confluunt, *alia Ecclesia* est. Et quilibet *homodoxorum* numerus *Ecclesia* est; & per consequens tot *Ecclesiarum* erunt, quot sunt opiniones diversæ; hoc est, eadem multitudo hominum erit simul & *una* & *plures Ecclesiarum*. Itaque *Ecclesia* nisi ubi certa & cognita, hoc est, legitima potestas sit, per quam singuli per se, vel per alios in cœtu adesse obligentur, una non est. Atque unitate legitimæ potestatis convocandi Synodos & conventus Christianorum, non uniformitate doctrinæ, fit *una* & capax functionum *personalium*; quæ alioquin est multitudo, & *persona* in plurali, utcunque opinionibus consentientes.

*Civitas Christiana, idem quod Ecclesia Christiana.*

XXI. Iis, quæ dicta jam sunt, necessariâ connexionem adhæret, *civitatem Christianorum* hominum, & *Ecclesiam* eorundem, prorsus eandem rem esse, duobus nominibus propter duas causas appellatam. Nam *materia civitatis* & *Ecclesiarum* eadem est, nimirum iidem homines Christiani. *Forma* autem quæ consistit in legitima potestate eos convocandi, eadem quoque est; constat enim, singulos cives obligari eo venire, quo à civitate convocantur. Quæ vero *civitas* vocatur, quatenus conflatur ex *hominibus*, eadem quatenus constat ex *Christianis*, *Ecclesia* nominatur.

*Plures*

XXII. Cum iisdem cohæret & hoc, *si plu-*

*si plures sint civitates Christianæ, eas si- civitates  
mul omnes Ecclesiam personaliter unam non con-  
non esse.* Possunt quidem consensu mutuo *sistunt*  
una fieri, sed non aliter, quam ut fiant et- *unam Ec-  
iam una civitas.* Convenire enim nisi ad *clesiam.*  
certum tempus & locum constitutum,  
non possunt. Sunt autem personæ, loca,  
& tempora conventuum juris civilis; ne-  
que quisquam civis, vel externus, pedem  
in ullum locum inferre jure potest, nisi  
permittente civitate, quæ loci domina  
est. Quæ vero nisi permittente civitate  
fieri jure pon possunt, ea si jure fiant,  
fiunt per auctoritatem civitatis. Est certe  
*Ecclesia universa* unum *Corpus mysti-  
cum*, cujus caput est CHRISTUS, sed  
eadem ratione, qua omnes simul homi-  
nes Deum rectorem mundi agnoscentes,  
unum regnum, & *una civitas* sunt,  
quæ tamen neque *una persona* est, neque  
unam actionem aut sententiam com-  
munem habet. Preterea ubi dicitur  
CHRISTUS esse *caput corporis Eccle-  
siæ*, manifestè apparet, dictum id esse ab  
Apostolo de electis, qui quamdiu in hoc  
mundo sunt, potentiâ tantum *Ecclesia*  
sunt, quæ actu antè non erit, quam à re-  
probis quidem segregentur, inter se ve-  
rò congregentur in die judicii. *Ecclesia*  
*Romana* permagna olim fuit; sed fines  
imperii egressa non est! neque ergo *uni-  
versa*, nisi eo sensu, quo dictum etiam  
est

est de *Romana civitate*, Orbem jam totum victor *Romanus* habebat, cum non haberet partem ejus vicesimam. Postquam autem imperium civile in partes discerptum fuit, singulæ civitates inde exortæ, totidem erant *Ecclesia*, & quam habuit in eas *Ecclesia Romana* potestatem, ea tota pendere potuit ex ipsarum autoritate, quæ excussis Imperatoribus, Doctores tamen Romanos habere contentæ sunt.

*Ecclesiastici qui.*

XXIII. *Ecclesiastici* appellari possunt, qui munus in *Ecclesia* exercent publicum. Munerum autem erat aliud *Ministerium*, aliud *Magisterium*. *Ministrorum* munus erat inservire mensis, procurare bona *Ecclesiæ* temporalia, portionesque (quo tempore divitiarum omni abolitâ proprietate de communi alebantur) in singulos distribuere. *Magistri* autem pro ordine, alii *Apostoli*, alii *Episcopi*, alii *Presbyteri*, hoc est, majores natu sive seniores, appellabantur; non tamen ut *Presbyteri* nomine *atas*, sed officium distingueretur. Fuit enim *Timotheus* Presbyter, quamquam juvenis; sed quia plerumque *Seniores* ad *magisteria* adhibebantur, nomen ætatis ad significandum munus usurpatum est. Iidem *Magistri* pro diversitate munerum vocabantur alii *Apostoli*, alii *Prophetæ*, alii *Evangelistæ*, alii *Pastores* seu *doctores*. Et

opus



opus quidem *Apostolicum* universum erat; *Propheticum* autem, revelationes proprias in *Ecclesia* proponere; *Evangelicum*, prædicare, five præcones esse Euangelii apud infideles; *Pastoritium*, docere, confirmare & regere animos eorum, qui jam crediderant.

XXIV. In *Electione Ecclesiasticorum* *Electio* duo considerata sunt, *electio* personarum, & consecratio five institutio, quæ *ecclesiasticorum* & ordinatio appellatur. *Primos Apostolos* duodecim ipse CHRISTUS & *elegit & ordinavit*. Post ascensionem CHRISTI, *Matthias* in locum *Jude* proditoris successus est, *Ecclesiâ* (quæ ex hominibus circiter centum & viginti tunc temporis congregata est) duos eligente: statuerunt enim duos: *Joseph & Matthiam*; sed Deo ipso sorte unum *Matthiam* approbante. Atque duodecim hos appellat sanctus Paulus magnos & *primos Apostolos*; item *Apostolos circumcisionis*. Postea additi duo alii *Apostoli*, *Paulus & Barnabas*: ordinati quidem à Doctoribus & Prophetis *Ecclesiæ Antiochenæ* (quæ erat *Ecclesia particularis*) per impositionem manuum, electi verò jussu Spiritus sancti. Quod fuerint ambo *Apostoli*, constat ex decimo quarto Actorum, versu 13. Quod *Apostolatium* ex eo receperunt, quod jussu Spiritus sancti à Prophetis Doctoribusque

Ecclesiæ Antiochenæ segregati fuerint ad opus Dei, ostendit ipse sanctus Paulus, qui distinctionis causa vocat se *Apostolum segregatum in Euangelium Dei*. Rom. 1. v. 1. Sed si quæretur ulterius; *qua autoritate factum sit*, ut pro jussu Spiritus Sancti receptum sit, quod Prophetæ & Doctores illi profectum à Spiritu Sancto esse dixerint, respondendum necessariò est, *Autoritate Ecclesiæ Antiochenæ*. Prophetæ enim & Doctores antequam admittantur, examinandi sunt ab Ecclesia; dicit enim sanctus Johannes, *Nolite omni spiritui credere, sed probate spiritus, si ex Deo sunt, quoniam multi Pseudo-Propheta exierunt in mundum*. A qua autem Ecclesia, nisi ad quam scripta est ea Epistola? Similiter reprehendit sanctus Paulus *Ecclesias Galatiæ* quod Judaizarent; Gal. 2. v. 14. etiam si viderentur ipsi id facere Auctore Petro. nam cum dixisset, se *Petrum* ipsum reprehendisse his verbis: *Si tu, cum Judæus sis, gentiliter vivis & non Judaice, quomodo Gentes cogis Judaizare?* non multo post interrogat ipsos dicens: *Hoc solum à vobis volo discere: ex operibus legis Spiritum accepistis, an ex auditu fidei?* Gal. 3. vers. 2. Ex quo patet id quod reprehendit in *Galatis*, fuisse *Judaismum*, quamquam *Petrus Apostolus* judaizare cogeret. Cum igitur, quos doctores se-

querc-

queretur *Ecclesia*, non *Petri*, neque ergo hominis erat determinare, etiam *Ecclesie Antiochene* auctoritati innitebatur Doctorem & Prophetarum suorum electio. Quoniam autem per doctorem, sic electorum, impositionem manuum, Spiritus Sanctus segregavit sibi *Apostolos*, *Paulum* & *Bernabam*; manifestum est, summorum in *Ecclesia* qualibet Doctorem consecrationem & impositionem manuum ad ejusdem *Ecclesie* Doctores pertinere. *Episcopus* autem, qui & *Presbyteri* vocati erant, etsi non omnes *Presbyteri* *Episcopi*, ordinaverunt tum *Apostoli*, (nam *Paulus* & *Barnabas* cum docuissent in *Derbe*, *Lystra*, & *Iconio*, *Presbyteros* constituerunt per singulas *Ecclesias*, Act. 14. v. 22.) tum etiam *Episcopi* alii: *Titus* enim in *Creta* relictus est à *Paulo*, ut constitueret per civitates *Presbyteros*: Tit. 1. v. 5. Et *Timotheo* dictum est: Noli negligere gratiam Dei quæ in te est, quæ data est tibi per Prophetiam, cum impositione manuum *presbyterii*: 1 Tim. 4. v. 14. Eisdemque datæ regulæ sunt circa *Presbyterorum* electionem. Non autem intelligi id potest, nisi de ordinatione eorum, qui ab *Ecclesia* eligerentur. Constituere enim doctorem in *Ecclesia*, nisi *Ecclesia* permittente, nemo potuit. Nam ipsorum *Apostolorum* munus erat, non imperare, sed docere. & quamquam qui commen-



dati ab *Apostolis* vel *presbyteris* fuerant: propter exillimationem commendantium non rejicerentur, cum tamen sine *voluntate Ecclesiæ* eligi non possent, etiam per *autoritatem Ecclesiæ* electi cenfebantur. Similiter ministri qui *Diaconi* vocantur, ab *Apostolis* ordinati, ab *Ecclesia* tamen electi erant. Nam cum septem *Diaconi* eligendi ordinandique erant, non eos eligebant *Apostoli*, sed *considerate*, inquit, *fratres*, viros ex vobis boni testimonii septem, &c. atque illi elegerunt *Stephanum*, &c. & statuerunt eos ante conspectum *Apostolorum*. Act. 6. v. 3. 6. Constat itaque ex consuetudine *Ecclesiæ* sub *Apostolis*, *Ecclesiasticorum* omnium ordinationem quidem, siue consecrationem, quæ sit per orationem & manuum impositionem, ad *Apostolos* & *Doctores* spectasse, electionem verò ordinandorum ad *Ecclesiam*.

Potestatem peccata pœnitentibus remittendi, non pœnitentium retinendi, spectare ab Pastoribus: sed de pœnitentibus

XXV. De potestate solvendi & ligandi, id est, peccata remittendi & retinendi, dubium esse non potest, quin ea data sit à *Christo* futuris tunc *Pastoribus*, eodem modo quo præsentibus *Apostolis*. Data autem est *Apostolis* omnis potestas remittendi peccata, quam ipse habuit *Christus*: Sicut misit me pater, inquit *Christus*, & ego mitto vos: Joh. 20. v. 21. subjungitque, quorum remisieritis peccata, remittuntur, & quorum retinueritis,



*ritus, retenta sunt. v. 23. Sed quit sit sol- tia judi- vere & ligare, sive peccata remittere & candi, ad retinere, dubitationem habet. Primum Eccle- enim peccata ejus retinere, qui baptiza- siam. tus in remissionem peccatorum verè pœnitens est, videtur contra ipsum pæctum novi Testamenti, neque ergo à Christo fieri, nedum à pastoribus posse. Remittere autem non pœnitenti, videtur esse contra voluntatem Dei Patris, à quo Christus ad convertendum mundum, hominesque ad obedientiam reducendum missus est. Deinde si Pastoribus singulis eo modo remittere & retinere peccata concessum esset, omnis metus Principum, & Magistratum civilium, unaque omne regimen civile destrueretur. Dictum enim est à Christo, immo etiam natura ipsa dictat: Nolite timere eos, qui occidunt corpus, animam autem non possunt occidere; sed potius timete eum, qui potest & animam & corpus perdere in Gehennam. Matth. 10. vers 28. Neque est quisquam ita mente captus, ut non potius mallet iis, qui peccata remittere & retinere possunt, quam regibus potentissimis obtemperare: Neque tamen ex altera parte existimandum est; remissionem peccatorum nihil aliud esse præter exemptionem à pœnis ecclesiasticis. quid enim mali habet excommunicatio præter consequentem ex ea pœnam æternam;*

nam ; vel boni , in Ecclesiam recipi , si extra eam esset salus ? Tenendum igitur est , *Pastores habere potestatem peccata verè & absolute remittendi , sed pœnitentibus ; & retinendi , sed impœnitentium .* Dum autem putant homines , pœnitere nihil aliud esse , quam ut facta sua quisque condemnet , mutetque consilia , quæ sibi met ipsis peccata esse & culpam habere videantur ; orta est opinio , posse esse pœnitentiam ante confessionem peccatorum coram hominibus ; & esse pœnitentiam non effectum , sed causam confessionis . atque inde difficultas dicentium ; peccata eorum , quos pœnitet , jam remissa esse in Baptismo ; non pœnitentium omnino remitti non posse ; contra Scripturam est , & contra verba Christi dicentis , *quorum remisistis , &c.* Sciendum igitur primo loco ad difficultatis hujus solutionem , peccati veram agnitionem esse ipsam pœnitentiam . nam qui scit se peccasse , scit se errasse , errare autem velle impossibile est ; itaque qui scit se peccasse , nollet factum ; id quod est pœnitere . Deinde ubi dubium esse potest , an quod factum est , peccatum sit , necne ; considerandum est , pœnitentiam non antecedere confessionem peccatorum , sed subsequi . Pœnitentia enim non est , nisi de peccato agnito . Oportet igitur pœnitentem , & factum .  
agnos-

agnoscere, & cognoscere quod sit peccatum, hoc est, quod sit contra legem. Si quis igitur, quod à se factum est, putet non esse contra legem, impossibile est, ut ejus poeniteat. Ergo ante poenitentiam necessaria est factorum ad legem applicatio. Ad legem autem sine interprete facta applicare, frustra est; non enim verba legis, sed sententia legislatoris, actionum regula est. Est autem legis interpretis certe homo vel homines; non enim judex est unusquisque facti sui, an sit peccatum necne. Itaque explicandum factum est, de quo dubitatur, an sit peccatum, ante hominem vel homines. Atqui hoc facere, confessio est. Jam, quando legis interpretis judicaverit, factum ejus esse peccatum: si acquiescat peccator judicio, statuaturque apud se, non facere amplius, poenitentia est. Atque hoc modo vera poenitentia aut non est, aut confessionem non antecedit sed sequitur. His ita explicatis non est intellectu difficile, qualis illa sit potestas *solvendi & ligandi*. Cum enim in remissione duo sint; Alterum, *judicium* sive *condemnatio*, qua factum judicatur esse peccatum; alterum, (ubi condemnatus judicio acquiescens obediverit, id est, poenituerit) *peccati remissio*, vel (si non poenituerit) *retentio*: primum eorum, id est, judicare an sit

peccatum, ad *interpretem legis*, id est, *judicem summum*; secundum, remissio vel retentio peccati pertinet ad *Pastorem*; & est illa ipsa, de qua agitur *potestas ligandi & solvendi*. Atque hanc veram fuisse sententiam nostri Servatoris in ejusmodi potestatis institutione, ex 18 capite sancti Matthæi, v. 15, 16, 17, 18, sic apparet: Discipulos alloquens: *Si peccaverit, inquit, in te frater tuus, vade & corripe eum inter te & ipsum solum*. (Notandum obiter est, si peccaverit in te, idem esse quod si injuriam tibi fecerit, ideoque loqui *Christum* de iis, quæ pertinent ad *tribunal civile*) addit, *si te non audierit* (hoc est, si neget fecisse, vel si factum confessus, fecisse injustè neget) *adhibe tecum adhuc unum aut duos. Quodsi hos non audierit, dic Ecclesiæ*. Quare autem *Ecclesiæ*, nisi ut ipsa judicet an peccatum si necne? *Quodsi Ecclesiam non audierit*, hoc est, si sententiæ *Ecclesiæ* non acquieverit, sed sustinuerit, non esse peccatum, quod ea peccatum esse judicaverit, hoc est, si non poenituerit, (nam certum est, poenitere facti neminem, quod non existimat esse peccatum) non dicit, *dic Apostolis*, ut sciamus, sententiam definitivam in quæstione an sit peccatum necne, relinqui non illis, sed *Ecclesiæ*, sed *sit tibi*, inquit, *sicut Ethnicus & Publicanus*, hoc est, tanquam extra *Ecclesiam*.



*clesiam*, tanquam non baptizatus, id est, tanquam is cuius *peccata retinentur*. Baptizabantur enim omnes Christiani in remissionem peccatorum. Quoniam autem quæri poterat, quis haberet tantam potestatem, quanta est Baptismi beneficium impœnitentibus auferendi, ostendit *Christus*, eos ipsos, quibus autoritatem dederat pœnites baptizandi in remissionem peccatorum, & faciendi ex Ethnicis Christianos, autoritatem quoque habere peccata eorum, qui ab *Ecclesia* judicarentur impœnitentes, retinendi, eosque ex Christianis reddendi Ethnicos. ideoque statim subjungit: *Amen dico vobis, quæcunque alligaveritis super terram, erunt ligata & in cælo, & quæcunque solveritis super terram, erunt soluta & in cælo* Ex quo intelligi potest, potestatem solvendi & ligandi, sive remittendi & retinendi peccata, quæ & potestas clavium dicitur, aliam non esse à potestate data alio loco his verbis: *Euntes docete omnes gentes, baptizantes eos in nomine Patris, & Filii, & Spiritus Sancti: Matth. 28. v. 19.* Et quemadmodum Pastores Baptismum negare non possunt ei, quem *Ecclesia* dignum censet, ita neque retinere peccata ejus, quem *Ecclesia* absolvendum judicat; neque etiam remittere peccata ejus, quem *Ecclesia* pronunciat esse contumacem. Et de peccato quidem judica-

re, *Ecclesiæ est: Pastorum verò, judicatos ab Ecclesia ejicere; vel intra eam recipere. Ita Sanctus Paulus ad Ecclesiam Corinthiacam: Nonne de iis, inquit, qui intus sunt, vos judicatus?* ipse tamen fornicarium ab Ecclesia separandum pronuntiavit: *Ego quidem, inquit, absens corpore, præsens autem spiritu, &c.*

*Excommunicatio quid, & in quos cadere non potest.*

XXVI. Actus retentionis peccatorum is est, qui vocatur ab Ecclesia *Excommunicatio*, & à Sancto Paulo, *tradere Satanae*. Nomen *Excommunicationis*, idem sonans quod *ἐκκλήσις ἐκβαλεῖν*, è *Synagoga ejicere*, tractum videtur à lege Mosaica, qua eos, qui à Sacerdote leprosi judicati sunt, extra castra seorsim habere imperatum est, donec rursus Sacerdotis judicio mundi, & certis ritibus (inter quos erat corporis lavatio) purificati essent. Levit. 13. vers. 46. Progrediente inde tempore Judæis mos erat, eos etiam qui transibant à *Gentilismo* ad *Judaismum*, tanquam immundos, non recipere, nisi prius *lavatos*; & dissentientes à doctrina *Synagogæ*, *Synagogâ ejicere*. Ad similitudinem hujus ritus transcunt ad Christianismum (sive Judæi essent, sive Gentes) non nili per *Baptismum* in *Ecclesiam* recipiebantur; & dissentientes ab *Ecclesia*, *communione Ecclesiæ* privabantur. *Tradi autem Satanae* ideo dicebantur, quia quod extra *Ecclesiam*

*clesiam* erat, id omne regno *Satanæ* comprehendebatur. Finis hujusmodi disciplinæ erat, ut destituti ad tempus gratiæ & privilegiis *Ecclesiæ* spiritualibus, humiliarentur ad salutem. Effectus autem quoad secularia is erat, ut *excommunicatus* non modo coetibus sive *Ecclesiis*, & participatione *Mysteriorum* prohiberetur, sed tanquam noxius contagione, etiam pejor *Ethnico*, à cæteris *Christianis* singulis fugeretur. Nam cum *Ethnicis commisceri* permisit *Apostolus*; cum his *ne cibum* quidem *una sumere*. 1 Cor. 5. v. 10, 11. Quum ergo talis sit *excommunicationis* effectus, manifestum est primo loco, *civitatem Christianam* non posse *excommunicari*. Est enim *civitas Christiana*, *Ecclesia Christiana*; ut ostensum est supra articulo 21, & ejusdem extensionis, *Ecclesia* autem *excommunicari* non potest; vel enim *excommunicabit* se ipsam, quod est impossibile, vel *excommunicabitur* ab *alia Ecclesia*, eaque vel *universali*, vel *particulari*. *universalis* autem *Ecclesia* cum *persona* non sit, (ut ostensum est articulo 22) neque ergo agat aut faciat quicquam, *excommunicare* neminem potest. *Particularis* autem *Ecclesia*, *excommunicando* *aliam Ecclesiam* nihil agit, nihil mutat. quorum enim *communis* non est coetus, eorum *excommunicatio* esse non potest;

neque si *Ecclesia* aliqua, puta *Ierosolymitana* aliam, puta *Romanam* excommunicasset, non illam magis excommunicasset quam se ipsam. Nam qui aliam sua communione privat, se quoque privat communione illius. Secundo, *neminem posse civitatis alicujus absolutæ, cives simul omnes excommunicare, vel templorum usum vel cultum Dei publicum eis interdicere.* Non enim excommunicari possunt ab *Ecclesia*, quam ipsi constituunt; siquidem enim id facerent, non modò non *Ecclesia*, sed ne *civitas* quidem essent, dissolverenturque sua sponte: id verò non est excommunicari, neque interdicti. Quod si ab alia *Ecclesia* excommunicentur, habendi sunt, illi *Ecclesie*, tanquam ethnici. Sed *Ethnicos*, per doctrinam *Christi*, nulla *Ecclesia Christiana* prohibere potest, quin congregent se, & inter se communicent, prout eorum civitatibus visum fuerit, præsertim si coeant ad colendum *Christum*, quamquam id fiat ritu & modo singulari. Ergo neque excommunicatos; qui ut ethnici tractandi sunt. Tertio, excommunicari non posse Principem, qui habet summum civitatis imperium. Neque enim per doctrinam *Christi* subditus unus, vel plures simul, Principi suo quamquam *Ethnico* loca publica, aut privata interdicere, aut introitum in quemcumque cœtum negare

re



re potest, aut prohibere, ne faciat, quicquid in sua ditione voluerit. Est enim crimen læsæ majestatis in omni civitate, civi cuicunque, vel quocunque civibus simul, auctoritatem sibi quamcumque in totam civitatem arrogare. Qui vero auctoritatem arrogant sibi in eum qui habet civitatis summum imperium, eandem arrogant in ipsam civitatem. Præterea, Princeps summus, si Christianus sit, hoc amplius habet ut civitas, cujus voluntas continetur in ipsius voluntate, id ipsum sit, quod vocamus *Ecclesiam*. Neminem igitur excommunicat *Ecclesia*, nisi quem excommunicat auctoritate Principis. Sed Princeps non *excommunicat* se ipsum, non igitur *excommunicari* potest à subditis suis. Potest quidem esse, ut cœtus civium rebellium, vel proditorum, pronunciet Principem summum esse *excommunicatum*, sed non *jure*. Multo minus Princeps à Principe *excommunicari* potest. esset enim hoc, non *excommunicatio*, sed potius indictio belli per convicium. Nam cum una non sit *Ecclesia* quæ conflatur ex civibus duarum civitatum absolutarum, propter defectum (ut dictum supra est articulo 22.) potestatis ritè conveniendi in unum cœtum, illi qui unius Ecclesiæ sunt, non tenentur obedire alteri, neque ergo pro-

pter inobedientiam possunt *excommunicari*. Quod autem dicat aliquis, Principes, cum *Ecclesia universalis* membra sint, possent etiam *universalis Ecclesie* auctoritate *excommunicari*, locum non habet, propterea quod *Ecclesia universalis* (ut dictum est articulo 22.) non est *una persona*, de qua possit dici, quod *fecerit*, *decreverit*, *statuerit*, *excommunicaverit*, *absolverit*, & similia personalia; neque habet rectorem ullum in terris, cujus iussu convenire & deliberare possit. Nam rectorem esse *Ecclesie universalis*, & posse eam convocare, idem est, ac rectorem esse & dominum omnium per universum orbem Christianorum, id quod nemini conceditur, præterquam soli Deo.

Interpre-  
tationem  
Scripturæ  
dependere  
ab autori-  
tate civi-  
tatis.

XXVII. Ostensum est supra articulo 18, auctoritatem *interpretandi Scripturas* sacras non consistere in eo, quod interpretes possit impunè sententiam, quam inde elicit, aliis vel scripto vel viva voce exponere & explicare, sed in eo, quod non sit aliis contra sententiam ejus faciendi aut docendi jus; ita ut *interpretatio* de qua agimus, idem sit quod *Potestas* (in omnibus controversiis per scripturam sacram determinandis) definiendi. Nunc ostendendum est, auctoritatem illam pertinere ad singulas *Ecclesias*, & dependere ab auctoritate ejus, vel eorum qui habent summum impe-

imperium, modo sint Christiani. Si enim ab autoritate civili non dependeat, dependere eam oportet vel ab arbitrio singulorum civium, vel ab autoritate externa. Ne verò ab arbitrio dependeat singulorum, prohibent inter alia, consequutura inde incommoda & absurda. Quorum præcipuum est hoc, quod non modò omnis tolleretur (contra præceptum *Christi*) obedientia civilis, sed etiam omnis societas & pax humana (contra leges naturales) dissolveretur. Cum enim Scripturam Sacram singuli interpretentur sibi, id est, unusquisque judicem se faciat, quid Deo placeat, quid displiceat, non ante Principibus obedire possunt, quàm ipsi de mandatis eorum, utrum conformia sint scripturæ necne, judicaverint. Atque sic, vel non obediunt, vel obediunt propter iudicium proprium, hoc est, sibi obediunt, non civitati. Tollitur ergo obedientia civilis. Rursus cum unusquisque propriam sequatur sententiam, necesse est, controversias quæ oriuntur, innumerabiles fore, neque deterrainabiles: unde inter homines (qui natura sua dissensionem omnem habent pro contumelia) nasceretur primo odium, deinceps jurgium, & bellum; atque ita omnis periret societas & pax. Habemus præterea in exemplum, id quod sub lege veteri circa librum legis

gis observari voluit Deus, nimirum scribi quidem, publicè haberi & Canonem doctrinæ divinæ esse voluit: sed non inde à singulis, sed à solis Sacerdotibus definiri controversias. Est denique præceptum Servatoris nostri, ut si quid oriatur offensionis inter singulos, ut *audiant Ecclesiam*. Itaque *Ecclesiæ* munus est controversias determinare. Non ergo singulorum, sed *Ecclesiæ* est Scripturas sacras interpretari. Ut sciamus autem, autoritatem *interpretandi Verbum Dei*, hoc est, omnes quæstiones de Deo & Religione determinandi, non spectare ad personam quamcunque externam, perpendendum inprimis est, quid momenti ea potestas habeat in animis civium, civilibusque actionibus. Nemini enim ignotum esse potest, actiones hominum voluntarias necessitate naturali ipsorum sequi opiniones quas habent de bono & malo, præmiis & pœnis; ex quo fit ut obedientiam illis quorum arbitrio vel felices vel miserrimos in æternum futuros se credunt, præstare necessario velint. Quorum autem arbitrio, quæ doctrinæ & quæ actiones necessariae sunt ad salutem, statuitur, eorum arbitrio expectant homines felicitatem vel perditionem æternam; iis igitur in omnibus rebus obsequuntur. Quod cum ita sit, manifestissimum est, cives qui se obligari



obligari credunt, circa eas doctrinas, quæ ad salutem necessariæ sunt, auctoritati externæ acquiescere, non constituere civitatem per se, sed esse externi illius subditos. Neque ergo, etsi Princeps aliquis summus tantum auctoritatis alii cuicunque scripto concederet, ita tamen ut imperium civile retinuisse intelligeretur, scriptum tale validum erit; nec quicquam transferet, quod ad retinendum, & bene administrandum imperium, sit necessarium. Nam per cap. 2. art. 4. *transferre jus nemo dicitur, nisi dederit signum idoneum voluntatis transferendi.* qui verò *voluntatem retinendi* imperium aperte significavit, non potest dedisse signum idoneum transferendi media ad imperium necessaria. Non erit igitur huiusmodi scriptum signum voluntatis, sed ignorantia in contrahentibus. Secundo, considerandum est quam absurdum sit, civitatem, vel summum imperantem conscientias civium regendas committere hosti. Sunt enim, ut supra ostensum est cap. 5. art. 6. inter se in statu hostili, quicunque in unitatem personæ non coaluerunt. Neque obstat quod non semper pugnent: (nam & inter hostes induciæ fiunt) sufficit ad hostilem animum, quod diffidentia sit, quod civitatum, Regnorum, imperiorum fines, præsidiis armati, statu vulruque gla-

gladiatorio se mutuo, et si non feriant, ut hostes tamen intueantur. Postremo, quam iniquum est id postulare, quod ipsa postulandi ratione juris alieni esse confiteris? Interpres sum Scripturæ Sacræ, tibi, qui civitatis alienæ civis es. Qua ratione? quibus pactis inter me & te? Autoritate divina. Unde cognita? ex Sacra Scriptura. en librum, lege. Frustra, nisi & eandem mihi interpreter. mei ergo juris est, & cæterorum singulorum civium, ea interpretatio; id quod negamus ambo. Restat ergo in omni *Ecclesia Christiana*, hoc est, in omni *civitate Christiana*, Scripturæ Sacræ interpretatio, hoc est, *jus controversias omnes determinandi* dependeat & derivetur ab autoritate illius hominis, vel cœtu, penes quem est summum imperium civitatis.

*Christiana-  
nam ci-  
vitatem  
Scriptu-  
ras inter-  
pretari  
debere per  
Pastores  
Ecclesia-  
sticos.*

XXVIII. Quapropter omnino duo sunt genera controversiarum, unum circa *spiritualia*, hoc est, circa quæstiones fidei, quarum veritas ratione naturali investigari non potest; quales sunt quæstiones *de natura & officio CHRISTI de præmiis & pænis futuris, de resurrectione corporum, de natura & officio Angelorum, de Sacramentis & cultu externo, & similia*; alterum circa quæstiones scientiæ humanæ, quarum veritas ratione naturali, & Syllogismis elicitur, ex pactis hominum & definitionibus (id est,

est, receptis usu, & consensu communi, vocabulorum significationibus ) quales sunt quæstiones omnes *Iuris & Philosophiæ*. Exempli causa, quando in *jure* quæritur, an sit promissum & pactum, necne? id nihil aliud est, quam quærere an verba talia, tali modo prolata, appellentur communi usu & consensu civium *promissum*, aut *Pactum*; quod si sic appellantur, verum est pepigisse; aliter, falsum. Veritas ergo ea dependet à pactis & consensu hominum. Similiter quando quæritur in *Philosophia*, an idem possit esse totum in pluribus simul locis; determinatio quæstionis dependet à cognitione communis consensus hominum, circa significationem vocabuli *Totius*, siquidem enim homines quando dicunt, totum esse alicubi, significant communi consensu, intelligere se, nihil esse ejusdem alibi; falsum est, idem esse in pluribus simul locis. Veritas ergo ea dependet à consensu hominum, eademque ratione in cæteris omnibus *Iuris & Philosophiæ* quæstionibus. Et qui contra hunc communem circa rerum appellationes consensum hominum, ex obscuris scripturæ locis aliquid statui posse judicant, tollendum judicant & sermonis usum, & una omnem societatem humanam. Dicit enim qui vendiderit totum agrum, esse totum

tum uno cespite, & reliquum tanquam non venditum retinebit: imo ipsam tollit rationem, quæ nihil aliud est præter veritatis per talem consensum factæ investigatio. Hujusmodi itaque quæstiones non necesse est ut determinet civitas per interpretationem Scripturæ sacræ. non enim pertinent ad *Verbum Dei*, eo sensu quo sumitur Verbum Dei pro *Verbo de Deo*, id est, *Doctrina Evangelica*. neque obligatur, qui habet *Ecclesiæ Imperium*, ad hujusmodi judicia adhibere *Doctores Ecclesiasticos*. quæstionibus autem fidei, id est, *de Deo*, quæ captum humanum superant, decidendis, opus est benedictione divina (ne possimus falli, saltem in necessariis) per *impositionem manuum* ab ipso CHRISTO derivanda. Nam cum ad salutem æternam obligemur ad doctrinam supernaturalem, & quam propterea intelligere est impossibile, ita destitui, ut falli possimus in necessariis, repugnat æquitati. *Infallibilitatem* hanc promisit Servator noster (in iis rebus quæ ad salutem sunt necessariae) *Apostolis* usque ad diem judicii, hoc est, *Apostolis & Pastoribus* ab Apostolis successivè per *impositionem manuum* consecrandis. Obligatur ergo quatenus Christianus, is qui habet civitatis imperium, Scripturas sacras, ubi quæstio est de *mysteriis fidei*, per



per Ecclesiasticos ritè ordinatos interpretari. Et sic in civitatibus Christianis iudicium & spiritualium & temporalium pertinet ad auctoritatem civilem. Et is homo vel coetus qui summum habet imperium, caput est & civitatis & Ecclesiae: una enim res est Ecclesia & civitas Christiana.

## CAPUT XVIII.

De necessariis ad Introitum in Regnum  
caelorum.

- I. Proposita difficultas de repugnantia obediendi Deo & hominibus. tollenda per distinctionem inter necessaria & non necessaria ad salutem.
- II. Omnia necessaria ad salutem contineri in fide & obedientia. III. Qualis sit ea quae requiritur obedientia. IV. Quid sit Fides, & quomodo distinguatur à professione, à scientia, & ab opinione. V. Quid sit credere in CHRISTUM. VI. Vnicum articulum, JESUM ESSE CHRISTUM, necessarium esse ad salutem, probatur ex scopo Evangelistarum. VII. Ex predicatione Apostolorum. VIII. Ex facilitate Religionis Christianae. IX. Ex eo quod sit fundamentum fidei. X. Ex disertissimis CHRISTI & Apostolorum verbis. XI. In eo Articulo contineri fidem veteris Testamenti. XII. Fides & obedientia quomodo concurrant ad salutem. XIII. In civitate Christiana, nullam esse repugnantiam inter mandata Dei & civitatis.

V I X. *Doctrinas quæ hodie controvertantur de Religione, spectare pleraque ad jus regnandi.*

*Proposita I. difficultas de repugnancia obediendi Deo & hominibus, tollenda per distinctionem inter necessaria & non necessaria ad salutem.*

**A**utoritatem omnem in rebus secularibus derivare ab autoritate ejus qui summum habet imperium, sive is unus homo sit, sive unus cœtus, in confesso semper fuit. Eandem in spiritualibus ab autoritate Ecclesiæ dependere ex proximè antecedentibus manifestum est; & præterea hoc, civitatem omnem Christianam esse Ecclesiam hujusmodi autoritate præditam. Ex quibus colligere etiam quantumlibet ingenio tardus potest, in civitate Christiana, (hoc est, in civitate cujus summum imperium habet Princeps vel cœtus Christianus) omnem viri sub Christo potestatem tam secularem quam spiritua-lem; idcircoque in omnibus, iis esse obediendum. Contra autem, quia obedire oportet Deo, magis quam hominibus, orta est difficultas, quo pacto obedientia tutò iis præstari possit, si quando imperatum fuerit aliquid, quod CHRISTUS fieri prohibet. Causa difficultatis est, quod cum Deus non amplius per CHRISTUM & Prophetas vivâ voce, nos alloquatur, sed per Scripturas Sacras, quæ à diversis diverse accipiuntur, sciunt quidem, quid Reges imperant & Ecclesia congregata; utrum verò id, quod imperant,

rant, sit contra imperata Dei, necne, id nesciunt, sed fluctuante obedientia inter poenas mortis *temporalis*, & *spiritualis*, tanquam navigantes inter *Scyllam* & *Charybdis* incurrunt sæpe in utramque. Qui verò necessaria ad salutem, à non necessariis rectè distinguunt, nullam hujusmodi dubitationem habere possunt. Siquidem enim mandatum Principis vel civitatis tale sit, ut obediri ei possit sine jactura salutis æternæ, injustum est non obedire, & locum habent præcepta Apostolica: *Servi, obedite per omnia Dominis carnalibus. Filii, obedite parentibus per omnia: Col. 3. v. 20. 22.* & mandatum *CHRISTI: super Cathedram Moſis ſederunt Scribæ & Pharisei, omnia ergo quæcunque dixerint vobis, ſervate & facite: Matth. 23. v. 2.* Contra, si facere jusserint quæ puniuntur morte æterna, insanum est, non potius mori mortem naturalem, quam obediendo mori in æternum. Et locum habet quod dicit *CHRISTUS: Nolite timere eos, qui occidunt corpus, animam autem non possunt occidere, Matth. 10. v. 28.* Videndum itaque est quæ sint ea omnia, quæ ad salutem sunt necessaria.

II. Sunt autem *necessaria* ad salutem *Omnia* omnia duabus virtutibus. *comprehensivè necessaria* *fide*, & *Obedientia*. Harum posterior ad salutem  
 si



*tem conti-* si perfecta esse posset, sola sufficeret, ne  
*neri in fi-* dammaremur; sed qui, & jam diu omnes  
*de & obe-* rei sumus contumaciæ adversus Deum,  
*dientia.* in Adamo; & præterea ipsi actu peccavi-  
 mus: non sufficit *obedientia* sine *remissio-*  
*ne peccatorum.* Ea vero, unaque introi-  
 tus in Regnum cœli, *Fidei* præmium est.  
 Aliud ad salutem requiritur nihil. Non  
 enim clauditur regnum Dei, nisi peccan-  
 tibus, id est iis, qui debitam legibus Dei  
*obedientiam* non præstiterunt; neque  
 illis, si credant *articulos necessarios* fidei  
 Christianæ. Jam si cognoverimus, in  
 quibus constat *obedientia*, & qui sint *ar-*  
*ticuli necessarii fidei* Christianæ; mani-  
 festum una erit, quæ civitatum Principumque jussu facere, & quibus abstinere  
 debeamus.

*Qualis sit* III. Per *obedientiam* autem, hoc  
*ea, quæ* loco, significatur non *factum*, sed *volun-*  
*requiritur* *tas & studium*, quo proponimus cona-  
*obedien-* ri quantum possumus, obedire in futu-  
*tia.* rum. Quo sensu vox *obedientiæ* æquiva-  
 let *Pœnitentiæ*. Consistit enim *Pœniten-*  
*tiæ* virtus non in dolore, qui peccati re-  
 cordationem comitetur, sed in conver-  
 sione in viam, & instituto non peccandi  
 amplius, sine quo dolor ille non *pœni-*  
*tentis*, sed desperantis esse dicitur. Quo-  
 niam autem qui Deum amant, non pos-  
 sunt non velle obedire legi Divinæ, &  
 qui amant proximum, non possunt non  
 velle



velle obedire legi morali, quæ confitit, ut supra capite 3 ostensum est, in *superbiæ*, *ingratiitudinis*, *contumeliæ*, *inhumanitatis*, *inclementiæ*, *injuriæ*, similiumque offensarum prohibitione, quibus proximi læduntur. Itaque voci *obedientiæ* æquivalet etiam *Amor*, sive *Charitas*; Etiam *justitia*, (quæ constans voluntas est suum cuique tribuendi) æquivalet eidem. Jam sufficere ad salutem *Fidem* & *Pœnitentiam*, manifestum est. primum ex ipso fœdere Baptismi. nam interrogantibus *Petrum* iis, qui ab ipso die *Pentecostes* convertebantur, *Quid faciemus?* respondit; *Pœnitemi ni, & baptizetur unusquisque vestrum in nomine Iesu in remissionem peccatorum*: Actor. 2. vers. 38. Nihil ergo ad obtinendum Baptismum, hoc est, introitum in Regnum Dei, faciendum aliud erat, nisi *pœnitere* & *credere* in nomen *Jesu*. Pacto enim, quod fit in Baptismo, promittitur regnum cœlorum. Deinde ex verbis *CHRISTI* respondentis ad Principem interrogantem, quid faciens vitam æternam possideret: *Mandata nosti, non occides, non mæchaberis, &c. quod obedientiæ; &, Vende omnia quæ habes veni, & sequere me;* quod *fidei* erat. Lucæ 18. v. 20. Mac. 10. v. 18. Et ex eo quod dicitur *justus* (non quilibet, sed *justus*) *ex fide* vivet, est enim

Q

*justitia*

*justitia voluntatis dispositio eadem, quæ Pænitentia & Obedientia. Et ex verbis sancti Marci: Quoniam impletum est tempus, & appropinquare vit Regnum Dei, pænitemini & credite Evangelio; quibus non obscurè significatur, non opus esse ad ingressum in Regnum Dei, aliis virtutibus præter pænitentiam & fidem. Obedientia itaque quæ ad salutem necessariò requiritur, nihil aliud est præter voluntatem sive conatum obediendi, id est, faciendi secundum leges Dei, id est, secundum leges morales quæ eadem omnibus sunt, & leges civiles, hoc est, mandata imperantium in rebus temporalibus, & leges Ecclesiasticas in spiritualibus; quæ duo genera legum in diversis civitatibus & Ecclesiis sunt diversa, & cognoscuntur promulgatione, vel sententiis publicis*

*Quid sit Fides, & quomodo distinguatur à professione, à scientia, & opinione.* IV. Ut sciamus, quid sit *Fides Christiana*, definienda est in universum *Fides*, & à cæteris animi actibus quibuscum vulgò confundi solet, distinguenda. *Objectum Fidei* universaliter sumptæ, nimirum, *id quod creditur*, semper *propositio* est, (id est, oratio affirmans vel negans) quam veram esse concedimus. Sed quoniam conceduntur propositiones propter diversas causas, accidit, hujusmodi concessionem diverse nominari. Concedimus autem quandoque propositiones, quas

quastamen in animum non recipimus. Idque vel ad tempus, nimirum, tantisper donec ex consideratis consequentiis, earum veritatem examinaverimus quod vocatur *supponere*; vel etiam simpliciter, ut metu legum, quod est *profiteri*, vel *confiteri* signis externis; vel obsequii spontanei causa, quod faciunt homines animo civili erga eos, quos reverentur, & erga alios studio pacis, id quod simpliciter *concedere* est. Propositiones autem quas pro veris recipimus, concedimus semper propter aliquas rationes nostras. Eæ verò derivantur vel ab ipsa *propositione*, vel à *persona proponentis*. Derivantur autem ab ipsa *propositione* revocando in memoriam, quibus rebus significandis nomina, ex quibus propositio conflatur, communi consensu usurpantur; quod si fiat, assensus quem præbemus, dicitur *Scire*. Si vero recordari non possimus, quid certò per ea nomina intelligendum sit, sed modò hoc videtur, modò illud, tum dicimur *opinari*. Exempli causa: si propositum sit, *duo & tria, esse quinque*; revocando autem in memoriam, ordinem numerum numeralium, ita consensu communi eorum, qui ejusdem sunt linguæ, (quasi pacto quodam societati humanæ necessario) constitutum esse, ut quinary totidem unitatum nomen sit,

quot in binario & ternario continentur simul sumtis; ac assentiatur quis, verum id ideo esse, quia 2. & 3. simul idem sunt quod 5 : dicetur assensus ille *scientia*. Et scire veritatem istam, nihil est aliud. quam agnoscere, esse eam à nobis ipsis factam. Quorum enim arbitrio & loquendi lege numerus... vocatus est binarius, ... ternarius, & .... quinarium, eorum arbitrio factum est, ut vera sit propositio : *binarius & ternarius simul sumti faciunt quinarium*. Similiter si meminerimus, quid sit, quod vocatur *furtum* : & quid *injuria*, *scimus* ex ipsis vocibus, an verum sit, *furtum esse injuriam*, necne? *Veritas* idem est, quod *vera propositio* ; *vera* autem est *propositio*, in qua *nomen consequens*, quod vocatur à Logicis *Prædicatum*, completitur amplitudine sua *nomen antecedens*, quod vocatur *subiectum* ; & *veritatem scire*, idem quod, esse eam à nobismet-ipsis ipsa nominum usurpatione factam, *meminisse*. Neque temere olim à Platone dictum est, *scientiam esse memoriam*. Accidit autem interdum, ut voces, etsi certam & ex constituto definitam habeant significationem, usu tamen vulgari, ad ornandum vel etiam fallendum particulari studio à propriis significationibus ita divellantur, ut conceptus, propter quos rebus impositæ fuerunt, revocare in



in memoriam difficultatem magnam habeat, neque nisi acri judicio, & diligentia maximâ superandam, Accidit quoque, plurimas voces nullam habere propriam sive determinatam & eandem ubique significationem, atque intelligi non sua vi, sed signorum aliorum simul adhibitorum. Tertio, nomina quædam sunt rerum inconceptibilium. Earum ergo rerum, quarum ipsa sunt nomina, conceptus nulli sunt. Et propterea propositionum, quas constant, veritatem ex ipsis nominibus frustra quærimus. In his casibus dum considerando vocum definitiones veritatem alicujus propositionis investigamus, prout spes est inveniendi, putamus eam aliquando veram, aliquando falsam. Quorum utrumque scorsim, *opinari* dicitur, atque etiam *credere*, ambo simul *dubitare*. Quando verò rationes nostræ propter quas assentimur propositioni alicui, non *ab ipsa propositione*, sed *à persona proponentis* derivantur, ut quem ita peritum judicamus ut non fallatur, neque causam videmus quare velit fallere; assensus noster, quia nascitur non à nostræ, sed alienæ scientiæ *fiducia*, *Fides* appellatur. Et quorum fiducia credimus, *illis* vel *in illos credere* dicimur. Ex iis quæ dicta sunt, apparet differentia, primum, inter *Fidem* & *Professionem*: illa enim cum assensu interno

semper conjungitur, hæc non semper illa animi persuasio interna hæc obedientia externa est. Deinde inter *fidem* & *opinionem*; hæc enim nostræ rationi innitur, illa alienæ existimationi. Denique inter *fidem* & *scientiam*: hujus enim est propositionem examinatione communitam & mansam lentè admittere; illius autem integram deglutire. Prodest ad scientiam explicatio nominum, quibus id, quod inquirendum est, proponitur, imò unica via ad *scientiam* est, per *definitiones*; ad *fidem* autem nocet hoc. Nam quæ supra captum humanum credenda proponuntur, nunquam explicatione evidentiora, sed contrà obscuriora & creditu difficiliora fiunt. Acciditque homini, qui *mysteria fidei* ratione naturali conatur demonstrare, idem quod ægroto, qui pilulas salubres, sed amaras, vult prius mandere, quam in stomachum demittere; ex quo fit, ut statim revomantur, quæ alioqui devorata eum sanassent.

*Quid sit* . V. Vidimus ergo, quid sit *credere*. *Credere in deum* autem *in CHRISTUM* quid est? *Christum*. vel, *fidei in CHRISTUM* quænam propositio est objectum? Quando enim dicimus: *Credo in CHRISTUM*, significamus quidem, cui, non autem *quid* credimus. Est autem *credere in CHRISTUM* nihil aliud, quam credere, *JESUM esse*

esse CHRISTUM, nimirum ILLUM, qui secundum *Mosis & Prophetarum* Israëliticorum vaticinia venturus erat in hunc mundum, ad *instituentum Regnum Dei*. Id verò satis apparet ex verbis ipsius CHRISTI ad Martham. *Ego sum* (inquit) *resurrectio & vita*, qui CREDIT IN ME, *etiamsi mortuus fuerit, vivet & omnis qui vivit, & CREDIT IN ME, non morietur in æternum. Credis hoc?* Ait illi; *Uti que, Domine, ego credidi, quia TUES CHRISTUS Filius Dei vivi, qui in hunc mundum venisti.* Joh. II. vers. 25, 26, 27. Quibus verbis videmus: CREDERE IN ME, explicari per QUIA TUES CHRISTUS Est ergo credere in CHRISTUM nihil aliud, quam credere ipsi JESU dicenti, se esse CHRISTUM.

VI. Concurrentibus ad salutem fide & obedientiâ, utraque necessario, qualis sit ea obedientia, & cui debita, monstratum est supra art. 3. Articuli autem fidei, quinam requirantur, id nunc inquirendum est. Dico autem, alium Articulum fidei (\*) præter hunc, JESUM ESSE CHRISTUM, homini Christiano, ut necessarium ad salutem, requiri nullum. Distinguendum autem est, ut supra art. 4. inter fidem & professionem. Professio ergo plurium dogmatum (si jubetur) necessaria esse potest; est enim

*Unicum articulum Jesum esse Christum necessarium esse ad salutem, probatur ex scopo Evangelistarum.*

pars *ebedientiæ* legibus debitæ. sed non quærimus jam de *obedientia necessaria* ad salutem, sed de *fide*. Probatur autem primo, ex scopo Euangelistarum, qui erat per descriptionem vitæ Servatoris nostri illum unum articulum stabilire. Sciemus autem, talem fuisse scopum & consilium Euangelistarum, si observemus ipsam historiam. Sanctus Matthæus incipiens à Genealogia ejus, ostendit J E S U M esse ex genere Davidis; natum ex Virgine; cap. 1. à *Magis* ut regem Judæorum adoratum; ab *Herode* eadem de causa quæsitum ad necem, cap. 2. Regnum ejus & à *Ioanne Baptista* & à se ipso prædicatum; cap. 3 4. leges docuisse, non ut Scribæ, sed ut qui haberet auctoritatem; cap. 5, 6, 7. morbos miraculose sanasse; cap. 8 9, *Apostolos* præcones Regni in omnes Judææ partes ad prædicationem Regni dimisisse; cap. 12 nunciis à Johanne quærentibus, an is esset Christus, necne, respondisse, referrent quæ vidissent, nempe miracula, qua in C H R I S T U M solum competerent; cap. 11. Regnum suum argumentis, parabolis, & signis apud Phariseos & alios comprobasse, & declarasse; cap. 12. & seqq. usque ad 21. salutatum fuisse in Regem, cum ingrederetur Jerosolymam; cap. 21. se Christum illum esse, contra Phariseos sustinuisse; alios de

*Pseudo-*



*Pseudo-Christis* præmonuisse; Regnum suum quale esset, parabolis ostendisse; cap. 22, 23, 24, 25. captum & accusatum fuisse eo nomine, quod se Regem esse dixerit; crucique titulum inscriptum, HIC EST JESUS REX JUDÆORUM, cap. 26 27. denique post resurrectionem dixisse *Apostolis*, datam sibi esse omnem potestatem in cælo & in terra: cap. 28. Quæ omnia eo pertinent, ut credamus, Jesum esse illum Christum. Talis erat ergo in describendo Euangelio scopus Sancti Matthæi. qualis autem erat hujus, talis erat cæterorum Euangelistarum; id quod seorsim Sanctus *Iohannes* in fine Euangelii sui expresse habet, *Hæc*, inquit, scripta sunt, ut sciatis, quia Iesus est Christus Filius Dei viventis, Joh. 29. 31.

Dico autem, alium Articulum fidei *Annota-*  
 præter hunc] Assertionem hanc quamtio.  
 novitate sua Theologis plerisque displicere  
 posse video, etsi satis in sequentibus con-  
 firmatam, amplius tamen explicare, operæ  
 pretium esse duxi. Primo igitur cum Ar-  
 ticulum hunc, Jesum esse Christum, so-  
 lum ad salutem necessarium esse dico, non  
 dico, solam fidem ad salutem necessariam  
 esse, sed requiro etiam Iustitiam, sive ob-  
 edientiam legibus Dei debitam, hoc est,  
 voluntatem rectè vivendi. Secundo non  
 nego, quin multorum aliorum articulo-  
 rum

rum professio, si modo professio eorum ab Ecclesia imperetur, ad salutem quoque necessaria sit, sed cum fides interna, professio externa sit, illam propriè fidem, hanc obedientiæ partem esse dico, ita ut articulus ille ad fidem internam, non autem ad professionem Christiani solus sufficiat. Postremò, quemadmodum, si veram & internam pœnitentiam peccatorum, solam, ex parte Iustitiæ, ad salutem necessariam esse dixissem, tamen pro paradoxo habendum non fuisset, quoniam in ea iustitiam, obedientiam, atque animum ad omnes virtutes reformatum contineri intelligimus. ita, cum fidem unius Articuli sufficere ad salutem dico, mirandum minus est, cum in eo tot alii articuli comprehendantur. Nam verba hæc, Jesus est Christus, significant, Iesum esse illum, quem Deus venturum in mundum ad Regnum suum instaurandum promiserat per prophetas, hoc est, Iesum esse Filium Dei Creatoris cæli & terræ, natum ex virgine, mortuum pro peccatis eorum, qui essent in illum credituri; esse Christum, id est, Regem, revixisse (nam alioqui regnaturus non est,) iudicaturum mundum & remuneraturum eorundem opera; aliter enim Rex esse non potest; item resurrecturos esse homines: nam absque hoc ad iudicium venturi non sunt. Itaque unico hoc articulo totum continetur Symbolum

lum Apostolorum: quod tamen sic contrahendum ideo existinavi, quod viderem, propter hunc solum, sine cæteris, qui ex eo per consequentiam deducuntur, permultos tum à Christo, tum ab Apostolis ejus in Regnum Dei admissos fuisse: ut latro in cruce, ut Eunuchus à Philippo baptizatus, ut duo millia hominum ad Ecclesiam à Sancto Petro simul aggregata. Si quibus autem hoc displicet, quod eos omnes, qui articulo qualicunque, ab Ecclesia definito, assensum internum non præbent, (nec tamen contradicunt, sed, si jubeantur, concedunt) non damnatos in æternum censeam, quid illis faciam, nec scio. Nam ut sententiam mutem, Scripturæ Sacræ, quæ sequuntur, testimonia apertissima impediunt.

VII. Secundò probatur idem ex præ-  
 dicatione Apostolorum, erant enim Ex præ-  
dicatione-  
Apostolo-  
rum.  
 Regni præcones, nec Christus eos misit  
 ad prædicandum aliud, quam Regnum  
 Dei: Luc. 9. vers. 2. Actor. 15. vers. 6.  
 Quid autem post Christi ascensionem  
 fecerint, intelligi potest ex eorum accu-  
 satione. Trahebant (inquit sanctus Lu-  
 cas) Iasonem & quosdam fratres ad Prin-  
 cipes civitatis, clamantes: quod hi sunt,  
 qui urbem concitant, & huc venerunt,  
 quos suscepit Iason: & hi omnes contra de-  
 creta Cæsaris faciunt, Regem alium dicen-

*tēs esse Iesum: Act. 17. v. 7. Etiam subje-  
ctum concionum Apostolicarum quale  
fuerit, apparet ex his verbis: De Scri-  
pturis (subaudi Veteris Testamenti) ada-  
periens, & insinuans, quia Christum  
oportuit pati, & resurgere à mortuis, &  
quia HIC EST JESUS CHRISTUS: Act.  
17. v. 3.*

*Ex faci-  
litate re-  
ligionis  
Christia-  
na.*

VIII. Tertiò, ex iis locis, quibus eo-  
rum, quæ à Christo ad salutem requi-  
runtur, declaratur facilitas Nam si ad sa-  
lutem necessariò requiratur assensus ani-  
mi internus veritati omnium & singula-  
rum propositionum, quæ circa fidem  
Christianam hodie vel controvertuntur,  
vel à diversis Ecclesiis diverse definitæ  
sunt, nihil esset Religione Christiana  
difficilius Quomodo ergo verum esset,  
*jugum meum suave est, & onus meum  
leve? Matth. 11. v. 30 &, parvulos in eum  
credere? Matth. 18 v. 6 &, placuisse Deo  
per stultitiam prædicationis salvos facere  
credentes? 1 Cor. 1. v. 21. vel quomodo  
fatis ad salutem instructus fuit latro pen-  
dens in cruce, cujus fidei confessio con-  
tinebatur his verbis: Memento mei, cum  
veneris in Regnum tuum. Vel ipse San-  
ctus Paulus unde tam citò ex hoste do-  
ctor Christianorum fieri potuit?*

*Ex ra-  
tione quod sit  
funda-*

IX. Quarto, ex eo quod articulus ille  
fidei fundamentum sit, neque alii funda-  
mento ipse innitatur. *Si quis vobis dixe-  
rit*



rit: ecce hic est Christus aut illic; nolite <sup>mentum</sup> credere: surgent enim Pseudo-Christi, & fidei.

Pseudo-Prophetae, & dabunt signa magna: &c. Matth. 24. v. 23 Ex quo sequitur, propter fidem hujus articuli, negandam esse fidem signis & prodigiis. Licet nos, aut Angelus de cælo, ait Apostolus, euangelizet vobis præterquam quod euangelizavimus vobis, Anathema sit. Gal 1. 8. Ergo propter hunc articulum neganda esset fides ipsis Apostolis & Angelis, (puto ego & Ecclesiæ) si contrarium docerent. Carissimi, nolite (inquit Sanctus Iohannes) omni spiritui credere, sed probate spiritus si ex Deo sunt, quoniam multi Pseudo-Prophetae exierunt in mundum. In hoc cognoscitur Spiritus Dei; Omnis spiritus qui confitetur JESUM CHRISTUM VENISSE in carne, ex Deo est, &c. Joh 4. Est ergo Articulus ille, mensura spirituum, secundum quam autoritas Doctorum vel recipitur vel rejicitur. Negari quidem non potest, quin à Doctoribus didicerint, omnes qui hodie Christiani sunt, fuisse JESUM, qui ea omnia fecit, quibus Christus esse agnosceretur. non tamen sequitur, eosdem articulum illum doctoribus credere, vel Ecclesiæ, sed ipsi Iesu. Erat enim ille articulus Ecclesiâ Christianâ prior, etsi cæteri omnes posteriores fuerint. Et Ecclesia super illum, non hic super Ecclesiam fundatus est. Matth. 16. v.

18. Præterea ita est articulus ille, *Iesus est Christus*, fundamentalis, ut cæteri omnes dicantur à Sancto Paulo illi super ædificari, *Fundamentum aliud nemo potest ponere præter id, quod positum est, quod est Iesus Christus.* (hoc est, *Iesus est Christus.*) Si quis autem superædificat super fundamentum hoc, aurum, argentum, lapides pretiosos, ligna, fœnum, stipulam, &c. uniuscujusque opus manifestum erit, Si cujus opus manserit, quod superædificavit, mercedem accipiet; si cujus opus arserit, detrimentum patietur, ipse autem salvus erit. 1 Cor. 3. v 11, 12, &c. Ex quibus patet, per fundamentum intelligi articulum hunc, JESUM ESSE CHRISTUM. Non enim superædificatur super personam Christi, aurum, argentum, fœnum, stipula, &c. quibus significantur doctrinæ. Et posse falsas doctrinas fundamento superstrui, nec tamen ut damnentur, qui eas docuerint.

*Ex discer-  
tissimis  
Christi  
& Apo-  
stolorum  
verbis.*

X. Postremo, quod articulus ille solus necessario tenendus sit *fide interna*, evidentissimè ex plurimis Sacræ Scripturæ locis, quocunque interprete, probari potest. *Scrutamini scripturas, quia vos putatis in ipsis vitam æternam habere, & illa sunt: quæ perhibent testimonium de me.* Joh. 5. 39. Intelligit autem Christus scripturas folius Testamenti veteris: nondum enim scriptum erat

erat Testamentum novum. Jam verò testimonium de Christo in veteri Testamento nullum aliud exstat, præter quam quod venturus erat Rex æternus tali loco, talibus parentibus nasciturus talia docturus, & facurus, quibus rebus ut signis dignoscendus erat. Quæ omnia hoc unum testantur, JESUM qui ita natus, ea docuerit & fecerit, esse CHRISTUM. Alia igitur fides ad vitam æternam præter illum Articulum non requirebatur. *Omnis qui vivit, & credit in me, non morietur in æternum: Joh. 11. v. 25.* Credere autem in Jesum, (ut ibidem explicatur) idem est, quod credere JESUM ESSE CHRISTUM. Qui ergo id credit, non morietur in æternum, & per consequens, articulus ille solus est ad salutem necessarius. *Hæc scripta sunt, ut credatis, quia JESUS EST CHRISTUS Filius Dei, & ut credentes vitam habeatis in nomine ejus: Joh. 20. v. 31.* Quare, qui sic credit, habebit vitam æternam; neque ergo opus habet aliâ fide. *Omnis spiritus, qui confitetur Iesum Christum venisse in carne, ex Deo est: 1 Joh. 4. v. 2.* & *omnis spiritus, qui credit, quoniam JESUS EST CHRISTUS, ex Deo natus est: 1 Joh. 5. v. 1. &: Quis est, qui vincit mundum, nisi qui credit, quoniam JESUS EST Filius Dei? 1 Joh. 5. v. 1.* Si igitur non sit opus aliud credere, ut quis sit ex Deo,



natus ex Deo, & ut vincat mundum, quam JESUM ESSE CHRISTUM; unicus ille articulus sufficit ad salutem. Ecce aqua, quid prohibet me baptizari? dixit autem Philippus: si credis ex toto corde, licet. Respondens ait: Credo, Filium Dei esse Iesum Christum. Act 8. v, 36, 37. Si quidem ergo articulus ille ex toto corde, hoc est, fide interâ creditus, sufficit ad Baptismum, sufficit etiam ad salutem. Præter hæc loca, alia innumera sunt, quæ idem clarè & expresse affirmant. Imò ubicunque legimus, Servatorem nostrum cujuspiam fidem laudasse, vel dixisse, *Fides tua te salvum fecit*, vel sanasse quempiam propter fidem, ibi propositio credita alia non erat quam hæc, IESUS EST CHRISTUS, vel directè, vel per consequens.

In eo articulo-  
contineri  
fidem  
veteris  
Testa-  
menti.

XI. Quoniam autem credere Iesum esse Christum nemo potest, qui, cum sciat, per Christum intelligi Regem illum, qui à Deo promissus est per Moysen & Prophetas in Regem & Servatorem mundi, non credat etiam Moysi & Prophetis, neque credere his possit, qui non credit Deum & exsistere, & mundum gubernare, contineri necesse est fidem illam de Deo & de veteri Testamento, in fide hac Testamenti novi. Cum ergo in regno Dei per naturam crimen læsæ Majestatis divinæ, solus esset Atheismus, & negatio Providentiæ  
divinæ;



divinæ; in regno autem per Pactum vetus, etiam Idololatria; jam in regno per pactum novum additur etiam *Apostasia*. *Fides & obedientia quomodo concurrant ad salutem.* sive renunciatio hujus semel recepti articuli, *Iesum esse Christum*. Cæteris doctrinis, si modo à legitima Ecclesia definitæ fuerint, non est sanè contradicendum: est enim peccatum inobedientiæ; obedientia autem ad salutem necessaria est. Cæterum ut credantur *fide interna*, ostensum est ampliter in proximè antecedentibus, necessarium non esse.

XII. Partes in salute Christiani perficienda *Fides & Obedientia* diversas habent. hæc enim *potentiam* sive *capacitatem* contribuit; illa *actum*. Atque utraque suo modo justificare dicitur. *Christus* enim non omnibus, sed *pœnitentibus*, sive *obedientibus* hoc est, justis (non dico *infontibus*, sed *justis*; *justitia* enim est voluntas obediendi legibus, & convenire in peccatorem potest; voluntas autem obediendi, obedientia est apud Christum) peccata remittit. Non enim quilibet, sed *justus ex fide vivet*. *Iustificat* ergo *Obedientia* quia *facit justum*, eo modo, quo *Temperantia* facit *temperatum*, *Prudentia* *prudentem*, *Castitas* *castum*, nimirum essentialiter: constituitque hominem in eo statu, ut veniæ capax sit. Rursus *Christus* non omnibus justis peccata condonare

nare pomisit, sed *solis credentibus ipsum esse Christum*. *Iustificat* ergo fides, eo sensu, quo *justificare* dicitur iudex, qui *absolvit*; nimirum per *sententiam*, quæ *actum* salvum facit. Atque in hac acceptione justificationis (est enim vox æquivoca) *justificat fides sola*; in illa autem *sola obedientia*; sed neque *justitia sola*, neque *fides sola salvificat*, sed simul ambæ.

In civitate Christiana, nullam esse repugnantiam inter mandata Dei & civitatis.

XIII, Ex iis quæ hætenus dicta sunt, facile erit perspicere, quid sit officium civium Christianorum erga summos imperantes. Qui quamdiu Christianos esse se profitentur, subditis suis, ut Christum negent vel contumeliâ afficiant, imperare non possunt; nam si hoc imperarent, profiterentur, se non esse Christianos. Cum enim ostensum sit, & ratione naturali, & ex Scripturis sacris, oportere cives principibus rectoribusque summis civitatis in omnibus obedire, præterquam in iis, quæ sunt contra mandata Dei; & mandata Dei in civitate Christiana, circa *temporalia* quidem, (id est, ea quæ ratione humana examinanda sunt) leges esse & sententias civitatis, prolatas ab iis, quibus legum ferendarum controversiarumque judicandarum autoritas à civitate commissa est; circa *spiritualia* verò, (id est, ea quæ per Scripturam Sacram definienda sunt) leges esse & sententias civitatis, hoc est Ecclesiæ, (nam civi-

civitas Christiana & Ecclesia, ut ostensum est cap. præcedente, art. 2<sup>o</sup> eadem est res) prolata à Pastoribus ritè ordinatis, & qui à civitate in eam rem auctoritatem acceperunt; sequitur manifeste, in civitate Christiana, obedientiam deberi summis imperantibus, in rebus omnibus tam *spiritualibus*, quam *temporalibus*. Imperantibus autem non Christianis, in *temporalibus* quidem omnibus eandem deberi obedientiam, etiam à cive Christiano, extra controversiam est; in *spiritualibus* verò, hoc est, in iis quæ pertinent ad modum colendi Dei, sequenda est *Ecclesia aliqua Christianorum*. Et enim Deum non loqui in rebus supernaturalibus, nisi per Scripturæ sacrae interpretes Christianos, fidei Christianæ est hypothesis. Quid autem? an principibus resistendum est, ubi obediendum non est? Minimè sane; hoc enim contra pactum est civile. Quid ergo agendum? Eundem ad Christum per martyrium. Quod si cui dictu durum videatur, certissimum est, eum non credere ex toto corde. JESUM ESSE CHRISTUM *Filium Dei viventis*, (cuperet enim dissolvi, & esse cum Christo,) sed velle simulatâ fide Christianâ pactam civitati obedientiam eludere.

XIV. Mirabitur autem forte quis- *Doctrinae*  
piam, si excepto uno articulo, JESUM ES- *qua hodie*



*contro-  
vertuntur  
de religio-  
ne, spe-  
tare  
plerasque  
ad jus re-  
gandi.*

SE CHRISTUM, qui necessarius est ad salutem de fide interna, cæteri omnes pertineant ad obedientiam tantum, quæ quidem præstari potest, etsi quis non internè credat (modo cupiat credere, & externè profiteatur, quoties opus est) quæcunque ab Ecclesia proponuntur; unde factum sit, ut tot sint hodie dogmata, quæ dicuntur omnia ita de fide esse, ut nisi ea quis credat internè, intrare in Regnum cælorum non possit. Quod si idem consideret, in plerisque controversiis certamen esse de Regno humano, in aliquibus de quæstu, in aliquibus de gloria ingeniorum, minus mirabitur. Quæstio de *Ecclesiæ proprietatibus*, quæstio est de *jure imperii*. cognito enim, quid sit *Ecclesia*, cognoscitur unà, cujus sit imperium in Christianos. Nam si quælibet civitas Christiana, Ecclesia illa sit, quam omnem Christianum illi civitati subiectum audire præcepit ipse Christus, tum civis quilibet tenetur civitati suæ, hoc est ei vel iis obedire, quorum est imperium summum, non modo in *temporalibus*, sed etiam in *spiritualibus*. Sin quælibet civitas Christiana non sit Ecclesia illa, tum est aliqua alia Ecclesia universalior, cui oportet obedire. Omnes igitur Christiani illi obedire debent, sicut obedi-  
rent Christo si veniret in terras. Imperabit ergo illa vel per Monarcham, vel per  
cœtum



cœtum aliquem. Quæstio itaque est de *jure imperii*. Eodem spectat quæstio de *infallibilitate*. quisquis enim verè & internè crederetur ab universo genere humano non posse errare, certus imperii, tam temporalis, quam spiritualis esset, nisi ipse nollet, in universum genus humanum. si dicat enim, obediendum sibi esse in *temporalibus*, eo quod putatur non errare, tale imperii jus ei conceditur. Eodem spectat privilegium interpretandi Scripturas. Cujus enim est controversias, quæ ex diversa Scripturarum interpretatione oriri possunt, determinare, ejus est omnes simpliciter controversias determinare. cujus autem est hoc, ejusdem est imperium in omnes, qui agnoscunt, Scripturas esse Verbum Dei. Eodem spectat disputatio de *potestate remittendi & retinendi peccata*, sive de *autoritate excommunicandi*. Unusquisque enim, si mentis compos sit, obediens in omnibus simpliciter ei, cujus arbitrio credit se salvandum aut damnandum esse. Eodem spectat potestas *instituen- di societates*. ab eo enim dependent, per quem existunt, qui quot Monachos, tot habet subditos quamquam in civitate hostium, Eodem spectat quæstio de *judice legitimi Matrimonii*. Cujus enim est judicatio ea, ejus quoque est cognitio causarum de hæreditate & successionibus

fione in omnia bona & jura, non modo privatorum hominum, sed etiam summorum Principum. Eodem quodammodo spectat *Cœlibatus Ecclesiasticorum*. Cœlibes enim minus quam cæteri cohærent cum reliqua civitate. Et præterea incommodum non contemnendum est, necessarium esse Principibus vel Sacerdotium (quod magnum est vinculum civilis obedientiæ) amittere, vel regnum hæreditarium non habere. Eodem quoque spectat *Canonizatio Sanctorum*, quam Ethnici *Apotheosin* appellarunt. nam qui subditos alienos tanto præmio allicere potest, talis gloriæ avidos ad quid libet audendum & faciendum inducere potest. Quid enim nisi honorem apud posteros quæsierunt Decii, alique Romani, qui se devoverunt, & mille alii, qui in pericula incredibilia se conjecerunt? Controversiæ de *Purgatorio* & *indulgentiis*, de quæstu sunt. Quæstiones de *libero arbitrio*, de *justificatione*, de modo recipendi *Christum in Sacramento*, Philosophicæ sunt. Sunt & quæstiones de ritibus non introductis, sed relictis in Ecclesia non satis purgata à gentilissimo: sed non est opus plures enumerare. Sciunt omnes, eam esse naturam hominum, ut dissentientes de quæstionibus, ubi agitur de *potentia*, vel *lucro*, vel *præstantia ingenii*, alteri alteros conviciantur & anathematiz-

matizent. Non est ergo mirum, si dogmata fere omnia, postquam in caluerint homines disputando, dicantur ab his vel illis, *necessaria* esse ad ingressum in Regnum Dei, non modò ut contumaciæ nomine damnentur, qui ea non concedunt, id quod post Ecclesiæ sententiã verum est, sed infidelitatis: quod falsum esse ostendi supra ex pluribus evidentissimis Scripturæ locis; quibus addo hunc sancti Pauli: *Qui manducat, non manducantem non spernat; qui non manducat, manducantem non iudicet. Deus enim illum assumpsit. Alius iudicat diem inter diem; alius autem iudicat omnem diem: unusquisque abundet in suo sensu. Rom. 14. v. 3. 6.*

F I N I S.



786354

